

fi me

Et d annuncia

HD-

MED

Not collected





John Carter Brown
Library
Brown University

JOHN CARTER BROWN
LIBRARY

Purchased from the
Trust Fund of
Lathrop Colgate Harper
LITT. D.

67-101 FF





GEORGII ALBERTI HAMBERGERI

PHIL. NATVR. ET MATHEM. PROF. PVBL. ATQVE
ALVMNOR. DVCAL. INSPECTORIS
IN ACADEMIA IENENSI

FASCICVLVS

DISSERTATIONVM
ACADEMICARVM

PHYSICO - MATHEMATICARVM

ANTEHAC SEORSIM EDITARVM



J. W. Litter.

J E N A E

TTIS ET SVMTIBVS GOLLNERIANIS.

A. C. MDCCVIII.

THE NEW YORK PUBLIC LIBRARY

ASTOR LENOX AND TILDEN FOUNDATIONS

100 N. 5TH ST. N. Y. C.

EXHIBITION

ACADEMIC


ARTS AND SCIENCES




1893

LIBRARY

MADE IN U.S.A.



LECTORI BENEVOLO
SALVTEM



*D*issertationes Academicæ
plerumque iniquius ex-
periuntur fatum. Et si
enim non raro argumen-
ta comprehendant selecta,
singulari pertractata cura, quæ alibi
frustra quæstiveris, quod peculiarem
tractatum majoris molis non postulent,
in systematibus vero, ob cumulum ma-

teriarum, vix obiter tangantur; quia
tamen in tabernis librorum, vel ob id
solum, quod disputationum nomen fe-
rant, non reperiuntur, nec inseruntur
Catalogis publicis Nundinarum; in pau-
cissimorum virorum doctorum notitiam
veniunt, citiusque insuper emtorum
oculis eripiuntur quam earum fama
ad regiones remotiores pertingit, quia
ordinarie pauca exemplaria, varias ob
causas, exscribuntur typis. Unde for-
san plures se subducerent labori paucis
profuturo, nisi aliquid dandum commodo
studiosæ Juventutis. Alii igitur, ut &
publico servirent, & ab interitu vindi-
carent curas non nunquam utilissimas,
ejus-

*ejusmodi dissertationes, sive ab aliis vi-
ris eruditis, sive a se ipsis elaboratas,
jamque frustra quæsitæ, in majus vo-
lumen congestas denuo publici fecerunt
juris, ut hoc saltem habitu in officinas
librarias admitterentur. Mibi, ut ali-
quas mearum lucubrationum in hunc
colligerem fasciculum, præcipua causa
extitit, quod plures id a me desiderarent
amici, quodque intelligerem quasdam
etiam me invito alibi denuo prelo desti-
nari. Pristinum earum habitum ob
varias rationes mutare nolui, nec, si vo-
luissem, per alias occupationes licuisset.
Unde non nisi paucissimas lineas, aut et-
iam verba, majoris illustrationis gratia,*

uni & alteri inserui. Ut vero hoc ce-
um rem litterariam juvandi studium
æqui bonique consulas, enixe rogo.
Vale.



ELENCHVS

DISSERTATIONVM ACADEMICARVM

HOC FASCICVLO COMPREHENSARVM.

1. De DEO ex inspectione Cordis
demonstrato. pag. 1.

RESP.

Georgius Fridericus Beer,
Onoldo - Francus.

2. De Epochæ Christianæ ortu &
auctore. pag. 37.

RESP.

Conradus Philippus Redekerus,
Angrivar. Sparenbergicus.

3. De Iride Diluvii. pag. 101.

RESP.

Christianus Seyfried,
Innenfis.

4. De opticis oculorum vitiis. pag. 157.

RESP.

Adamus Bethmannus Bernhardi,
Alsted. Saxo-Palatinus.

5. De

5. De Hydraulica. pag. 221.

RESP.

Andreas Seidelius,
Culmbaco - Francvs.

6. De Frigore. pag. 293.

RESP.

Johannes Casparus Mullerus,
Jenensis

7. De Barometris. pag. 413.

RESP.






Johannes Crugerus,
Sprembega - Lusatus.

8. De Basi computi Ecclesiasti-
ci. pag. 469.

RESP.

Johannes Laurentius Hafsfurter,
Baruthinus.









I. N. I.

EX quo in circulo sanguinis conspiciua Mathesis divina, Harveo facem præferente, detecta erat, hominesque mirabantur, problema de perpetuo Mobili, quod huic usque omnium Artificum industriam elusit, in cuiusvis corpore dudum fuisse solutum; tanto maiori animorum contentione quærebant machinam istam, cuius ope stupendum hoc artificium perficeretur, quanto arctiori nexu humanam vitam cum circulo sanguinis videbant copulatam, ita ut cum eodem staret, caderetque ipsa salus humana. Nec infelici successu tandem deprehendebant, Cor esse mirandum illud organum, quod pabulo corpori universo circulatim distribuendo destinaverit divina providentia, cum omnibus requisitis, quæ ad hunc laborem sustinendum desiderantur, abunde sit instructum. Quoniam igitur Deus per hoc instrumentum in nos momentis singulis tot beneficia, quot in corpore effundit guttas sanguinis; existimavimus copiosissimam materiam, ingenium aque ac pietatem exercendi, nobis suppeditari, si fontem hunc, ex quo ipsa vita nostra cum sanguine per totum corpus dimanat, oculo curiosiore perlustremus, indeque arripiamus occasionem demonstrandi existentiam optimi Numinis, ejusque sapientiam ac potentiam (qui primarius

A

scopus

scopus omnis genuinæ Philosophiæ esse debebat,) plenius buccis deprædicandi. Equidem egregiam operam nobis hac in re navavit recentiorum Anatomicorum, quos inter Richardus Lovverus hac in causa agmen ducit; labor improbus; vix enim quicquam in scaturigine hac adeo poterat abscondi, quod lynceis eorum oculis se subduxerit. Eorum proinde ductum, mutato licet paulisper habitu & ad scopum nostrum magis accommodato, hic bonam partem sequemur.

Fig: 1. 2.
3. 4.

Enimvero Hydracontisterium æmulatur cor, vel potius perfectissimum ejus sistit exemplar, quod ars pro viribus nititur imitari. Indicatur autem hoc nomine antlia ejaculando liquori, ad extinguenda incendia aliosve usus, dicata. Quæ licet quoad figuram externam partiumque dispositionem innumeris queat variari modis, prout ex Fig. 1. 2. 3. 4. patescit, quantenus necessario tamen requirit ventrem a duobus præditum orificiis *b*, *c*, altero quidem pro liquore admittendo, altero autem pro eodem ejiciendo, quæ singula muniuntur Valvula quadam *d*, *e*, Ventile vocant, ita parata, ut in illo intro, in hoc foras queat aperiri, eum in finem, quo prior ista valvula liquori, pro replendo ventriculo, liberrimum concedat ingressum, exitum verò per eandem portam præcludat penitus; posterior autem eidem presso atque fores quærenti, sponte quasi se aperiat, at regressum tentanti, clauso arctè orificio suo, eum deneget. Machina enim sic constructa, si ad expellendum liquorem latera ventriculi, more in follibus consueto, ab externa vi comprimantur, vel pistillo *f*, unà cum embolo *g*, intruso tota ejus cavitas expleatur, vel alia ratione (neque enim præ-

præsentis loci est enarrare omnes varietates) liquori intercipiatur spatium, tunc in omnes elabendi vias irrucens, valvulam extus intro spectantem ipsemet validissime ostio suo affigit, alteram contra impetu facto facile aperit, atque ita, suum executurus officium, quâ data portavit. Ex adverso autem, lateribus ventriculi rursus diductis pistillove retracto, liquor utrumque orificium extrinsecus ambiens, spatiumque vacuum magno nisu occupaturus, valvulam extrorsum aperundam, per quam antea ejectus erat, suo impulsu claudit, oppositamque hiantem coacervatim subintrat, & concessum implet locum, mox inde, quocunque placuerit, denuo expellendus; cum è contra si per utrumque ostium liberè fluere & refluxere posset, labor omnis foret inanis. Quod si vero liquor ad insignem distantiam est ejaculandus, motum ac impetum ejus multum adaugebit velocitas ac robur virium eum undique urgentium; major item ventriculi capacitas, nec non foraminis, per quod precipitandus liquor, angustia, una cum arctiore ac debite longitudinis canali eidem præfigendo. Omnis siquidem impetus ac vehementia motus, quæ in liquoreprehenditur, dependet à viribus premantibus; Quantò igitur hæ sunt robustiores, tantò insigniores edunt effectus, modò sua tarditate illi tantum non concedant moræ, ut lentè se subducendo earum vim eludat. Possunt autem istæ tantò magis robur suum exercere, quantò major est ventriculi, in ordine ad ejus orificium, capacitas. Nisus enim integræ liquoris columnæ impressus, circa ostium velut in centro concurrat, per quod proinde, viribus ita in

unam collectis, exturbatur, impulsuque insuper per canalem longiorem aliquoties repetito vehementer incitatus, in spatium majus motu haut leviter aucto evolat; similem planè in modum, quo fluvium quàm diu per spatiosa incedit litora, lento ac quieto gradu progredi observamus, si verò arctioribus constringitur limitibus, cursu ferri tantò magis accelerato, quantò angustior longiorque est canalis, per quem transire cogitur, quantòque major aquæ copia à tergo urget. Si denique ejaculatio ista iteratis sæpè vicibus, absque tamen interstitio notabili, est continuanda; juxta proportio esse debet inter ventriculum ejusque orificia, præfertim illud, quod liquorem immittit. Hoc enim si angustius existat, non solum æquali ferè nisu opus est, ad celeriter explicanda latera ventriculi contracta, aut extrahendum embolum, quàm ad constrictionem vel intrusionem requirebatur, idèò, quòd ea, quæ ventriculum extrinsecus circumstant, non concedant majus in eo spatium, quàm liquor per arctum foramen parcius admissus potest occupare, adeoque, si amplius distendere conaris, omni modo resistent; sed & mora intercedat haud exigua, donec capacitas ejus justo major repleatur.

Quicquid autem artificii in Hydracontisterio occurrit, illud omne in excellentiori longè gradu in corde offendens. Ad sunt ventriculi, cum orificiis ac vasibus sanguinem vehentibus ac revehentibus, juxta per omnia magnitudinis, præfixa his valvulæ pro admittendo, sicubi opus erit, excludendoque sanguine, paratæ. Ad sunt præterea vires ventriculos comprimentes, iterumque dilatantes, & quæcunque insuper ad

ad perfectionem ejusmodi machinæ spectant. Ut verò pateat prærogativa ingens nostræ hujus Machinæ naturalis præ omnibus aliis artificialibus, eundem per partes, ostendendumque miram esse earum inter se harmoniam, exactissimam item proportionem ad finem sibi præfixum, adeoque ex omnibus elucere sapientiam plus quam humanam, imò planè divinam.

Ac primum equidem, utut animalcula minora, unico cordis ventriculo jubeantur esse contenta, in majoribus tamen, quæ ad continuandam vitam majori sanguinis calore, adeoque & motu vehementiore opus habent, duobus ventriculis, interjecto septo transverso distinctis, cor est instructum. Duplicatis enim hac ratione fibris motricibus, quæ tamen, velut con-
spiratione quadam facta, systolen & diastolen, seu compressionem & dilatationem, per omnem vitam simul exercent; motus, junctis ita viribus, non solum multum facilitatur & intenditur, sed insimul quoque alia ratione circulationi consulitur. Si enim sanguis, absoluto jam pene circulo, per sinuosam pulmonum substantiam, antequam cor accederet, transire debuisset, nimium ibi fuisset refrigeratus ac debilitatus; si verò cor jam egressus primum impetum in pulmones fecisset, eadem de causa ibi multum retardatus, vix circuitum suum debito cursu potuisset perficere: nunc verò, cum ex tota corporis circumferentia redux, in dextrum cordis ventriculum, velut in centrum commune undique per venam cavam confluat, novo inibi impetu instructus, per sinus pulmonales facilè penetrat; lassus autem in sinistrum delatus, redintegratis isthic viribus reliquam ingreditur viam.

Cum vero haud parum interfit, sanguinis motum esse æqualem & sine interstitio continuum, ne scilicet, si alicubi majores agat moras, congrumescat, atque ita per canales angustiores transire nequeat; tanta debebat esse ventriculorum cordis in quovis animali capacitas, ut in nictu oculi & repleti & evacuari possint. Quo ipso arterias quoque cum venis atque orificiis cordis ampliores, habito ad ventriculos respectu, esse decebat. Quantum autem præcise sit ventriculorum spatium, non potest definiri, quandoquidem, uti corpora, ita quoque corda animalium, nec non vasa sanguifera, magnitudine differunt. In homine tamen adulto censent nonnulli ventriculum quemvis duas continere uncias. Equidem si capaciores fuissent ventriculi, aut orificia vasaque restrictiora, majori impetu & in spatium longius explodi sanguis potuisset. Enimverò ita motus ejus non solum nimis fuisset violentus, sed & majus requisivisset cordis robur, vasaque mollia, sanguinem ferentia, perpetuæ tensioni cum dolore conjunctæ, & si aliunde comprimerentur, ipsi ruptioni adeoque totum corpus suffocationi, fuissent exposita. Ut taceam, talem apparatus majorem moram pro implendo & exonerando corde postulaturum, quin mechanicæ ejus fabricæ planè contrarium futurum, adeoque motum ipsius inde (cui infra ostendemus) pendentem, penitus destruciturum fuisse. Pari modo, si minor esset ventriculorum magnitudo, tantam copiam sanguinis, quanta ad motum continuandum vasaque explenda opus foret, suppeditare haud possent. Nunc verò cum proportionem modò dicta sint præditi, sanguinem per orificia

ficia multum minora vi ejiciunt, ictuque toties iterato, & sanguine succedente in præcedentem, utpotè intra canales longos & angustos fluentem, novum semper impetum faciente, tantum ei motum imprimunt, qui ad emetiendam viam præscriptam sufficit. Superat quoque aliquantum dexter sinistram capacitatem, quoniam exigua pars sanguinis, quem ille emittit, nutritioni pulmonum cedit, nec ad sinistram defertur.

Uti verò numerus ac magnitudo ventriculorum scopo eorum aptè responderet, ita non minus eorundem figura ei est proportionata. Quod si enim forma eorum fuisset sphaerica, cubica, aliave quæ ad sphaeram accederet propius, nunquam ita potuissent comprimi, ut omnem sanguinem, ad prohibendam putrescentiam, interciperent locum, quod tamen per figuram eorum oblongam pluribus hiulcis distinctam, non solum commodissimè obtinetur, sed & cum longitudo eorum opponatur orificijs, hoc ipsum præstat cum insigni virium incremento, ceu ex cordis modo constringendi, infra prolixius exponendo, constabit abunde.

Cum verò uterque ventriculus in sua basi gemino orificio sit instructus, utrique quidam velut janitor erat præficiendus, quorum alter officium suum exerat in recipiendo ac retinendo, alter autem in emittendo excludendoque sanguine, ne scilicet per utrumque orificium, utpote in eadem superficie constitutum, fluat refluatque, & hoc ipso omnem cordis laborem frustratur. Novimus omnino, plerasque antlias arte factas in hoc casu laborare, dum vel liquorem non promptè satis admittunt, admissumve non fideliter custodiunt, vel segniores sunt in concedendo egressu, aut regressu impedi-

impediendo; vitio in valvarum elatere, pondere & materia, plerumque hærente. Atinantiæ nostræ naturali hîc quoque omnia exactè conspirant. Cùm enim Vena cava in dextro, & arteria venosa in sinistro ventriculo sanguini afferendo dicatæ sint, utriusque ostia undique ambiunt quædam membranæ, circa marginem ventriculorum enatæ, & à figura Tricuspidæ appellatæ, *d*, quæ hoc suo officio funguntur felicissimè. Excrescunt siquidem multumque eminentè superficiè interna, dextri quidem ventriculi, papillæ seu carunculæ quædam teretes & oblongæ, sinistri autem, columnæ carneæ, *e*, quarum summitates per fibras quasdam tendinosas, *f*, junctæ sunt iis membranæ Tricuspidibus, quæ in opposito ventriculi latere sunt constitutæ. Dumque ita dictæ membranæ per has fibras perpetuo expanduntur, non possunt corrugari aut suo adhærere parieti, sed potius ab ea parte ventriculi, cui adnascuntur, semper aliquanto distant spatio, indeque sanguis ingestus protinus se inter eas & cordis parietes insinuat, atque ita, quam primùm regurgitare & exitum querere incipit, valvulas has allevat ac orificiis, quibus claudendis natæ sunt, imponit; cum alias laxæ atque flaccidæ dependentes, aut cum papillis & columnis non tam oppositis, quàm sibi subiectis colligatæ, atque ita lateribus Ventriculi propius admotæ, nec à sanguine loco moveri, nec ei per ostium inconueniens erumpenti obesse possent. Nunc. verò cùm in omni systole seu compressione Cordis, Mucro ejus ad basin propius admoveatur, papillæ atque columnæ unâ elevatae fibras suas, quasi lora multum relaxata, remittunt, quo evenit, ut membranæ, quibuscum sunt connexæ, liberè

liberè ac laxè in sanguine velut natantes, ab hoc in omni cordis systole sursum propulso, quasi vela à vento impleta, simul attollantur, quousque per fibras sibi affixas licet: hæ verò, cum iustæ sint longitudinis, eò usque solum cedunt, donec membranæ undique extensæ & contactu mutuo arctissimè cohærentes, ostia venarum exactissimè obturant, & sanguinem potius per arterias effluere cogunt. Hoc autem ejecto, mucro cordis per diastolen pristinum ac naturalem occupat locum, papillasque & columnas simul à basi retrahit, quæ per fibras his conplexas membranas ab ostijs recedere, atque novo sanguini ab auriculis infundendo, patulas præbere jubent fores, donec ventriculi rursus impleantur laborque actus redeat in orbem. Quæ omnia magis patebunt ex inspectione Fig. 5. Lovverianæ quæ nobis exhibet internam sinistri ventriculi humani faciem una cum expansa vena pulmonali *a*, & auricula *b*, aliisque huc spectantibus.

Nec minori artificio cautum est, ne sanguis per venam arteriosam in pulmones, aut è sinistro ventriculo per arteriam magnam in reliquum corpus emissus, eadem via relabatur. Hunc enim in finem utriusque ventriculi ostium munitum est tribus valvulis *b*, quæ à figuræ aliquâ similitudine Semilunares nuncupantur & Fig. 7. in trunco arteriæ magnæ discisso *a*, exprimuntur. Sunt enim ventrosæ spectatq; earum cavitas extrorsum, gibbus autem introrsum ac versus cor, &, si ab immisso sanguine intumescunt, figuram exhibent ferè hemisphæricam. Hæ cum molles sint &, quæ cor respiciunt, nullis alligatae fibris, sanguini in cordis systole prorumpenti, lubentissime cedunt nec minimam re-

Fig: 7.

B

moram

Fig: 8.

moram ponunt ; ubi verò , regurgitatione facta , cursu retrogrado pristinos lares , cordis scilicet ventriculos , petere conatur , primum impetum experiuntur dictæ modò valvulæ ; harum autem ventre , utpote extrorsum hianti , protinùs repleto , turgidæ se contingunt , & prope coeunt , atque hac ratione ostia cordis prorsus obstruunt , eum in modum , quem ostendit Fig. 8.

Nihil huc usque spectavimus quod non insignem spiret sapientiam. Omnia enim fini suo sunt proportionata , officioque sibi imposito satisfaciunt ad amissim. Uti vero ars imitando isthæc utcunque adumbrare vallet , ita si ad ipsum movendi , comprimendi ac dilatandi modum perventum est , omnes ejus vires deficiunt in totum. Hic siquidem omnium maximè prodit se imperfectio artefactorum , quòd nova machina extrinsecus admota , aut certè ingenti vi externa , opus sit ad comprimendos ventriculos , vel intrudendum pistillum , pro liquore ejiciendo. Cor autem musculus est , quod fibrarum ordo , tendines , nec non motus ratio , mox distinctius explicanda , abunde probant. Cum enim omnis musculus constet ex pluribus fibris carnis sibi fere parallelis , quæ per innumeras alias membranas & subtilissimas , sibi pariter parallelas , transversim hinc inde copulantur , ac utraque sua extremitate tendinibus ad obliquos , æquales tamen , angulos inferuntur , atque hoc modo quoddam quasi parallelogrammum constituunt ; sic eadem hæc omnia in corde occurrunt. Nec obstat , quod reliqui musculi instrumenta sint motus spontanei. Uti enim hoc parum ad naturam musculorum facit , ita , cum isti quoque dormientibus æque

æque ac vigilantibus nobis sæpe munus suum obeant, de mentis imperio parum solliciti, nihil impedit, quo minus musculus existat, qui solum naturalem motum exerceat, nec ulla in parte animæ mandatis sit subiectus. Ut ut vero adhuc sub lite sit, quo pacto musculi moveantur, istud tamen extra dubium est, & ipsa experientia comprobatum, quod non indigeant machina aut externa vi comprimendi, quin potius principium motus habeant in seipsis. Cum autem cordis musculus tum muneris ratione, tum etiam structura à reliquis multum differat, hinc, ut artificium tanto magis pateat, singula seorsim erunt contemplanda.

Ipsa vita salusque corporis nititur cursu sanguinis satis accelerato. Quod si enim tardius incedit, non solum frigescit, sed & grumescit, atque obstructis venis proflus sistitur. Enim vero dum per corpus universum penetrat, totque labyrinthos ac canales angustissimos perreptat, multum omnino a vigore suo remittit: ne igitur lento nimis gradu ad cor accedat, & ventriculos ejus iusto tardius implendo id efficiat, ut cordis motus vel turbetur, vel omnino cesset, (si enim cor non solum in ictu suo frustratur, sed & caret impellente, omnino deficiat necesse est,) de eo erat prospiciendum, ut sanguis ante accessum novo impetu excitatus celerius cor subintret. Atque hic primo loco sistunt se duo sanguinis receptacula a figuræ aliqua analogia Auriculæ dicta (quorum sinistrum per *b* indicatur Fig: 5.) iisque Fig: 5. orificiis cordis immediate præfixa, quibus uterque ventriculus accipit sanguinem. Muscularis substantiæ est utraque, intus fere in retis formam fibris crassis (vid: Fig: 9. quæ monstrat auriculæ sinistrae faciem in-

ternam sub forma paulo majore,) simiarum digitos in majoribus animalibus mole adæquantibus, contexta. Terminantur hæ fibræ utrinque in tendines; altera enim sua extremitate inferuntur tendini *a*, qui ostia cordis ambit, altera autem desinunt in circulum nervosum *b*, venæ cavæ proximum. Iste auriculæ alternis cum corde vicibus motus suos exercent; dum enim hoc in expellendo sanguine occupatur, illæ contra in suos sinus eum aliunde adventantem recipiunt, & postquam cor se iterum dilatat, illæ, contractione facta, cum impetu se in ventriculos exonerant. Ex quo manifestum est, officium earum in hoc consistere, ut motum sanguinis accelerent, quo cor eum facilius admittat, & ventriculi citius impleantur; ad quod istud quoque aliquid conferre potest, quod auriculæ compressionem suam tendines, qui ostia cordis cingunt, eo momento attollunt, quo valvulæ, eadem ostia obturantes, per fibras caruncularum sibi connexas inde retrahuntur deorsum: diducto enim hac ratione ostio, ingressus multum facilitatur.

Sed hæc solum præparamenta sunt motus, cujus potissima ratio ex ipsius cordis structura atque substantia, quam supra itidem muscularem esse probavimus, petenda venit. Quemlibet vero, qui cor bubulum bene coctum excarnare tentat, *avolvia* abunde docet, deprehendi isthic tendinem satis validum, marginem cordis circa ostia ejus undique ambientem, in quem fibræ carneæ substantiam cordis constituentes inferuntur. Cumque duplicis generis sint fibræ cordis, quarum aliæ externam, aliæ vero superficiem ejus internam, seu partem cavitati ventriculorum proximam, absolvunt;

hæ

hæ quidem viam affectant istis prorsus contrariam, utraq; tamen in tendinem modo dictum ductu parallelo ad angulos obliquos definunt. Etenim quod concernit ventriculum dextrum, pauca quidem ab ejus fibris externis sunt excipiendæ, quæ per extimam ejus superficiem via recta tendunt sursum; attamen quæ rectis istis proxime sunt subjectæ, a sinistro latere versus dextrum oblique ascendentes, in basi cordis tendinibus supra dictis eodem modo infiguntur, atque ita spirali suo circuitu helicen seu cochleam aptissime exprimunt. Quæ omnia satis ostendit Fig: 10. in qua *a* significat cordis basin, *b* ejus conum, *c* fibras externas dextri ventriculi, *d* externas sinistri, *f* autem commune ventriculorum interstitium. Internæ vero, quæ has immediate excipiunt atque contingunt, contrariæ prorsus insunt viæ. Siquidem a dextro cordis latere prodeuntes oblique versus sinistram assurgunt, & utrumque ventriculum cingentes, ubi ad basin sinistri lateris pervenerunt, terminantur in tendines, atque ita alteram helicen inverfi ordinis repræsentant. Neque alia est conditio fibrarum tum internarum, tum externarum, quæ sinistro ventriculo sunt propriæ. Hæ siquidem a tendine baseos exortæ sinistrorsum spirali modo descendunt, & circa conum elegantissime se contorquent in circulum; quo absoluto flectunt se introrsum, atque ita via prorsus contraria originem suam petunt, insimul internum ventriculi parietem constituentes. Tam concinnus autem est omnium harum fibrarum ordo, ut crederes unicam esse, quæ instar fili, circuitu sæpius repetito, in glomerem convoluta cordis parenchyma componat. Sed Anatomia clare ostendit,

Fig: 10.

Fig: 11.

neutram ex istis vel bis saltem cor ambire, imo multas ne semel quidem a basi ad conum pervenire, sed vix dimidia via absoluta cursu flexo ad tendinem redire.

Talis cum sit fibrarum structura, motus ratio nos amplius latere nequit. Dum enim cor systolen suam exercet, adeoque fibræ, modo omnibus muscularibus communi, se contrahunt & breviores fiunt, una & eadem opera non solum conus cordis versus basin ejus immobilem (utpote vasibus sanguiferis firmissime alligatam) adducitur, sed etiam latera ejus arctissime constringuntur. Utrumque enim hoc, unica fibrarum ad conum usque protensarum & ventriculos helicè ambientium abbreviatione, facillime obtinetur: cum e contra si cor ex fibris rectis a basi ad conum descendentibus, aliisq; circularibus transversis constisset, primum equidem pluribus tendinibus fuisset opus ad fibras hasce colligandas; deinde vero in ipso motu se invicem impediissent, si quidem earum contractio ab intumescencia quadam proveniret. Lateralibus etenim fibris intumescens, rectæ non potuissent coire propius, quod idem & istis accidisset, si ab his tumore suo essent præventæ. Nunc vero cum eadem sint fibræ, quæ conum attrahunt & ventriculos constringunt, sanguis undique, & ab imo & a lateribus pulsus, impetu quærit exitum, nec difficulter emittitur viam sibi præfixam. Ne autem fibræ, dum spirali ratione cor ambiunt, & oblique in suos tendines inseruntur, istud ad latera trahant, & hac ratione earum vires magnam partem eludantur, cautum est contrario & decussato internarum & externarum ordine, quo factum, ut tendines cordis, in plagas oppositas æquali

vi tracti, in neutram se inclinent, sed in statu conser-
ventur erecto, dum insimul ventriculorum coarctatio
promovetur, eum fere in modum, quo corpora in-
jecto fune facilius comprimi observamus, si ejus ex-
tremitates in oppositas adducantur plagas.

Enim vero cum ventriculi cordis satis sint ampli
& parenchyma eorum naturæ solidæ magis quam raræ,
non poterant latera & fibræ eorum tam prope coire, ut
in circulum quasi dispositæ se in communi centro con-
tingant, & ita sanguini omnem intercipient locum,
quoniam ipsa earum soliditas obstat, præsertim si, ut
ante monui, quæque plurimorum est sententia, contra-
ctio earum inflatione quadam causetur. Quam in rem
interna ventriculorum superficies non est lævis atque
polita, qualem externam conspiciamus, sed potius pluri-
mis fissuris atque sulcis in cordibus præcique majori-
bus (utpote in quibus etiam major fibrarum compressio
requiritur quam in minoribus,) distincta, quo pacto
latera longe propius poterant constringi, donec partes
hujus superficiei tot rugis hiantes arctius se contingen-
tes, ulteriori fibrarum contractioni resistent. Eun-
dem plane in finem fibræ istæ sinistri ventriculi,
quæ circa cōum cordis, modo supra tradito, in
circulum se componunt, in medio sui relinquunt cen-
trum, quod tenuissimam cordis partem constituit, ut
scilicet habeant locum, quem coarctatæ repleant.

Deinde vero quoniam cordis ventriculi com-
muni quodam pariete seu septo transverso distin-
guuntur, iridem cordis motum valde impedire, si non
penitus destruere potuisset, si paries idem, ventriculis
utrisque in systole simul occupatis eodem tempore
in

in partes prorsus contrarias sub forma cylindri dimidiati incurvari debuisset. Cum enim hoc fuisset impossibile factu, hinc paries is aut prorsus immobilis perstitisset, utriusque ventriculi fibris æquali vi eum in suas trahentibus partes, aut si alterutræ prævaluissent, eo ipso oppositi ventriculi fibræ in suo motu fuissent impeditæ ac turbatæ. Hac de causa, licet septum istud transversum utrique ventriculo commune sit, fibræ tamen, ex quibus componitur, non nisi sinistri partes sunt. Hujus enim fibræ per externam ejus superficiem oblique descendentes, postquam circa conum circum adornarunt, introrsum flexæ & contrario ductu originem suam repetentes ipsum hoc septum transversum, sive parietem internum, ceu supra jam innuimus, constituunt. Atque hinc etiam illud unice sequitur motum sinistri Ventriculi, cujus gratia ab ea parte sulcis & rugis majoribus æque ac reliquis ventriculorum ambitus, est præditum, quo scilicet facilius versus istud latus contrahi & incurvari queat. Dum vero hac ratione gibbam superficiem dextro ventriculo opponit, omnibus omnino rugis ab ea parte carere poterat. Neque tamen quicquam compressioni hujus ventriculi decesserat. Cum enim paries iste sua convexitate dimidiam ejus partem repleat, reliquum latus, quod cæteroquin solum appendix sinistri creditur, motu velut semicirculari residuam cavitatem facile constringit.

Denique cum majori omnino impetu atque vibratione opus erat, quo sanguis ad remotissimas & angustissimas aliquando corporis partes, quam quo in vicinos laxosque pulmones ejaculetur; hinc quia isti officio

ficio sinister, huic autem dexter ventriculus est dicatus, ille quoque hunc non solum sulcorum magnitudine & multitudine, columnarum item crassitie, & copia fibrarum, sed etiam laterum robore ac firmitate multum antecellit. Ne tamen dexter ob lateris tenuitatem aliquid detrimenti patiatur, irruensque sanguinis rivus cordis motum aut plane supprimat, aut saltem fibras sua vi & copia eo usque distendat, ut se amplius restituere in pristinum statum non valeant, eo modo prospectum est, ut carneus quidam musculus, rotundus & satis validus, (imo in humano corde duo tresve,) circa mediam ejus regionem à septo cordis egressus, in latus oppositum infigatur, atque illud intra debitæ extensionis limites contineat. Nec dubitaverim, quin huc multum quoque conferat, quod non omnes fibræ exteriores à tendine ad conum usque oblique suo cursu deveniant, sed potius plurimæ earum, vix dimidium spatium emensæ, mox instar arcus inflexi incurventur, atque sub præcedentibus fibris demersæ in tendinem alterius lateris & ventriculi obliquo ductu inferantur. Uti enim chordæ longiores facilius extenduntur & rumpuntur quam breviores, ita hæ quoque fibræ ob suam brevitem tensionis justo majoris periculo non tam sunt expositæ, & impetum sanguinis melius reprimunt, quam istæ majores. Quanquam vero hic illarum fibrarum usus in sinistro ventriculo forsân cesset, quod is ob laterum robur non videatur tali adminiculo indigere; ibi tamen non minus quam in dextro erant necessaria. Quod si enim omnes fibræ in sinistro conspicuæ ad conum pertingerent, non possent ibi in circulum componi, nisi moles ejus ad duplum

Fig: 5.

C

vel

vel triplum excrevisset, atque ita ejus attractio difficilior fuisset reddita. Si autem illæ quæ conum non attingunt plane abessent, non solum robori ventriculi decederet multum, sed & capacitas ejus duplo vel triplo minor foret quam esse debebat, quandoquidem reliquæ fibræ pauciores tantum ambitum non potuissent complecti.

Satis hæc loquuntur præstantiam nostræ machinæ, eamque anteponunt omnibus, quæ unquam ab ingenio humano in simili causa fuerunt excogitata. Ea vero magis adhuc patebit, si porro advertamus infinitam varietatem animalium, quæ in diversis speciebus æque ac individuis deprehenditur, quorum singula cor reliquo corpori proportionatum sunt nacta, tantum scilicet, quantum sanguini in omnes partes magnitudine adeo discrepantes expellendo poterat sufficere. Atque hinc sine stupore vix intueri datur, laboriosam adeo machinam ex tot partibus compositam, non solum in minimis aviculis similibusque animalculis vix dum natis, sub tantilla mole, omnes implere numeros, suoque officio satisfacere abunde, sed & vesiculam illam, punctum saliens vocant, in ipsam cordis substantiam succesive excrecentem, quæ in ovulo seminali guttam vitalem in cicatrice hospitantem continet, primis jam incubatus diebus systolen atque diastolen exercere, licet adeo sit exigua, ut absque microscopiorum ope vix distincte satis queat cerni. Neque vero levis est hic motus & diem forsan semel absolvendus, sed potius tanta ejus velocitas, ut, si calculo Anatomicorum vel potius experientiæ adhibeamus fidem, cor in sano atque vegeto homine intra horæ spatium

tium (secundum computationem minimam) 2000, adeoque per integrum diem 48000, edat pulsus. Si- que nunc, eorum ductum porro secuti, ponamus cum Harveo, cor singulis pulsibus ejicere duas sanguinis uncias; totam autem massam sanguinis, quæ inest cor- pori humano, adæquare (licet rarius) 25 libras; sin- gulis horis ea tredecies, adeoque dietim 312 vicibus suum absolvet circulum. Sed cum paucis homini- bus tanta insit copia sanguinis, cordis motus etiam ac- celeretur multum, si sanguis, commotione corpo- ris aut æstu affectuum excitatus, in illud majori impe- tu irruat; procul dubio circulatio ista intra dictum mo- do temporis spatium sæpius peragitur. Neque tamen cor tanto labore, quem interdum ultra 100 annos abs- que ulla remissione aut cessatione sustinet, tantillum defatigatur, quin potius vibrationes suas tantis prose- quitur viribus, ut, si amputato ejus cono in ventriculos immittas digitum, is vix a manu fortius possit constrin- gi, quam tunc a lateribus ventriculi comprimitur. At- tamen ne ob vehementiam motus caloremque natu- ralem inaresceret exsiccatum & corrugaretur, aut etiam partium vicinarum injuriis esset expositum, capsula quadam membranacea sat valida, pericardium dicta, cingitur, quæ perpetuo in se continet lympham, qua cordis parenchyma illiniatur, atque a rugis & omnis generis periculis præstetur immune.

Uti vero omnia viventia ab artefactis nutriendi & crescendi viribus, seu quod habeant intrinsecum augendi principium, ingenti intervallo distinguuntur, ita cor insuper hoc peculiare habet, quod, cum reliquis corporis partibus pabulum, quo nutriuntur, submi-

nistret, tum sibi quoque de eo debite prospiciat, istud præparet distribuatque, arteriis ac venis coronariis hunc in finem totam ejus substantiam perreptantibus.

Enim vero cum cor in functionibus suis non dirigatur imperio Animæ rationalis, quin eas felicissime subeat etiam in iis corporibus, quibus regendis nullus præest spiritus, animæ occupans partes; haud immerito sane quæras, undenam ei primus veniat impetus, aut quid illud sui admoneat officii, ut suum rythmum contrahendo ac dilatando, tam constanter observet, atque ratione velocitatis & vehementiæ exacte adeo attemperet sanguinis copiam ac impulsui, nec non corporis moli, ut ubivis muneri suo satisfaciat ex affe? Sed quia hæc paulo longius a sensibus abire videntur, adeoque rationi potissimum indaganda relinquuntur, factum, ut Anatomici æque ac Philosophi scinderentur in partes. Neque nostrum est tantas componere lites. Illud interim experientia abunde comprobatur, cor non minus quam reliquos musculos constare ex plurimis tensis fibris, seu totidem quasi funiculis. Uti vero ea est natura tensorum funiculorum, ut in se redeant & contrahantur, quoties impetus tendentis remittit, aut filamenta rumpuntur; ita eadem omnia in cor quadrant. Hinc si ei infligatur vulnus, statim partes hiant mutuumque relinquunt contactum. Quod si autem cor bene costum excarnare, adeoque fibras penitus a complexu reliquarum liberare tentaveris, mox videbis, eas serpentis instar incurvari ac contrahi. Uti porro funiculi tensi, illabent in eos mole majore, eo usque cedunt, donec eorum vires resistendi, seu robur & cohesio partium, æquales sunt gravitati o-

neris

neris impetu aucta; at ubi ea deinceps gravitatem, cessante motu multum jam imminutam, superant, (ita ut minores longe vires illam in æquilibrio sustinere possent,) elaterium suum exercent, tantoque nisu pristinum recuperant statum, ut quoque pondus sibi molestum aliquando longius in ipsas excutiant auras: sic nullum est dubium, quin hæc cordi quoque possint applicari. Deducunt autem vulgo vim elasticam, quam vocant, a corpusculorum minutissimorum & agitatissimorum conatu perpetuo, corporis, cui insunt, partes iusto propius sibi approximantes magis ab invicem semovendi. Iam vero recentior Anatomia abunde manifestavit, motum cordis a constanti spirituum animalium, corpusculorum minimorum, perenni accessu adeo dependere, ut nervis octavi paris, per quos a cerebello in cor perfectum deferuntur, in cervice arcteligitis, aut penitus abscissis, cor, quod paulo ante æquali pulsu agitabatur, mox ab injectis istis vinculis palpitare & tremere incipiat, huncque suum tremorem tam diu continuet, donec animal, post unum & alterum diem, ipsam exhalet animam; idque etiam citius longe sit præstiturum, nisi præter nervum recurrentem etiam diversæ propagines nervosæ, a plexu intercostali paulo infra illam ligaturam in nervos octavi paris insertæ, cordi, aliquos spiritus animales advehendo, suppetias ferrent, ut suum pulsum, debilem licet & irregularem eo usque continuet, donec sanguis ob languorem motus frigescat, congrumescat, atque tandem cor ipsum suffocet penitus.

Nescio proinde, annon inde originem & rationem mirandi illius motus, quem hucusque sumus con-

templati, utcunque petere liceat. Nimirum, postquam calor externus in liquorem seminalem intra cicatriculam contentum diu satis egit, partes spirituosa magis in eo latentes se explicant, utque suae habitationis limites reddant ampliores, membranam, qua continentur, sua expansione ultra statum consuetum distendunt; ubi vero a suo impetu paulo saltem remittunt, a membranæ resistendi viribus facile vincuntur. Cumque spiritus animales interea una cum sanguine materno allati, vel in ipsa seminis massa geniti, (neque enim quicquam causæ est, cur cerebellum unice omnium promtuarium esse credamus,) instar liquoris subtilissimi nulla vi prohibiti, facile se insinuent, membrana ista horum auxilio a tensione se liberatura, suam vim elasticam exercet, atque se contrahit, idque, partibus istis agitatiorebus novum subinde impetum facientibus, tam diu continuat, donec omnibus vasibus sanguinis vectoribus magis elaboratis, ipsa quoque in substantiam perfectiorem, cordis scilicet parenchyma, fuerit transmutata.

Hoc autem facto, in proclivi erit potiora phaenomena circa motum cordis occurrentia ad suas reducere causas. Sanguine scilicet in cordis ventriculos magno impetu irruente, & totam eorum cavitatem replente, fibræ quibus constant tam diu cedunt, donec illius pressio harumque renitentia inter se sint æquales. Cum vero sanguine vix ingressio, vis a motu ipsi impressa cesset, adeoque fibrarum resistendi vires majores evadant, ipsius autem pressio minor, illæ ope elateris sibi connati, spirituumque animalium pristinas sedes, unde irruptione sanguinis erant exturbati, omni conatu repetentium

tium, se constringunt, & hospitem molestiorem paulo per venam arteriosam & arteriam magnam ejiciunt. Uti autem funes vel chordæ nimis tensæ, si elatere suo vires sibi oppositas prævaluerint, aut hæ sponte sua remiserint, non solum in priorem se restituunt statum, sed etiam ultra modum ipsis consuetum in se redeunt, & hinc vibrationes reciprocas sursum deorsumque sapius edunt, donec in situ fere medio acquiescunt: ita nullum est dubium, quin tensi cordis parietes, sanguinem tanta vi expellere conati, ultra tenorem naturalem contrahantur. Atque hinc non est mirum, quod hoc labore functi protinus ab invicem discedant; neque enim ad hanc diastolen nova opus erat vi aut impulsu externo, quin potius, instar chordæ limites suos egressæ, sua sponte ab hac constrictione violenta se liberant. Utut vero cor ita commotum aliquoties adhuc vibrare queat, antequam quiescat, tamen, ut vibrationes vi semper æquali & absque interstitio continuentur, sanguis confert multum. Hic siquidem cum ex toto corpore versus cor in magna copia confluat, non solum auriculas orificiis ejus immediate præfixas replet, distendit & ad motum seu contractionem lacescit, sed & ab his continuo insigni nisu in cor ingestus, novo hoc impulsu latera cordis, sponte discessum molitura, & antequam immota subsistant, reciprocas undulationes aliquoties adhuc editura, in suo motu adjuvat, ut denuo se, quantum licet, expandant.

Quibus ita se habentibus, spiritus animales non opus habent direttore, qui suo imperio eos edoceat, quando & quam cito cor sit contrahendum aut dilatandum, uti alias, in commotione membrorum nostri corpo-

corporis rationalem animam huic muneri præesse novimus. Sicuti autem porro chordæ, quo sunt longiores aut flaccidiores, eo tardius feruntur in suis vibrationibus reciprocis, contraque, quo sunt breviores aut tensiores, eo celerius commotæ in utramque agitantur partem; ita nunc in promptu erit exponere differentiam, quæ respectu celeritatis circa motum cordis, non solum in diversis animalibus, sed etiam in eodem comprehenditur subjecto, prout nimirum corpus aut valet, nec ullum sentit defectum, aut ex adverso inedia, morbo, vel labore vires superante, est defatigatum. Quandoquidem enim corda animalium multum discrepant, dum aliis sunt minora, aliis autem majora, insuperque in corpore vegeto partes omnes copia spirituum quasi turgent ac rigent, in languido autem horum inopia laborant, ita ibi motus cordis incitatus, hic autem tardus sit necesse est; quam tarditatem ex eadem causa debilitas hujus motus comitatur. Quemadmodum etiam illud ex eodem fonte manat, quod sanguine per motum corporis agitato, aut alias majori copia in cor influente, hujus quoque pulsus acceleretur; cum exemplo chordarum constet, fibras, quo vehementiori impetu lacerantur, eo concitatori motu ferri. Unde necessario & hoc sequitur, sanguine in aliquo corpore deficiente, pulsus cordis multum remittere, quod ita careat auxilio ejus, quod suo impulsu vibrationes ejus multum & poterat & debebat promovere. Maximus autem cordis languor, tremor & confusio tunc percipitur, si ligantur nervi spiritus animales ad cor devenientes. Cum enim motus cordis maximam partem ab ejus elatere proveniat, hic autem a spiri-

a spiritibus animalibus, se in cordis fibras insinuantibus, easque hac ratione contrahentibus, potissimum dependeat, mirum non est, si his omnis præcludatur aditus, tantam in corde luctam sentiri. Equidem durat adhuc aliquandiu pulsus etiam in corde exciso. Nimirum monstrat nobis exemplum chordarum tensorum & commotarum, vibrationes non nisi successive desinere. Idem ergo & cor præstabit, quam diu in eo supersunt aliquot spiritus animales; quorum motum & vires, ex nonnullorum mente, multum quoque promover succus quidam exstillatus ex sanguine arterioso, quo muscoli hunc ipsum in finem præ aliis corporis partibus uberius perfunduntur, quam ad eorum nutritionem erat opus. Cum vero spiritus ob suam subtilitatem alibi evolent citius, alibi vero, quod sint crassiores, aut in materia hæreant tenaciorè, diutius commorentur, inde motus is non in omnibus cordibus ad æquale spatium temporis solet continuari.

Istud autem nobis circa totam hanc doctrinam obstare videtur, quod aliquibus adhuc dubium videatur, an contractio fibrarum fiat accessu spirituum animalium, quibus contractæ turgeant, an vero, cum in omni musculo fibræ in tendines ita desinant, ut Rhomboidem fere repræsentent, contractio perficiatur solum ampliacione angulorum & mutatione figuræ, ut ad naturam Rectanguli magis accedat. Enim vero, ut taceam ligationem nervorum octavi paris, taceam item varia phænomena, quæ in musculo occurrunt, si ipse vel circa medium, vel circa extremitatem, unam aut utramque, ligatur, quæ omnia inflationem spirituum animalium manifeste produnt; sane, ut in Rectangulo latera ab invicem magis distant, quam in Rhom-

D

boide

boide æqualium cum isto laterum, ita quoque in hac figuræ mutatione fibræ magis ab invicem discedere deberent, atque ita musculus contractus non solum crassior, sed etiam mollior fieri, quod in hoc statu magis posset comprimi, cum tamen rigorem & duritiem tectetur sensus. An autem fibræ in hac contractione solum distendantur magis, an potius serpentis instar corrugentur, non est nostrum definire, cum præsertim nostræ hypothese nihil inde decedere videatur.

Diutius inhæreremus huic considerationi, & diceremus aliqua de eo, quid cor ad ipsam sanguinis præparationem conferat, nisi hæc ad scopum nostrum crederemus sufficere, aliaque meditatio nobis vellicaret aurem, vel potius nostram ad se traheret mentem. Infidet animo erectiori cuivis tantus amor & propensio erga sapientiam æque ac ejus possessores, ut, si vel fando aliquid percipiat de opere quod aliquam spirat sapientiam, altera mox quæstio sit de ejus Autore, solum ut sciat, cui pro novo hoc invento debeantur gratiæ, habeatque quem debitis efferat laudibus. Num ergo nos, postquam oculo paulo curiosiore Machinam, quæ spheram ingenii humani transcendit longissime, sanguinis nempe vitæque nostræ fontem, perlustravimus, cedemus aliis in investigatione ac celebratione Autoris?

Semper displicuit opinio eorum, qui, nescio quo præjudicio occupati, nos desperare jubent, posse ductu luminis naturæ ex inspectione creaturarum quicquam sani de DEO cognosci, vel certe hæc talia spernunt tanquam vilia & iis relinquenda, qui multo abundant otio, aut etiam plane suspicionibus onerant eos, qui his talibus se delectari fatentur. Cum au-

tum

tem, viso horologio, & vel leviter cognito ejus effectu, nemo usque adeo infaniam, ut illud casu quodam credat conflatum, ac alias opus quodlibet abunde loquatur Inventoris sui sapientiam aut stultitiam; an igitur in solis operibus divinis tam parum artificii erit absconditum, aut nobiscum tam male erit actum, ut in his solis non detur cognoscere, quam distent æra lupinis, quantove gradu, qui hæc produxit, a reliquis absit artificibus? Et cum DEUS profecto non indigeat machina, qua vel corpus quoddam in vita, vel mundum universum in suo conservet statu, sed ad hoc solus nutus volentis sufficiat plenissime; ipsi tamen tum corpus quodvis in individuo, tum mundum integrum, organis, & numero, & structuræ varietate, & effectuum diversitate, tantum non infinitis, instruere, individuisque pereuntibus nova, machinis adornata plane iisdem, (licet idem effectus, aliis prorsus diversis constitutis, sequi, ipso jubente, potuisset,) producere, productaque per tot annorum decursum conservare, atque eundem hunc ordinem jam per tot secula tenere placuerit: haud immerito inde colligimus, Deum numero tanto & varietate suam ostendere sapientiam ac potentiam, proindeque serio velle, ut eam homines cognoscant. Quem in finem machinam eandem toties, & in eodem & in diversis sistit subjectis, ut scilicet plurium temporum variorumque hominum observationes conferre, atque hac ratione naturæ scrutatione indefessa scopum hunc a DEO præfixum assequi liceat. Quin, cum Athei, quorum, proh dolor! seculum hoc adeo est ferax, maximam partem telorum, quibus vesanam impietatem suam defendant, ex consideratione rerum naturalium de-

sumere credantur, adeo ut jam in receptam fere opinionem abierit, potiores Atheorum optimos esse Physicos, (qua quidem sententia nihil absurdius poterat fingi;) maxime omnino consultum erit, si propriis eos debellemus armis, atque tela nostra, quibus eorum petamus jugulum, ex eadem depromamus pharetra. Cæteroquin enim si, cum ipsis in arenam descensuri, utamur genere armorum, quod dudum vel confregerunt vel eluserunt, facile omnes declinabunt ictus, nosque aërem verberantes ridebunt.

Quamquam ergo a variis, per vias varias, Dei existentia & attributa successu exoptatissimo sint demonstrata, nihil tamen obstat, quo minus & nos insistamus viæ sæpius trita, tentemusque, num ex inspectione cordis eadem valeamus eruere; ut non solum in præsentī exerceamus pietatem, sed etiam in posterum, quoties percipimus pulsū cordis, recordemur Dei, habeamusque quem celebremus.

Proinde, quoniam apud omnes sanæ mentis homines extra controversiæ aleam positum est, Hydracontisterium aut similem machinam quamcunque, tot organis, certum finem manifeste respicientibus, instructam, nullo casu aut fortuita coacervatione lignorum fuisse natam, sed suam originem debere enti intelligenti, & ex destinato consilio agenti: eodem jure inferemus, cordis structuram præsupponere Autorem mente sapiente præditum tantique artificii gnarum. Quin &, cum per ea, quæ hucusque prolixè exposuimus, abunde constet, cor omnes hydracontisterii numeros longissime superare, & ejusmodi machinas humano consilio excogitatas in immenso post se relinquere intervallo, sponte inde fluit, stupendum cordis artificium tantam arguere sui inven-

ventoris sapientiam ac potentiam, quæ humana quavis multis modis sit excellentior.

Atque hinc, licet experientia quotidiana comprobet, cor humanum ab homine, & bruti a bruto, æque ac totum corpus reliquum, generari; hoc tamen non obstante, ex supra dictis infallibili nexu colligimus, ipsis, nisi admittatur jussus potentioris longe atque sapientioris, ad cujus nutum fiant omnia, opus hoc non posse attribui. Cum enim homo ex anima rationali atque corpore organico sit compositus, anima autem vi suæ naturæ ea gaudeat prærogativa, ut suarum actionum sit conscia; statim inde, fuit, quod ei nobilissimus effectus, formatio nimirum cordis totiusque corporis reliqui, nequeat ascribi. Animæ sane parentum sponte hic suam farentur innocentiam, utpote quæ totius structuræ humanæ adeo sunt ignaræ, ut, nisi ejus ex inspectione reddantur certiores, nequidem sciant sibi cor aliave membra inesse; tantum abest ut cognitam habeant mirandam eorum coordinationem, & modum producendi partes, atque artificium tantæ aliquando exiguitatis, ut omnium sensuum, etiam optimis instrumentis armatorum, acumen effugiant penitus. Nec facile asserueris, animam proprium sibi formare domicilium. Ne enim nunc dicam de lite, quæ philosophis intercedit, de tempore, quo anima ad corpus suum accedat, quod multi tum demum contingere putant, cum corpus maximam partem est elaboratum: sane eodem jure ei denegabimus inventionem hujus operis, quo eam animis parentum modo abjudicavimus. Quod si enim anima, sub ipsam sui productionem, mirandam adeo machinam potuit e-

laborare, qui quæso fit, ut, postquam adolevit, & multiplici experientia se magis adhuc perfecit, tam supina hujus artificii laboret ignorantia, ut aliunde non edocta ipsam ejus existentiam sit negatura, nedum ut recordari queat, ejus construendi rationem sibi unquam fuisse perspectam. Aut, si primo corpus totum de novo potuit elaborare, quare ergo parte aliqua principaliore læsa, damnum illatum facilius longe refarcire nequit.

Proinde manifestum est, animam rationalem, uti corpus reliquum, ita quoque cor non construxisse, aut si hoc præstitit, tamen sine ratione, sine consilio, omniumque rerum ignaram, istud effecisse, adeoque ob hoc ipsum non posse ei effectum, qui plus quam humanam requirit sapientiam, tanquam causæ principali adscribi.

Relinquitur ergo, ut corpori parentum ab anima rationali distincto, hanc dignitatem vindicemus, quod sui simile generare, nobilemque adeo machinam producere possit. Enimvero, sicut corpori seorsim spectato nulla sapientia, nullumque proprie loquendo consilium inest, anima autem in hoc casu ei succurrere nequit, pereaque quæ modo ostendimus; eo ipso à honore causæ principalis, cujus sit tot tantæque organa invenire ac ritè coordinare, excluditur. Quia autem bruta penitus sunt destituta anima rationali, eorum vero corpora cum humanis in hoc passu prorsus conveniunt, hinc, quicquid hætenus de humano corpore demonstratum est, ad ipsa quoque jure optimo potest applicari.

Sed dices, cum arte humana inventæ sint machinæ tornatiles ac textoriæ, quarum illæ, sibi relicte, abs-

absque ullo proposito aut intentione, instrumenta elegantissima varii generis, hæc autem, similiter omnium rerum ignaræ, tibialia item taffeta aliaque contexta, diversissimis & nitidissimis figuris distincta, possunt producere; uti aliæ contra humano more per planitiem incedunt, siquæ ad præcipitium pervenerunt, inde referunt pedem, utut non sit, qui eas admoneat periculi: quidni etiam existere possit talis machina, quæ iidem suarum actionum scopum non habeat perspectum, & nihilominus, vi suæ constructionis atque naturæ, machinam aliam sui simillimam generando possit elaborare. Cumque ipsa pariter ab alia sit genita, & hæc denuo ab alia, nec obstat quicquam, quo minus hæc generationum absque consilio factarum series continuetur in infinitum; nullam urgere necessitatem, ut admittamus agens quoddam intelligens, quod sua providentia, ac circumspeditione machinam hanc primitus produxerit, & hodienum in suis functionibus dirigat.

Enimvero adverte quæso, quam parum hæc sibi constent. Non audes negare, machinas textorias ac tornatiles modo recensitas, similesque alias arguere opificem singulari arte ac sapientia instructum, nec cuius de plebe rudioris hoc esse concessum, ut eas construat: & idem tamen censes non repugnare, quo minus sit machina aliqua innumeris modis excellentior, quæ neque in sua operatione, neque in sui productione ullam unquam sapientiam requisiverit, sed causis ab æterno in continua serie, absque ullo consilio, succedentibus, fatali quadam necessitate; non potuerit non generari: quod idem est dixisse, ac machinas imperfectiores quidem, & quæ parum spirant artificii, neces-

necessario præsupponere autorem sapientissimum, perfectissimas autem artificiosissimasque fato quodam & casu produci: quod quidem ab homine communi sensu prædito, asseri non posse, patet ex terminis; sed & ejus contrarium ante jam est evictum. Deinde vero, quale tibi fingis infinitum? Concedis nempe, ordinem causarum huc usque processisse, ut, quæ nunc editur operatio, aut, qui nunc nascitur homo, sit ultimus. Quomodo autem series causarum, quæ infinita est, ad finem potuit pervenire, aut, quæ cœpit nunquam, quomodo potuit progredi, quomodo consequi terminum? Cumque quo altius ascendo, eo plures deprehendam terminos, num illud, quod a parte sui posteriore, quodque in medio habet terminos a parte sui anteriore iisdem carebit, aut num illud infinitum erit, quod ex finibus est compositum? Vide, quam hæc se ipsa evertant: ut non opus sit recurrere ad eos, qui aliis ex principiis viam ad effugium hoc, de infinita causarum serie, dudum feliciter præcluserunt.

Persistit ergo immotum, corpus parentum sibi relictum non posse cor reliquasve corporis partes producere; cumque hoc in casu frustra auxilium speret ab anima, per ea quæ supra sunt demonstrata, necessario recurrimus ad aliud quoddam agens, illudque sapientissimum, a cujus nutu in suis operationibus dirigitur & dependeat penitus.

Naturam hic forsân vocabis in subsidium. Sed cum Naturam hoc loco opponas homini, cujus, æque ac alius individui, formam materiæ junctam, & in ordine ad suas operationes spectatam, alias itidem Naturæ singularis nomine solemus indicare; erit illa aut una

ex reliquis substantiis, præsertim cœlestibus, in hoc mundo occurrentibus, aut totum Systema corporum mundanorum in se invicem agentium, aut denique aliquid ab his omnibus distinctum. Sed cum de brutis eadem quæ de homine quæstio queat institui, plantis autem constructionem humani corporis, opinor, non audeas adscribere; quamcunque ex reliquis nominabis, in promptu erit monstrare illam non solum ratione ac prudentia agendi, sed etiam sensu & vita carere: tantum aberit, ut organum vivum, & quod tanti sit artificii, construere valeat. Si autem hoc de singulis potest ostendi, in eo ab aliis dudum ostensum est, non poterimus Systemati universorum, seu ipsi mundo, plus sapientiæ adscribere, quam aptitudo partium, ex quibus componitur, admittit. Ut proinde, vi dictorum, mundus excludatur e numero eorum agentium, quæ mirandam nostram machinam proprio consilio atque sapientiâ invenire, elaborare, aut in suo opère dirigere queant; licet ipsum, sed absque ulla tamen intentione & plane ignarum, aliquid ad ejus productionem conferre, non negemus.

Quod si tibi autem Naturæ nomine veniat Ens quoddam a toto hoc mundo distinctum penitus, quod in productione cordis primas teneat partes, atque istud, quod hætenus universo mundo jure omni denegavimus, efficiat, non repugnabimus. Sed cum cor & reliqua corporis membra eodem generandi actu producantur, ex eadem prodeant massa, atque ad idem corpus organicum constituendum ordinentur; procul dubio is, ad cuius nutum cor elaboratur, sua sapientiâ etiam reliquorum corporis organorum productioni prospiciet, nisi absque ulla ratione asserere

malis, ad unius corporis effectiōnem concurrere tot agentia ad mundum hunc non spectantia, & a se invicem nullo modo dependentia, quō in eo sunt distinctæ partes, hoc est innumera. Et quia generandi actus sibi semper est similis, adeoque quōtiescunque exerceatur, æqualem præsupponit sapientiam, est omnino veritati consonum, quod, qui parentum corpus reddidit aptum, ut semel possit sui simile generare, eisdem effectum esse adscribendum, si vel vicies hoc præster; Sique corpora hæc producta, generatione nova, itidem alia, & hæc porro alia in lucem edant, eundem illum, qui prima vice effecit, ut unum corpus possit sui simile generare, idem etiam in omnibus sequentibus generationibus sua sapientia efficere, ob rationem modo dictam; adeoque totum genus humanum eundem agnoscere autorem. Quin si porro attendamus, animalia eodem propagari modo, corda eorum, imo & reliquas partes cum humanis idem nomen ferentibus, quoad substantialia convenire penitus, & solum in accidentalibus aliquantum discrepare, in promptu erit inferre, eundem esse autorem, cujus nutu & sapientia brutorum æque ac hominum corpora efformantur.

His ista concessis, porro attendendum est (1.) ad prærogativam immensam, qua corpora animalia præ omnibus artefactis gaudent. Major in istis est machinarum elegantissimarum suoque officio exactissime satisfacientium apparatus, quam in multis artefactis simul sumptis; quod patebit, si menti representemus ea omnia, quæ supra de unico corde prolixius disseruimus, cum in reliquis partibus non minus artis inveniat Anatomia recentior. Tanta est aliquarum exiguitas, ut

vix oculo armato & microscopiis instructo queant deprehendi, & tamen sub tantilla mole tantum alunt artificii, ut illud nunquam satis possimus mirari. Quod si jam accedamus ad ea, quæ viventibus sunt propria, tantum inter nostras & artificiales machinas observatur discrimen, quantum est inter vitam & mortem. Quodvis scilicet corpus animale nutrimentum sibi aptum ipsummet quærit, inventum intra suam recipit substantiam, præparat, coquit, inde vero ex massa hac confusa, in quam alimenta sunt redacta, secernit utile, seu chylum ab excrementis; & licet chylus substantiæ sit adhuc valde composita, insuperque misceatur cum sanguine, & ita concitato cursu per totum feratur corpus; tamen in media hac agitatione tam accurate resolvitur in partes, ex quibus constat, ut quæ nutritioni ossium, carnis, cutis, cerebri, pilorum &c. inferviunt, suo singula loco per vias plane impervestigabiles deponantur, & in eorum substantiam transmutentur. Quo pacto corpus animale non solum in suo conservatur statu & crescit, sed & generat sui simile, tanto itidem artificio instructum, ut ex eo quoque innumera alia in continua serie sibi succedentia queant nasci. Hisce enarratis culmen addit, quod eadem hæc machina non solum objecta illud immediate contingentia, sed & alia longissime inde remota v. gr. stellas, fulmen, tonitru &c. sentiat, & quod hæc sentiat, variis gestibus & commotionibus membrorum prodatur: denique & pro re nata mutet locum, atque prout viæ, per quam incedit, conditio requirit, membra diversimode inclinet; ne a situ deflectat perpendiculari corruatque. Licet vero hæc omnia præstet absque auxilio alius agentis naturalis, intelligentis, illamque in suis operationibus dirigentis,

tantum tamen abest, ut hæc præstantiæ nostræ machinæ detrahant quicquam, ut potius absque stupore vix concipere, aut ipsis sensibus credere possimus, quod constructio talis machinæ sit possibilis. Attendendum autem porro (2.) non solum ad incredibilem ac prorsus ineffabilem copiam hominum animaliumque, in terra, aqua & aëre simul viventium, sed etiam (3.) ad ea, quæ per tot secula in toto terrarum orbe vixerunt & jam perierunt; quorum tantus est numerus, ut omnem cogitationem humanam transcendat: quibus tamen omnibus idem Ens, quod supra pro humani generis autore agnovimus, vi dictorum, prospexit & prospicit etiamnum.

Hæc omnia si quis perceperit ac probe pensaverit apud animum, impossibile est, quin agnoscat, imo palpet, Ens illud esse potentissimum, sapientissimum, omnipræsens, infinitum, hoc est, DEVM. Neque vero solum pro inventore ac autore nostræ machinæ is erit agnoscendus, sed cum fluxâ ejus substantia, adeoque singulis momentis restorationis indiga se prodât abunde, quem alium agnoscemus ejus conservatorem, quam potentissimum ejusdem autorem? Quibus perpensis non poterit non mens nostra se effundere in laudes benignissimi illius Numinis, atque omni conatu eo anniti, ne machinis a DEO ter Optimo Maximo in sui gloriam concessis male agendo in ipsius abutatur ignominiam; quod ne fiat, ipsum cor nostrum monitoris vices sustineat, ut, quoties ejus percipimus pulsum, recordemur novorum beneficiorum, quæ DEV s liberalissima manu hoc ipso in nos contulit momento, cui propterea, ne ingrati simus æstimatores beneficiorum divinatorum, quoque gratias agamus sine

Equi-

F I N E.



I. I.



Quidem à multis retro seculis potior pars gentis, quæ Christo dedit nomen, ab auspiciatissimo illo temporis articulo, quo ipse Patri suo pro redimendo orbe oblaturus sacrificium, humanam assumpsit naturam, velut prin-

*Cause
litium de
Epocha
Christiana.*

cipio à quo omnis in nos promanavit salus, jure meritoque suos computare solet annos, omnesque vulgo conspirant in eo, præsentem, quo hæc scribimus, annum, esse O. R. MDCLXXXIX. Hoc tamen non obstante, nulla fere controversia chronologica inter Christianos majori agitur animorum contentione nulla difficilius, nulla pluribus obsita videtur spinis, quam quæ est de vero die annoque Christi natalitio. Neque vero hæc lis hodiè demum aut nudius tertius coepit, sed primis statim seculis nata, crevit cum annis; et quæquam eam, exulantibus scientiis, ipsa ignorantia paulo sufflaminasset, omnibus illius, qui harum rerum peritior videbatur, sententiam facile secutis; nostro tamen et superiori ævo, revocatis, à probroso exilio, bonis literis, majores quam

quam unquam sumit vires ; nuncque tanto vehementius urgetur , quanto facilius est nobis , ab illis temporibus longissimè remotis , ultro citroque aliqua afferre. Enim vero haud injuria quis forsán miretur & doleat , inter Christianos de Epocha illustri adeò & nobili , qua annos salutis nostræ numeramus , tanta vigere litigia atque divortia sententiarum.

Solent autem variae hujus dissidii causæ afferri. Et quidem in primis , annorum Herodis Cyreniique census , quibus velut characteribus Natalis Salvatoris nostri in sacro insignitur codice , varia tum expositio tum supputatio. Cumque porro Christus sacra tinctus unda annorum quasi triginta fuisse legatur ; dictum hoc , quod ad sopiendas lites aptum videbatur , novas fuscitavit , singulis (prout quisque hac aliave præconcepta opinione inbutus ad Scripturam accedebat) verba textus suam in mentem trahentibus & misere torquentibus. Deinde , quia dies Salvatoris natalitius in sacris non legitur annotatus ; eum autem isti ætati proximi , quibusque omnia adhuc erant in memoria recenti , literis mandare neglexerunt , utpote (quæ erat primorum Christianorum indoles) gerendis potius rebus quam scribendis intenti ; mox , elapso uno alteroque seculo , de eo litigabant inter se Christiani. Et cum alter exeunte , ineunte alter anno Juliano Servatorem natum crederet , alii etiam longius paulo discederent ; licet paucis ita diebus aut etiam mensibus dissentirent , quoniam tamen sub initium novi anni , novi etiam Consules succedebant ; factum hinc , ut diversos Consules Nativitati Christi adscriberent.

Acce-

Accedebat & istud, quod Epochæ Augusti, qua iudem in annis Christi designandis utebantur veteres, varia haberet principia; aliis à morte Cæsaris, seu anno Juliano II, aliis à primo Augusti Consulatu, seu anno Juliano III, aliis à pugna Actiaca, aliis ab expugnata Alexandria, aliis aliunde, eam auspicantibus; atque ita à diversis, reapse licet consentientibus, in diversos Augusti annos Nativitas Christi referrebat. Hæc omnia cum posterioris ævi homines, valde jam langventibus scientiis, procul dubio non satis perciperent, inde tot fere natæ sunt opiniones, quot in materiam hanc inquisivere ingenia aliquo innovandi pruritu tacta, aut alias nimium sibi indulgentia. Quia ipse Beda, præcipuus autor nostræ Epochæ vulgaris, rei chronologicæ alias satis gnarus, tam variis, iisque pugnantibus interdum characteribus, Nativitatem Christi insignivit, ut alicubi fere dubitare liceat, ipse intellexerit, quæ scripit.

Hisce dissidiorum causis, quæ nobis tam diversas pepererunt sententias, easdemque hodiernum fovent, addemus tardio rem Epochæ Christianæ usum. Cum enim eo tempore, quo religio Christiana sua vidit incubula, nec sceptrum, nec alia officia civilia in Christianorum essent manibus, ipsis sane non erat integrum temerare jura Majestatis & mutare tempora, ne, qui innocentes, atque ob verum Dei cultum, immanes laniatus ac quævis tormentorum genera cogebantur perpeti, innovatione nec necessaria, nec ipsis concessa, animos crudelissimorum hostium magis exacerbarent. Quamvis verò deinceps, Deo Ecclesiæ halcyonia concedente, ipsi Imperatores, abjurato paganismo,

nismo, Christi profiterentur nomen; quia tamen causam adeò urgentem non videbant, cur veterem desererent numerandi morem, per multa adhuc secula eundem retinuerunt. Atque hinc videas non solum apud homines privatos & scriptores Christianos antiquiores, sed etiam in Conciliis, Diplomatum aliisque causis publicis, per Consules, Olympiades, annos Mundi, urbis conditæ, Æræ, Epochæ Diocletianæ, Imperatorum, Regum, cyclos Indictionis, Lunæ, aliosque (pro diversitate populorum ditio-
num ac seculorum,) characteres, distinguere tempora.

*Scopus
noster*

Itaque non nihil operæ pretium me facturum existimavi, si paulo inquiram diligentius, quando, quove autore, Christiani, deserta consuetudine antiqua, receperint vigentem hodiè inter Europæos rationem numerandi per annos Christi; & deinceps subjungam, quo pacto præsens nostra Epochæ, in qua primus Christi annus collocatur, in Epochæ Julianæ annum XLVI, principiumque anni à Kalendis Januarii defunxitur, ex aliis, quæ prius apud Christianos obtinuerant, numerandi initiis, prodierit, hocque dominium sit nacta, quo adhuc hodiè superbit.

*Diver-
sa appella-
tiones, E-
pochæ
Christia-
næ.*

Ne verò cuiquam scrupulum moveant diversa adeo nomina, quibus Epochæ Christiana à variis autoribus solet insigniri, sciendum est, antiquissimam, vel certe inter antiquissimas referendam, esse appellationem *Annorum Incarnationis Dominicæ, seu Incarnationis Domini nostri Iesu Christi*; quo quidem nomine, Scriptores vetustiores in famosiore significatione eam intelligunt Epocham Christi, cujus caput constituitur XXV Martii, seu iste dies, quo, veteri Eccle-
siæ

fiæ traditione , mysterium illud ab omnibus seculis
absconditum ipsisque tremendum Angelis, quando sci-
licet Deus humanam assumsit naturam, per conceptio-
nem in utero materno Virginis, augustissimum habuit
exordium : alias autem, seqviore in primis ævo, iisdem
vocibus æra Nativitatis, itemque illa, quæ apud Fran-
cos à Paschate auspicabatur, denotatur, non sine in-
genti rei Chronologicæ damno confusioneque inde
proficiscente. Néc minus receptæ erant voces *anno-
rum Nativitatis & Circumcisionis*, ex ipsis terminis notæ.
Ast obscurioris paulo originis est vox *Trabeationis*,
qua scriptores hoc in negotio itidem utuntur. Can-
gius, seu Carolus de Fresne, in Glossario eam interpre-
tatur per crucifixionem & passionem Christi. Sed
dubium me reddiderunt duo loca, in quibus anno-
rum *Trabeationis* mentio fit apud Stephanum Balu-
zium in Tom. II. Capitularium. Ibi enim inter for- *col. 630.*
mulas antiquas promotionum Episcopaliū, tra- *633.*
ditur quoque electio, consecratio & intronizatio,
quam vocant, Gauzberti Episcopi Cadurcensis, & Bo-
relli Episcopi Rodensis; quarum illa clauditur his ver-
bis: *Acta schedula, bujus indaginis à corporea Tra-
beatione verbi divini anno DCCCC XC. Indictione III.*
Facta electione ista Nonas Januarii, regnante Karolo
Rege. Hæc vero ita desinit: *Acta schedula bujus in-
daginis a corporea trabeatione verbi divini anno mille-
simo XVII. æra millesima quingvagesima quinta, Indicti-
one XV. Concurrente I. Epacta XX. VIII. Kal. Decem-
bris, anno XXI. regnante Roberto Rege.* Quod si ve-
rò trabeatio idem est ac crucifixio, non facile conjic-
cere licet, quo sine vox *corporea* addita sit. Deinde

verò ita hac voce indicarentur non tam anni Incarnationis (etiam in latiore significatione accepta) quam Passionis Domini, quorum usum itidem olim inter Christianos viguisse, tum ex multis locis colligitur, tum etiam ex chartis nonnullis, in Tabulario Conchenfis Abbatiae in Ruthenis repertis, quarum una ita clauditur: *Actum est hoc, anno ab incarnatione Domini M LXII. a Passione M XXIX.* Altera autem: *Ista Ecclesia dedicata est, & donus iste firmatus est XV Kalendas Decembris, die Jovis, Luna XXII. anno ab incarnatione Domini M LX. a Passione MXXXIX.* Enim verò istud non admittunt characteres ceteri. Etenim indictiones non minus quam Reges adscripti, rectè se habent, si dicti anni incipiantur ab incarnatione. At si eos à Passione numeres, nullus ibi Carolus, nullus Robertus, qui dictis annis sceptrum gesserit; nec Indictiones appositae in illos annos quadrabunt. Potius igitur cum trabea sit certum quoddam genus purpuræ regiae, juxta illud Virgilii;

*LXI. Aene
id. v. 333.*

*Munera portantes, eborisque aurigae talenta,
Et sellam, regni trabeamque insignia nostri:*

*Ovid. l. i.
Fast.*

Et apud Ovidium trabeati dicantur qui veste hac induti sunt,

Hoc igitur vidit trabeati cura Quirini:

Trabeatio erit ipsa assumptio amictus regii. Atque ita quando de corporea trabeatione verbi divini sermo est, intelligitur tempus istud, quo Christus corpus humanum assumpsit, velut indumentum regium, quo se universo ostendat orbi. Marianus Scotus itemque Sigebertus Gemblacensis, cum persuasi essent Epocham Dionysianam XXI vel XXII annis justo esse breviorē, computabant gesta in suis Chronicis non solum

solum ad ductum hujus Epochæ, sed etiam secundum calculum proprium, quem per annos secundum *veritatem Evangelicam* computatos designabant, atque ita novæ appellationi dederunt originem. Vñum ejus deprehendimus inter alia etiam in Urbani II. rescripto Parisiis edito, pro coenobio S. Michaelis ad Mosam. *Data Laterani VII Kal. April. anno ab Incarnatione Domini secundum Dionysium millesimo nonagesimo octavo, secundum verò certiore Evangelii probationem, millesimo centesimo XXI. Indictione VI. Epacta XV. Concurrente IIII.* Seculo verò XII. multi usi sunt formula, *anno Gratia*, ceu passim videre est apud Rogerium Hovedenum; alii denique aliis loquendi modis annos Christi indicarunt. Provir hodiernum *annis Christi, Domini, Nativitatis, Salutis, Gratia, Orbis redempti, Epochæ Dionysianæ* etc. eandem aram Christianam indigitare solemus.

Uti verò nominibus, ita quoque numerandi principio, discrepabant veteres pariter ac recentiores. Romani, quod majores ipsorum, antiquissima consuetudine, annum à Januario incepterunt, morem hunc auspicandi anni à Januario, vel certè à XXV. Decembris, seu ipso Natali Salvatoris (utrumque enim obtinuisse videtur) ad Epocham Christi applicaverunt. De priori modo testem producimus Gervasium Dorobernensem, qui, *annus*, inquit, *Solaris secundum Romanam traditionem & Ecclesie Dei consuetudinem à Kalendis Januarii sumit initium: in diebus Natalis Domini b. e. in fine Decembris sortitur finem.* Eundem in modum, referente Joh. Mabillonio, Romanorum vetus Rosvveidi Martyrologium incipit à Kalen-

*Priscum
anni Christi
iani initium
apud Italos.*

De re Diplomatica l. II. c. 23.

à Kalendis Januarii, uti & Metrica Bedæ & Wandalberti, nec non profaica Rabani & Notkeri: secus autem se habent alia nonnulla, puta, Vsuardi, Adonis & aliorum, qui à vigilia Nativitatis incipiunt, sicut antiquiora Kalendaria. Romanos sequuntur Itali, quibus itidem solenne fuisse annos à Nativitate au-

l. 1. c. 12. spicari, observavit Covarruvias tom. II. Resol. var.
§. 1. Excipiendi tamen veniunt Pisani, qui, ceu est apud
d. l. n. 2. eundem Covarruviam, initium anni sumserunt ab Incarnatione seu conceptione, adeoque annum à Nativitate aut Kalendis Januarii coeptum, novem mensibus anteverunt, ita ut præsens v. g. annus noster, non nisi tribus mensibus prioribus, seu à Kalendis Januarii ad usque XXV Martii, conspiraret cum anno ejusdem numeri, juxta Pisāorum calculum computato; à XXV Martii autem mox inciperet Pisāorum annus XIC, cum quo noster reliquum suum cursum absolueret. Viæ fere contrariæ insisterunt Florentini. Quamvis enim & ipsi à Conceptione suum annum auspicati sint, eorum tamen Epochā nostrā non tam IX mensibus antecedeat, quam eam III. potius mensibus sequebatur; ut ut aliàs ipsa natura rei contrarium svadere videatur, cum conceptio nativitatem semper aliquot mensibus præcedat. Vid. Kepleri Tract. Germ. de Anno Christi natalit. c. 15. Dabitur verò infra occasio de hujus instituti causis pluribus differendi. Interim Mediolanensibus eundem morem fuisse, sapius animadvertit Puricellus in libro de Basilica Ambrosiana p. 570.

Apud Anglos.

Hispanos, qui, ceu infra dicemus, serius paulo annos Christi admisserunt, hic præterimus. At Anglice-

gli veteres, ut autor est Beda, annum suum ab VIII *De Rat.*
Kal. Januarii, seu die Christi Natali, auspicabantur. *Temp.*
Idem verò, præter alia Bedæ loca, etiam constare po- *cap. 13.*
test ex charta Edvvardi Confessoris, quæ extat Tom. I.
Monastici Anglicani, atque ita finit: *Acta apud pag. 62.*
Westmonasterium V. Kalendas Januarii, die Sanctorum
Innocentium, anno Dominica Incarnationis M LXVI.
Indictione III. Ille enim XXIIX Decembris cui In-
dictio III competit, nostro computandi more cadit in
annum MLXV. cum vero in præsentì loco referatur
in annum MLXVI. colligimus, hunc annum jam in
præcedente natali Domini cœpisse.

Idem de Germanis nostris sentiendum est. Hi *Apud*
enim in suo calculo sequebantur Ecclesiæ Romanæ *Germanos.*
consuetudinem, annumque itidem à Christi nativi-
tate incipiebant. Plura hujus rei testimonia suppe-
tunt, quorum duo saltem adducemus. Bruno de
Bello Saxonico: *Transacto verò natali Domini proxi-*
mo, qui MLXXXI ab Incarnatione Domini cœptus an-
nus erat. Venericus Vercellensis in Apologetico
Henrici IV. Imp. *Ubi tunc dimicatum est in ipsa Na-*
tivitatìs Domini vigilia, quæ tunc obvenerat die Domi-
nica, quando terminum accepit annus ab incarnatione
Domini MLXXXIIX. Non tamen ausim affirmare,
constantem adeo hunc morem fuisse, ut aliqui Germa-
norum non interdum saltem, vel à Kal. Jan. vel ab In-
carnatione, vel etiam aliunde, principium anni desum-
serint. Certe, istud non obscure indicatur in Coloni-
ensi Concilio anno 1310. habito, ubi Epocha Nativi-
tatis publico mandato fanciebatur. Ita enim habent
Concillii verba: *Statuimus enim, ut ex nunc de cætero* *Can. 23.*

annus Domini observetur, & in Nativitate Christi innovetur à quolibet anno, prout sacro sancta Romana Ecclesia id observat, qua est omnium Ecclesiarum caput & magistra; ut errores & difficultates, qui propter diversitatem inceptionis anni Nativitatis ejusdem multoties evenerunt, de cetero evitentur. In universum autem hic excipiendi veniunt Leodienses atque Belgæ, utpote qui in hoc negotio Gallorum morem secuti, Pascha anni constituebant initium. Ita enim de Leodiensibus scribit Joh. Hocsemius: *Attendendum est, quod à tempore, cujus memoria non existit, annorum Nativitatis Domini cumulatio, sive cujuslibet anni succrescentis initium, in Cereo consecrato Paschali baptænus appensa depingi tabula consuevit, & ab illa hora annus Dominicus inchoabat.* Idem de Belgis testatur Olivarius de Wrexo. Trevirenses quoque peculiare habebant institutum, quando apud ipsos semper XXV. Martii annum aperiebat; prout refert Brovvetus tom. II. Annal. Trev. cujus verba hæc sunt: *Treviricus & Gallicanus annus non ab ipsis Kalendis Januariis, vel à Christi ortu, ut plerisque nationibus secundum Julianum vel Dionysianum annum est in usu, sed tum demum vertitur, cum Sol universum percurrerit signiferum orbem, novamque viam ingressu Arietis aperit. Atque ita cum Florentinis ac Pisanis, vel potius Ecclesia Gallicana peculiari instituto, ob passionis & incarnationis divina, mysteria, qua ex veterum quorundam sententia eodem die, i. e. VIII. Kalendas Aprilis, peracta credebantur, annum suum ab æquinoctio verno, tribus scilicet mensibus quam alii serius, Trevirensibus inchoare mos fuit. Ubi quidem illud non probamus in Brovvero, quod annum Trevirensium, Gallorum, Florentinorum,*

ac Pisanorum invicem confundat. Annum enim Florentinum ac Pisanum non convenire, supra monuimus; Gallicanum vero tum ab his, tum à Trevirensi discrepare, patebit è mox dicendis.

Franci etenim non semper ab uno eodemque die principium anni repetebant, sed cum Reges eorum à tribus diversis stirpibus descendant, sub quavis stirpe aliam habuerunt computandi rationem. Sub prima, quæ à Meroveo suam nacta est appellationem, annos auspicabantur à Kalendis Martii; quam in rem multa testimonia extant apud Gregorium Turonensem: quale est v. g. quando Julium mensem vocat quintum, cum tamen à Januario sumto numerandi principio, septimum occupet locum. Ita etiam autor vitæ & miraculorum S. Marcelli, (quem seculo sexto floruisse credunt,) refert de homine quodam, qui aliquandiu cibum capere non potuerit: *Apud Francos & Gallos. de Miracul. S. Martini. IV. c. 4. c. II. §. 12.*

A mense igitur Augusto usque ad mensem Martium, qui apud nos primus sine dubio vocitatur, esca superius memorata illi fuerat denegata. Spectat huc quoque decretum Tasilonis & Lex Alemannica: *Nec in mallo publico, transactis tribus Kalendis Martiis, post hac ancilla permaneat in perpetuum.* Sic & Concilium Verrense an. DCCLV. habitum, cap. IV. ait: *bis in anno Synodus fiat. Prima Synodus mense primo, quod est Kalendis Martiis.* Ut ita extra dubium positum sit, apud Francos tum temporis Kalendas Martias aperuisse annum.

Ast sub Carolingis, sive secunda Regum stirpe, Natalis Christi, vel certe Kalendæ Januarii, caput anni constituebant, quod ex illorum temporum Scriptoribus

bus clarissimum est hinc apud ipsos legimus, Carolum M. Romæ Imperatorem dictum die Christi natalitio, anno DCCCL. cum tamen natalis ille, in quo Caroli coronatio contigit, nostro numerandi more, adhuc ad annum præcedentem seu DCCC. referatur. Idem Carolus, in ejus vita obiisse dicitur *V. Kalendar. Febr. anno incarnationis Domini nostri Jesu Christi DCCC-XIV.* quod si vero tum temporis principium anni à Martio repetiissent, dies hic ad annum DCCCXIII. spectaret. Plura testimonia vide apud Cangium in Glossario.

Sub tertia denique Regum stirpe, Galli exordium anni à Paschate putabant, qui mos, potissimum tamen seculo XIII, non minus in diplomatibus regis, quam apud Scriptores invaluit. Sunt nonnulli, qui existimant, sub tertia hac Regum stirpe, annos primum à XXV. Martii incepisse; atque huc referunt chartam illam in Spicilegio Acheriano tom. II. quæ sic clauditur: *acta sunt autem hæc, anno jam pene finito decimo post millesimo, Indictione IX. Epacta XIV. mense Februarii, FERIA II. Luna XX. sub Imperio Roberti clarissimi Regis Francigeni, sive Aquitanici:* Atque hinc censent sequentibus demum temporibus principium anni, Paschati annexum, ambulatorium fuisse factum.

De Rat. Sed forsân utraq; sententia vera est. Etenim apud Bedam legimus: *Galli, quacunque die VIII. Kal. Aprilis fuisset, quando Christi resurrectio fuisse traditur, Pascha semper celebrabant.* Quod si jam ostendi posset, sub initium tertiæ stirpis Pascha apud Gallos adhuc fuisse fixum, ac XXV Martii veteri more connexum, postea vero demum, juxta institutum gentium aliarum mobile fuisse factum; recte sane diceretur, princi-

principium anni fuisse primo in XXV Martii col-
latum, & sequenti demum ævo inde migrasse: ut ni-
hilominus perpetuo cum Paschate cohæsisset.
Quicquid vero hujus sit, illud saltem extra dubita-
tionis aleam positum est, quod temporibus nobis
paulo vicinioribus, communiter à Paschate incede-
rit: hinc vero, *quia* (ut ait Pinonius Senator Parisin.
in notis ad poema de anno Romano,) *neque dies ne-
que mensis Paschalis fixus erat, ut nec hodie est, propter
mobilem ejus sedem; atq; de his, quæ circa id tempus
anni gesta vel contracta erant, dubitari potuisset, quo
anno gesta essent, in more positum erat, in omnibus quibus-
cunque actis, sive publicis sive privatis, à XXI. Martii
ad XXVI. Aprilis celebratis, hanc clausulam apponere,
ANTE PASCHA, VEL POST PASCHA; quam etiam
Epocam Belge habuerunt, usque ad annum M DLXVII.*
Equidem quid Gallos moverit, ut suos annos, con-
tra morem aliarum gentium, à Paschate auspicaren-
tur, & tamen annos Incarnationis appellarent, non
convenit inter eruditos. Quod si, ob documen-
torum hac in re defectum, conjecturis indulge-
re liceret, repeteremus ex Beda, quod olim Galli,
*quacunque die VIII. Kalend. Aprilis fuisset, quando
Christi resurrectio fuisse tradebatur, Pascha semper ce-
lebrabant; cumque in eundem diem VIII. Kal. A-
prilis, cadat Christi Conceptio seu Incarnatio, facile
colligere licet, qua ratione Galli annos à Paschate
incipere, & tamen ab Incarnatione nominare potue-
runt, quia scilicet duo isthæc Festa eidem diei inhæ-
rebant. Quanquam tunc forsân principium anni,
non tam ob Pascha, quam ob incarnationem, in hanc*

diem collatum sit. Postquam vero Pascha, successu temporis, fixam suam sedem mutavit, cum eodem quoque initium anni migravit loco potius, quam ut in statu suo pristino maneret, qui à *tempore cuius memoria non existit*, (ceu loquitur Hocsemius) mos erat, ut in tabula Cereo Paschali appensa, principium anni indicaretur, atque ita populus sibi persuadebat, ipsum principium anni semper cum Paschate potius, quam cum incarnatione, fuisse connexum. Denique notamus, quod hi Gallorum Incarnationis anni, non praverterint IX. mensibus annos Nativitatis, receptos à Romanis atque Germanis, sed potius tribus mensibus eos sint secuti, modo contrario ac se incarnatio seu Conceptio ad Nativitatem habet. Documentum huius rei occurrit in historia Episcoporum Autisiodorensium, ubi cap. LXXVI. Audoinus translatus dicitur ad sedem Megalonensem, *anno quinquagesimo tertio*, (nempe post MCCC,) *more Curie Romanæ in Nativitate Domini; more autem Gallicano, anno quinquagesimo secundo.*

Cæterum, quanquam vera sint, quæ hactenus de triplici quasi æra Christiana, quam Franci sub triplici Regum suorum stirpe adhibuerunt, recensuimus; negari tamen nequit, non deesse loca, quibus luculenter queat ostendi, sub prima quoque & ultima Regum stirpe annos interdum à Kalendis Januarii, & contra, sub stirpe media, eosdem interdum à Conceptione, aut Paschate, fuisse orsos. Quæ res Viros doctos movit, ut crederent, quovis tempore in Gallia duplex anni fuisse initium, unum vulgare, commune & ubivis receptum, habita-
tione

tionē anni solaris, qui à Kalendis Januarii incipit; aliud Gallicanum seu Gallis proprium, respectu cursus lunaris, juxta cujus ductum Pascha cum cæteris Festis mobilibus determinabant. Et, sicut annum hunc lunarem, quem, ob usum suum, Ecclesiasticum dicere licebit, plerumque in vita civili, sub tertā inprimis stirpe usurpabant, ita contra anno solari maximam partem utebantur Scriptores.

Hæc fuit prisca facies Epochæ Christianæ apud gentes varias, quæ Christo dederunt nomen. Hodie vero formam plane aliam apud easdem induit. Germani siquidem atque Romani, suam æram Nativitatis, stricte sic dictam, commutarunt in æram Circumcisionis, h. e. à Kalendis Januariis incipiunt annos: nisi quod Pontifex, pristini moris tenax, annos jubilæos & ecclesiasticos sub vesperam vigiliæ Nativitatis Christi ordiatur. Quo autem tempore mutatio contigerit, me equidem latet, nec à quoquam, quod sciam, hætenus traditum est. Admodum tamen credibile est, uti Romanorum Kalendarium, hoc est, mos annos ac menses computandi, ab antiquissimis temporibus in Germania non minus quam reliquis orbis Romani provinciis, est receptum, ita eorundem modum annum à Kalendis Januarii auspicandi nunquam plane obolitum fuisse, successu autem temporis tanto facilius, etiam nulla lege publica intercedente, prævaluisse, quanto æquius videbatur annum auspicari cum primo die Kalendarii & primi mensis, quam circa finem mensis ultimi. Utut hinc, inadvertentia hominum contigerit, ut annos vitæ Christi, contra naturam rerum, computemus

*Hodie incipitur
annus à
Kal. Jan.*

temus non a primo, sed ab octavo, vitæ ejus die. Leodienſes autem priſtinam anni formam exuebant anno MCCCXXXIII. Qua in re in teſtimonium vocamus Joh. Hocſemium. Is enim, quia, inquit, Romana & Coloniensis Eccleſia, Leodiensis Metropolitica ſedes, in die natali Domini annorum ponebant principia ſingulorum, cujuſmodi diverſitate plures occurrerant difficultates, & frequentes errores; ne diutius in hoc irrationabiliter membrum à capite discreparet, ſtatutum eſt, ut à nativitate Domini nuper præterita, quæ MCCCXXXIII. uſque ad Paſcha ſequens ſcribi juxta morem priſtinum debuiffet, anticipando tempus, anni deinceps initium capiatur. Apud Gallos Carolus IX. Galliarum Rex, ſuſtulit morem veterem numerandi à Paſchate, & ad annum MD LXVII. edixit, ut Januarii Kalendæ annum deinceps aperirent, uti diſcimus ex Chriſt. Brovveri Annal. tom II. Sed Mabillonius refert, iſtud jam contigiſſe anno M D LXIII. edictumque mox eodem anno in Cancellariis majoribus, Toſoſæ alibique, in Senatu autem Pariſienſi, quatuor demum annis poſt, nempe anno LXVII. ſuſceptum fuiſſe. Gallos ſimul ſequerentur Trevirenſes, teſte eodem Brovvero d. I. ita tamen, ut ſcribæ conſuetudinem antiquam retinerent. Sic enim ibidem: Quod etſi hic & paſſim jam obtineat, neſcio tamen, quid Notariis & Scribis Treviricis antiquitatis adhæreat, ut de ſtylo ſuo & jure non concedant, ſed iis in publica Scriptura, vigefimus quintus Martii, ſacraſſima Virginis annunciationi ſacer dies, primus in anno Trevirico maneat. Belgæ, uti Gallis more computandi à Paſchate, ita quoque ejus

Gest.

Pont. Le.
od. c. 1.

l. XVIII.

p. 158.

De redipl.

l. II. c. 23.

n. 7.

ejus abdicatione, fere conjuncti fuerunt. Equidem *loc. sup.*
 si Penonio credimus, anno M D LXVII. adeoque *cit.*
 cum Gallis simul, calculum antiquum deseruerunt.
 At refert Olivarius de Wrao, non nisi anno MDLXXV. *De Sigillo*
 demum, peculiari mandato Philippi II. novam an- *Com.*
 ni formam apud Belgas introductam fuisse. *Flan. p.*

Sic ergo bona pars Christianorum, hodie an- *139.*
 nos à Kalendis Januarii auspicatur. Non tamen om- *Nec ta-*
 nes hoc præstant. Etenim Anglos hodie initium *men ubi-*
 anni ducere à XXV. Martii, didici ex Præfatione Bi- *que*
 bliothecæ Oxoniensis. Iidem tamen tempore Ka-
 lendas Januarii & XXV Martii intercedente, annum
 ita scribunt, ut numerum anni, Romanorum mo-
 re computandi, jam elapsi & currentis per mo-
 dum fractionis jungant. Atque ita e. g. indica-
 turi Kalendas Februarii anni 1689, eas sic expri-
 munt, 1689 $\frac{2}{5}$. Et, si credimus Autori Historiæ Orb. *part. II. l.*
 Terr. Geogr. & Civil. eadem consuetudo annum à *IV. c. 25.*
 XXV Martii incipiendi in Hispaniis est recepta; uti
 contra apud Venetos annum aperit dies I. Martii; in
 Portugallia locisque nonnullis Africa XXIX. Augusti;
 apud Russos I. Septembris: quanquam hi postremi
 huc adeo non spectent, quandoquidem ipsi non ad-
 hibent Epocham Christi, sed potius Mundi conditi,
 more Græcorum, quos olim etiam Siculi cum Apu-
 lis atque Calabris hac in re imitabantur. Præsens
 tamen Rusorum Imperator, uti majorem Euro-
 pæ partem nuper perlustravit, atque nunc totus
 in eo est, ut mores & consuetudines gentium cul-
 tiorum in suas provincias introducat, ita etiam, cir-
 ca annum Christi MDCC, quo Protestantium

in Imperio Romano Germanico Status Kalendarii Reformationem susceperunt, in Kalendis Januarii principium anni posuit.

*Primus
Auctor E-
pochæ
Christi-
anæ.*

Nunc etiam de eo videndum, quonam tempo-
re apud Christianos coeperit mos iste computandi
per annos Christi. Atque hic equidem deprehen-
demus eum jam apud Scriptores quosdam primo-
rum seculorum, quos inter Eusebius cum suis Con-
tinuatoribus, Hieronymo & Prospero Aquitanico,
itemque L. Flav. Dexter in suo Chronico, cum ali-
is, erunt referendi. At qui in causa quadam publica
eum usurparet, ante VI. seculum est repertus ne-
mo. Hic enim primus nobis occurrit Dionysius
cognomento Exiguus, natione Scythia, Abbasque
Romanus. Cum enim ante ipsius tempora in ne-
gotiis profanis pariter ac sacris, præter Epochas alias,
Diocletiani æram quoque passim adhiberent, mo-
vit Dionysium indignitas rei, quod videret, hac
ratione ab ipsis Christianis ad æram posteritatem
propagari memoriam hominis pessimi, cujusque so-
lum nomen nemo Christianorum citra indignatio-
nem ferre possit. Quapropter, cum S. Cyrilli Cyclus
Paschalis, quo in determinando Paschate utebantur,
itidem ad ductum annorum Diocletiani constru-
ctus esset, tum temporis vero ad finem properaret;
accinxit se Dionysius anno DXXV. ad ejus conti-
nationem, ita tamen, ut, ejecto è re sacra persecu-
toris nomine, secundum annos Christi calculum su-
um institueret: Prout hujus instituti sui rationem
ipse reddit in Epistola ad Petronium, (quam Peta-
vius in Appendice Oper. de Doctrina Tempor. ex-
cudi

cudi curavit,) cuius hæc sunt verba; *Quia vero S. Cyrillus primum cyclum ab anno Diocletiani CLIII. coepit & ultimum in CCXLVII. terminavit; nos à CCXLVIII. anno ejusdem Tyrannipetius quam Principis inchoantes, noluimus circulis nostris memoriam impij & persecutoris innectere; sed magis elegimus ab Incarnatione Domini nostri Jesu Christi annorum tempora prænotare, quatenus exordium spei nostræ notius nobis existeret, & causa reparationis humana, id est, Passio Redemptoris nostri, evidentius eluceret.*

Neque vero Dionysius in hoc suo consilio statim sectatores nactus est. Sed elapsis demum ducentis ferme annis, post tempora scilicet Bedæ; qui in sua historia, primus ex historicis, Epocham ejus observasse creditur, frequentior usus est annorum Domini, tum apud Scriptores, tum etiam in Conciliis. Ita deprehendimus, Paulum Diaconum ab anno CCCXCII. suum calculum ab Incarnatione notasse, ceu ipse scribit l. XVII. *Cessante jam Romana urbis Imperio, utilius aptiusque mihi videtur ab annis Dominice Incarnationis supputationis lineam ducere: Nec minus Scriptores Francici, qui alias per annos suorum Regum distinguebant tempora, ab octavo & sequentibus seculis, eundem adhibuerunt calculum. Videtur enim Bonifacium, quem deinceps Germanorum dicebant Apostolum, hunc morem secum ex Anglia in Galliam attulisse. Quod enim Bonifacius annis Domini usus fuerit, colligimus etiam ex eo, quod Epist. XV. ad Nothelmum ita claudit: Similiter rogo, ut mihi studeatis indicare, in quoto anno Incarnationis, predicatorum primi missi à Sancto Gre-*

Ejus usus in Historiis, Conciliis & Epistolis Episcoporum.

De gest. Longob.

gorio, ad gentem Anglorum venissent. Atque hinc etiam Liptienſe ac Suesſionenſe Concilia, quæ ipſius opera coacta ſunt, annos Incarnationis habent præfixos, iſtud quidem annum DCCXLIII. hoc autem annum DCCXLIV. Quem morem deinceps etiam in aliis Germaniæ ac Galliæ Conciliis obſervarunt. Videmus enim in Concilio Moguntino ac Remenſi anno DCCCXIII. Aquisgranenſi anno DCCCXVI. habitis, annos Incarnationis eſſe appoſitos. In Italia quoque, inde à ſeculo IX. ab Episcopis adhibiti ſunt anni Incarnationis in Epistolis eorum tum Synodicalis tum privatis, ceu videre eſt in Italiæ Sacra tom.
 col. 120. IV. Italos in obſervatione annorum Chriſti præceſſerunt Angli. Apud eos enim jam in Concilio Clovveſhoviænſi, anno DCCLVII. habito, anni Incarnationis dominicæ præfixi apparent. Deinceps vero in Concilio Celichitenſi, quod anno DCCCXVI. fuerat convocatum, hic mos omnibus Episcopis eſt injunctus, quando cap. IX. ſtatuitur, quod unusquisque Episcoporum *debeat deſcribere judicium illud, quod in qualicunque Synodo conſtitutum eſt, vel ad illius Parochiam pertineat, ut & cum ratione & cum ordine deſcribat, qualis annus Domini computatur.*

In chartis
 privatorum.

De Re
 Diplom. l.
 II. c.
 XXII.

Cæterum, quanquam hæc in hitoriis, Conciliis & Episcoporum Epistolis ita obtinerent, alia tamen conſuetudo in chartis privatorum obſervabatur. Si quidem, referente Mabillonio, apud Italos Chartæ privatæ annis Imperatoris, ſen Regis & Comitſ, atque Indictione, præditæ ſunt ante principatuna Caroli Crasſi, quo imperante demum annos Incarnationis paſſim adjectos legimus, in chartario Caſſau-
 riænſi.

riensi. Quod autem Gallos concernit, apud Dubletum, Labbeum, Chiffletium, & Perardum non inveniuntur multa exempla chartarum privatarum annis Incarnationis præditarum, ante Capetios Reges. Ut proinde Germani nostri, hoc in negotio, forsân primi fuerint; quandoquidem in libris traditionum Fuldensium haud pauca inveniuntur chartæ privatorum, in quibus, jam inde à seculo IIX. anni Incarnationis additi conspiciuntur. Apud Hispanos autem, in Tarraconensi terra, anni Christi primum observari cœperunt anno MCLXXX. ceu docet Mabillonius ex quodam Indice MSS. Rivipullensium, in quo sequentia habentur: *De Festo S. Iohannis Baptista, usque ad diem sancti Luca, celebratum fuit Concilium apud Tarraconem; B. Tarraconensi Archiepiscopo, cuius consilio annus Domini institutus est inscribi in omnibus chartis per totum Archiepiscopatum. Tunc vero currebat annus MCLXXX. Mutantur anni Francorum in Festo sancti Iohannis Baptista.* Ubi per postrema verba indicari videtur, ibi tum per annos Regum Francorum, tempora fuisse distincta. Hoc autem institutum sequenti ævo à plerisque iterum neglectum viderur. Atque hinc, elapsis duobus seculis, Johannes Rex Castellæ, usum annorum Christi in solenni conventu sancivit, antiquata æra Hispanica, ceu refert Joh. Mariana de Reb. Hispan. l. III. c. 24. *Hac supputandi ratio, anno salutis millesimo trecentesimo octogesimo tertio, Segobia, ubi conventus Principum habiti sunt, Iohanne ejus nominis primo Castellæ Rege, antiquata est atque ad Christi ortum revocata. Quod paulo ante fecerant Valentini, Lusitani non multo post*

imitati sunt. Joh. Vassæus in Chronico Hispaniæ;
& Josephus Scaliger de Emendatione Temporum
addunt, Christi Epocham primum publice adhibi-
tam in Arragonia anno MCCCCLIX. in Lusitania an-
no MCCCCXV.

*Quando
Epocha
Christian.
primū ad-
hibita sit
in diplo-
matibus
Pontifi-
cum.*

A Conciliis Scripturisque privatis nunc pro-
grediendum erit ad publicas, videndumque, quando
Epocha Christiana in Diplomata Regum ac Princi-
pum sit admissa. Huc vero insimul referendus erit
Pontifex Romanus. Quanquam enim se jactet sua
super ceteros Episcopos eminentia, cupiatque
caput ac Præses omnium Conciliorum haberi, tan-
tum tamen abest, quod ea in usu æræ Christianæ
præverit suo exemplo, ut potius eadem, hæc in re,
longo temporis tractu sequatur. Equidem, quoniam
ævo Pontifex in suis Bullis annos Christi adhibuerit,
nondum plane inter se conveniunt Scriptores; sed
quidam eorum justo altius ascendunt, adeoque in
excessu peccant, quidam vero in defectu, dum ini-
tium hujus moris statuunt nobis vicinum nimis.
Etenim Paulus Forosempronienſis, Episcopus Mid-
delburg. hoc tribuit Eugenio IV. ut ita demum se-
culo XV. Imperante Sigismundo, Domini annos ad-
miserint Pontifices. Hæc autem ejus sunt verba:
*Paulinal. Presidente Eugenio IV. adhortante Blondo Foralivien-
XIII. c. si, Pontificii Collegii à secretis Notario, in bullis atque re-
VI. scriptis Pontificalibus, annorum à Christi incarnatione
supputationem, scribi primum cœpisse, et si longioris tem-
poris tractu in cereis Paschalibus annotatam. Middelbur-
gensem in hoc negotio sequitur Dionysius Petavius
Lib. XII. in Doctrina Temporum. Utrique autem se opponit
c. IV. Joh.*

Joh. Bapt. Ricciolus, & producit adversus eos privilegi- *Chronol.*
gium Coenobii S. Medardi Suesionensis, quod *Reform.*
extat in fine lib. XII. Epist. S. Gregorii Papæ, estque *Lib. VIII.*
Datum VII. Junii, anno ab Incarnatione Domini c. it.

DXCIII. *Indictione undecima.* Ut proinde, ad men-
tem Riccioli, jam sub finem seculi VI. Epochæ Chri-
stiana à Pontificibus sit usurpata. Ante ipsum au-
tem Joh. Aventinus ejus initium, conjecit in seculum
IX. illudque tribuit Paschali I. Neutra autem ha-
rum sententiarum vero consentanea esse videtur.

Quod enim Middelburgensem concernit, nititur is
decreto Eugenii IV. hanc in rem edito. Enim vero,
ex eo, quod Eugenius IV. usum Epochæ Christianæ
lege sancivit, non satis firmo nexu colligitur, eam
prius nondum in Bullis fuisse adhibitam, licet nulla le-
ge constituta. Sane supra jam vidimus, in Concilio
Colonienfi, anno MCCCX. decretum fuisse, ut de-
inceps, apud Germanos, annum à Nativitate Christi
auspicentur, cum tamen ibidem ostenderimus, hunc
morem dudum ab iisdem observatum fuisse, ante-
quam decretum istud formaretur. Pari modo Ca-
rolus IX. Rex Galliarum, publica lege constituit, ut Ka-
lendæ Januarii deinceps annum aperirent, cum tamen
idem in Gallia pridem obtinuerit. Sed neque Bulla
Eugenii hac de re promulgata, istud evincit, quod
Middelburgensis intendit. Etenim Joh. Mabillonius
ejus autographum ex Bibliotheca Vatic. accepit, *Lib. II. c.*
in eoque sequentia inprimis observavit, ad institutum 25.

nostrum facientia: *Item, quod dicti Scriptores sint di-*
ligentes, in scribendo literas in bona forma, & virgu-
lent, & sequantur, & studeant stilum Cancellaria
anti-

*antiquum & laudabilem in omnibus servare &c. Dā-
tum Romæ, apud Sanctum Petrum, anno Dominice
Incarnationis millesimoquadragesimo quadagesimo
quinto, septimo Idus Iunii, Pontificatus nostri anno
quinto decimo.* Ex quibus manifestum est, non istud
agere Pontificem, ut novam introducat formam;
sed potius, ut *stilus Cancellaria antiquus & laudabilis
in omnibus servetur.* Certe nisi admittas, jam ante
Eugenii IV. tempora annum Christianum à Ponti-
ficibus usurpatum fuisse, ingens fiet strages Episto-
larum Innocentii, Diplomatum item Pontificiorum,
quæ extant apud Ughellum in Italia Sacra, Chiffeti-
um in historia Trenorchienfi, Dubletum in historia
Dionysiana, Perardum in Burgundicis monumentis,
Baluzium in Capitularibus &c. cum tamen causa alia,
cur ea pro spuris habeamus, hætenus nondum sit
suppeditata. Quod vero concernit Ricciolum at-
que Aventinum, equidem certum est, extare monu-
menta Pontificum, antiquitatem præ se ferentia, in
quibus anni Incarnationis appositi cernuntur; atque
præter illud diploma à Ricciolo citatum, aliaque,
L. II. c. 18. habetur etiam apud Bedam Epistola Honorii Papæ,
ad Honorium Cantuariensem Antistitem, data anno
DCXXXIII. Ast de integritate horum monumen-
torum dubitatur. Mabillonius sane, qui in scientia
diplomatica extra dubium cæteros omnes longis
parafangis post se reliquit, & forsan plura diplomata
autographa vidit quam quisquam alius, neglectis do-
Lib. II. c. 25. cumentis modo dictis, nullum, ait, se legisse Pon-
tificium diploma indubitatum, annis præditum in-
carnationis, ante medium seculum XI. Pontificem-
que

que Leonem IX, qui in quibusdam literis æræ Christianæ calculum apposuerit. Atque in fidem dictorum, mox affert ejus autographum, pro Metensi S. Arnulphi Cœnobio, in cujus fine legitur: *Data V. Id. Octob. per manus Udonis, sanctæ Apostolicæ Sedis Cancellarii & Bibliothecarii & Tullensis Primicerii, anno Domini Leonis Papæ I. Indictione II. Anno vero Dominicæ Incarnationis MXLIIX.* Ab hoc autem tempore multa diplomata, ad præsens facientia, comparant apud Ughelmum in Italia Sacra. Quod si vero omnino certum esset, (quod tamen asserere non audeat Mabillonius, cum omnia diplomata videre haud potuerit,) ante Leonem IX. nullum occurrere diploma Pontificium genuinum, quod æram Christianam præ se ferat; facile causa posset dari, cur eam Leo invexerit; scilicet quod ortus fuerit ex gente Germaniæ Imperatorum, qui annos Incarnationis usurpabant: deinde quod prius Tulli extiterit Episcopus, ubi frequenter usus hoc calculo, in literis suis; ac denique, quod Cancellarium habuerit Tullensem Primicerium, qui ejusmodi calculo assuetus erat. Istud tamen insimul notandum venit, quod nec Leo, nec ejus Successores, perpetuo hac temporum nota fuerint usi. Insuper vero, observatur etiam discrimen quoddam, inter ipsa Pontificum rescripta, quorum tria sunt genera. Primi generis, dicuntur rescripta Cancellariæ seu Bullæ: secundi, Brevia: tertii, privata possunt appellari. Primis solet appendi bulla plumbea, cum Imaginibus Petri & Pauli; secundis annulus Piscatoris; tertiis gentilitia insignia Pontificis. Atque hic deprehenditur, prima rescripta, quæ
I
gravio-

graviores materias & beneficia concernunt, annos computare ab Incarnatione: In secundis autem nullam fieri mentionem Incarnationis aut Nativitatis, sed absolute ita scribi: *Datum Roma apud sanctum Petrum, sub annulo Piscatoris, millesimo &c. Pontificatus nostri anno &c.* Atque hisce Brevibus præposita est formula consueta, *Servus Servorum Dei*; sunt vero etiam alia, quæ solum titulum Pape in fronte gerunt: atque hæc plerumque notantur solis annis Pontificatus, citra mentionem annorum incarnationis: Ulti contra, rescripta tertii generis annos Incarnationis in compendio exhibent, omisso scilicet millenario. Exemplum hanc in rem extant magno numero Bullarii tom. II.

*In diplomatibus
Regum
Francia.*

In Dagoberto.

Ex Italia per Alpes transeundem in Franciam. Equidem & hic satis litium occurrit, quoniam tempore Francorum Reges in suis diplomatibus æram Christianam admiserint. Sub prima eorum stirpe annos Incarnationis nondum fuisse receptos, extra dubitationis aleam est constitutum. Quamquam enim Jodocus Coccius multa producat monumenta, quæ istorum Regum nomina præ se ferunt, annosque incarnationis habent appositos, quale est v. g. illud Dagoberti II, pro Ecclesia Argentina, quod ita definit: *Acta sunt hæc IV. Non. April. Luna VII. anno ab Incarnatione Domini DCLXII. Indictione V. Regnante Dagoberto Rege anno XXXII. regni sui item, diploma foundationis Cœnobii Hasleleensis, in inferiore Alsatia: Actum est hoc, anno ab incarnatione Domini sexingentesimo tredecimo, mense April.*

Aprilis, die sexta decima; aliaque plura: tamen ipse Coccius fidem horum documentorum in dubium vocat, dicitque, se oculatum affirmare posse, in primigeniis Regum Francie diplomatis, non nisi post Caroli M. tempora, annorum supputationem à Christi natali ductam: Ut exinde colligas, annos Christi, qui Dagobertinis diplomatis apposti sunt, præter ævi istius morem fuisse, & à posteris plerumque amanuensibus additos, qui eos, vel descriptis, vel primigeniis, tunc primum addiderunt, cum hic supputandi modus passim in Propy-
obtinuisset. Papebrochius in eam propendet sententiam, quasi in illo septennii spatio, quod inter Theodorici ultimi mortem, & Childerici coronationem, medium fuit, Epochæ Christi in actis publicis fuerit adhibita, ita tamen, ut ejus usus mox à Childerico & ejus successoribus, usque ad Philippum I. fuerit omisus. Enim vero cum ejusmodi conjecturæ, si quicquam roboris accipere velint, documentis niti debeant, ipse Papebrochius non diffitetur, ea hic abesse. Quin, cum Carolus Martellus istius interregni tempore summis rebus præfuerit, habemus argumentum in contrarium. Extat enim apud Du-
bletum quædam ejus charta per illud interregnum Dionys.
data, cujus autographum quoque Mabillonius vidit, p. 690.
in qua hæc habetur clausula: *Actum Carviciaco villa in palatio, quod fuit mensis September, dies XVII. annum quintum post defunctum Theodoricum Regem;* nulla annorum incarnationis mentione facta.

Sed neque illud Papebrochii assertum, quod In diploma-
ræ Christiana, à tempore illius interregni, usque matibus
ad Philippum I. in regis diplomatibus non appareat, Impem-
pote- torum.

poterit admitti. Dudum enim contrarium viri doctissimi probare sunt conati, quamvis non omnes æquali successu. Ad ostendendum enim quod Carolus M. annos Christi adhibuerit, solent vulgo adducere Tabulas, quibus Bremensem ac Verdensẽ Episcopatum instituit, quarum illam exhibet Adamus Bremensis I. I. Hist. Eccles. c. X. cum hac clausula: *Datum Idibus Julii, anno Dominica Incarnationis DCCLXXXVIII. Indictione XII. Annorum regni Domini Caroli XXI.* Hanc autem edidit Joach. Joh. Maederus sub *anno Dominica Incarnationis DCCLXXXVI.* sed, ut Baluzius judicat, multum vitiatam. Adhuc vero respondet Hermannus Conringius, se equidem non audere omnem istius Tabulæ Bremensis fidem, cum aliquibus, in dubium vocare, hoc tamen certo posse asseverare, neque illam, neque qua Verdensẽ Episcopatum instituit Carolus M. Tabulam authenticam in archivis superare; sed nec Adamo eam fuisse visam, utpote qui non diffiteatur cap. IX. quod eam ex copiali, quem vocant, libro desumerit; adeoque fortassis ab alia manu annos Christi fuisse additos. Quod si tamen per omnia integræ sint eæ tabulæ, tunc fortasse dicendum esse, quod in Caroli M. Cancellaria, antequam Imperatoriam dignitatem obtinuerit, diplomata per annos Christi fuerint signata, postea autem hunc morem fuisse mutatum, ad exemplum Romanorum, qui Constantinopoli sedebant, Cæsarum, quippe qui aram Dominicam non fuerint soliti subscribere in suis Chrysobullis: Siquidem saltem ab eo tempore, quo nomen Imperatoris suscepit, haud temere asserri posse diploma, annis

Censur.

Diplom.

Lind. c.

XVII. n.

III. p. 321.

annis Dominicis notatum. Quanquam ea vis sit eorum quæ cap. XXXIII. lib. de Weichbildis Saxonici attulit Gryphiander, ut omnino sit asserendum; aut illud ab Adamo adductum Carolinum diploma suppositum esse; aut annos illos Dominicos imperita manu longe post accessisse. Gryphiandri verò, ad quem provocat Conringius, argumenta, quibus diploma Bremense, impugnat, breviter huc redeunt. Circumferri vulgo quinque ejusmodi diplomata, quæ Caroli M. nomen præ se ferunt, nimirum; præter Bremenſe ac Verdenſe, unum datum Trutmano Comiti, quod ex Archivis Civitatis Tremonienſis retulit Heinricus Meibomius in notis ad Witich. annales: alterum eſſe de tributis provinciarum, quod indigitavit Goldaſtus tom. III. Conſt. Tertium denique prodiſſe ex Henrici Wolteri Codice MSS. In omnibus idem eſſe exordium, de libertate Saxonix, in quibusdam eadem verba; eandem ubivis ſubſcriptionem, eandem Epocham appoſitam, annum videlicet Chriſti DCCCLXXXVIII. niſi quod Verdenſe biennio antiquius ſit. Ex quibus facile appareat, unum ex altero exſcriptum, neutrum vero genuinum eſſe. Etenim, nominari in illis Hillonem, Epiſcopum Moguntinum, cujus interventu data ſint illa diplomata, cum iſtamen nunquam extiterit in rerum natura; & ſi ſubſtituere velis Lullum, (cujus Verdenſe meminit,) iſthunc eo tempore, quo cætera data ſunt, jam fuiſſe deſunctum. Deinde vero, tum, cum hæc diplomata conſcripta dicuntur, bellum in Saxonia maxime viguiſſe, Saxonesque rebelles ac gentiles

masculæ se contra Carolum defendisse, non ergo tunc potuisse ibi locorum Episcopatus fundari, multo minus vero Carolum de Saxonia devicta gloriari ejusque dominium concedere Clero, quod tamen fiat in diplomatibus dictis. Denique in diplomate Osnabrugensi, quod datum sit anno DCCCIV. (uti ex annis Imperii Carolini additis colligitur,) dici, illam Ecclesiam primam esse in omni Saxonia constructam, in eoque consentire omnes Historicos: atque hinc necessario spuria esse illa diplomata quæ asserunt, Verdensem ac Bremensem Episcopatum, XVI. vel XVIII. annis ante jam fundatos fuisse; inprimis, cum annos Incarnationis habeant appositos, qui tamen, referente Nic. Vignierio, ante Carolum Crassum ab Imperatoribus non sint adhibiti. Hæc Gryphiander. Ita vero ex ejus opinione non solum actum erit de diplomatibus supra allatis, sed &, quotquot in posterum quoque prodibunt diplomata Carolina, annis Christi notata, velut spuria rejicienda erunt. Conringius tamen hac in re adhuc hæsitat, cæu ex supra dictis constat.

l. II. c. 26.

n. 4.

Enim vero, Mabillonius hoc in negotio longius progressus est quam quisquam alius, atque ex tanta copia monumentorum, quibus instructus erat, didicit, discrimen esse faciendum inter diplomata secundæ stirpis Franciæ Regum. Etenim ea fere omnia, quæ ad res Ecclesiarum, Monasteriorum, privatarumque personarum pertinent, carere annis Incarnationis. Cujus assertionis veritatem roborant tot diplomata Pipini, (quæ partim ut Major domus,

mus, partim ut Rex subscripsit,) Caroli M. Ludovici Pii &c. quot libro VI. producit Mabillonius. Præter ea vero, extare etiam quædam alia, quæ Republicam ejusque gravissima negotia concernunt; atque illis, cum annis Regum, etiam incarnationis annos adjunctos esse. Huc spectat Caroli M. Epistola, quam Capitulis, ad Legem Longobardicam additis, præfixam, exhibet Baluzius sub hac initiali formula, post inscriptionem: *Karolus divino nutu Francorum coronatus &c. Anno ab Incarnatione Domini nostri Jesu Christi DCCCXI. Indictione IX. anno vero regni nostri in Francia XXXIII. in Italia XXVIII. Consulatus autem nostri primo, cum in Italiam &c.* Pari modo, annis incarnationis signatur ejusdem Caroli testamentum, seu breviarium divisionis thesaurorum, quod ex Eginharto itidem producit Baluzius: *In nomine Domini Dei omnipotentis, Patris & Filii & Spiritus Sancti, incipit descriptio atque divisio, quæ facta est à gloriosissimo atque piissimo Domino Karolo Imperatore Augusto, anno ab Incarnatione Domini nostri Jesu Christi DCCCXI. anno vero regni ejus in Francia XLIII. & in Italia XXXVI. Imperii autem XI. Indictione quarta.* Ita quoque Ludovicus Pius, à cujus diplomatibus, censente Mallinkrotho, *ara Christiana regulariter & communiter abest*, in charta divisionis Imperii inter suos filios, Lotharium, Pipinum ac Ludovicum, quam ex veteri Codice MS. Bibliothecæ Colbertinæ, in lucem edidit Baluzius, annos Domini adhibuit: *In nomine Domini Dei & Salvatoris nostri Jesu Christi, Hludovicus divina ordinante providentia Imperator Augustus. Cum nos in Dei nomine,*

Capit.

tom. I.

col. 345.

tom. I.

col. 487.

De Archi-

cancell. &

Canc. p.

24. tom. I.

col. 573.

mine, anno Incarnationis Domini octingentesimo septimo decimo, Indictione decima, annoque Imperii nostri quarto, mense Julio, Aquisgrani Palatio &c. &c. Nec dubium est plura ejus generis diplomata superesse. E communioribus autem istis, quæ res Ecclesiarum, vel privatorum, spectant, unicum Mabillo-
 l. c. nius se reperisse dicit, Caroli M. diploma, pro Metensi S. Arnulfi cœnobio, quod annos Christi habeat appositos; ita enim illud claudi in autographo, quod diligenter inspexerit: *Data Kal. Majas, anno XV. & VIII. regni nostri, ab Incarnatione autem Domini nostri Iesu, anno septingentesimo octogesimo tertio, in die ascensionis Dominica, in cujus vigiliis ipsa dulcissima conjux nostra obiit, in anno XII. conjunctionis nostre. Actum Theodone villa, in palatio nostro, in Dei nomine feliciter, Indiction. VI.* Addit vero: Præter hoc nulla genuina, aut certe paucissima, Regum nostrorum diplomata communia annis Incarnationis prædita occurrunt, ante Carolum Crassum pauca etiam post ipsum, usque ad principatum Hugonis.

Sic ergo patet, quid de Carolo M. ejusque filio Ludovico Pio, circa usum Epochæ Christianæ statuendum veniat. Quod vero de his dictum est, idem procul dubio applicare licebit ad eorum successores; licet diplomata, quæ vulgo de illis circumferuntur, cum solum res privatorum ac Ecclesiarum tractent, annis Christi careant. Quod enim concernit Ludovici Pii filios, ex illis Pipinus, qui à Patre mox sub initium regni sui, Aquitaniæ Rex declaratus est, utitur in subscriptione annis Patris pariter ac proprii regni; Lotharius vero solum per annos sui regni distinguit tempo-

tempora; utrique tamen citra appositionem annorum Incarnationis. At de ejus filio Lothario II. producit Papebrochius diploma, anno Incarnationis *Propil. n.* DCCCLVIII. präditum, creditque, ab hoc Rege *33.* morem istum primum ad Germanos esse translatum. Nec minus de altero ejus filio Ludovico II. passim leguntur in Italiae sacrae tom. V. diplomata, annis Incarnationis notata. Sed neque hæc, neque istud, genuina esse, censet probatq; Mabillonius. *l. c.* Tertium Ludovici Pii filium, Ludovicum Germanicum, itidem ab Epocha Christiana abstinuiffe, ostendit Conringius in Censura diplomatis Lindaviensis. Ipsius autem filio, Carolo Crasso, anni Christiani valde fuerunt familiares, ceu videre est ex ejus diplomatis, quæ extant in Italiae sacrae tom. II. & IV. Spicilegii tom. VII. Gallia Conciliorum tom. III. Mabillonii libr. VI. &c. Cumque non solum Imperatores qui ei succedebant eandem consuetudinem, licet non semper & ubivis, observarent, (quod de Arnolpho & Ludovico, ejus filio, constat ex Metropoli Salisburgenfi tom. I. de Henrico autem & Ottone I. ex Meibomio &c.) sed & ab eo tempore inter privatos quoque major usus esset Epochæ Christianæ; procul dubio hinc factum, ut Joh. Aventinus lib. IV. Annal. Boj. Nicol. Vignierius in Chronico Burgundiæ, ad annum 885. & Joh. Gulerus lib. VII. Rhatia, traderent, usum æræ Christianæ in Germaniam demum à Carolo Crasso, & quidem (ut Gulerus ait,) mandatis publicis introductam fuisse. Ex veteribus enim & coævis Scriptoribus, qui id affereret, hæcenus est repertus nemo.

In diploma-
matibus
Regum
Galliae
l. VI.

P. 354.
col. 1516.

col. 815
Metropo-
lit. Rem.
tom. I.
p. 585.
Caroli
Simplicis
pecul. cal-
culus.

De quarto denique Ludovici Pii filio, Carolo Calvo, Monarchiæ Gallicæ autore, multa diplomata, quæ negotia privata ac Ecclesiastica concernunt, exhibentur à Mabillonio, nullibi vero anni Incarnationis additi conspiciuntur: Idem quoque de ipsius filio, Ludovico Balbo, erit sentiendum. Post Caroli Crassi autem tempora, qui itidem regno Gallico præfuit, occurrunt etiam diplomata Regum communia, annis Christi notata. Huc spectant illa Regis Odonis in Spicilegii tom. VIII. In appendice Capitularium tom. II. & apud Mabillonium in fine operis; item, Caroli Simplicis apud Jacob. Sirmondum, in notis ad Capitular. tom. II. nec non illud Lotharii, Filii Ludovici Transmarini, in Archivo S. Remigii; ut. & Hugonis Capeti apud Mabillonium d. I. Ab hujus autem, velut Autoris tertiæ stirpis, ævo, jam frequentior esse cœpit usus Epochæ Christianæ.

Cæterum, antequam Galliæ Reges dimittamus, pauca quædam annotabimus circa insolitos Caroli Simplicis characteres temporum, qui, uti passim in ejus diplomatibus, ita etiam comparent in pacto inter Henricum Aucupem atque ipsum inito, in quo hæc habentur: *Anno Incarnationis Dominice DCCCCXXI. anno vero regni Domini & gloriosissimi Regis Francorum Occidentalium Karoli XXIX. redintegrante XXIV. largiore vero hereditate indepta X. Indictione IX.* Intelligitur vero per annos redintegrationis tempus istud, quo, post mortem Odonis, solus regnavit; Per *hereditatem largiorem* vero, indigitat Lotharingiæ regnum, quod post mortem Ludovici IV, filii Arnolphi Imperatoris, invasit. Atque hinc

hinc Ludovico vivo saltem prioribus istis temporum
notis usus est, ceu inter alia etiam videre licet ex
ejus diplomate pro Episcopo Theodulfo, quod pro-
ducit Sirmondus in notis ad Capitul. *Datum XV. Ka. tom. II. p*
lendas Iunii, Indiēt. XV. anno Incarnationis Dominicae 815
DCCCCXI. regnante Domno Karolo Rege XIX. redin-
tegrante XIV.

Enimvero post Caroli Simplicis mortem, *Formu-*
maxime invaluit modus ille subscribendi; *Regnante la Christo*
Christo & regem spectante, vel expectante. Nonta regnante
men existimandum est, quasi modus iste tunc primum *&c.*
cœperit ac innotuerit. Etenim David Blondellus in li-
bro *de Formula regnante Christo*, quem conscripsit oc-
casione illius quæstionis, an post divortia Philippi I. at-
que II. Gallia Regum, subsecutasque Pontificium
excommunicationes, hic chartas signandi modus
usurpatus fuerit, adducit, in primis ex Martyrologiis, *Set. IV.*
ingentem nubem exemplorum, in quibus verba hæc
priora, *regnante Christo*, extant. Cujus rei causam hanc
reddit, ne scilicet, quod vel perditissimi gentilium, à Jo-
ve principium esse, solo naturæ ductu agnoverunt, me-
moriam nostram unquam excidat, omnia nostra sub Chri-
sti regno geri, ab eo pendere, in eum ferri debere, Re-
ges ipsos, cum eo comparatos, non nisi precario & ad
tempus regnare; hinc diversæ illæ formulæ: *regnante*
in perpetuum, regnante in cœlis, regnante in universum
mundum, Domino nostro Jesu Christo; quæ interdum
etiam nominibus gentilium Imperatorum appone-
bantur, v. g. *Imperante Diocletiano, in nos autem re-*
gnante in perpetuum Domino nostro Jesu Christo &c.
Sed & habemus exempla, in quibus integra formula
supra dicta ante Carolum Simplicem est apposita.

tom II. Quam in rem monumenta suggerit Baluzius. Extant
 Appendic. nimirum in Monasterio Balneolensi in Dioecesi
 col. 1535. Gerundensi, literæ Servi - Dei, Gerundensis Episco-
 pi, datæ anno DCCCLXXXIX. in quarum calce ista
 adduntur: *Facta hac carta confirmationis, Kalendas
 Martias anno II. quo mortuus est Karolus Imperator,
 regnante Domino nostro Iesu Christo, nobis autem ex-
 pectante Rege ab ipso largitore; Et in chartulario Mo-
 nasterii Arulensis, legitur vetus instrumentum cum
 sequente caractere temporis: Facta carta vindicio-
 nis XI. Kalendas Iulias, anno II. quod obiit Karlemannus
 Rex, Christum regnantem & Regem expectantem.* Fa-
 tendum tamen est, rariora esse isthæc exempla, post
 mortem autem Caroli Simplicis, longe frequentiore
 fuisse eam scribendi rationem, cœu videre est apud
 Baluzium, qui ex tom. II. Feudorum, ut vocant,
 Archivi Regii Barcinonensis, chartulario Ecclesiæ
 Helenensis, Vabrensis, sancti Saturnini Tolosanen-
 sis, & Monasterii Conchenensis apud Ruthenos, multa
 producit documenta, inter quæ etiam sequentia con-
 tinentur: Ex tom. II. Feudorum f. 204. *Anno II.
 postquam obiit Carolus Rex, Christo regnante, Regem
 sperante.* item aliud instrumentum, quod ibidem le-
 gitur: *Anno III. quo Carolus Rex obiit, Christo re-
 gnante, Regem sperante.* Ex Chartulario Ecclesiæ Hele-
 nensis l. i. c. 49. *Facta ista scriptura Vindicio VII. Idus
 Aprilis, anno primo, quod obiit Carulo Rege filio Lu-
 doyci, Christo regnante, Regem expectante.* Occurrunt
 quoque ejus generis instrumenta post mortem Ra-
 dulfis Regis, quale est illud, quod extat in chartulario
 Arulensi, cui hæc nota est adjuncta: *Facta ista scrip-
 tura vindicio IV. Idus December, anno II. quod obiit
 Radul-*

Radulfus Rex, Christo regnante Regem expectante.
 Quin (quod omnino præter morem est,) habetur
 in Chartario Ecclesiæ Vabrensis charta, in qua cum
 ista formula conjunguntur anni Regis Radulfi adhuc
 vivi, ceu eam exhibet Blondellus: *Anno secundo, quo* *d. l. sect. I.*
Radulfus Rex fuit, Deo imperante & Regem spectante.

Sed nunc redimus è diverticulo in viam. *Quo* *In diplo-*
 tempore Reges Angliæ, in suis diplomatibus, adhi- *matibus*
 buerint annos Christi, non constat inter eruditos. *Regum*
 Mabillonius maxime probabile judicat, annos Incar- *Angliæ.*
 nationis ante venerabilem Bedam in diplomati- *l. II. c.*
 bus locum raro, aut nunquam, invenisse; cum *XXVII.*
 Withredus tantum regni sui annos, cum indictione,
 adscribat apud Spelmanium. Seculo autem VIII. *tom. I.*
 tritus fuit calculus ab incarnatione, ut patet ex di- *Conc. p.*
 plomatibus relatis ab Ingulfo, Dubieto, aliisque. *193. 198*
 Quanquam hunc morem se non ultra Wilhelmum
 Conquestorem extendisse credant, à cujus morte,
 in Regiis diplomatibus, solum anni Regum sint
 appositi.

In Hispania Epocham Christi, in diplomati- *Regum*
 bus regiis, à seculo XII. per varia regna paulatim ob- *Hispania.*
 tinuisse volunt; Quem in finem adducunt chartam
 Ranimiri pro Monachis Sylvæ Majoris, quæ jam se-
 culo XI. æram Christi additam habet, atque ita clau-
 ditur: *Facta charta in æra MCI. anno MLXIII. Domi-*
nice nativitatis, Indiç. XIII, regnante Domino nostro
Jesu Christo, & sub ejus Imperio ego præscriptus Rani-
mirus Dei nutu Rex in Arragone. Eundemque
 calculum in aliis nonnullis Chartis reperiri, testatur
 Prudentius Sandovallius de Regibus Castellæ p. 89.

Plenarius vero usus ejus tum demum cœpit, quando (modo supra dicto) in Comitibus publicis est introductus.

Hæc de vario, apud gentes varias, ortu Epochæ Christianæ dixisse, in præsentiarum sufficiat. Nunc *An Dionysius Exiguus sit autor nostræ Epochæ vulgaris.* revertimur ad Dionysium Exiguum, cui supra hanc tribuimus gloriam, quod primus ipse, pio quodam zelo correptus, ut nomen impii è memoria Ecclesiæ Christianæ eradicaret, annos Christi in calculo publico adhibuerit. Restat ergò ut videamus, num hodierna nostra Epochæ, juxta cujus ductum, præsentem annum, à Kalendis Januarii computatum, dicimus esse M DCLXXXIIX. post Christum natum, eundem Dionysium pro suo agnoscat autore, ceu quidem vulgo sumus persuasi. Equidem Dionysium in suo instituto non statim sectatores fuisse nactum, ex supra dictis constat. Attamen cum Beda, qui primus inter historicos ejus Epocham adhibuisse creditur, docuisset, ex mente Dionysii primum Christi annum, esse Julianum seu Epochæ Julianæ XLVI. & gentes Christianæ, quæ successu temporis æram Christi admiserunt, licet alibi à Paschate, alibi à Conceptione, alibi à Kalendis Januarii, alibi denique à Natali Christi præcedente, annum auspicarentur, in eo tamen pleræque omnes consentirent, quod primum Christi annum collocarent in annum Julianum XLVI. factum hinc, ut suam Epocham dicerent Dionysianam. Cumque tandem hodierna Epochæ, quæ eundem annum Julianum pro primo Christi agnosceret, & à Kalendis Januarii orditur, plerisque placuisset, eadem quoque nomen Dionysianæ Epochæ, non

non alia ratione ac si Dionysio suos natales deberet, suscepit.

Videndum ergo, quomodo Beda probaturus sit, quod Dionysio primus Christi annus sit Julianus XLVI. simulque attendendum, num Dionysius iidem à Kalend. Januarii, an vero aliunde, annum auspicatus sit. Proinde cum ob multos eosque egregios plane usus, Chronologi varios excogitarint Characteres temporum, quibus anni singuli ab aliis queant discerni; inter eosque vel inprimis sit cyclus Lunæ, XIX. complexus annos; (de quo notandum, quod non solum hæc annorum summa, sed & anni singuli, eodem cycli Lunaris, aurei numeri &c. nomine indicentur,) refert Beda, Dionysium præcepisse, ut *ad inveniendum*, tempore quovis, *quotus sit annus circuli decemnovenalis*, ad annos Christi unitas addatur: summa enim deinceps per XIX. divisa, residuum esse indicaturum annum desideratum. Assumamus igitur primum Christi annum, eique unum adjiciamus, resultabit annus cycli Lunaris, sive decemnovenalis, secundus, respondens Christi primo: Vt proinde recte addat Beda, Dionysium per hoc significasse, *illo incarnato, unum circuli decemnovenalis annum jam fuisse completum*. Enim vero, hoc idem hodiernæ Epochæ convenit; hujus siquidem annus primus sive Julianus XLVI. iidem habet aureum numerum, seu cyclum Lunæ II. Neque in exordio solum, sed etiam in progressu, quantum ad hosce characteres temporum, conspirare videntur anni Epochæ nostræ & Dionysianæ. Supra enim ex ipso audivimus Dionysio, primum an-

De Ra.

Temp. c.

47.

l. c.

*De anno
Christi
Natali c.
XV.*

annum ipsius instaurati cycli Paschalis, & (cum hic ex quinque cyclis Lunaribus componatur, etiam primum) lunaris, incipere anno CCXLVIII. Diocletiano. Huic autem maximam saltem partem connectitur annus Epochæ nostræ DXXXII. cui idem competit Character, annus nempe primus cycli Lunar. Bedæ vero testatur, Dionysium quoque *in suo circulo quingentesimum trigesimum secundum Dominica incarnationis, in capite posuisse.* Atque his stantibus, nullum amplius dubium videtur restare, quin Dionysius Exiguus sit autor Epochæ nostræ: Idque per multos retro annos, à tempore scilicet Bedæ, ad finem usque seculi superioris, Chronologi, moti inprimis Bedæ autoritate, tum etiam, quod, deperditis aut latentibus Dionysii scriptis, aliud edoceri haud poterant, constanter crediderunt. Sub initium huius ævi suboluit Keplero, saltem circa principium numerandi, nostram æram à Dionysii Bedæque ipsius mente abire, quandoquidem nos à Kalendis Januarii, isti autem ambo ab incarnatione, annos Christi auspicentur. At postquam Dionysius Petavius duarum Dionysii Exigui Epistolarum, quæ de ipsius cyclo agunt ambæ, particeps esset factus, easque ex veteribus Regiæ Bibliothecæ & Sirmondianis membranis, operi suo de doctrina temporum annexas, publici fecisset juris, primus suspicatus est, Epocham nostram ab ea, qua Dionysius fuerat usus, multis discrepare modis: Inprimis vero anno integro, (aut, accuratius loquendo, IX. mensibus,) eadem esse tardior. Istud enim hic loci vix recenseri meretur, quod M. Antonius Capel-

pellus, jam ante Petavium, arbitratus est, non so- *Differt.*
lum nostram Epocham alii cuidam Dionysio, aut *de Cena*
etiam impostori personato, qui orbi voluit illudere, *Domini*
suam debere originem, sed & Dionysium Exiguum *Supr. c. 5.*
ab anno Juliano XL. suam Epocham esse auspica-
tum: neque enim isthæc veritatis ullam habent spe-
ciem. Petavius autem in sua conjectura mox asse-
clas nactus est, Wilhelmum Langium & Joh. Bapt. Ric-
ciolum, aliosque. Et sana res hodie non amplius in-
tra probabilitatis terminos stare, sed jam plane cer-
ta esse videtur: atque conabimur, partim ex ipsius Dio-
nysii, partim etiam ex Bedæ verbis, ostendere, Dio-
nysium equidem tum incarnationem seu concep-
tionem, (in eo enim significatu, distinctionis ergo,
deinceps hac phrasi semper utemur,) tum natalem
Christi, in eundem, quo nos hodiernum solemus,
conjecisse annum Iulianum; ipsius tamen æram an-
tipicare nostram mensibus IX. contra ac vulgo sen-
tiunt.

Primo itaque notum est, cum S. Cyrilli cyclus
Paschalis XCV. annorum, quo veteres Christiani in
determinando Paschate utebantur, ad finem prope-
raret, Dionysium eidem attexuisse alium, itidem
constantem quinque cyclis decemnovalibus,
h. e. annis XCV. (non autem DXXXII. uti Beda
plerisque Chronologis persuasit.) Sicut verò Cyril-
lus cyclum suum anno CLIII. Diocletiani cœpit, &
anno CCXLVII. finivit, ita Dionysius suum mox
sequenti anno CCXLVIII. Dioclet. inchoavit,
prout hæc omnia, è verbis supra ex ipsius epistola
citatis, manifesta sunt. Enimvero, communi po-

tiorum Chronologorum consensu , primus Diocletiani annus cœpit apud Ægyptios à Neomenia Thoth, sive die Augusti XXIX. anno Periodi Julianæ IVMCMXCVII. Christi vulgari CCLXXXIV. Ergo annus Diocletiani CCXLVIII. iniiit die XXIX. Augusti , anno Period. Iul. VMCCXLIV. Christi DXXXI. aureo numero XIX. currente ; Ut proinde maximam partem occupet anni DXXXII. aureique numeri I. utpote cujus XXIIIX. Augusti demum terminabatur. Iam porro videndum, num Dionysius suo cyclo idem cum anno Diocletiani principium dederit, num vero aliquot mensibus ante, aut post illud, fuerit orsus. In epistola ad Bonifacium Primicerium Notariorum , & Bonum Secundicerium scribit; se *annum primum saepe dicti decemnovenalis cycli à XIV. Pascha ultimi, id est, nonidecimi anni,* (cycli scilicet Lunarisi Alexandrini vulgaris,) *usque ad XIV. ejusdem primi, numerare curasse.* Ille autem *XIV. Pascha nonidecimi anni,* à quo primum sui cycli annum inchoavit Dionysius, est XVII. Aprilis ; Ast XIV. Pascha in quo desinit, est V. Aprilis anni sequentis. Ita enim expresse legimus in Catalogo annorum cycli decemnovenalis, quem dictæ epistolæ subjunxit: *Anno decemnovenali primo, à XV. Kalendas Maji, usque Nonas Aprilis, quia communis annus est, sunt dies* CCCLIV. Proinde, cum Dionysius suum Cyclum auspicatus sit XVII. Aprilis illius anni, qui Cyclo decemnovenali, seu (ut hodiè loquimur,) aureo numero XIX. est præditus ; hic autem character competat anno Christi vulgari DXXXI. (uti patebit, & ex præcepto Dionysii, hic annus adjecta unitate divi-

Probatur
negativa.

dividatur per XIX,) & XXIX. Augusti ejusdem anni incipiat, communi Chronologorum consensu, Diocletiani annus CCXLVIII. palam fit, Dionysium, quando tradit, Cyclum suum incipere anno Diocletiani CCXLVIII. *ἐν πλάτεις* esse locutum. Incipit enim anno Diocletiani CCXLVII. Periodi Julian. VMCCXLIV. die XVII. Aprilis; atque adeo annum CCXLVIII. die XXIX. Augusti ejusdem anni demum orsum, mensibus IV. & diebus XII. antecedit, licet maximam ejus occupet partem. Simul vero & aliud ex verbis Dionysii modo recensitis deducimus. Cum enim noster, sive Alexandrinus Cyclus Lunaris, orbem cum anno vulgari habeat communem, h. e. à Kalendis Januarii auspicetur; fateatur autem Dionysius, primum annum sui Cycli incipere à XVII. Aprilis, & quidem non illius anni, qui habeat Aureum Numerum I. jam currentem; sed præcedentis, Aureo Numero XIX. insigniti; manifesto inde sequitur, ipsius Cyclum IX. fere mensibus anticipare nostrum, utut ante Petavium nemo istud adverterit. Ex quo & illud fluit, quod singulis Dionysii annis, juxta nostram computandi rationem, duo compètant aurei numeri. Ita v. g. primum ipsius annum comitatur aureus numerus XIX. à XIV. Paschæ, (h. e. die XIV. post Neomeniam Paschalem,) ad Kalendas usque Januarii anni sequentis, ubi incipit numerus aureus I. eumque prosequitur usque ad V. Aprilis. Secundus annus, cum incipiat à die mox sequente, seu VI. Aprilis, itidem habet aureum numerum I. usque ad Kalendas Januarii; inde vero per tres ultimos menses, aureum numerum II. &c. Sed

redeamus è diverticulo in viam. Quando igitur constat de initio Cycli Dionysiani, quod is scilicet deducatur à XVII. Aprilis anni Christi vulgaris DXXXI. Diocletiani autem, accuratè loquendo, non CCXLVIII. sed CCXLVII. aureo numero XIX. corrente; facile poterimus hoc charactere, ac velut indice, investigare initium Epochæ Dionysianæ; modo repetierimus ex supra dictis, quod Dionysius secundo sui Cycli anno tribuerit primum Epochæ Christianæ. Prius tamen & istud addimus, eundem annos Christi non à nativitate, (uti nos hodie num solemus,) sed ab incarnatione auspicari, ceu hoc ex ipsius Epistolis & Bedæ ubivis claret, & nos quoque infra pluribus sumus demonstraturi:

His ergo ita positis, ordine retrogrado recurramus ad initium usque Epochæ Christianæ, atque deprehendemus, quod primus annus Epochæ Christianæ vulgaris, incipiat (communi omnium consensu) à Kalendis Januarii anno Periodi Julianæ IVMDCCXIV. Juliano XLVI. aureo numero II. At primus cycli Dionysiani, orditur à XVII. Aprilis, illius anni, qui aureo numero XIX. est prædictus, h. e. anno Per. Julianæ IVMDCCXII. anno autem Juliano XLIV. adeoque anno integro cum IX. fere mensibus, ante Epocham vulgarem. Secundus autem cycli annus, qui Dionysio primus est Epochæ Christianæ, incipit à XV. Paschali, seu VI. Aprilis, anni sequentis, Period. Jul. IVMDCCXIII. Juliano XLV. aureo numero I. corrente, adeoque IX. fere mensibus ante Epocham nostram vulgarem.

Vulgata itaque opinio, qua Dionysius Exiguus
ven-

vendatur pro autore Epochæ Christianæ illius, quæ hodiernum apud Europæos plerosque usu est recepta, crediturque ipsius cyclum unico anno prævertere Epocham nostram, falsa est. Error vero inde natus, quod vulgo omnes hæserint in ea persuasione, ac si cyclus Lunaris Dionysianus cum nostro Alexandrino per omnia faciat paria. Hoc vero semel admissio, non poterant amplius evitari errores inde propululantes. Atque hinc cum Dionysius anno primo Epochæ suæ tribueret secundum cycli Lunaris, annus secundus vero in cyclo Lunari nostro itidem competeret primo anno nostræ Epochæ Christianæ; non poterant non eo induci homines, ut crederent, nos cum Dionysio eadem uti Epocham. Quod si vero initia horum cyclorum probe distinxerimus, cætera suâ ruunt sponte: quin licebit nobis prorsus invertere argumentum. Etenim si Dionysii cyclus nostrum præcedit IX. mensibus, illius tamen non minus, quam hujus annus secundus, tribuitur primo Epochæ Christianæ; sequitur etiam, Epocham, ad quam Dionysii cyclus est alligatus, nostram aliquantum præcedere; & quidem, cum illius initium ab Incarnatione, nostræ vero à Nativitate repetitur, discrepantiam inter utramque itidem IX. esse mensium.

Atque ita sane duplex discrimen, inter nostram & Dionysii Epocham, ad oculum patet. Ille enim ab anno Juliano XLV. nos ab anno Juliano XLVI. ille ab Incarnatione, nos à Nativitate deducimus Epocham Christianam. Hæc tamen non obstant, quominus Natalem Christi in eundem conjiciamus annum. Nos enim Salvatorem credimus natum XXV.

Decembris, anni Juliani XLV. seu illius, qui primum Epochæ Christianæ præcedit proxime : Dionysius vero cum ab incarnatione annos salutis ordiatur, necessario eum collocat in finem, sive XXV. Decembris, ipsius anni primi, qui illi itidem est annus Julianus XLV. Quid enim causæ habuisset, ut XXV. Martii agnosceret pro die primo ætatis Christi, si ex ipsius mente tribus mensibus ante jam fuisset in lucem editus? Atque hoc idem insuper colligere datur ex verbis Bedæ, quando de Dionysio refert : *In suo circulo quingentesimum trigesimum secundum Dominica incarnationis in capite ponendo, manifesto docuit, secundum sui circuli annum ipsum esse, quo ejusdem S.S. incarnationis mysterium cœpit.* Si enim secundo cycli anno incarnationis mysterium demum cœpit, idem vero hic annus fuit primus Epochæ Christianæ, non poterat illud absolvi, aut Christus nasci in Decembri qui, cycli secundum, aut Epochæ Christianæ primum annum, præcedit : quin potius, sicut Christus circa initium hujus anni incarnatus seu conceptus est, ita in subsequenti Decembri in lucem editus sit, necesse est.

De Ratio.
Temp.
c. 47.

Eadem
probatur
aliomodo.

Cæterum, ne quis existimet ea omnia, quæ hætenus de discrimine nostram inter & Dionysii Epocham sunt allata, ex unico Dionysii loco vel corrupto, vel alias cum reliquis minus conspirante, deducta esse, poterimus ea omnia, quæ hætenus dicta sunt, ex aliis Dionysii verbis confirmare. Postquam enim, in Epistola ad Bonifacium Primicerium Notariorum, & Bonum Secundicerium, subinde inculcasset, se omnes Cycli decemnovenalis annos auspiciari à XV. Pas-

Paschæ, eosdemque terminare XIV. Paschali anni sequentis, *excepto anno primo, quem à XIV. Paschæ ultimi, ã. e. noni decimi anni, usque ad XIV. ejusdem primi, numerare curaverit; tandem in calce ejusdem Epistolæ Cycli decemnovenalis annos omnes singulatim enumerat, quorum aliquot, quantum scilicet ad scopum nostrum sufficit, hic apponemus:*

Anno decemnovenali primo, Lunari septimo decimo, à XV. Kalendas Maji, usque Nonas Aprilis, quia communis annus est, fiunt dies CCCLIV.

Anno decemnovenali secundo, Lunari decimo octavo, ab octavo Idus Aprilis, usque in octavum Kalendas Aprilis, quia communis est, fiunt dies CCCLIV.

Anno decemnovenali tertio, Lunari decimo nono, à septimo Kalendas Aprilis, usque in Idus Aprilis, quia embolismus est, fiunt dies CCCLXXXIV.

Vel tribus hic monendum verbis, duos dari Cyclos Lunares, XIX. constantes annis, quorum altero veteres utebantur Latini, altero autem Alexandrini: unde ille, Latinus vulgo audit, auctori nostro Lunarior $\kappa\alpha\tau' \epsilon\chi\omicron\chi\eta\nu$; Hic autem, qui postmodum etiam ad Romanos est translatus, & à nobis hodiernum adhibetur, vulgo Alexandrinus itemque Romanus dicitur, Auctori nostro cyclus decemnovenalis $\kappa\alpha\tau' \epsilon\chi\omicron\chi\eta\nu$. Atque hi duo Cycli ita sunt comparati, ut hic illum tribus antecedit annis, cujus quidem rei rationes alibi redduntur. Nos ex verbis modo adductis videmus, in Cyclo Dionysii agmen ducere illum annum, in quo XIV. Paschæ (unde incipit Cyclus,) cadit in XV. Kalendas Maji, seu XVII. Aprilis, adeoque (ablatis hinc XIII. diebus,) Neome-

nia

nia Paschalis in IV. Aprilis. Hoc autem in nostro à Kalendis Januarii computandi modo, nunquam fieri potest, nisi in eo anno, qui Alexandrino aureo numero XIX. est præditus. Atque ne gratis quicquam dixisse videar, ecce Laterculum, (cujus ratio illi, qui naturam cycli Lunaris perspectam habet, facile patet,) quod complectitur cyclum decemnovenalem integrum, tam Alexandrinum, quam Latinum, cum appositis diebus mensium, in quos XV. Paschalis quovis anno incidat.

Cyclus XV. Paschalis Cyclus XV. Paschalis

Alex.	Latin.		Alex.	Latin.	
1	17	VI. April.	11	8	XVI. April.
2	18	XXVI. Mart.	12	9	V. April.
3	19	XIV. April.	13	10	XXV. Mart.
4	1	III. April.	14	11	XIII. April.
5	2	XXIII. Mart.	15	12	II. April.
6	3	XI April.	16	13	XXII. Mart.
7	4	XXXI. Mart.	17	14	X. April.
8	5	XIX. April.	18	15	XXX. Mart.
9	6	VIII. April.	19	16	XVIII. April.
10	7	XXVIII. Mart.			

Hic jam videmus cyclo Alexandrino XIX. Latino XVI. connecti XV. Paschalem cum XIX. Aprilis. Incipitur XIV. Paschalis conveniet cum XVII. Aprilis. Enim vero ab eo anno, in quo XIV. Paschalis incidit in XV. Kalend. Maji, seu XVII. April. incipit cyclus Dionysii. Incipit ergo cyclo Alexandrino XIX. Latino XVI. & finitur V. April. anni sequentis, aureo numero, sive cyclo Alexandrino I. Latino XVII. Secundus orditur à XV.

à XV. Paschali incidente in VI. Aprilis. Ergo aureo numero Romano seu Alexandrino I. Latino XVII. & terminatur XXV. Martii anni sequentis, aureis numeris II. & XVIII. Tertius inchoatur à XV. Paschali incidente in XXVI. Martii, adeoque aureo num. Alex. II. Latino XVIII. & desinit XIII. Aprilis, aureo numero Alex. III. Lunari seu Latino XIX. Quod si jam inquiramus, cuinam anno congruat cyclus Alexandrinus XIX. Latinus XVI. reperiemus inter alios annum Periodi Jul. VMCCXLIV. Christi vulgarem DXXXI. Diocletiani CCXLVII. maximam partem. Hinc igitur Dionysius primum suum cyclum est exorsus. Hoc autem idem illud est, quod supra jam aliunde dedimus probatum. Ut, si de novo, cyclos Dionysii retro retexendo, numerare velimus, ad initium usque Epochæ Christianæ, idem, quod antea, queat produci. Quo nunc & illud facit, quod Beda aliquoties doceat, Dionysium in suo circulo quingentesimum trigesimum secundum Dominicæ incarnationis, in capite posuisse. Quamquam enim Beda in eo erret, quod hoc intellectum velit de anno DXXXII. vulgaris Epochæ Christi, cum aliud, ex aliquot Dionysii locis, supra jam ostenderit; tamen si illud admittas velut Dionysii assertum, necesse est ejus Epocham si numero rotundo utaris, anno uno nostram antecedere, eo, quod ipse annus DXXXII. conveniat cum nostro DXXXI. Stant itaque firmo talo, quæ supra de discrepantia nostram inter & Dionysii Epocham differuimus, utpote quæ extot ipsius Dionysii locis queunt probari.

M

Enim

*Solvantur
objectiones.*

Enim vero è diametro nobis ob stare videtur idem ille calculus Dionysii, quem pro nostris allegavimus partibus, cum in eo expresse dicat, primum sui cycli annum incipere anno decemnovenali sive Alexandrino primo, & Lunari sive Latino XVII. non autem Alexandrino XIX. & Lunari XVI. ut nos volumus. Cumque hanc seriem in sequentibus continuat, toties nobis contradicit, quot enumerat annos: Ut proinde temerarium videri queat, Dionysio, contra manifesta adeo verba, aliam affingere mentem. Præsertim cum verba ista Dionysii, sibi relicta, sæviter conspirent cum Beda, asserente, Dionysium in suo circulo quingentesimum secundum Dominicæ Incarnationis in capite posuisse; huic quippe anno, in Epocha nostra vulgari competit Cyclus Alexandrinus I. Latinus XVII. Quo ipso Beda etiam absolveretur ab illo errore, quem nos ei impegimus, quasi scilicet verba Dionysii minus bene intellexerit. Quamquam vero isthæc non exiguam habeant speciem, tanta tamen non sunt, quæ nos à nostra opinione queant dimovere. Etenim cum Cyclus Lunæ, tum Alexandrinus tum Latinus, constans sit, ita ut, postquam in orbem rediit, XV. Paschalis in eosdem incidat dies, quos in priori occupaverat, (licet elapsis singulis Cyclis, hora integra cum semisse fere, adeoque, ordine sæpius recurrente, etiam integris diebus pristinum statum anticipare deberet,) isque non interrupta serie ad nos usque sit propagatus, necesse est, dies istos, qui XV. Paschali, in Cyclo nunc

cur-

currente, annis singulis respondent, eidem etiam in præcedentibus competiisse. Proinde cum hodie non nisi aureo numero Alexandrino XIX. & Latino XVI. Paschalis XIV. cadat in XVII. Aprilis; Dionysius autem istud dicat fieri aureis numeris I. & XVII. manifestum est, per supra dicta, Dionysium incepisse Cyclum Alexandrinum atque Latinum, non, uti nos adfuevimus, à Kalendis Januarii, sed XV. Paschali, eas IX. fere mensibus præcedente, ut nostro v. g. aureo numero I. adhuc currente, vixque tribus elapsis mensibus, ipsi jam incipiat aureus numerus II. Quid, quod ipse Dionysius hoc fere totidem asserat verbis, quando se, ait, *annum primum sæpe dicti decemnovenalis Cycli à XIV. Pascha ultimi, id est, noni decimi anni usque ad XIV. ejusdem primi numerare curasse.* Quid enim per illum annum ultimum sive nonum decimum intelligamus aliud, quam annum Cycli Alexandrini vulgaris? præsertim cum hic ipse annus XIX. Alexandrini cycli, competat prioribus mensibus anni Diocletiani CCXLVIII. à quo suum se Cyclum auspicari Dionysius alibi asseruit. Hujus autem discrepantiæ, vulgarem inter & Dionysii Cyclum, causa, non incongrue hæc fuisse creditur: Cum Alexandrini Cyclo suo Lunari idem cum anno ipsorum civili, Diocletiano scilicet, principium darent, adeoque eum à XXIX. Augusti auspicarentur, & finirent XXIX. Augusti sequentis anni; Romani successu temporis, deserto Cyclo Majorum, hunc ab ipsis, velut harum rerum peritissimis, mutuo accipientes, eundem ad principium anni Juliani

alligare decreverunt. Ita vero ejus initium quatuor morabantur mensibus; ut proinde Cyclos Romanus v. g. I. cum Alexandrino I. non plene conspiraret, sed ejus quatuor menses posteriores, concurrerent cum Alexandrino II. Quando autem Dionysius Exiguus, in suo Kalendario Ecclesiastico, annos incipiebat à XV. Paschali, vidit, si cum hoc suo principio connecteret aureum numerum Alexandrinum currentem, & septem mēsis ante cœptum, fore, ut ipsius numerus aureus I. v. g. cum Alexandrino I. non nisi quinque prioribus mensibus, scilicet usque ad XXII. Augusti, conveniret, reliqui autem septem menses, atque adeo pars major, caderet in Alexandrinum II. Itaque numerum Alexandrinum sibi potius existimavit anticipandum, suumque Cyclum primum inchoandum à XIX. Alexandrino currente, ut elapsis, de ipsius primo Cyclo, jam quinque fere mensibus, Alexandrinus primus à XXIX. Augusti incipiens, maximam saltem partem cum suo conveniret. Enim vero istud Beda non animadvertit. Cum ergo ex Dionysio didicisset, primo anno Cycli sui XCV. annorum, competere etiam annum primum Cycli decemnovenalis sive Alexandrini, & XVII. Lunaris sive Latini, insuperque deprehendisset, eidem præfixum esse quingentesimum secundum annum Dominicæ Incarnationis, Epochæ Diocletianæ autem CCXLVIII. nullus dubitavit, Dionysio sermonem esse de cyclis Lunariibus, prout vulgo adhiberi consueverunt. Quod si enim Dionysius suum cyclum Paschalem XCV. anno-

annorum auspiciatus, est a vulgari anno Christi DXXXII. & Diocletiani CCXLVIII. jam currentibus, (ut Beda sibi pervasit,) non quadrabat ad ejus principium alius character, quam cyclus Alex. I. & Latinus XVII. computati more vulgari. Quod autem dictus Dionysii cyclus inceperit anno Diocletiano CCXLVIII. corrente, etiam ex eo collegit Beda, quod vidisset Pascha Cyrilli ultimum collocari in annum Diocletianum CCXLVII. adeoque primum, quod Dionysius annotavit, cadere in annum Diocletianum CCXLVIII. Certo enim sibi pervasit, Dionysium cycli sui initium ab eo Paschate sumsisse, quod primum in suo Laterculo descripsisset. Ita autem Beda cyclum, & cum cyclo etiam Epocham Christianam Dionysii, integro ferme anno decurtavit. Ut enim modo ostendimus, atque ex ipsis Dionysii supra adductis verbis constare potest, incepit ille suum cyclum à XIV. Pascha ultimi, i. e. noni decimi anni, adeoque à CCXLVII. anno Diocletiani, & Paschate Cyrilli ultimo.

Sic ergo videmus, quomodo fere per mille retro annos, duce Beda, Dionysii verba mentemque malè interpretante, Epocham nostram vulgarem, quæ annum Julianum XLVI. pro primo Epochæ Christianæ agnoscit, falso pro Dionysiana fuerit habita, cum potius Beda ipse, per errorem licet, ejus existat autor, quando non observans Dionysium vulgare numerorum aureorum initium anticipare, hanc opinionem menti Dionysii minus congruam, ex verbis tamen Dionysii, protulit, adeoque Epocham

*Beda præ-
cipuus au-
tor nostræ
aræ.*

cham constituit, qua nunc omnes fere Christiani
utiuntur.

Non ta-
men solus

Attamen nec Bedæ ea in solidum poterit ad-
scribi. Cum enim nos Natalem Christi conjicia-
mus in XXV. Decembris anni Juliani XLV. & à se-
quentibus Kalendis Januarii, anni XLVI. inchoemus
Epocham Christianam: Beda equidem annum Julia-
num XLVI. itidem pro primo æræ Christianæ ag-
noscit, cum eo tamen discrimine, ut eum non à
Kalendis Januarii, sed ab incarnatione incipiat, &
Christi Natalem referat in XXV. Decemb. anni hu-
jus ipsius. Quod nullo negotio poterimus dare
demonstratum. Etenim cum Beda operosus sit in
eo, ut probet, *secundum circuli Dionysii annum, ip-
sum esse, quo ejusdem sacrosanctæ Incarnationis my-
sterium cepit, & illo incarnato, unum circuli decemno-
venalis annum jam fuisse completum*, in eo autem se ita
gerat, ut Dionysii sententiam etiam pro sua agnoscat,
aliisque commendet; assumamus pro confesso, Bedæ
non minus, quam Dionysio, annum primum Epochæ
Christianæ esse secundum cycli decemnovenalis: sit
itidem certum, Christo incarnato, non nisi unum cycli
decemnovenalis annum fuisse completum, secundum
autem illum ipsum esse, quo ejus S. S. Incarnatio-
nis mysterium cepit: ita patebit Incarnationem ca-
dere in ipsum annum Epochæ Christianæ primum.
Cum autem eadem è sententia veterum Romano-
rum referenda veniat in XXV. Martii, Natalis eam
IX. infecutus mensibus, connectetur cum XXV.
Decembris ejusdem anni, Epochæ primi, cycli
autem secundi. Cer-

Certum igitur est, apud Bedam in primum Epochæ annum cadere ipsum Christi Natalem. Ex eo autem facili conjectura licet assequi, quod Beda quoque annum suum ab incarnatione inchoaverit. Quid enim, tum inprimis, ubi Epochæ Christiana nondum adeo publici erat usus, nec prava inveterataque consuetudo suadebat aliud, habuisset causâ, ut ætatem Christi tribus ante mensibus, quam conceptus erat, numerare inciperet? Imo ne dubitationi ullus relinquatur locus, ipsum hoc ex ejus scriptis est manifestissimum.

Quod si igitur nostram intueamur Epocham, ea equidem Bedæ in tantum poterit assignari, quatenus ipse nobis extitit autor collocandi primum ejus annum in Julian. XLVI. Urb. Cond. DCCLIV. Per. Jul. IVMDCCXIV. Quia autem Epochæ ipsi usurpata incarnationem pro principio agnoscit, nostra vero Kalendas Januarii eam tribus fere mensibus præcedentes; insuperque in Natali Christi integro distamus anno; manifestum est, nostram Epocham peculiarem interpolatorem esse nactum, adeoque nec Bedæ, nec Dionysio plene acceptam esse ferendam.

Equidem quid gentes, quæ, ad ductum Bedæ, annum Christi primum in Julianum XLVI. collocarunt, moverit, ut monstratum ab eodem initium anni, ocyus serius deseruerint, potiusque elegerint, à Kalendis Januarii auspicari annum, me latet, nec publicis, quantum scio, monumentis est proditum. Si tamen conjecturis sit indulgendum, causam for-

san haud difficulter hariolari licet. Scilicet cum temporibus Bedam secutis, propter antiquam anni Romani formam, atque inveteratam à Kalendis Januarii computandi rationem, incommodius paulo videretur, annos ab incarnatione deduci, prapriis cum nec alias à conceptionis momento, sed potius à Nativitate, annos ætatis numerare soleamus; placuit in posterum à Natali Salvatoris, vel potius, (ut noster annus cum antiquo Romano plene conspiraret,) à Kalendis Januarii, utpote Natalem Christi proxime insequentibus, principium anni repetere. Cum vero ad hoc principium assequendum, IX. menses de pristina æra Dominicæ incarnationis eximendi essent, seu anno Christiano tum currenti IX. menses detrahendi, viderent vero, nimiam inde orituram confusionem, Epochamque Christianam jam tum justo breviorē, & à Patrum calculo multum abeuntem, magis adhuc decurtatum iri; tribus potius mensibus eandem hanc Epocham anticipandam statuerunt, ut ita non nisi circa principium aliqua fieret mutatio, de cætero autem conceptio pariter ac Nativitas Christi, maneret, more hætenus recepto, in ipso primo Epochæ Christianæ anno. Cum autem vulgus parum attenderet ad id, quod actum erat, primum ab ipso, deinde vera sententia, mora temporis, oblitterata, etiam à doctis credebatur, Christum ex sententia veterum esse natum XXV. Decemb. præcedente annum primum Epochæ Christianæ. Quamquam Beda ipse forsân haud parum ad hunc errorem

rem contulit. Cum enim Christum (ex propria *De Rati-*
 ejus opinione) XXXIV. Epochæ nostræ anno pas- *on. Temp.*
 sum, triginta tres annos solidos cum tribus mens- *c. 47.*
 bus implevisse tradat, imprudens & vel invitus Na-
 talem Christi collocat in finem anni, communem
 æram Christi præcedentis. Atque hæc forsan causa
 fuerat Epochæ nostræ introducendæ. Prout vero,
 ubi conjectando res agitur, facile plures nascuntur
 opiniones, ita etiam Dionysius Petavius, cum de-
 prehendisset, quod Dionysii calculus illum, quem
 Beda adhibet, præcise anno integro præcedat, fere
 ambigendum putat, casuue nostræ æra sit introducta, *Doctr.*
 an potius admirabiliter factum sit, ut adversus Ma- *Tem. I.*
 gistrorum auctoritatem, vulgus incarnationem na- *XII. c. II.*
 talemque Christi in pristino, & à Dionysio tradito
 anno, retineret; tamen ipsius æræ principium sibi
 passum fuerit extorqueri. Imo si Gassendi admit- *Kalend.*
 tas conjecturam, omnino æra nostra magno consi- *Rom. c. V.*
 lio in usu publico erit constituta. Putat enim illos,
 qui Dionysium sunt secuti, deprehendisse, homi-
 num vitam non à conceptione, sed ab ortu vulgo
 putari, prætereaque animadvertisse, Nativitatem
 Christi non longe abesse à fine anni Juliani, & cir-
 cumcisionem celebrari ipsis Kalendis Januarii; atque
 hinc communi fere consensu constituisse, ut primus
 Christi annus ab ejus Nativitate duceret exordium:
 Ita autem factum esse, ut æra communis invaluerit,
 uno anno inferior æra Dionysii, servato tamen toto
 Cyclo Dionysiano in cæteris, solo excepto capite.
 Atque hæc quidem opinio non parum probabilitatis
 nanciscitur ex eo, quod supra viderimus, Pisanos

quondam ipsum Dionysii calculum observasse, h. e. annum à XXV. Martii anni Juliani XLV. incepisse, alias autem gentes, saltem in Natalem anni Juliani XLV. principium anni retulisse.

Cæterum quæ hætenus de Epochâ Dionysii
Riccioli differuimus, ostendimusque quantum à vulgari no-
sententia stra differat, eadem, sed alia paulo ratione, probare
de nostra satagit Joh. Bapt. Ricciolus. Primo enim ex verbis
era. Dionysii: *nos à CCXLVIII. anno ejusdem* (Diocletiani)
tyrauni potius, quam Principis, inchoantes &c. col-
Chron. ligit, ipsum inchoasse suum Cyclum corrente anno
Reform. CCXLVIII. Diocletiani, sed ab incarnatione, adeo-
l. VIII. que etiam corrente anno DXXXII. Epochâ Christi-
c. I. anæ vulgaris. Deinde subjungit tria Bedæ loca,
De Rat. quorum primo Dionysium, ait, *in suo circulo quin-*
Temp. c. *gentesimo trigesimo secundum Dominica incarna-*
47. *tionis in capite ponendo, manifesto docuisse, secundum*
sui circuli annum ipsum esse, quo ejusdem S. S. Incar-
nationis mysterium cæpit. Altero autem idem Be-
 da refert, Dionysium præcepisse, si de annis Chri-
 sti scire cupias, quoti sint Cycli Lunaris, ipsis, pri-
 usquam per XIX. partiaris, unitatem esse addendam.
 Tertius, isque potissimus, talis est: *Quia ergo secun-*
do anno Cycli, quem primum Dionysius scripsit, quin-
gentesimus trigesimus tertius ab Incarnatione Domini
completus est annus, ipse est nimirum juxta concursus
fiderum ille, in quo incarnari dignatus est, quia hic
secundus annus decemnovenalis. Ex his tribus locis,
 conjunctis cum Dionysii verbis, jam deducit Ricci-
 olus: *Initium Cycli Dionysiani precedere announo*
arâ Dionysianam annorum Domini, ab Incarnatione
preste

preſſe ſumta, computandorum; & aram Dionyſianam
 uno anno quoad denominationem, ſed menſibus IX. ac
 diebus VI. precedere Epocham vulgarem, & jam diu
 uſitatam in Calendario Romano, & à Kalendis Jan.
 ſolitam inchoari. Cujus equidem aſſerti ſequentem
 ex locis dictis rationem reddit. Primus annus Do-
 mini incarnati, eſt juxta Dionyſium annus ſecundus
 Cycli decemnovenalis, non ſecus ac apud Computiſtas
 Calendarii Romani, primus annus Epochæ Chriſtiane
 à circumciſione initus, eſt ſecundus aurei numeri. De-
 inde abſoluto Cyclo annorum DXXXII. (qualem Dio-
 nyſio Beda tribuit,) primus annus novi Cycli à Diony-
 ſio inſtaurati, inſepit ab incarnationis feſto, anni, E-
 pocha vulgaris Chriſti, DXXXII. currentis; ſed in eo-
 dem feſto completus fuit annus DXXXII. ab Incarna-
 tione Domini numeratus; & quando cœpit annus ſecun-
 dus novi hujus Cycli, completus fuit annus DXXXIII.
 ab Incarnatione Domini, ut diſerte ait Beda, nempe
 completus in Feſto Incarnationis, currente adhuc E-
 pocha vulgaris Chriſti anno DXXXIII. & Diocletiani
 CCXLIX.

Enim vero, haud urgebo, Dionyſium ſuum *Sub exa-*
 cyclum non ab incarnationis Feſto, ſed a XV. Pa- *men vo-*
 ſchali auſpicatum eſſe, qui, licet parum ab eo di- *catur.*
 ſtet, raro tamen cum eodem conjungitur: potius
 diſpiciam de ipſa probatione, quæ mihi multis modis
 laborare videtur. Etenim ſi primus annus novi
 cycli à Dionyſio inſtaurati, cœpit ab incarnationis
 Feſto anni Epochæ vulgaris Chriſti DXXXII. & in
 eodem Feſto, completus fuit annus DXXXII. ab in-
 carnatione Domini, ex mente Dionyſii numeratus,

necesse est, simul effluxisse priorem cyclum annorum DXXXII. & Epochæ Dionysianæ annum DXXXII. Quod si ergo ordine retrogrado, ad initia hujus cycli & Epochæ Dionysianæ progrediamur, palam erit, illos quoque (si Riccioli sequamur calculum,) eodem anno dieque, festo scilicet incarnationis, anni Juliani XLV. cœpisse, adeoque novem mensibus & diebus sex, ante Epocham Christi vulgarem. Itaque Ricciolus citra contradictionis notam haud poterit asserere, cyclum Dionysianum præcedere anno uno æram Dionysianam, hanc autem anno uno quoad denominationem, sed diebus VI. mensibusque IX. præcedere Epocham Christi vulgarem, aut, si hæc vera sunt, (uti nos quidem haud difficulter concedemus,) necesse est, vitiose calculum ab ipso fuisse institutum. Neque magis cum fundamento a Ricciolo posito, quod scil. Dionysius suum cyclum auspicatus sit ab incarnationis festo, anni Epochæ vulgaris DXXXII. currentis, ea possunt stare, quæ d. l. affert pro ulteriore thesæos confirmatione. Putat nempe, Dionysium aliter aureo numero usum, ac nunc solent Computistæ Calendarii Romani & Juliani, eo, quod primus annus cycli decemnovenalis, incipiat a Kalendis Januarii anni Juliani XLV. durentque usque ad initium anni Juliani XLVI. at Dionysius Exiguus cyclum suum Paschalem ab incarnatione inchoans, assumeret aureum numerum II. perinde ac si primus jam esset completus. Quamquam enim hæc omnia vera sint, & recte se habeant, ad eum nempe modum, quo supra eadem explicavi; quod si tamen dicas,

Dio.

Dionysium inchoasse cyclum ab incarnatione anni Christi vulgaris DXXXII. omnia hæc falsa evadunt; Nam annus Christi vulgaris DXXXII. præditus est aureo numero I. Si ergo in eodem anno cœpit primus cycli Dionysiani, manifestum est, aureum numerum Dionysii & Computistarum Calendarii Romani, faviter conspirare, nisi quod Dionysianus a XIV. Paschali auspicatus, tribus mensibus adhuc tardius incipiat, quam cyclus Romanus vulgaris: tantum abest, ut ex hac hypothese illum queat præcedere. Ita quoque si retexendo numeremus usque ad quingentesimum trigesium secundum annum, incipiet (ex hoc Riccioli fundamento) primus Cycli Dionysiani annus IX. mensibus ante Epocham vulgarem, adeoque anno Juliano XLV. At hic annus fatente Ricciolo, itidem præditus est aureo numero I. Ergo denuo nulla lis inter nostrum Dionysiique aureum numerum. Vt proinde frustra Ricciolus suam demonstrationem his claudat verbis: *Manet igitur certum, Cyclum Dionysianum annorum DXXXII. à Dionysio inchoatum anno XLIV. Juliano; Incarnationem autem XLV. Juliano.*

In has autem trias ipsum implicavit erroneum fundamentum, quasi scilicet Dionysius cyclum orsus sit ab anno Christi vulgari DXXXII. currente: Ad quam hypothese ipsi ansam dederunt verba ipsius Dionysii, quibus se cyclum suum ab anno Diocletiano CCXLVIII. inchoasse scribit. His enim verbis Ricciolus presse adeo insistendum putavit, ut non nisi anno Diocletiano CCXLVIII. jam currente, Dionysium cyclum suum esse orsum, dici que-

at. Quo pacto non poterat non annum Christi vulgarem DXXXII. pro primo Dionysiani cycli agnoscere: cum tamen nos supra jam ex ipso Dionysio luculenter, ceu puto, ostenderimus, verba illa latius esse interpretanda. Sed cum præcipue niti videatur locis Bedæ citatis, neque ista eum possunt habere sensum, quem illis Ricciolus affingit. Est siquidem extra controversiam positum, Bedam, cit. loc. totum in eo esse, ut ostendat, quomodo è certis à Dionysio datis, annus Christi natalis queat elici, atque cum Cyclo connecti: At nec vola, nec vestigium ullum in Beda occurrit, quod agnoverit Epocham Dionysianam à sua, aut vulgari discrepare. Quando igitur aliquoties asserit, secundo anno Cycli Dionysiani Christianam inchoari Epocham; itemque, hunc Cyclum instauratum incepisse quingentesimo trigesimo secundo anno Incarnationis, erunt hæc omnia intelligenda de æra ipsius Dionysii, sed à Beda male percepta. Itaque quando nunc dicit: *anno secundo circuli, quem primum Dionysius scripsit, quingentesimus trigesimus ab Incarnatione Domini completus est annus*: non poterunt hæc verba ita exponi, quasi secundo Cycli anno incipiente, DXXXIII Dominicæ Incarnationis in Dionysii Epocham jam sit absolutus, (uti quidem Ricciolus vult,) cum alias prior hypothesis plane everteretur; sed eum in modum, quod cum anno secundo Cycli, etiam Incarnationis annus DXXXIII. sit completus, adeoque etiam cum eodem cœperit. Atque ita patet, veritatem equidem Ricciolo suboluisse, sed cum falsa captus esset hypothesis, infelicius

cuius eam eruere tentasse. Quo ipso tamen veritati rei nihil prorsus decedit, sed manet inconcussum, Epocham, qua hodiernum utimur, falso adscribi Dionysio, cum Epochā ipsius nostram IX. antecedar̄ mensibus, licet (sive casu; sive consilio hoc factum sit,) nos & Incarnationem & Natalem Christi Servatoris nostri, in eundem collocemus diem annumque, in quem ab ipso sunt collocati.

Restaret, ut diceremus de quæstione illa decantatissima, num Epochā nostrā vulgaris verum Christi Natalem attingat, nec ne? Enim vero quia jam sub manu crevere pagina, isthac autem tractatio tam prolixa sit, ut modum dissertationis Academicæ excedat; sed & hanc operam dudum occupaverint Viri illustres totoque orbe celeberrimi, Baronius, Keplerus, Dekerus, Scaliger, Petavius, Vossius, Langius, Strauchius alique, nos illo labore poterimus hac vice supersedere.

S. D. L.

COROLLARIA.

I.

Una plus luminis habet in Novilunio quam in Plenilunio.

II.

Licet nobis, salva veritate, asserere, omnem Eclipsin Solarem contingere in Plenilunio.

III.

Qui negant ignem (vulgo sic dictum,) esse sub concavo Lunæ, Aristoteli non videntur contradicere.

IV.

Radii Solares calorem æstivum producant, non tam quod

BS)(100.)(SE
quod eo tempore erecti magis, quam quod in majori copia,
ad nos pertingunt.

V.

America veteribus jam cognita fuisse videtur; novæ autem detectionis gloria, non Italis, sed Germanis nostris debetur.

VI.

Pharamundus non fuit primus Rex Francorum.

VII.

Ad Rhetorem non requiritur, ut ipse queat orationem habere.

VIII.

Poetæ non minus fiunt, quam nascuntur.

IX.

Lumen Naturæ nemini sufficit ad salutem.

X

Existencia Angelorum vix poterit ex lumine naturæ demonstrari.

XI.

Datur etiam demonstratio ex alienis.

XII.

Non pugnant invicem, causam Societatis esse Indigentiam & quoque Naturam.

XIII.

Non omnis Lex positiva dependet ab arbitrio Legislatoris.

XIV.

Virtus non acquiritur propter se.

XV.

Promissio ob causam turpem, neque ante, neque post conditionem ab altera parte impletam, ullam habet efficaciam.

XVI.

Literæ quadratæ, quibus hodie sacer textus Ebræus exaratus extat, sunt primitivæ, nec pro Samaritanis substitutæ.

XVII.

Forfan non abs re dicas, hodiernos Judæos non ab omni sanguine, aut animalibus a Christianis mactatis, abstinere.

Quan-



J. J.

QVanquam singula DEI opera mentem sapientis incredibili perfundant gaudio, dum nutum potentissimum, quo vivimus, movemur & sumus, mira varietate nobiscum suavissime ludentem, palpandum exhibent; illa tamen speciali quadam voluptate trahunt homines, quæ peculiarem loquuntur gratiam Numinis. Omnium capit oculos animosque Iris, sive istum colorum nitorem, sive constantem eorundem ordinem, sive figuram ad leges circuli compositam, sive situm aliave spectemus. At si insuper legimus Gen. IX. 13 seq. quod nos admonere debeat gratiosissimi illius promissi, de terra non amplius aquis obruenda, plus amœnitatis habet ejus contemplatio. Atque hoc illud est, quod & nobis ansam præbuit, non solum, post magni nominis Viros, Cartesium, Grimaldum, Fabri, Ekardum aliosque, ipsam Iridem curatius paulo inspicendi, sed &, insimul respiciendo ad divinum illud promissum, examinandi jam olim exagitata questionem: Num scil. Iris etiam ante Diluvium fuerit, nec ne? Cum vero frustra ejus expectetur decisio, nisi prius constet quid Iris sit, ut exinde cognoscatur, an portentum sit extraordinarium, an vero contra ex ordinariis oriatur causis; ideo,

O

ordi-

ordinis gratia, nobis 1. Memorabilia Iridis, 2. Fontes primarii ex quibus ea fluunt, 3. Derivatio eorundem ex dictis fontibus, ac denique 4. Decisio quaestionis dictae, exhibenda. Faxit DEUS feliciter!

Cap. I.

Memorabilia Iridis continens.

§. I.



Phan. 1.

Inter elegantissima, quae in Iride conspicienda veniunt, phaenomena, illud, à recentioribus observatum Philosophis, haud immerito primū obtinet locū, quod videlicet illa, non in nube (ut multi veterum putarunt) tersa & polita, instar speculi, non in opaca & concava, sed in quacunque rorida, vel potius in aëre rorido, appareat; cum saepe colles, arbores, prata, agrosq; iridis coloribus imbutos, imo ipsius cornua in valles usque montium, quo omnino nubes non pertingunt, demissa conspiciamus. Ut inde non raro imam saltem Iridis partem istis corporibus inhærere per errorem opticum credamus, plebsque sibi persuadeat, aureas circa Iridis radices reperiri patellas ab iis, quibus datum citato cursu assequi illum locum, ante fugacis arcus discessum.

Phan. 2.

Phan. 3.

Phan. 4.

Phan. 5.

§. II. Equidem longius aliquando à spectatore abesse, nec tamen infrequenter vix ad teli iactum distare videtur. Imo aliquando unum ejus crus, quod alii cornu vocant, spectatori satis est vicinum, cum alterum deprehendatur longe remotum. Nec plures spectatores eandem numero iridem, sed diversas vident; illam-

illamque sequentes fugere, fugientes autem sequi, & semper cum spectatore moto in eandem creditur *Phæn. 6.* ferri plagam.

§. III. Tametsi verò aer undique ejusdem sit constitutionis, non tamen in qualibet parte aeris roridi, seu guttulis aqueis pleni, sed in illa solum se prodit Iris, quam inter & corpus lucidum spectator est medius. *Phæn. 8.* Atque ita in boreali mundi plaga, non minus quam orientali & occidentali, nunquam autem, nostris in regionibus, in australi occurrunt irides.

§. IV. Illuminans plerumque est Sol, rarius Luna, *Phæn. 9.* (aqua, non tamen nisi nocturno tempore, & in plenilunio, arcus debilioribus multo coloribus ornati producuntur) aerem roridum illustrantes radiis immediatis & directis; sive finita pluvia, per nubes interruptas, liberius istucruant, sive per cadentes adhuc guttas eo per-
tingant pauciores. *Phæn. 10.*

§. V. In ipso enim nubium lapsu, aut certe cum in guttas resolutæ vix deciderunt, se conspiciendam præbet. Accidit tamen nonnunquam, ut, Irìde visa, nulum advertamus pluviae vestigium. Uti nec semper observationis locum circumfluunt radii Solis, intercedentibus nubibus, dum se oculis sistit Iris. *Phæn. 11.*

§. VI. Nulla diei hora præ reliquis gaudet. Attamen à 10. Aprilis usque ad 10. Augusti nulla, apud nos, circa meridiem visitur Iris. Nec ad certam anni diem est restricta; quanquam sæpius verno & autumnali, quam reliquo anni tempore, generetur. *Phæn. 12.*


§. VII. Caterum duas ordinarie deprehendimus Irides, se invicem parallelo comitantes situ. Rarius & extra *Phæn. 13.*

Phæn. 19. ordinem visuntur plures. Ita, post alios, Senguerdus (a) d. 27. Aprilis 1685. non diu post Solis ortum tertiam notavit Iridem, inter ordinarias mediam, quæ circa cornua cum primaria cohærere, in summo autem æquali intervallo ab utraque abesse censebatur, ac de cætero, numero & ordine, nequaquam autem nitore colorum, cum primaria erat comparanda. Vitellio quatuor se Paduæ vidisse testatur. (b) Alii plures longe fieri posse contendunt.

Phæn. 10. §. VIII. De duabus ordinariis id inprimis notandum, quod radii ex inferiore sive primaria, in oculum spectatoris emissi, cum radio ex sole per eundem oculum mente ducto, 42. circiter gradus intercipient, cum è, contra radii superioris, quam secundariam vocant, cum dicto Solis radio angulum 52. circiter graduum constituent. Cujus rei nunquam non capere licet experimentum, si, visa Iride, subsidio Quadrantis investigemus quot gradibus Sol S, nec non supremum Iridis punctum I, ab Horizonte H, utrinque absit. Cum enim angulus SOH, qui respondet elevatione Solis, sit æqualis angulo HOA, tanquam suo verticali; pater elevationem Solis atque Iridis addendas esse, ut habeamus angulum JOA, quem scilicet radius JO, ex Iride in oculum O ductus, cum radio SOA, ex Sole per eundem oculum ducto, format. Nec difficile erit idem hoc de reliquis Iridis punctis explorare, si Quadrante DOE ita disposito, ut radius JO, ex culmine Iridis prodiens, per 42. aut 52. grad. transeat, postea lateri OD semper radio SA immorante, Quadrans sensim rotetur; ita enim radii ex quacunque Iridis parte

in

(a) *Philos. Natur. Part. 3. c. 6.* (b) *Optica l. 10. prop. 69.*



O 3.
(c) cap. 8. ob (d) serv. 4.

neque

Phen. 19. ordi
(a) d
nota
corr
qual
tero
colo
quat
ge fi

Phen. 10.

dum
speci
lum
è, coi
cum
confi

Fig. 1.

expei
stiger
dis p
enim
æqua
vatio
mus
in oc
unde
dem l
drant
Iridis
teri C
sim re

(a) *Philos. Natur. Part. 3. c. 6.* (b) *Optica l. 10. prop. 69.*

in oculum. O eyibrati; semper eundem feriunt Quadrantis gradum. Tamen si vero hæc semper ita contigerint, nihilominus veritas hæc nostro demum seculo, & à paucis retro annis, hominum mentibus patuit. Nam primus detexit Cartesius, quo sub angulo, & per quos radios, isti colores sese repræsentent; adhibita Pila vitrea, satis accurate rotunda, valdeq; pellucida, quam, limpidissima impletam aqua, è regione Solis debite suspendit; Quod experimentum prolixè descriptum in ejus libro de Meteoris, (c) infra (d) fusius recensēbimus. Sed non raro plane abest, aut saltem disrupta apparet, *Phæn. 21.* iris superior, uti nec inferior semper integra existit.

§. IX. Colores autem Iridis, quod attinet, quinque nobis experientia & aspectus ocularis monstrant. *Phæn. 22.*

Quamquam vero sint qui tres tantum, nempe puniceum, viridem, & purpureum, aut quatuor, nempe præter hos etiam violaceum, agnoscunt; reliquos tamen non tam negant, quam sub cæteris comprehendunt. Occurrunt autem iidem plane in superiore, quos in inferiore ob-

servamus, nisi quod ordo invertatur. Uti enim in primaria, seu inferiore, infimus est purpureus vel violaceus, huic proximus cæruleus, medium locum occupat viridis, hunc excipit flavus, supremam stationem, seu secundariæ proximam, tenet puniceus; ita contra in secundaria infimus est ruber sive puniceus, hunc sequitur flavus, in medio corruscat viridis, cui incumbit cæruleus agmen, vero claudit purpureus. Ubi & hoc non

prætermittendum putamus, quod in secundaria colores notabiliter sint debiliores quam in primaria, necnon in summitate utriusque quam circa bases earundem; *Phæn. 24.*

O 3 neque
(c) cap. 8. ob (d) serv. 4.

Phæn. 26. neque iridum diverso tempore comparentium idem sit nitor colorumque vivacitas.

§.X. De cætero arcum alicujus circuli detornat utra-

Phæn. 27. que, & tanto quidem minorem, quanto Sol est altior,

tanto autem majorem, quanto idem depressior, ita ut,

Phæn. 28. Sole Horizontem transeunte, arcus integrum adæquet semicirculum, ultra quem limitem excrescit nunquam; nisi forsan in eminentissimo monte constitutus, Sole occidente, Iridem semicirculo majorem deprehendere valeat. Uti, ex adverso, Sole ultra 52. gradus supra Horizontem elevato, nunquam Iris in aere depingi potest. Deorsum ordinarie spectant cornua Iridis,

Phæn. 30. & arcus sursum versus nubes ducitur. Sunt tamen qui narrant se iridem vidisse inversam, sed rarius.

Phæn. 31. §.XI. Latitudinem arcuum quod concernit, est illa dimidii gradus quam proxime.

Phæn. 32. §.XII. De interitu illud notatu dignum est, quod scilicet ejus evanescendi initium plerumque fiat in summo, rarius in latere alterutro, finis autem in imo seu basi: Denique, de Iridis duratione, ipsa experientia

Phæn. 33. testatur, illam non multas horas, Halonum instar, sed pauca tantum durare minuta.

Cap. II.

Fontes primarios eorum quæ in præcedente Capite enarravimus complectens.

Hypothesis I.

Color emphaticus est lumen modificatum.

Ecte-

Ecthesis.

Duo in colore sunt consideranda, materiale & formale, ceu in Scholis appellamus. Materiale nihil aliud est quam lumen ipsum; Formale autem modus quo radii lucis per refractionem & reflexionem afficiuntur.

Scholion I.

Equidem assertionem universaliter, & non minus de colore reali, quam emphatico, ceu vocant, veram putamus. Cum enim etiam realis color [1.] plerasque qualitates cum lumine habeat communes, ita ut diffundatur in momento, frangatur, reflectaturque eodem modo, penetret pellucida, & si vivacior est, confundat oculos; nec [2.] unquam moveat visum nisi præsente lumine; [3.] Una autem cum lumine mutetur, ita ut alius sit rerum color lumine Solis, quam Lunæ, candelæ, sulphuris, vinive adusti, perfusorum, (tamen si hanc varietatem non facile sentiamus, dum omnium rerum circumstantium eodemque lumine illustratorum colores, eadem proportionem mutantur; perinde ac per vitrum coloratum visa eundem videntur habere colorem, quem citra vitrum oculo exhibent; cuius tamen contrarium mox apparet, si altero oculorum nudo, altero autem colorato vitro munito, rem eandem intuemur.) Insuper [4.] omnis color possit in lumen converti re ipsa illa, modo scilicet objectum lumine uberiore, per specula cava aut lentes vitreas collecto, illustretur: Et [5.] omne lumen possit in colorem converti, seu ex lumine purissimo colores vivacissimi, exemplo auroræ & col-

colorum per prismata trigona productorum, generari: Non est cur dubitemus etiam reales colores ex lumine, velut suo materiali, constare. Formale autem eorum consistit itidem in modo quo radii disponuntur, aut confunduntur. Quem modum cum imprimant radii illa ipsa corpora, quæ eos reflectunt atque infringunt, non immerito color illis inesse dicitur. Et quidem, si hic modus dependet ab essentiali constitutione particularum corpus componentium, & qua magnitudinem, figuram & dispositionem, valde variantium, color dicitur essentialis; accidentalis autem, si ab accidentali earum statu oritur. Emphaticus denique audit, si insuper certus lucis aut spectatoris positus requiritur. Quam veritatem qui capit, à dubio cæteroquin ferme insolubili, quomodo nempe radii lucis, certa ratione refracti & reflexi, eodem modo possint afficere oculum quo colores rerum, liberatur, quia nempe idem sunt. Sed ne videamur hic quicquam supposuisse, quod non ab omnibus æque admittitur, restrinximus hypothesin ad emphaticos colores, de quibus veritatem asserti nemo temere negabit.

Scholion II.

Quo autem in specie pacto radii lucis debeant affici, ut rubrum e. g. flavum &c. producant colorem, omnium optime monstrat phænomena prismatis trigoni vitrei, quæ nunc exactius paulo contemplabimur.

Observatio I.

Fig. 3.

Constat experientia radios Solis A G B, in Prismatis superficiem D E illapsos, magnam partem reflecti;

cti; ex iis autem qui illic cum debita refractione transeunt, rursus aliquos à superficie EF reflecti versus DF, reliquos vero, inde cum nova refractione in aerem emissos, eodem ordine númeroque generare colores, quo eos in iride observamus; nempe ruber seu puniceus circa O, proxime hunc flavus, inde in C viridis, post viridem caruleus, denique circa M purpureus seu violaceus (de utroque enim videtur participare) conspicitur. Idem præstant Solis radii per alteram prismatis superficiem D F admissi, quos tamen in Schemate, ad evitandam confusionem, omisimus.

Scholion.

Ut autem exactius constet, quales hi radii sint, qui singulos colores producant, adhibebimus Prisma trigonum æquilaterum, cujus adeo latera bina quavis angulum 60. graduum intercipiunt. (e) Notabimus vero in antecessum, radium lucis ex aere in vitrum cum aliqua inclinatione ingressum, frangi ad perpendicularum, sive ad illud propius accedere; in egressu autem ex vitro in aerem, frangi à perpendicularo, seu ab illo longius discedere; Angulum inclinationis dici, quem radius lucis cum perpendicularo in puncto incidentiæ format: Angulum refractum, quem idem radius refractionem passus cum eodem perpendicularo intercipit. Angulum refractionis, differentiam inter angulum refractum & angulum inclinationis; Sinum anguli inclinationis ad Sinum anguli refracti esse ut 14 ad 9, ex recentissima observatione Is. Nevvtonii, à Willh. Molineusio in Dioptrica nobis commu-

P

nica-

(e) *Eucl. l. 1. p. 32. coroll. 5.*

nicata. (f) His ita præmissis, licebit haud difficulter determinare.

Fig. 2. Probl. 1. Dato angulo inclinationis SRP, quemvis angulum refractum LRD. Nempe ut 14. ad 9, ita sinus anguli inclinationis ad sinum anguli refracti.

Probl. 2. Dato angulo refracto LRD, angulum RDF, quo nempe radius lucis SR, in R refractus, ferit superficiem prismatis BC. Si enim à 60. grad. subtractas angulum refractum, habebis quæsitum. Nam ducta perpendiculari EHD, lineæ PL parallela, angulus H est rectus & B 60. grad (g) ergo HDB 30. grad. (b) adeoque complementum ejus HDF itidem 60. grad. à quo subtracto HDR, æquali ipsius alterno (i) seu angulo refracto DRL, habetur quæsitum.

Probl. 3. Dato angulo FDR, angulum IDG, sub quo scilicet radius lucis DG iterum egreditur in aerem. Cum enim radius DG ita debeat egredi, ut retro actus priora legat vestigia, seu eandem servet lineam DR, habebit angulus RDF rationem refracti, & IDG rationem anguli inclinationis, si nempe radium DG velut ingredientem consideres, tamen si, si illum ut egredientem spectes, angulus RDF sit inclinatus & IDG refractus; Adeoque primus processus solum erit invertendus, & dicendum, ut 9 ad 14, ita sinus anguli FDR ad sinum anguli IDG. Ecce Tabellam adjunctam, in qua omnes hi anguli jam exhibentur sub debita mensura.

Angul.

(f) *Alta Erudit.* anni 1693. p. 4. (g) *per Schol. præc.*

(b) *Eucl. l. 1. p. 32.* (i) *Eucl. l. 1. p. 29.*

Angul. incl.	Angulus refractus		Angulus inclinat.		Angulus refractus		Angulo incl.	Angulus refractus		Angulus inclinat.		Angulus refractus			
S R P	L R D	R D F	I D G	S R P	L R D	R D F	I D G	S R P	L R D	R D F	I D G	S R P	L R D	R D F	I D G
gr.	gr.	m.	gr.	m.	gr.	m.	gr.	gr.	m.	gr.	m.	gr.	m.	gr.	m.
30	18	45	41	15	00000			52	30	26	29	34	50		8
31	19	20	40	40	00000			53	30	53	29	7	49		1
32	19	55	40	5	00000			54	31	20	28	40	48		16
33	20	30	39	30	81	39		55	31	46	28	14	47		23
34	21	4	38	56	77	51		56	32	12	27	48	46		31
35	21	38	38	22	74	53		57	32	37	27	23	45		41
36	22	12	37	48	72	27		58	33	2	26	58	44		52
37	22	46	37	14	70	15		59	33	26	26	34	44		5
38	23	19	36	41	68	19		60	33	50	26	10	43		19
39	23	52	36	8	66	32		61	34	13	25	47	42		35
40	24	24	35	36	64	53		62	34	35	25	25	41		53
41	24	56	35	4	63	21		63	34	57	25	3	41		12
42	25	28	34	32	61	52		64	35	18	24	42	40		33
43	26	—	34	—	60	26		65	35	38	24	22	39		55
44	26	31	33	29	59	6		66	35	58	24	2	39		19
45	27	2	32	58	57	50		67	36	17	23	43	38		44
46	27	32	32	28	56	38		68	36	35	23	25	38		11
47	28	2	31	58	55	27		69	36	53	23	7	37		39
48	28	32	31	28	54	18		70	37	10	22	50	37		8
49	29	1	30	59	53	12		71	37	26	22	34	36		39
50	29	30	30	30	52	8		72	37	41	22	19	36		12
51	29	58	30	2	51	7		73	37	56	22	4	35		46

Fig. 2.

Angul. incl.	Angulus refractus	Angulus inclinat.	Angulus refractus	Angul. incl.	Angulus refractus	Angulus inclinat.	Angulus refractus
S R P	L R D	R D F	I D G	S R P	L R D	R D F	I D G
gr.	gr. m.	gr. m.	gr. m.	gr.	gr. m.	gr. m.	gr. m.
74	38 10	21 50	35 21	82	39 32	20 28	32 57
75	38 23	21 37	34 58	83	39 39	20 21	32 45
76	38 35	21 25	34 36	84	39 45	20 15	32 34
77	38 47	21 13	34 15	85	39 49	20 11	32 27
78	38 58	21 2	33 56	86	39 53	20 7	32 20
79	39 8	20 52	33 38	87	39 57	20 3	32 14
80	39 17	20 43	33 23	88	39 59	20 1	32 10
81	39 25	20 35	33 9	89	40 —	20 —	32 9

Patebunt autem ex ea seqq. Corollaria:

1. Nullum radium, cujus angulus inclinationis SRP minor est 32. gradibus, ex superficie BC iterum posse egredi, sed hinc reflecti versus AC. Cum enim tunc angulus RDE, qui rationem refracti habet, (k) major sit 40. gradibus, & secunda Tabulae columna monstret, nullum angulum refractum posse esse majorem 40. gradibus; manifestum est, ejusmodi radium in D non egredi, sed hinc reflecti versus AC. Ut adeo à reliquis solum, quorum scilicet angulus inclinationis est ultra 32. gradus, omnis color prismatis aequaliter sit derivandus, quod etiam cum experientia pulchre conspirat.

2. Quo major est angulus inclinationis, eo majorem esse angulum refractionis.

3. Non eandem, nec similem, esse differentiam angulorum refractorum, quae est angulorum inclinationis iis respondentium, sed binos quoslibet radios refractos tanto minus distare, quanto major est incidentium inclinatio. Uti e. g. radii refracti incidentium sub angulo

(k) Probl. 3.

angulo 70. & 60. gr. minus distant quam refracti incidentium sub angulo 60. & 50. graduum.

4. Omnes radios quorum anguli inclinationis SRP sunt intra 32. & 50. gradus, ex superficie B C egressos, magis distare, seu majorem angulum intercipere; quorum autem anguli inclinationis sunt majores 50. gradibus, minorem angulum intercipere, quam ante ingressum intercipiebant; quod palam erit, si binos ejusmodi angulos inclinat: SRP, iisque respondentes angulos GDI, à se invicem subtrahamus.

5. Adeoque causam colorum esse non posse, quod radii duplicem in Prismate refractionem passi, magis in egressu sint conjuncti quam fuere in ingressu.

Propositio I.

Radii ex tota Solis diametro venientes & æqualiter distantes, A G, C G, B G, in unum prismatis æquilateri punctum G sub angulo inclinationis 32. grad. majori allapsi, post duplicem versus eandem plagam refractionem, ex altera superficie E F emergunt inæqualiter distantes, & quidem uniformiter difformiter, h. e. bini quilibet tanto minus à se invicem distant, quanto major est eorum ad G angulus inclinationis.

Demonstratio.

Veritatem propositionis facile perspiciet, qui tres quoscunque radios proximis superioris tabulae invicem comparaverit. Quicquid enim tribus radiis diversarum inclinationum, v. g. 40. 41. & 42. gr. idem etiam accidit tribus radiis ex Solis diametro æquali intervallo prodeuntibus. Ex abundantia autem eam

ita demonstrabimus: Cum angulus inclinationis BGH, major sit angulo inclinationis AGH, adeoque radius BG, magis frangatur quam radius AG, (l) angulus KGL minor erit angulo AGB. Pariter cum angulus BGH, major sit angulo CGH, hicque major angulo AGH; at bini quilibet radii refracti tanto minus distent, quanto major est incidentium iis respondentium inclinatio: (m) sequitur radios refractos GK & GI, minus distare quam radii refracti GI & GL. Quod idem de omnibus intermediis mente ducendis asserendum. Simili modo cum angulus GLR, major sit angulo GIQ, hicque major angulo GKP; (n) radius GL in egressu majoremâ perpendiculo refractionem patietur quam radius GI, & hic majorem quam GK, adeoque rursus radii LM, IN, magis distabunt quam radii IN, KO. Quoniam vero idem dicere licet de omnibus radiis intermediis, ex eadem diametro solari mente ducendis; manifestum est radios Solis, ante ingressum æqualiter distantes, post duplicem refractionem è prismatico egressos, inæqualiter distare, ita ut bini quilibet tanto minus à se invicem distent, quanto major est eorum inclinationis angulus. Q.E.D.

Scholion I.

Licebit igitur nobis in posterum radios ex diametro solaris parte maxime inclinata B ortos, & hic circa O terminatos, vocare maxime conjunctos; proximos his, inter B & C natos, & inter O & N cadentes, mediocriter conjunctos; ex A, parte minime inclinata, progressos, & in M finientes, maxime dispersos; his proximos, inter A & C productos, mediocriter dispersos;

(l) Coroll. 2. (m) Coroll. 3. (n) Eucl. I. 1. p. 32.

fos; Denique ex centro C prodeuntes, & in N definentes, medios inter conjunctos & dispersos.

Scholion II.

Cum ex eodem Solis puncto v. g. centro C, in quodlibet aliud superficiei DE punctum, similiter cadant radii; omnes autem ex eodem Solis puncto profecti, propter immensam ejus distantiam, jure habeantur pro parallelis; consequitur omnes hos radios eodem plane modo à prismatico affici & refringi, adeoque rursus egredi parallelos.

Propositio 2.

Radii à tota Solis diametro per unicum prismatis punctum G (tota scilicet reliqua superficiei tecta) penetrantes, ita disponuntur, ut in plano TM singuli peculiaria occupent loca, nec in punctum M v. g. ad quod tendit radius AG, ullus cadat ex C, aut B, ullove loco intermedio, oriundus.

Demonstratio.

Patet ex nuda applicatione præcedentis demonstrationis, in qua evictum, radios è tota Solis diametro sub diversa inclinatione in prisma cadentes, plus minusve quidem conjungi, pro ratione anguli inclinationis, nullum autem alterum penetrare, aut cum eo coincidere.

Propositio 3.

Tota prismatis superficiei DE aperta, radii solares, in illam illapsi, confunduntur, ita ut ex tota Solis
dia-

diametro prodeunt, in idem plani TM, parum remoti, punctum cadere possint.

Demonstratio.

Qui enim radio BG sunt paralleli, eandem cum illo refractionem patiuntur, adeoque etiam post refractionem manent paralleli: (o) Proinde qui ex illis intra GacD prisma attingunt, non in O cadunt, sed ad punctum N aut M tanto propius accedunt, quanto sunt à radio BG remotiores. Similiterque qui radio AG sunt paralleli, & intra GacE prisma attingunt, non cadunt in M, sed ad punctum N aut O tanto propius accedunt, quanto sunt à radio AG, remotiores. Quod idem de illis qui radio CG, aut cuicunque intermedio, sunt paralleli, dicendum est. Ergo è tota Solis diametro prodeunt in idem plani TM punctum cadere possunt. Q. E. D.

Propositio 4.

Iidem Solares radii, per totam prismatis superficiem DE apertam transeunt, se ab illa confusione, in maiore à prismate distantia, rursus liberant.

Demonstratio.

Fig. 4.

Liquet asserti veritas, si radios Solis, per extrema superficiem DE puncta D & E transeunt, assumamus; Quem in finem hic duplicem pinximus Solem, ut parallelismum radiorum ex eodem Solis puncto venientium liceat facilius concipere. Cum enim anguli FEm, FEn, quos radii Em, En, omnesque alii qui intra radium extremum oE possunt duci, cum prismatis super-

(o) Prop. 1. Schol. 2.

superficie EF constituunt, minores sint angulo FEo , erunt etiam minores ejus opposito & æquali FKO ,^(p) adeoque nulli ex his radiis paralleli erunt cum radio KP , sed illum tandem secabunt & transibunt, ut ita intra radios EQ & KP , nulli relinquantur quam qui ipsis sunt paralleli & ex eodem Solis puncto B veniunt. Eandem ob rationem inter radios ER & IS , itemque inter radios EV & LY , tandem nulli relinquentur radii quam qui illis sunt paralleli & ex eodem Solis puncto A vel C veniunt. Liberantur ergo ab omni confusione. Q.E.D.

Propositio 5.

Qui in extrema superficie DE puncta, D & E , cadunt Solis radii, ab illa confusione, vel ex toto vel ex parte, sunt liberi, etiam in quavis minima à Prismatic distantia.

Demonstratio.

Etenim nullus omnino radius Solis infra radium BEo (qui in hoc casu foret ultimus sibi parallelorum,) descendere potest: Omnes autem ei paralleli, ab E versus D concipiendi, non in o , sed versus n vel m , cadunt; & omnes radio CEn paralleli ab E versus D concipiendi, non cadunt versus o , sed versus m ; uti quoque radio AEm paralleli, ab E versus D concipiendi, non recedunt ab m versus o , sed in oppositum progrediuntur. Manifestum ergo in punctum o cadere unicuique radium BE . Ob eandem prorsus causam punctum n , totumque spatium on , liberum erit ab omnibus radiis ex parte Solis AC prodeuntibus, non autem

^(p) Prop. 1. Schol. 2. & Eucl. l. 1. 29

autem ab iis qui ex intervallo BC effluunt. Si enim ponas radios plures ab E versus D, radio BEo parallelos, illi poterunt in singula spatii o n cadere puncta. Similiterque si partem Solis BC concipias in X divisam in duas partes æquales, ut & spatium o n in z, tunc equidem spatium o Z liberum erit ab omnibus radiis ex parte Solis XA prodeuntibus, non autem à reliquis qui ex intervallo BX profluunt. Ut hac ratione manifestum sit, quo punctum plani TM puncto o propius est, tanto à paucioribus radiis disci Solaris illud posse feriri, & contra à tanto pluribus quo longius ab illo versus m distat; punctum autem m esse primum, à T versus M numerando, in quo omnes possunt convenire. Contrario autem modo se res habebit, si consideremus eosdem radios per punctum D transeuntes; tunc enim punctum M unice à radio AD attingetur, reliqua autem, quanto propius à puncto M versus O absunt, à tanto paucioribus possunt radiis feriri, & contra à tanto pluribus, quanto longius ab illo versus O distant, primumque est punctum O, ab M versus T numerando, in quo omnes radii, à tota Solis diametro profecti, possunt convenire.

Observatio 2.

Fig. 3. 4.

Ruber seu puniceus color, quem prisma progenerat, oritur à radiis Solis maxime conjunctis, & à plano TM citra aliorum admixtionem ferme exceptis: Flavus, à radiis Solis mediocriter conjunctis, & à plano TM cum nullorum aut paucorum è maxime conjunctis admixtione exceptis: Purpureus seu violaceus, à radiis Solis maxime dispersis, & à plano TM, citra alio-

(x) loc. cit

aliorum admixtionem ferme exceptis: Caruleus, à radiis Solis mediocriter dispersis, & à plano T M cum nullorum vel paucorum è maxime dispersis admixtione exceptis: Viridis à mediis inter conjunctos & dispersos, itidem solitarie ferme à plano T M exceptis.

Scholion I.

Veritatem rei quovis die, lucente Sole, experiri licet. Nam si radii lucis per unicum prismatis punctum, cætera superficie tecta, transmissi, alba charta excipiuntur in camera obscura, colores eo ordine comparent, quem exhibuimus observ. I. Radios autem hosce colorum productrices aliorum commixtione carere, ex Prop. 2. esseque illos ipsos quos nominavimus, ex Prop. 1. ejusque Scholio 1. patet. At si per totam prismatis superficiem D E apertam radii Solis transeunt, & superficiem EF in distantia mediocri subjicitur charta alba; tunc clarissime videmus, ultimos circa E erumpentes radios ruborem, his proximos flavedinem, ultimos circa D vitrum transeuntes violaceum, his proximos caruleum, producere colorem; spatium autem medium, quod à toto Solis disco vehementer illustratur, solum splendere. Sed ubi, charta paulo longius remota, istis radiis spatium se liberandi ab illa mixtione vel confusione conceditur, splendor ille medius colores dirimens perit, colores ipsi dilatantur (radii enim unius generis insigne spatium, v.g. QP occupare, adeoque colorem late diffundere possunt) & in confinio flavi caruleique prodit viridis. Hoc ipso autem, si conferre libeat quæ in Prop. 1. 3. & 4. demonstravimus, rursus manifestum est

Q²

rem

rem ita se habere prout in observatione diximus. Similiter si, charta in priorem situm reducta, opacum corpus prismati circa Eadmotum, versus D aut F promoveatur, licebit ruborem & flavedinem simul promovere, donec, excluso splendore intermedio, in contactu carulei viriditatem producant; quod idem contingit si opacum illud à D versus E, & una cum illo purpureus & caruleus color, promoveatur. Quæ omnia veritatem dictorum denuo abunde comprobant.

Scholion II.

An vero causa colorum, & diversitatis eorundem, hoc ipsum sit, quod aliquibus Solis radiis in ipso ingressu à prismate reflexis, reliqui transeuntes, per duplicem versus eandem plagam refractionem, plus minusve combinentur, & ita alia ratione magis uniti, alia minus uniti oculum afficiant, neque fibrillas ejus eo moveant modo, quo nullam mutationem passi, uti placet Honorato Fabri; (q) an, quod globuli ætherei, ex quibus radii lucis consistunt, alias viam affectantes rectam, in contactu superficiei prismatis rotentur circa proprium axem, ita ut nifus ille movendi in orbem, vel major, vel minor, vel æqualis sit nifui recta progrediendi, (à qua mutatione itidem non possit non diversus oculo imprimi sensus) ut vult Cartesius; (r) An quod materia lucis per spatium v. g. OKGLM, tanquam per canalem, (cujus latera sint ipsa materia quieta, & à lumine non agitata, hunc canalem circumstans,) fluens, more omnium fluidorum, per canalem angustiolem ruentium, volutetur, & in gyrum agatur

Fig. 3.

(q) *Physic. Tract. 3. lib. 1. prop. 298. seqq.*
(r) *Meteor. c. 8.*

gatur circa marginem utrumque, (uti hoc fieri observamus, si radii Solis per tubum immituntur in cameram obscuram) & quidem vehementissime circa marginem GKO, à quo recedit & ubi pressius fluit, (s) paulo remissius circa marginem GLM, ad quem accedit suæque volutationi habet adversum, & ubi liberius fluit; (t) minus quoque vehementer inter N & M quam intr N & O, quod hic materia compressior sit quam illic; in medio canalis, ubi gyri contrarii concurrunt, omni volutatione sublata; quo pacto rem declarat Arnoldus Ekardus: (u) prolixum & difficile est definire, præsertim cum hæ hypothèses sibi non contradicant, sed maximam partem simul stare posse videantur.

Observatio 3.

Colores prismatis illustriores sunt, si excipiuntur à corpore albicante, quam obscurioribus coloribus tincto, nec non ab umbroso, quam multum illustrato.

Observatio 4.

Radios lucis in aqueas guttas illapsos Iridis producere colores, obvio quondie experimento comprobare est in proclivi. Etenim si quis à tergo habeat lucentem Solem, ante se autem fonticulum, per aliquot canales angustissimos aquam roris aut vaporis instar eructantem, quovis tempore illic conspiciet arcum colorum, eo præcise ordine, quo in Iride comparent, se excipientium; qui quidem colores tanto erunt vivaciores, quanto obscurior est aer, aut corpora

Q 3

post

(s) Prop. 1. (t) Prop. 1.

(u) Diss. 2. de Lumin. prop. 11.

Fig. 5.

post fontem constituta. Juvabit idem ad ductum Cartesii (x) tentare gutta unica, seu pila vitrea satis accurater rotunda & aqua limpida repleta. Quod si enim ex plaga AX (quam propter immensam solaris disci magnitudinem pro uno licebit assumere Sole, tamen, ad ostendendum parallelismum radiorum ex eodem puncto, v.g. centro Solis, egressorum, hic tres pinxerimus) venientes Solares radii, incidunt in punctum D, indeque, post duplicem refractionem & simplicem reflexionem, ita cadunt in oculum circa H constitutum, ut cum alio radio XZ, ex Solis centro per eundem oculum ducto, angulum b H Z 42. grad. circiter intercipient, punctum b valde rubet, multoque illustrius reliquis videtur: & sive pila ista propius admoveatur oculo, sive longius recedat, sive dextrorsum sive sinistrorsum vertatur, vel etiam circa verticem rotetur, prædictum punctum nihil de suo rubore amittit, modo ante memoratus angulus non mutetur. Simul autem ac hic crescit, seu oculus ab H versus Z promovetur, rubor omnis evanescit; & si decrescit, quod fit oculum ab H versus X paulum reducendo, non statim omnis color disparet, sed ante velut in duas partes minus scintillantes dividitur, in quibus flavus cæruleus aliique colores comparent. Ut ita rutilus color in b H, purpureus in a K, viridis in c I, inter c I & b H flavus, inter c I & a K cæruleus, conspiciantur. Similem in modum, radii solares pilam ferientes in M, & post duplicem refractionem duplicemque reflexionem iterum egressi, ita ut radius n h cum radio XZ in spectatoris oculo angulum formet 52. gr. circiter, pun-

(x) loc. cit.

punctum n rubet, debilius tamen quam b; hoc autem, angulo contracto, seu oculo versus X progrediente, omnis perit color; angulo autem ampliato, adeoque oculo versus Z moto, rubri loco prodeunt alii magis diluti: ut ita ruber color sit in h n, purpureus in k l, viridis in i o, flavus inter i o & h n, cæruleus inter k l et i o, adeoque ordo plane inversus. Quæ omnia felicius forsan cognoscere licebit, si, bulla Soli opposita, radii modo recensiti non libero oculo, sed potius charta alba in loco non nimis illustrato posita, excipiantur. Enim vero radios ex plaga b a erumpentes, in puncto D intrasse pilam, ex eo constat, quod isthuc puncto tecto, nullus color in dicto loco conspiciatur, tametsi tota pila reliqua radiis solaribus libere sit exposita. Quo eodem modo etiam probatur, colores in l n corruscantes; per punctum M penetrasse in guttam.

Corollaria.

Quod in una gutta experientia indubia est deprehensum, idem in pluribus, colores Iridis prognerantibus fieri, statuendum est.

Scholion.

De eo igitur quam maxime erit dispiciendum, quid radiis solaribus guttam penetrantibus accadat, ut inde egressi transmutentur in colores.

Propositio 6.

Radii Solis post simplicem reflexionem & duplicem refractionem è gutta egressi, multo sunt pauciores, quam in eam inciderunt; & pauciores adhuc, post
du-

duplicem refractionem pariter & reflexionem è gutta egressi.

Demonstratio.

Cum enim aqua summum pelluciditatis gradum non obtineat, etiam de natura opaci aliquid participat, atque adeo, radius Solis in D incidentibus, aliquos reflectit, reliquis cum certa refractione ad GFE transmissis, unde denuo aliqui erumpunt in aerem, cæteris versus abc (more omnibus radiis communi) ita reflexis, ut angulus inclinationis, e.g. DGY, sit æqualis angulo reflexionis YGb; ubi rursus quibusdam reflexis, quod reliquum est versus HIK in liberum penetrat aerem. Uti idem hoc experimur in lente vitrea, quæ candelæ, nocturno præsertim tempore, objectæ, geminam sistit imaginem, alteram quidem ab antica & convexa, alteram vero à postica & cava superficie reflexam; quibus radii transeuntes, in opposito sub debita distantia pariete, addunt tertiam. Sed circa M incidentes idem omnino patiuntur quod isti, adeoque circa VS tot egrediuntur, quot istorum circa ba colores generaturi prodire; ut proinde residui tantum inde secunda vice reflectantur versus In, ubi denuo in duas dividuntur classes, ut aliquibus rursus reflexis, quod reliquum est demum versus hk erumpat in aerem. Minuuntur igitur numero; Suntque bis refractorum & reflexorum pauciores, quam semel reflexorum & bis refractorum. Q. E. D.

Propositio 7.

Radii lucis à tota Solis diametro venientes, & aqua-

Fig. 5.

qualiter distantes, AD, CD, BD, in unum guttæ punctum D incidentes, transeunt versus GE inæqualiter distantes, & quidem uniformiter difformiter, h. e. bini quilibet tanto propius uniuntur, quanto major est eorum in D inclinatio.

Demonstratio.

Cum angulus inclinationis $BD\beta$ major sit angulo inclinationis $AD\beta$, radius BD magis frangetur quam radius AD, adeoque angulus $GD\beta$ minor erit angulo ADB ; (y) Pariter cum angulus $BD\beta$ major sit angulo $CD\beta$, hicque major angulo $AD\beta$; at bini quilibet radii refracti tanto minus distent, quanto major est incidentium iis respondentium inclinatio; (z) sequitur radios refractos DG & DF minus distare quam radii refracti DF & DE. Quod cum simili modo de omnibus intermediis, mente ducendis, probari queat, apparet radios Solis, ratione dicta, uniformiter difformiter transire.
Q. E. D.

Propositio 8.

Iidem Solis radii refracti DG & DE, cum omnibus intermediis, ex GE versus ab reflexi, suas distantias non mutant, & in ba non majus spatium intercipiunt, quam si ad æquale intervallum recta progressi essent via.

Demonstratio.

Nam anguli YDG & YGD sunt æquales, ut & anguli YGb & YbG: (a) Sed angulus inclinationis

R YGD.

(y) Tabell. 1. coroll. 2. (z) Tabell. 1. coroll. 3. (a) Eucl. l. 1. p. 5.

YGD est etiam æqualis angulo reflexionis YGb. Ergo totum triangulum YDG est Triangulo YGb, & linea DG, lineæ Gb æqualis. (b) Quo eodem modo probatur potest, lineam DE esse æqualem lineæ Ea. Enimvero si linea DG uno termino D connexa est lineæ DE altero termino G ab illa recedit intervallo GE; Si ergo linea Gb uno termino G itidem applicata esset lineæ Ea in E, ab illa æquali intervallo discederet, & ita b a esset æquale GE; cum autem terminus G cum E non cohæreat, sed ab illo distet spatio GE; consequitur terminum b ab a etiam tantundem recedere, adeoque spatium b a esse duplum spatii GE. Atqui linea D G b est dupla lineæ DG, & DEa dupla lineæ DE: (c) quod si autem lineæ DG & DE recta excurrissent via ad intervallum duplum, itidem duplo spatio à se recessissent. (d) Patet ergo interstitium radiorum reflexione non esse mutatum. Q. E. D.

Propositio 9.

Idem Solis radii in D fracti & in GE reflexi versus ba, ex ba egredi rursus uniantur uniformiter difformiter, ita ut radii qui in ingressu magis uniebantur etiam magis uniantur in egressu.

Demonstratio.

Cum enim angulus YbG major sit angulo YaE, (uti enim ille angulo YDG, ita hic angulo YDE æqualis est) etiam radius Gb maiorem patitur refractionem, quam radius Ea, atque ita radius bH propius accedit ad aK, quam absque refractione accessisset. Pari modo, cum angulus YbG major sit angulo YcF, hicque major angulo YaE; at bini quilibet radii refracti tanto

mi-

(b) Eucl. l. 1. p. 26. (c) Eucl. l. 1. p. 4. (d) Eucl. l. 6. p. 4.

minus distent, quanto major est incidentium ipsis respondentium inclinatio; (e) sequitur radios refractos bH & cI minus distare quam radii cI, aK; idemque de omnibus intermediis est dicendum. Atqui radii bH & cI, in egressu magis uniti, sunt iidem cum radiis DG & DE, in ingressu magis unitis, & radii cI & aK, in egressu minus uniti, iidem sunt cum radiis DF, DE, in ingressu minus unitis. Ergo radii eodem modo uniuntur in egressu & ingressu. Q. E. D.

Corollaria.

Patet ergo radios Solis, post simplicem reflexionem & duplicem refractionem è gutta egressos, eodem modo uniri, quo duplicem refractionem in prisma passos unitos vidimus Prop. I.

Propositio 10.

Radii lucis à tota Solis diametro venientes & æqualiter distantes LM, OM, NM, in gutta punctum M incidentes, illic autem refracti, & ex PR reflexi versu VS, hincque denuo reflexi versus nl, inde, novam refractionem passi, egrediuntur inæqualiter distantes, & quidem uniformiter difformiter, h. e. bini quilibet radii refracti tanto propius uniuntur, quanto major est eorum in M inclinatio.

Demonstratio.

Cum radii in M transeuntes uniantur uniformiter difformiter, (f) & ex PR reflexi suas distantias non mutant, (g) eandemque ob causam neque secunda vice circa SV reflexi; ex ln autem egressi eodem modo

R 2 uni-

(e) Tabell. 1. coroll. 3. (f) Prop. 7. (g) prop. 8.

uniantur quo in ingressu circa M. (b) apparet radios Solismodo in propositione dicto egredi. Q.E. D.

Corollaria.

Manifestum ergo radios Solis, post duplicem reflexionem & refractionem guttam egressos, eodem modo uniri, quo per simplicem reflexionem & duplicem refractionem in Prop. præced. unitos vidimus; nisi quod ordo sit inversus. Radii enim maxime uniti, in priori casu, sunt interni circa bH, & cum radio XZ maximum angulum formant; in posteriori autem, radii maxime uniti sunt externi circa hN, & cum radio XZ minimum angulum, minus uniti vero circa lk, & majorem formant.

Fig. 6.

Propositio II.

Anguli refractionis DBE duplum, est æquale angulo ENC, quo radius lucis AB post duplicem refractionem in guttæ punctis B & E secatur axin LO, aut quemcunque alium radium sibi parallelum ante ingressum guttæ.

Demonstratio.

Cum enim angulus ENC, sit æqualis duobus angulis NOE & NEO; (i) angulus autem NOE sit æqualis angulo refractionis EBD, tanquam suo alterno, (k) sitque eidem æqualis angulus NEO, (radius enim BE ita debet frangi versus N, ut retro actus priora legat vestigia, quo casu angulus CEB haberet rationem anguli refracti, qui cum sit æqualis angulo refracto CBE, (l) etiam angulus PEN, tanquam angulus inclinationis, debet

(b) Prop. 9. (i) Eucl. I. 1. p. 32, (k) Eucl. I. 1. p. 29, (l) Eucl. I. 1. p. 5.

debet esse æqualis angulo inclinationis $\angle QBA$, adeoque $\angle OEN$ æqualis angulo refractionis) erit angulus $\angle ENC$ ejusdem duplum. Q. E. D.

Propositio 12.

Radii quotcunque radio AB paralleli, post duplicem refractionem è gutta egressi, axin LO secant circa N , intervallo RN minori guttæ semidiametro.

Demonstratio.

Cum radii per arcum FM guttam ingressi, eodem afficiantur modo, quo reliqui per arcum MS illam subeunt; hi autem axin secant circa N , sub angulo qui sit duplum anguli refractionis; (*m*) idem præstabunt & illi. Intervallum autem NR minus esse semidiametro, adeoque lineam CN minorem diametro, inde constat: Cum angulus $\angle PEN$, æqualis angulo incidentiæ $\angle QBA$, (*n*) adæquet angulum $\angle ENC$ & $\angle ECN$ simul; (*o*) at angulus refractionis sit major quarta parte, ejusque duplum, seu angulus $\angle ENC$, (*p*) majus dimidio anguli inclinationis $\angle PEN$ ipsi respondentis, (*q*) erit angulus $\angle ECN$ minor dimidio anguli $\angle PEN$, adeoque latus EN ipsi oppositum etiam minus semidiametro seu latere EC , angulo $\angle ENC$ opposito; (*r*) Ergo utrumque simul minus diametro, ergo multo magis linea CN . Cum autem CR sit semidiameter, erit RN minor semidiametro. Q. E. D.

Propositio 13.

Si à duplo anguli refracti, subtrahitur duplum anguli

R 3

guli

(*m*) Prop. præced. (*n*) Prop. cit. (*o*) Eucl. I. 1. p. 32. (*p*)

Prop. præced. (*q*) Tabell. 2. (*r*) Eucl. I. 1. p. 18.

guli refractionis, habetur angulus FHK, quo quilibet radius Solis AB, post unam reflexionem & duplicem refractionem guttam aqueam egressus, alium IK, qui ipsi anteingressum parallelus est, secat.

Demonstratio.

Cum enim angulus BEF, seu duplum anguli refracti CBE, (s) æqualis sit angulo D, una cum angulo refractionis DBE, in Triangulo BED; (t) hinc si à duplo anguli refracti subtrahas angulum refractionis, relinquitur angulus D, aut ejus alternus FGK; (u) & cum hic, tanquam externus, iterum æqualis sit angulo H una cum angulo HFG, [qui æqualis est angulo refractionis DBE, quia angulus refractus CFE æqualis est angulo refracto CBE, (x) adeoque etiam angulus inclinationis TFH angulo QBA, & per consequens etiam illius differentia ab angulo refracto, hujus differentia seu angulo refractionis (y)] hinc si ab angulo FGK iterum subtrahas angulum refractionis GFH, prodibit angulus H. Ergo si à duplo anguli refracti subtrahitur angulus refractionis semel, provenit angulus G, si de novo vel bis, angulus H. Q. E. D.

Propositio 14.

Fig. 7.

Si ex 180. gradibus subtrahitur quadruplum anguli refracti, minus duplo anguli refractionis, habetur angulus EFH, quo radius Solis AB post duplicem refractionem totidemque reflexiones ex gutta circa E egressus, radium GH, qui ipsi ante ingressum parallelus est, secat.

De-

(s) Prop. 8. (t) Eucl. l. 1. p. 32. (u) Eucl. l. 1. p. 29. (x) Eucl. l. 1. p. 8. (y) Schol. observ. 1.

88 (131) 88
Demonstratio.

Ductis enim LM, NP, QE, radio AB parallelis, angulus DKM, quo radius AB post duplicem refractionem & simplicem reflexionem sibi parallelum LM fecat, aut ejus alternus KDN, hujusve verticalis PDO, est æqualis duplo anguli refracti, minus duplo anguli refractionis. (z) Si nunc angulo PDO addatur ODC, æqualis angulo TDK, vel refractionis CBS, (a) nec non angulus CDE, duplum anguli refracti IBC, (b) summa erit quadruplum anguli refracti, minus uno angulo refractionis. Hæc autem summa à 180. gradibus subtracta, relinquit angulum NDE, (c) æqualem opposito QER, (d) cui si addatur angulus REF æqualis angulo refractionis SBC, [quia refractus IED est æqualis refracto IBC adeoque ob eandem causam ob quam in Prop. præced. angulum GFH æqualem statuimus angulo DBE,] prodit angulus QEF, æqualis alterno EFH quæsito. Ergo si à 180. gradibus subtrahitur quadruplum anguli refracti minus duplo anguli refractionis, habetur angulus EFH, Q. E. D.

Corollaria.

Patet ergo, ad investigandos omnes illos angulos sub quibus radii Solis ex gutta, post simplicem reflexionem & duplicem refractionem, aut duplicem reflexionem pariter & refractionem, aut etiam post duplicem solum refractionem, egressi, alios sibi ante hæc parallelas secant, unice requiri, ut cognitus sit angulus refractus & refractionis, cuilibet angulo inclinationis respondens.

Scho-

(z) Prop. præc. (a) Prop. cit. (b) Eucl. I. 1. p. 8. (c) Eucl. lib. 1. p. 13. coroll. 2. (d) Eucl. I. 1. p. 29.

Fig. 3.

Enimvero Cartesius docuit, Sinum anguli inclinationis ad sinum anguli refracti in aqua se habere ut 250. ad 187. Data ergo inclinatione ejusque sinu, sive ex Tabulis sinuum, sive aliunde, dabitur etiam sinus anguli refracti, adeoque angulus eidem in Tabulis sinuum respondens, & consequenter etiam refractionis, utpote quæ una cum angulo refracto æqualis est angulo inclinationis. Jam vero angulus inclinationis GFE æqualis est ejus verticali HFC, hujusque alterno FCB, cujus sinus est linea FB, æqualis lineæ IA, quam radius GF ex tota AE refecavit. Si ergo Semidiametrum CD in AE translatam, concipiamus in 10000. partes, ab A incipiendo, divisam, & per singulas partes ductos radios parallelos radio GF; partes semidiametri AE, à singulis radiis resectæ, forent eorundem sinus inclinationis. Atque ita singulorum radiorum lucis, in guttæ quadrantem AD (& consequenter etiam alterum AK) incidentium, sinus inclinationis darentur, ex quibus, ope Regulæ Trium, sinus anguli refracti, (dicendo, ut 250. ad 187. ita sinus inclin. e. g. 2000. ad sinum refractum) & refractionis, & cæteri anguli inde pendentes, investigantur. Quod cum jam præstiterit Arnoldus Ekardus in Dissert. ingeniosissima de Iride, Tabellam inde natam huc transcribemus: Continet autem illa, Radio 10000. partium supposito, sinus inclinationis & c, singulis tantum millenariis partium, in quas radius concipitur divisus, respondentes, usque ad 7000. hinc autem, usque ad finem, sinus centenariis respondentes, quia sinu inclinationis 7000. 8000. & 9000. partium existente, Anguli FHK & EFH, de quibus potissimum sumus

fumus solliciti, minus a se distant, quam in præcedenti-
bus, adeoque uberiorem merentur considerationem.
Ecce Tabulam ipsam.

Sinus in- clinat.	Angulus inclinat.	Sinus anguli refracti.	Angulus refra- ctus.	Refra- ctio.	Angulus F HK Fig. 6.	Angulus E F H E N C Fig. 7.	Angulus Fig. 6.
Part. lin. A E	gr. m.		gr. m.	gr. m.	gr. m.	gr. m.	gr. m.
1 0 0 0	5. 45	748	4. 18	1. 27	5. 42	165. 42	2. 54
2 0 0 0	11. 32	1496	8. 36	2. 56	11. 20	151. 28	5. 52
3 0 0 0	17. 27	2 2 4 4	12. 58	4. 29	16. 58	137. 6	8. 58
4 0 0 0	23. 35	2 9 9 2	17. 25	6. 10	22. 30	122. 40	12. 20
5 0 0 0	30. 0	3 7 4 0	21. 58	8. 2	27. 52	108. 12	16. 4
6 0 0 0	36. 52	4 4 8 8	26. 40	10. 12	32. 56	93. 44	20. 24
7 0 0 0	44. 26	5 2 3 6	31. 35	12. 51	37. 28	79. 22	25. 42
7 1 0 0	45. 15	5 3 1 1	32. 5	13. 10	37. 50	78. 0	26. 20
7 2 0 0	46. 4	5 3 8 5	32. 35	13. 29	38. 12	76. 38	26. 58
7 3 0 0	46. 54	5 4 6 0	33. 6	13. 48	38. 36	75. 12	27. 36
7 4 0 0	47. 44	5 5 3 5	33. 37	14. 7	39. 0	73. 46	28. 14
7 5 0 0	48. 36	5 6 1 0	34. 8	14. 28	39. 20	72. 24	28. 56
7 6 0 0	49. 28	5 6 8 5	34. 39	14. 49	39. 40	72. 2	29. 38
7 7 0 0	50. 22	5 7 5 9	35. 10	15. 12	39. 56	69. 44	30. 24
7 8 0 0	51. 16	5 8 3 4	35. 42	15. 34	40. 16	68. 20	31. 8
7 9 0 0	52. 12	5 9 0 9	36. 14	15. 58	40. 32	67. 0	31. 56
8 0 0 0	53. 8	5 9 8 4	36. 45	16. 23	40. 44	65. 46	32. 46
8 1 0 0	54. 6	6 0 5 8	37. 18	16. 48	41. 0	64. 24	33. 36
8 2 0 0	55. 6	6 1 3 3	37. 50	17. 16	41. 8	63. 12	34. 32
8 3 0 0	56. 6	6 2 0 8	38. 23	17. 43	41. 20	61. 54	35. 26
8 4 0 0	57. 9	6 2 8 3	38. 56	18. 13	41. 26	60. 42	36. 26
8 5 0 0	58. 13	6 3 5 8	39. 29	18. 44	41. 30	59. 32	37. 28

S

Sinus

33 (134) 52

Sinus in-	Angulus	Sinus	Angulus	Refra-	Angulus	Angulus	Angulus
clinat.	inclina-	anguli	refract.	ctio.	F H K	E F H	E N C
Part. lin.	tionis.	refracti.			Fig. 6.	Fig. 7.	Fig. 6.
A E	gr. m.		gr. m.	gr. m.	gr. m.	gr. m.	gr. m.
8 6 0 0	59. 19	6 4 3 2	40. 2	19. 17	41. 30	58. 26	38. 34
8 7 0 0	60. 28	6 5 0 7	40. 36	19. 52	41. 30	57. 18	39. 44
8 8 0 0	61. 39	6 5 8 2	41. 10	20. 29	41. 22	56. 18	40. 58
8 9 0 0	62. 53	6 6 5 7	41. 45	21. 8	41. 14	55. 16	42. 16
9 0 0 0	64. 10	6 7 3 2	42. 19	21. 51	40. 56	54. 26	43. 42
9 1 0 0	65. 31	6 8 0 6	42. 54	22. 37	40. 34	53. 38	45. 14
9 2 0 0	66. 56	6 8 8 1	43. 29	23. 27	40. 4	52. 58	46. 54
9 3 0 0	68. 27	6 9 5 6	44. 25	24. 22	39. 26	52. 24	48. 44
9 4 0 0	70. 4	7 0 3 1	44. 41	25. 23	38. 36	52. 2	50. 46
9 5 0 0	71. 49	7 1 0 6	45. 18	26. 31	37. 34	51. 50	53. 2
9 6 0 0	73. 45	7 1 8 0	45. 54	27. 51	36. 6	52. 6	55. 42
9 7 0 0	75. 56	7 2 5 5	46. 31	29. 25	34. 12	52. 46	58. 50
9 8 0 0	78. 32	7 3 3 0	47. 9	31. 23	31. 32	54. 10	62. 46
9 9 0 0	81. 54	7 4 0 5	47. 47	34. 7	27. 10	57. 26	68. 14
9 9 5 0	84. 17	7 4 4 3	48. 6	36. 11	23. 50	61. 58	72. 22

Ex qua Tabula seqq. manifesta sunt
Corollaria.

1. Cum radius GF in Fig. 8. indiscriminatim fuerit positus, adeoque tam ex centro quam margine Solis possit concipi ductus, Tabellam hanc valere de omnibus Solis radiis, qui singuli angulos FHK, EFH & ENC, sed cum radio sibi parallelo, intercipiunt.

2. Angulum FHK, quo radii post duplicem refractionem & unam reflexionem alios sibi ante ingressum parallelos secant, continue crescere, usque ad 41. circiter gradus, ex eo iterum decrescere: adeoque.

3. Nullum ejusmodi radium alios sibi ante ingressum parallelos secare sub angulo 41. gr. 30. m. majori.

4. Plu-

4. Plurimos autem, nempe omnes quorum Sinus inclinationis est intra 8000. & 9000, sub prædicto angulo 41. circiter graduum secare alios sibi ante ingressum parallelos, esseque proinde ipsos inter se ferme parallelos.

5. Angulum EFH, quo radii post duplicem refractionem & duplicem reflexionem alios sibi ante ingressum parallelos secant, continue decrescere, usque ad 52. circiter gradus, ex eo autem rursus crescere: Adeoque.

6. Nullum ejusmodi radium alios sibi ante ingressum parallelos secare sub angulo 51. gr. 50. m. minori.

7. Plurimos autem, nempe omnes quorum angulus inclinationis est intra 9200. & 9700, sub prædicto angulo 52. circiter graduum, secare alios sibi ante ingressum parallelos, esseque proinde ipsos inter se ferme parallelos.

8. Neque tamen tot radios dupliciter refractos & reflexos secare dictos radios sub angulo 52. graduum, quam dupliciter refracti & simplici vice reflexi, sub angulo 41. graduum eosdem secant.

9. Angulum ENC, quo radii post duplicem solum refractionem axin, aut alios sibi ante ingressum parallelos, secant, continue crescere, nullosque proinde ejusmodi radios esse inter se parallelos.

Observatio. 5.

Si nubes imbrem excutiunt, non solum plurimæ guttæ leviores in aere relinqvuntur pendulæ, majoribus & gravioribus in terram præcipitatis; sed etiam ex ipsa terra mox surgit copia ingens vaporum, aerem magnam partem replentium. Cumque noster

aer spissior graviorque sit circa humum, quam in regione superiore, etiam vapores hunc tenent ordinem, ut guttæ crassiores, & ob id graviores, subsistant in aere imo, subtiliores autem & leviores, quales quidem semper sunt paucissimæ, petant summa. Eadem autem impetu longius abreptæ, si posthæc frigore magis condensantur, aut ex plurium coaliuione augentur mole, aut â vento (cum aer superior plerumque inquietior esse soleat) deprimuntur, subsidere incipiunt, nec tamen illico prosternuntur in fundum, cum guttula, quæ superiore aere graviores sunt, tamen in inferiore, ut pote ponderosiore, diutius possint natæ; unde est, quod aer inferior ordinarie apprehenditur humidior superiore.

Observatio. 6.

Sed nec illud penitus taceri debet, tametsi in vulgus notum, quod scilicet, uti non æque copiosa semper est pluvia, nec idem terræ, qua calorem & frigus, humiditatem & siccitatem, status, aut aeris, qua duas qualitates priores, nec non quietem aut commotionem vehementiorem, eadem conditio, ita nec æqualis semper post pluviam vaporum copia, nec æque elevata, nec æque diu durans, apprehendatur.

Observatio. 7.

Inter pluvias porro illud discriminis advertimus, quod, pro diversitate nubium, aliquæ sint universales & integram obruant provinciam, aliæ autem particulares, huic solum istive terrarum tractui, nec longo, nec lato, incumbentes, ita ut agri vicini valde ne unica quidem aspergantur gutta.

Obfer-

Observatio 8.

Diameter Solis apparens est 31. circiter minutorum.

Hypothesis 2.

Dimidium circuli est supra, & dimidium infra ejus centrum.

Hypothesis. 3.

Lineæ ex circuli Peripheria in quodcunque axeos punctum ductæ, æquales undique angulos, quæ vero insimul per centrum transeunt, angulos rectos cum illo constituunt.

Vtrumque constat ex primis Geometriæ principis, adeoque jure hypotheseos loco assumitur. Quæ porro principia potuissent adduci, cum vel natura nota sint, vel saltem trita, non opus videbatur hic recensere.

Caput III.

Eorum quæ inter memorabilia Iridis recensuimus derivationem ex indicatis hætenus fontibus exhibens.

§. I.

EX indicatis hætenus fontibus derivaturi memorabilia Iridis in primo capite exposita, non ordini illic observato, sed ei insitemus, quem series causarum monstrabit, uti nec ratiocinium nostrum sub consveta alias demon-

strationum forma proferemus. Primo igitur quod at-
tinet Iridis colores, cum ad eorum genesin unice re-
quiratur radorum lucis dispositio apta; (*dd*) qualis

Ratio

Phæn. 22.

vero illa esse debeat monstrent effectus Prismatici, (*)
supraque (*e*) demonstratum sit, radios Solis, post du-
plicem refractionem, & simplicem aut duplicem re-
flexionem, è gutta aquea egressos, eodem modo dis-
poni, quo à Prismate per duplicem refractionem dis-
ponuntur; consequitur hinc sua sponte, quod etiam
eosdem debeant generare colores; nempe radii maxi-

Fig. 5.

me conjuncti bH puniceum, minime conjuncti aut
(si, non obstante quod omnes radii revera in hoc casu
conjunguntur, ita loqui distinctionis gratia liceat) ma-
xime dissipati a K violaceum, mediocriter conjuncti,
inter bH & cI, flavum, mediocriter dissipati, inter cI &
a K caruleum, & mixtura proximorum circa cI viri-
dem; prout hoc etiam reipsa fieri supra (*f*) jam vidi-
mus: adeoque si contingat aerem ejusmodi guttis re-
pleri, Iridem illic exhiberi necessum est. Cumque

Ratio

Phæn. 23.

radius bH majorem intercipiat angulum cum linea-
XZ ex Sole per oculum spectatoris ducta, quam radi-
us cI, hicq; majorem quam radius a K; (*g*) radius autem
ejusmodi optice retro in coelum usque ductus, ex lo-
co tanto eminentiori venire censeatur, quanto major
est prædictus angulus: erit puniceus color in Iride pri-
maria seu inferiore supremus, hunc sequetur flavus,
flavum viridis, viridem caruleus, caruleum denique
violaceus. E contra cum in radiis duplici vice re-
flexis & refractis, ordo invertatur, (*b*) & maxime con-
stipati nli minimum, maximeque dispersi lk maxi-

imum

(*dd*) *Hypoth. 1.* (*) *Observ. 2.* (*e*) *Prop. 9. & 10.*

(*f*) *Observ. 4.* (*g*) *Eucl. l. 1. p. 32.* (*b*) *Prop. 10. coroll.*

mum, cum linea XZ forment angulum; erunt in Iride
secundaria, independente, iidem quidem colores qui
in primaria, sed ordine inverſo. Qui quidem colo-
res omnes non in una videbuntur gutta (hoc enim,
niſi oculo moto, fieri non poſſe, ipſum Schema 5. mon-
ſtrat, & ex infra dicendis magis conſtabit) ſed in pluri-
bus, ita ut ſuperior aliqua e. g. communicet colorem
rubrum, inferior paulo flavum &c. prout hoc repræ-
ſentatur in Fig. 9.

Ratio
Phen. 20.
Fig. 6. 57.

§. II. Colores autem prædicti non niſi ſub an-
gulo FHK 42. circiter graduum, in Iride primaria, &
ſub angulo EFH 52. circiter graduum, in ſecundaria
occurrunt. Cum enim ex radiis parallelis in guttam
aliquam illapſis, illicque bis fractis & ſemel reflexis,
multi cum radio IK, ſibi ante ingreſſum parallelo, con-
ſtituant angulum 41, gr. 30. m. (i) (adeoque inter ſe
rurſus ſint paralleli) majorem nulli, (k) minorem qui-
dem multi, attamen ſinguli ſingulos, & à reliquis diſfe-
rentes (l) adeoque radii ipſi divaricent & à ſe invi-
cem diſcedant tanto magis, quanto longius à gutta
abeunt: manifeſtum eſt omnino, ſub angulo 41. gr. 30.
m. majori nullum colorem poſſe videri; ſed nec ſub
minori, cum, præterquam quod in guttam adeo exi-
guam pauci radii paralleli incidunt, ex incidentibus
multi in ipſo ingreſſu reflectuntur, (m) ex tranſeunti-
bus plures à parte poſtica erumpunt, (n) radii adeo di-
ſperſi retinam oculi cum debita efficacia movere ne-
queant, ut proinde ſoli relinquantur radii ſibi antehac
parallelum IK ſub angulo 41. gr. 30. m. ſecantes, qui apti
ſunt ad colores producendos. Similem prorſus in

mo-

(i) Coroll. 4. Tabella 2. (k) Coroll. 3. Tab. 2. (l) Coroll.
2. Tab. 2. (m) Prop. 6. (n) loc. cit.

modum se res habet cum radiis parallelis bis fractis atque reflexis, nempe etiam ex istis multi cum radio GH, sibi ante ingressum parallelo, angulum 51.gr.50.m. constituunt, (o) [adeoque inter se rursus sunt paralleli] nulli minorem, (p) multi quidem majorem, (q) sed singuli singulos & diversos, ut adeo, si hactenus dicta istis applicare velis, clarum sit, nullum omnino colorem sub angulo EFH 51.gr.50.m. majori, aut minori, posse conspici.

Ratio
Phæn. 18.

§. III. Eo ipso autem constat, ordinarie non nisi duabus Iridibus posse aerem roridum colorari. Quod si vero extra ordinem istis tertia, imo & quarta, accedit, non incongrue judicat Cartesius (r) id fieri posse, si guttis aqueis & roridis, quædam grandinis grana, maxime rotunda & pellucida, fuerint immixta. In his enim, cura refractio major sit quam in aqua, etiam Iris secundaria, ab illis generata, multo debet major esse & altior, primaria contra depressior: Ut ita quatuor prodeant Irides; aut, si contingat unam earum cum ordinariis coalescere, vel etiam, propter granorum paucitatem, invisibilem reddi, non nisi tres. Quanquam Senquerdus (s) tertiam Iridem à se visam, adscribat nubi opacæ Soli tunc orienti subjectæ, quæ, radios ejus copiosius in oppositam plagam reflectendo, tertiam produxerit, non solum pallidiorem reliquis, sed etiam, quia nubes Sole erat inferior, non eodem centro cum iis gaudentem. Nec negari potest, si vento impetuosiore guttæ vel levem mutationem in figura paterentur, longe plures irregularitates inde

(o) Coroll. Tab. 2. (p) Coroll. 6. Tab. 2. (q) Coroll. 5. Tab. 1. (r) Meteor. c. 8. §. 14. (s) loc. supra cit.

inde oriri posse. Irides autem quatuor quas Vitellio vidit, ne ipse quidem pro veris habuit, quoniam circuli erant integri, in eadem cum Sole plaga, nec ultra 10. gradus ab eo remoti, aliqui etiam se extrinsecus continebant. Ut hinc in nubem densam, Soli occidenti oppositam, ejusque radios in aerem roridum, intra Solem & spectatorem medium fortius reflectentem, causam conjiciat. Sed cum nec ordinem, nec numerum colorum, aliasve circumstantias enumeret, certi quippiam hic definire non licet. Quamquam enim partes aeris guttaeque, radios lucis in alias vicinas reflectendo, colores, etiam in plaga Solis, producere queant; Merito tamen dubitamus, an nubes eo ordine, inque tanto numero, radios in aliam reflectere possint, ut inde colores, quales in Iride deprehendimus, ad nos redeant. Fatendum tamen & hoc, plures de multitudine Iridum, magis falsa hypothese de genesi earum, quam ullo genuino experimento nixos, scripsisse.

§. IV. Atque his rite perpensis, in promptu erit responsio ad dubium, quod hanc doctrinam, de genesi colorum in gutta aquea, videbatur premere. Scilicet, cum circa colores à Prisma productos supra (u) notaverimus, nullum colorem in pariete ipsi subiecto comparere illic, ubi radii à tota Solis diametro orti, in sufficienti copia concurrunt, sed puniceum produci à radiis maxime conjunctis solis, & citra aliorum admixtionem parietem ferientibus, violaceum autem à radiis maxime dispersis solis &c. flavum à radiis mediocriter cunctis primario, forsan tamen non om-

T

nino

(u) *Observ. 2. Schol. 1.*

Fig. 5.

nino exclusis radiis maxime conjunctis, cæruleum à radiis mediocriter dispersis primario, forsan tamen admissis aliquibus maxime dispersis, viridem denique medio loco, & in confinio cærulei atque flavi: hæc jam debantur, quoniam è guttis quidem radii maxime conjuncti circa b H & n h sub angulo 41. gr. 30. m. & 51. gr. 50. m. solitarie emanant, (v) nec non inter b H & c I, vel inter n h & o i mediocriter conjuncti, admixtis aliquibus maxime conjunctis, uti in prismate; sed circa a K & k, locum nempe radiorum maxime dispersorum, concurrunt radii ex tota Solis diametro emissi. Siquidem cujuscunque generis radii bis fracti & semel reflexi, possunt sub quolibet angulo 41. gr. 30. m. minori, secare radium sibi ante hac parallelum, (x) adeoque etiam ex maxime & mediocriter conjunctis & c. aliqui cadere in I & K; radii autem bis reflexi & re-fracti cujuscunque generis, possunt eundem radium secare sub quolibet angulo 51. gr. 50. m. majori, (y) adeoque etiam ex maxime & mediocriter conjunctis & c. aliqui cadere in i & k; ut proinde in K & k, non color purpureus, sed prorsus nullus, prodire debeat, secundum ea quæ in prismata sunt dicta. Enimvero alia omnino est hoc in casu ratio Prismatis & guttæ aqueæ. Uti enim omnes radii qui ante suum in Prisma ingressum paralleli sunt, etiam tales egrediuntur; (z) ita contra ex omnibus radiis qui ante suum in guttam ingressum paralleli sunt, nulli egrediuntur paralleli nisi cum radio sibi ante hac parallelo angulum

41. gr.
(v) Tabell. 2. coroll. 3. (x) Tab 2. coroll 1. 2. (y) Tab. 2.
coroll 1. 5. (z) Prop. 1. Schol. 2.

41. gr. 30. m. aut 51. gr. 50. min. constituunt, (a) Tamen
etſi ergo nulli colores conſpiciantur in illa parietis
parte, in qua radii à tota Solis diametro oriundi, &
per priſma trajecti, concurrunt, non tamen idem afſe-
rere licebit de radiis per guttam tranſmiſſis. Uti e-
nim illic radii è ſingulis diametri Solaris punctis æ-
quali ferme numero, adeoque etiam viribus æquali-
bus, conveniunt, ut unus alterius actionem queat
impedire; ita hic in K & k, ubi e. g. radii Solares ex L
& A oriundi, alios ſibi ante hac parallelos ſub angulo
41. gr. 30. m. & 51. gr. 50. m. ſecant, equidem ex reliquis
quoque diametri Solaris punctis aliqui conveniunt,
ſed cum hoc diſcrimine, quod multi radii ex L ori-
undi circa k nec non multi ex A oriundi circa K
terminentur, quia paralleli ſunt, (b) ex reliquis
autem diametri Solaris partibus vix ſinguli, quia non
parallela ratione e gutta egreſſi, ſed divaricantes huc
pertingunt. (c) Cumque divaricantes inſuper tanto
longius à ſe diſcedant, quo longius à fonte ſuo abeunt:
nihil obſtat quo minus plures iſti vincant, & oculo,
inſigni intervallo à guttis remoto, eam affectionem
imprimant, quam alias à radiis maxime diſperſis ſolis
ſperare licet, adeoque generent colorem violaceum,
uti vicini iſtis, ob eandem rationem, caruleum.

§. V. Caterum quod colores Iridis ſecundariæ *Ratio*
notabiliter ſint debiliores, quam Iridis primariæ, ex eo *Phæn. 24.*
derivandum eſt, quod non ſolum minor ſit numerus
radiatorum bis refractorum & reflexorum, quam ſemel
reflexorum & bis refractorum, (d) ſed inſuper paucio-

T 2 res

(a) Tab. 2. coroll. 4. 7. (b) Tab. 2. coroll. cit. (c) Tab.
cit. coroll. (d) Prop. 6.

res ex istis sub angulo 51. gr. 50. m. quam ex his sub angulo 40. gr. 30. m. alios sibi ante ingressum parallelos fecent, (e) paucioresque proinde sint qui ad colorem aliquem generandum concurrunt. At major colorum nitor in basi Iridis, quam in ejusdem fastigio summo, à diversitate vaporum dependet. Cum enim in aere inferiore, utpote graviore, vapores & copiosiores sint & crassiores quam in aere superiore, atque ob id leviores; (f) isti omnino, unitis veluti viribus, fortius movebunt visum, præsertim si vapores in sublimi penduli, posthæc pondere aucti, præcipitantur & numerum inferiorum augent. (g) Ex eodem fonte bonam partem fluit, quod colores Iridum non semper æque vegeti deprehenduntur. Cum enim Irides à guttis aqueis, seu vaporibus, dependeant, neque horum æquali semper copia aer sit refertus; (h) consequitur omnino sua sponte, quo spissiores sunt vapores, eo plus lucis ab illis reflecti, eoque vivaciores esse colores. Accedit huc, quod nonnunquam à nubibus, aut vaporibus densioribus, aerem roridum inter & Solem intercedentibus, impediuntur Solares radii, quo minus in sufficienti copia subjectum Iridis illustrent; aut etiam aer spectatorem circumstans, justo uberiori luce sit perfusus, quod colorum vigori itidem multum demit. (i) Ex iisdem causis quoque patet, cur Iris secundaria, imo aliquando utraque, in parte præsertim superiore, disrupta appareat; neque enim vapores semper ad tantam altitudinem assurgunt, aut in tanta copia illic congregantur, ut colores Iridis inde ad nos mittere que-

(e) Tab. 2. coroll. 8. (f) Observ. 5. (g) Observ. cit.
(h) Observ. 6. (i) Observ. 3.

queant. (k) Sed neque Soli semper, per nubium
obstacula, concessum, suos radios in totum istum
evibrare tractum, unde colores ad nos redeunt; non
poterit non ergo Iris aliquando esse disrupta. His
addendum, quod non omnes Imbres universales sint
& integras obruant provincias, sed quandoque par-
ticulares, certo solum tractui imminentes, agris vici-
nis coelo, etsi non sereno, sicco tamen, gaudentibus.
(l) Ex quo facile potest fieri, ut dimidium solum Iri-
dis, in illa nempe plaga, in quam cecidit pluvia, exhi-
beatur, altero dimidio, ob vaporum defectum, cessan-
te. Quod si contingit Iridem secundariam prorsus
abesse, salva & integra existente primaria, id omnino
raritati seu paucitati vaporum tribuendum, ob quam
fit, ut radii duplicem refractionem & simplicem re-
flexionem passi, sub angulo 41. gr. 30. min. sibi antehac
parallelum, in majori copia secantes, (m) visum equi-
dem movere possint, cum pauciores, eundem radi-
um post duplicem refractionem & reflexionem sub
angulo 51. gr. 50. m. secantes, oculum effugiant.

§. VI. Quod porro Iridis concernit subiectum, *Ratio*
Veteres equidem illud quasi vivere in nube polita, opa- *Phan. 1.*
ca & concava, quia scilicet genesin Iridis non habue-
re perspectam, & sibi persuasere, ab ejusmodi nube,
speculi instar, radios Solis Iridem exhibentes reflecti.
Quod cum falsum esse hactenus demonstrata abunde
ostendant, sua sponte corrui hypothesi, alias quoque
in quotidianam impingens experientiam. Sed neque
nubes rorida commodum Iridi largitur subiectum,
tamen guttae aquae, à quibus colorum fulgor trahit

T 3

origi-

(k) *Observ. 6.* (l) *Observ. 7.* (m) *Tab. 2. coroll. 8.*

originem, illic in majori copia occurrant quam in aere rorido. Siquidem longius plerumque à nobis absunt quam ut radii pauci, per tantum aeris spatium, tot vaporibus refertum, transeuntes, debitam affectionem oculo queant imprimere; uti eandem ob causam ex remotiori intervallo discernere non licet, quibus coloribus pictura aliqua sit distincta. Rectius ergo Iridem in inferiore quæremus aere, attamen guttis majoribus, utpote in quibus colores Iridum progenerantur, (n) repleto. Qui enim ordinarie in eo, cælo etiam sereno, natant vapores, nec tam copiosi sunt, nec magnitudinis tantæ, ut sufficiant generandæ Iridi. Hinc est, quod in ipso nubium lapsu, aut saltem proxime post eum, Iris in nostrum prodeat conspectum; neque enim aer unquam pluribus simul & majoribus guttis turget. (o) Nec obstat, quod aliquando Iride visa Spectator nullam senserit pluviam; cum non semper imber se per amplam diffundat provinciam, (p) sufficiatque si illic, ubi Iris debet videri, destillet pluvia. Quod vero Iris interdum non aeri, sed, saltem quæ cornua, agris pratisque, aut, si montem eminentiorem post aerem roridum constitui contigerit, integra monti inhærere videtur, id citra dubium lusu debetur optico, quo oculus, aerem roridum viciniorem distincte cernere non valens, Iridem, quam inter & montem paulo remotiorem nihil distinctie visibile interponitur, in ipsum transfert montem, velut ultimum quod clare movet sensum. Atque hac ipsa est causa, ob quam plerique sibi persuaserunt, Iridem non in aere, sed in nube rorida esse, cum hanc non autem aerem inter-

Ratio

Phæn. 12.

Ratio

Phæn. 13.

Ratio

Phæn. 2.

(n) Obser. 4. (o) Obser. 5. (p) Obser. 7.

interpositum, distincte perciperent. Quanquam ob-
scurores ejusmodi nubes id quoque efficiant, ut Iri-
dis colores distinctius & clarius percipiantur, cum im-
pediant ne à parte ejus postica, aere scilicet multum
illustrato, venientes radii vivaciores, cum Iridis colo-
ribus mixti, visum turbent.

§. VII. Contra vero, diversa Iridis à Spectato-
re distantia, inter fallacias visi s referri nequit. Siqui-
dem si, cœlo circa spectatorem. pacato, nubes in loco
paulo longius dislito imbrem excutiant, etiam Iris e-
rit remotionior. Uti ex adverso, si spectator ipse irriga-
tur à pluvia, nihil obstat, quo minus radii lucis, à gut-
tis vicinis ita reflexi atque refracti, ut cum radio à Sole
per oculum ducto angulum 41. gr. 30. m. aut. 51. gr.
50. m. constituent, etiam in vicinia Iridem sistant, se-
cundum ea quæ supra tradidimus. Similiter si, So-
le à tergo spectatoris constituto, pluvia non directe
ante ejus faciem, sed oblique, deciderit, ita ut planum
in quo terminatur, cum radio ex Sole per oculum
ducto, angulos formet obliquos, acutum v. g. ad dex-
tram & obtusum ad sinistram, guttæ ad dextram ipsi
propiores erunt quam ad sinistram, adeoque etiam
Iridis cornu, in illis conspicuum, oculo proprius esse,
quam alterum ad sinistram, deprehendetur.

Ratio
Phæn. 3.

Ratio
Phæn. 4.

§. VIII. Diversas autem Irides à diversis spe-
ctatoribus cerni, ex iis quæ supra §. 2. differuimus, sua
sponte sequitur. Quod si enim nulli radii colores
producere possunt, quam qui à guttis bis refracti &
semel reflexi aut bis reflexi pariter & refracti, cum
radio ex Sole per spectatoris oculum ducto 41. gr. 30.
m. aut

Ratio
Phæn. 5.

Ratio
Phan. 6.

Ratio
Phan. 7.

m. aut si. gr. 50. m. formant; (q) atvero qui ex certis quibusdam guttis venientes, in meo oculo cum radio ex Sole immediate ducto hos angulos formant, omnino in alterius, plus minusve à me distantis, oculis cum simili radio non eosdem angulos, sed vel majores vel minores formare possint, consequitur hinc, si præter me alii quoque Iridem vident, ab illis, imo à me quoque locum mutante, in diversis plane guttis istam visum iri; ut ita Iris insequentem fugere, fugientem autem videatur comitari. Hoc pacto autem inferre licebit, non solum ingentem aeris tractum Iridis coloribus coruscare, tamen si quilibet non nisi unum videat arcum, sed &, inter aniles fabulas referendam esse vulgarem traditionem, ab homine astuto, plebis simplicitatem aurique famam illudente, dubio procul excogitatam, scilicet patellam auream illic reperiri, ubi Iridis cornua consistunt; quicquid etiam in contrarium dicant qui, suam prodentes ignorantiam, ejusmodi patellas, fabulæ fidem facturi, monstrant. Ut cunque autem cum spectatore situm mutet Iris, nunquam tamen in eadem cum Sole plaga, neque in collateralis, sed in ea semper videtur, inter quam & Solem spectator est medius. Cum enim radiorum parallelorum è Sole emanantium, postmodumque in gutta duplicem reflexionem passorum, nulli maneant paralleli, (r) sed omnes in uno puncto, proxime ipsam guttam constituto, concurrant, (s) hincque cum insigni divaricatione à se discedant; patet illos non esse ita constitutos, ut à radiis colores Iridis producentibus requiratur. (t) Tales autem cum sint radii, qui ex plaga, in qua ipse Sol hæret,

aut
(q) §. 2. (r) Tab. 2. coroll. 9. (s) Prop. 12. (t) §. 2.

aut etiam ex collateralī, ope aeris roridi ad oculum
 perveniunt; illic omnino Iris generari nequit. Hæc
 ipsa vero causa est, quod nostris in regionibus nun- *Ratio*
 quam Iris generatur in plaga australi. Neque enim *Phæn. 8.*
 Sol unquam apud nos in septentrionali est constitu-
 tus, ut ei australis queat opponi. Debere autem lo- *Ratio*
 cum, in quo Iris conspicitur, à Solis radiis directe illu- *Phæn. 11.*
 strari, ex hæcenus dictis per se manifestum est. Radii
 enim sive à nubibus, sive ab aere, sive à terra in æ-
 rem roridum, vel etiam ab una gutta in aliam, reflexi,
 indeque nova refractione & reflexione ad spectatorem
 transmissi, irregulariores & plerumque etiam debilio-
 res sunt, quam ut in hoc colores Iridis, tam constanti
 numero, ordine figuraque, producant. Nec obstat,
 quod spectator se aliquando nubium umbræ sentiat
 involutum; cum non infrequens sit, ut nubes huic *Ratio*
 istive terrarum tractui lumen surripiant, nec tamen, *Phæn. 14.*
 propter exiguitatem suam & interruptionem, possint
 impedire, quo minus illud plagas vicinas copiosissime
 & directe illustret. Solis autem radii sint, necessum
 est, à quibus Irides potiores & interdiu conspicuæ, tra-
 hant originem. Sol enim fons est omnis lucis colo-
 rumque. Lunæ vero lumen adeo est debile, ut radii *Ratio*
 in guttis, per tot reflexiones & refractiones, magis ad- *Phæn. 9.*
 huc debilitati; & minuti numero, (u) tametsi eodem
 modo disponantur quo Solares radii, vix in ipso ple-
 nilunio sufficiant ad oculum ita movendum, ut ali-
 quos colores, licet debiles, percipere possit, etiam tunc,
 cum nocturnis est involutus tenebris, adeoque à ve-
 hementiori lumine (quod alias debilius reddit invisibi-
 le) non impeditur.

V

§. IX.

(u) Prop. 6.

Ratio

Phen. 15.

§. IX. Utvero etiam de tempore visæ Iridis ali-

Ratio

Phen. 16.

qua dicamus; cum quavis diei hora is aeris status esse queat, qui ad genesin Iridis requiritur, nec pluvia in suo lapsu, indeque natus aer roridus, ad statum tempus sit alligatus; ad nullam omnino diei partem restricta est. Quod verò à 10. circiter Aprilis usque ad 10. Augusti nunquam oculi nostri, circa meridiem, jucundissimo hoc spectaculo recreantur, hæc est causa, quod toto illo tempore Sol juxta observationes Astronomicas ad 51. gr. & ultra, est elevatus, cum tamen ejus altitudo Iridis altitudini addita, illum angulum deberet producere; (x) adeoque in hoc Solis statu fastigium summum etiam secundariæ Iridis, ultra Horizontem asurgere non posset. Cur autem verno & autumnali tempore frequentiores sint quam in hyeme aut æstate, alia non est ratio, nisi quod illo tempore pluriæ vaporesque sunt frequentiores.

Ratio.

Phen. 17.

Ratio

Phen. 27.

§. X. De cætero Arcum alicujus circuli detor- nat Iris utraque. Cum enim omnes solique isti radii, qui bis fracti & semel reflexi, cum alio sibi antehac parallelo, & ex Sole per spectantis oculum ducto, angulum 41. gr. 30. m. aut bis fracti & reflexi, cum eodem radio angulum 51. gr. 50. m. formant, Iridis colores producant; (y) tales autem non solum à guttis radio per oculum ducto perpendiculariter imminuentibus, sed etiam à latere circum circa positis, queant provenire; arcum coloratum constituent, eumque ad leges circuli, cui prædictus radius axin opticum per centrum transeuntem largitur, exacte compositum. Quoniam enim omnes radii qui colores procreant, unicum istum

(x) Phen. 20. (y) §. 2.

istum per oculum è Sole ductum, in eodem puncto, in ipso nempe oculo, sub eodem plane angulo, secant, non poterunt non dispositi esse in circulum, cui radius prædictus sit loco axeos. (z) Nec objici potest, quod supra (a) concesserimus, unum Iridis cornu quandoque spectatori esse propius, alterum autem remotius, ut hoc pacto radius ex Sole per oculum ductus, vice axeos, qui à circumferentia circuli æqualiter distat, fungi nequeat. Uti enim hic non nisi de circulo optico, seu apparenter tali, loquimur, ita quoque axis non physicus erit intelligendus, sed opticus, seu talis, à quo omnes circumferentiæ partes, (quia lineæ hinc ductæ ipsum æquali sub angulo secant,) æqualiter distare videntur.

§. XI. Porro autem, cum lineæ per centrum circuli ex ejus Peripheria ductæ, axin sub angulo recto necessario secant (b); at qui ex Iridis Peripheria in meum ducuntur oculum, eum secant sub angulo acuto, nempe 51. gr. 50. m. aut 41. gr. 30. m. consequitur hinc sua sponte, centrum Iridis non esse in meo oculo, sed insigni intervallo ante oculum, in axe tamen, quærendum. Enim vero Sole in Horizonte constituto, axis est Horizonti parallelus, adeoque etiam centrum Iridis in ipsa Terræ superficie; eodem autem elevato, axis infra terram, & una cum axe centrum Iridis, descendit, tanto quidem magis, quanto Sol est elatior. Cum autem semper dimidium circuli sit supra centrum; (c) inferendum hinc, in primo casu integrum semicirculum de Iride visum iri, in reliquis vero segmentum, tanto minus semicirculo, quanto longius.

Ratio
Phæn. 28.

V 2

Sol

(z) Hypoth. 3. (a) §. 7. (b) Hypoth. 3. (c) Hypoth. 2.

Ratio Sol ab Horizonte distat; usque adeo, ut Sole ad 52. gr.
Phan. 29. elevato, nihil quicquam de Iride possit videri, quia tunc ipse Horizon cum axe angulum 52. graduum formatur, & hinc supremum Iridis fastigium ipsi Horizonti deberet incumbere: quod lineam S O mente elevanti,

Fig. 1.

& lineam I O tantundem deprimenti, patebit ad oculum. Quin, eadem opera simul manifestum erit, ultra semicirculum nunquam excrecere Iridis arcum, nisi forsan, Sole ipsum Horizontem stringente, spectator in eminentissima turri aut cacumine montis sit collocatus: tunc enim, uti Iridis centrum à terra tantum est remotum, quantum montis culmen, utpote per quod axis in situ cum terra parallelo ducitur; ita si colores in guttis parum ab oculo diffitis representantur, nihil videtur obstare, quo minus integrum circulum in Iride liceat intueri, nisi quod montis aut turris umbra pro ratione molis suæ aliquam ejus portionem nobis eripere queat; aut, si forsan ad tantam altitudinem, ut suprema Iridis pars possit depingi, vapores non ascenderent, vel, quod sæpe accidit, gravitate sua cito ruerent deorsum, Iridem inversam, cornuaque sua sursum exporrigentem, conspiciere esset datum, dum arcus qui alias in imo hiat, propter obstaculum Terræ, isthuc hiaret in summo, propter defectum vaporum.

Ratio

§. XII. Superest, ut etiam cœlestis istius arcus
Phan. 31. latitudinem ad genuinas revocemus causas. Observavimus supra, (d) quod, si in unica gutta omnes Iridis colores velimus videre, oculus locum mutare & ab HperlinK promoveri debeat; qua mutatione tanto magis erit opus, quanto longius oculus à gutta recedit,

Fig. 5.

(d) *Observ. 4.*

dit, quia radii b H, c I &c. etiam tanto maiori intervallo à se abeunt, ut ab una pupilla in eodem loco constituta capi nequeant. Quare si à spectatore citra mutationem loci omnes colores percipiuntur, necesse est, *Fig. 9.* ut diversi colores à diversis guttis, debita distantia infra supraque se invicem positos, oriantur. Quod quidem, uti verum est de unius arcus coloribus, ita tanto magis valebit, si Iris primaria & secundaria invicem comparantur. Neque enim, si vel maxime radii bis refracti & semel reflexi, cum radiis bis reflexis pariter & refractis, unius guttæ, in uno oculo concurrerent in tanta distantia, quanta à nobis absunt guttæ aereæ, angulum 10. graduum, quo iris primaria à secundaria distat, intercipere possent; cum ipsa gutta propter exiguitatem effugiat visum, & radii ab utraque extremitate diametri ejus ducti, ne minutum secundum includerent. Enim vero cum omnes colores originem trahant ab illis radiis, qui sibi antehac parallelum à Sole per oculum ductum, sub angulo 41. gr. 30. min. aut 51. gr. 50. m. secant; (e) supremi autem infimique Solis radii AD & BD in oculo angulum 31. circiter minutorum forment, (f) necesse est ut supremi infimique Iridis colores ab iis dependentes similiter angulum 31. circiter minutorum constituent.

§. XIII. Est denique in aprico positum, cur *Ratio* evanescendi initium plerumque fiat in summo. *Si. Phen. 32.* quidem guttæ in sublimi pendulæ, non solum proprio pondere ex aere subtiliori facilius descendunt, & inferiorum in aere graviore natantium numerum augent, (g) sed etiam à ventis impetuosioribus, quibus

V 3

(e) *Observ. 4. & 5. 2.* (f) *Observ. 8.* (g) *Observ. 6.*

Ratio.
Phan. 33.

bus aer superior magis est expositus, (b) vehementius urgentur. Contingit tamen aliquanto, ut propter nubes Solis radios impediētes, à latere primus sentiatur defectus. Nec guttarum à terra reflexarum moles, vel turbulentus aeris status, qualis pluvioso tempore solet esse, vaporibus longiorem moram in aere concedit, aut permittit, ut arcus versicolor diu in eodem subsistat.

*Caput IV.
Decisionem quæstionis supra indicatæ, de Iride diluviana, sistens.*

His ita demonstratis, manifestum est, quid respondendum sit ad quæstionem in fronte hujus Disputationis citatam, num scilicet etiam ante Diluvium Iris extiterit, adeoque ei post Diluvium solum significatio nova, de terra non amplius aquis obruenda, accesserit; an potius statuendum sit, illam post aquarum inundationem per miraculum demum fuisse ortam? Primo enim controversia putamus carere, radios solares, aerem guttasque, post diluvium non fuisse mutatas, adeoque decedente pluvia, guttas plurimas, tunc æque ac hodie, in aere hæsisse pendulas, Solemque aliquando in ipso nubium lapsu, per earum interstitia, aerem roridum & ejusmodi vaporibus refertissimum, illustrasse; fuisse denique homines quoque, Solem inter & aerem ita illuminatum medios. Quod si autem causæ, quibus in actu secundo, ut lo-

quun-

(b) *Observ. cit.*

quuntur, positis, hodie naturali ratione nunquam non sequitur Iris, etiam ante diluvium sapissime concurrerunt; non dubitamus, idem meteoron etiam tunc fuisse visum, ne asserere cogamur, Deum, quoties ista causæ ita concurrerunt, productionem Iridis per miraculum impedivisse. Demonstratione enim est evictum, non posse non, per Leges à Deo in natura observari solitas, in aere rorido à Sole illustrato, arcus coloratos sub debita altitudine produci, quia radii inde in oculum redeunt, eodem modo sunt dispositi, quo à Prismate vitreo, colores Iridis procreante, disponuntur: ut adeo Iris rebus naturalibus annumerari debeat. Neque sacri Textus verba aliud evincunt, cum nulla in iis fiat mentio creationis, aut novæ productionis, & Deus illic de Iride, non tanquam de re in posterum demum speranda, loquatur, sed etiam v. 13. dicat *arcum meum jam posui* יָרַדְתִּי in nube. Nemi autem mirum debet videri, quod Numen iteratis vicibus sibi ipsi attribuat generationem Iridis, asseratque se illam posuisse, & positurum in nubibus. Neque enim, quod fit secundum ordinarium naturæ cursum, minus proprie à Deo factum censeretur, quam quod extra ordinem ab ipso efficitur. Nec fœderis conditio miraculum postulabat. Etenim verbum Dei, fallere nescii, omnem timorem & dubitationem ex animo Noachi procul esse jubebat, tametsi nullo extraordinario comitaretur portento, ipseque Iridem sapius antehac jam viderit. Ut David I. Chron. XV. 15. de victoria securus erat, postquam fluctuationem foliorum & susurrum venti, cacumina mororum commoventis, ipsi à Deo in signum futuri triumph

phi datum, percepisset, tamen tale quippiam etiam ante illum casum contingerit sæpe. Et erat sane hoc signum commodum valde & efficacissimum ad erigendos con turbatos mortalium animos, quoniam semper delabente pluvia, h. e. illo tempore, apparet, quando nubes copiosorem imbrem excutientes, homines præteriti diluvii admonere, novumque minari videntur. Sunt equidem qui statuunt, Iridem, cujus mentionem facit Scriptura S. alius plane generis fuisse quam Iris qualis hodiernum apparet. Enim vero de Iride sapius in posterum conspicienda loquitur Scriptura; aliam autem præter vulgo sic dictam non novimus. Qualis ergo hodie existit, talem etiam Noachi tempore fuisse necessum est. Nec obstat, quod illud signum fœderis in nubibus dicatur positum, cum nos supra ostendimus Iridem potius in aere rorido collocari. Est enim, uti hodie, ita olim quoque, arcus ille in nubibus optice & ex judicio sensuum, non physice. Nec majoris est momenti quod unius tantum arcus fiat in sacris mentio, cum tamen Iris ex duplici constet. Siquidem nec nobis infrequens, ut de Iride vel arcu cœlesti, velut unico loquamur, neque tamen ideo negamus geminum ordinarie comparere. Quanquam si quis asserere velit, Deum novam significationem Iridi, dudum alias quoque visæ, impositurum, ut Noachi animum tanto fortius moveret, extra ordinem & nulla pluvia antegressa, Iridem excitasse; per nos quidem liceat, modo ex sacro codice hoc satis dare possit probatum.

Sit DEO Laus.



Oculus Mathematicos, Physicos ac Medicos certatim tenet occupatos; hos, ut sanitati ejus prospiciant, illos, ut ipsius explorent naturam, istos, ut officium exponant, & ne per abusum aliquid patiaturs detrimenti, quantum in se, prohibeant. Nostrum, qui in Opticorum militamus castris, studium versabitur hac vice circa istos oculorum navos, quibus eorum acumen obrunditur, ita ut, ad remota in justa distantia æque ac vicina distincte percipienda, incapaces reddantur: quorum seriem postquam exhibuerimus, perscrutabimur malorum fontem, visuri insuper, num quid remedii ex nostra sperandum arte, qualis item diata observanda, ut morbus aut evitetur, aut præcaveatur saltem, ne vires sumat eundo. De hominum autem oculis dicenda potissimum erunt intelligenda. Quapropter non multum nos sollicitos habebit assertio Aristotelis *l. 6. de Hist. Anim. c. 5.* quod hirundinum juniorum oculi stylo lacerati restituantur & videndi vim recipiant; itemque Plinii *lib. 2. Hist. N. cap. 37.* tradentis, serpentum & hirundinum pullis erutos oculos renasci: aut etiam narratio Schotti *Jocoser. Nat. & Art. Cent. 3. pro. 83.* de casu recentiori, quod nempe

X

qui-

quidam Nobilis Anglus, ex peregrinatione domum
 repetens, Pragæ apud D. Marcum Marci, anferis oculum
 lancetta disciderit, humoreque aqueo una cum
 crystallino & vitreo inde expressis, vacuis tunicis modicum
 aquæ certi generis, quam secum attulit, instillarit,
 unde oculus intra horæ quadrantem pristinæ integritati
 atque vigori stabili fuerit restitutus; nisi quod, ob errorem
 aliquem in sectione commissum, cicatrix non sat æqualiter
 coaluerit, indeque aliquid visus acmini decesserit;
 quod vitium tamen Artifex (qui illud statim prædixerat)
 in quavis alia sectione, cujuscunque animalis,
 facile se evitaturum, in se receperat. Cui experimento
 simile est & illud P. Nicolai Cabai ab eodem Schotto l. c.
 recensitum, qui nempe agno utrumque oculum lancetta
 perforavit, &, excusso omni humore aqueo, vulnere
 imposuit vittam madefactam succo chelidonii majoris,
 unde oculi postridie sanitatem ac vigorem nativum
 receperunt. Quæ ars, oculis animalium sauciatis,
 omnique suo humore privati, restituendi facultatem
 videndi, etiam Theodoro Kerkrinkio tribuitur in
 Epistola Arti Vitriariæ Anton. Neri præfixa. Sane uti
 Medici potius & Physici, quam Optici, est
 definire, num oculi sauciati, humoribus ex toto vel
 parte privati, aut plane eruti, sive arte sive naturæ
 subsidio queant integritati suæ reddi; ita cum non
 meminerimus hanc artem unquam in homine cum
 iussu fuisse tentatam; bruta autem nobis exponere
 nequeant, quale quantumve vitium (ingens enim
 damnum videndi potentiam, etiam in optima
 curatione, pati, nemo, nisi rerum opticarum ho-
 spes

spes & qui officium crystallini humoris ignorat, negabit) oculi eorum in tali casu contrahant; frustra omnino laboraturi essemus, si in causas vitiorum vellemus inquirere. Non tamen impossibile esse, oculis ita restitutis objecta utcunque dignoscere, infra, occasione data, ostendemus, nunc ad scopum properantes.

HISTORIA VITIORVM OCULI.

§. I.

Isti demum oculi à labe censentur immunes, quorum acumen ad proportionaliter remota pariter & vicina justæ magnitudinis objecta se extendit; quales quidem in primis Juvenum sunt. Qui vero in casu alterutro, aut utroque, deficiunt, vitiosi habentur. *Phen. 1.*

§. II. Inter optica igitur oculorum vitia recenseri nequeunt naturales, omnibus communes, eorum imbecillitates, velut, quod nimium remota, vicina, exigua, obtenebrata, ut & obliquius ob oculos posita, aut cito prætervecta, distincte cernere non possint; cum hoc vitium non tam in oculo, quam objecto, hæreat. *Phen. 2.*

§. III. Vera autem eorundem vitia haud incongrue dividemus in ea, quæ ab ipsa insunt nativitate, & quæ abusu oculorum, aliave de causâ, deinceps demum contrahuntur.

§. IV. Ex priorum classe eminet cæcitas omnimoda, dum scilicet occurrunt oculi valentes, integri omnibusque instructi partibus, quorum tamen nullus in visione est usus. Huic proxima est luscitio, quo vi- *Phen. 3.*

tio laborantes omnia confuse & velut per nebulam intuentur.

Phan. 5. §. V. Sunt vero etiam qui solum ad lumen diei cæcutiunt, tanto quidem magis, quanto hoc est illu-

Phan. 6. strius; ex adverso autem, ad lucem creperam & sub-obscuram accuratius objecta dignoscunt, quam instructi oculis melioris notæ, adeo, ut nonnulli noctu scripturas minuta litera exaratas legere queant.

Phan. 7. §. VI. His opponuntur, qui in luce meridiana constituti nullum oculorum, sive ad vicina sive ad remota directorum, sentiunt defectum, qui tamen mox se prodit, quoties ad locum non adeo illustratum deferuntur.

Phan. 8. §. VII. Est quoque deprehensum, quorundam oculos, in remotiora paulo directos, a prima pueritia ca-

Phan. 9. ligare, cum vicina, etiam characteres minimos, acute, & aliquando melius quam qui oculis valent opti-

Phan. 10. me, cernant. Atque hi παρὰ τὸ μύοντας ὄραν, quod conniventes vident, Myopes dicuntur.

Phan. 11. §. VIII. Aliorum contra visus ad remotissima se, cum vigore & acumine singulari, ab ipsa fere nativitate extendit, & tamen multum vicina distincte satis discernere nequeunt. Quod quidem vitium cum alias τοῖς πρεσβύταις, Senibus, etiamsi optime se habuerit oculorum status in pueritia, familiare est, omnibus eo affectis Presbyterum nomen imposuit antiquitas.

Phan. 12. §. IX. Istud quoque inter oculorum nævos referendum, quod non semper uterque æquali acumine gaudeat, sed his dexter, aliis sinister oculus sit hebetior.

§. 10. VI-

§. X. Ultimo commemoramus Strabones Patos- *Phen. 13.*
que; quorum illi, oculis distortis & sursum vel ad la-
tus deflexis, omnia intuentur, nec proinde accura- *Phen. 14.*
te satis discernere valent; hi autem leviter declina-
tis, & venereorum instar, huc illucque volutis. Hoc
ipsum autem à Plinio *lib. II. c. 37.* jure inter vitia refer-
tur, utut Venus ipsa dicatur pæta; cum Cicero *lib. I. de*
Nat. Deor. cap. 17. aperte fateatur, Diis varia corporis
vitia, & inter hæc etiam, quod pætuli sint, adscribi.

§. XI. Vti autem Strabones Patosque ipse oculo- *Phen. 15.*
rum positus prodit, ita Presbytas naturales plerumque
cognoscas ex oculis justo minoribus & ad interiora
retractis, Myopes contra ex oculis majoribus aut *Phen. 16.*
solito oblongioribus. Quanquam perpetuum hoc *Phen. 17.*
non sit, inveniasque, qui alterutro laborant vitio, ubi
tamen in mole oculorum non habeas quod deside-
res; uti quoque sunt oculi, qui, respectu ad reliqua
corporis membra habito, excedunt consuetam magni-
tudinem, aut ab ea deficiunt, & tamen ad objecta in
quavis proportionata distantia discernenda æque be- *Phen. 18.*
ne sunt apti. Oculi in obscuro melius suo fungen-
tis officio, signum est, pupilla amplior, palpebræ bre- *Phen. 19.*
viores, ciliaque revulsa. Quibus vero pupilla nimis
est angusta, debitam dilatationem non admittens, con- *Phen. 20.*
trario notantur vitio. Si cornea tunica nimis splen-
det, & quadantenus albicat, nec pupilla profundam
monstrat nigredinem, lusciosos notat; uti, si eadem *Phen. 21.*
alba aut cæcia videtur, obducta cuticula, cæcitatatis est
indiciu.

§. XII. Sed hæc, quæ ab ipso utero nos comitantur

vitia, rariora sunt, quam quæ deinceps demum, citius, serius, plus minusve depravant oculos. Abusu enim oculorum omnes illos morbos, qui cum aliis
Phæn. 22. nascuntur, frequenter accersimus. Vti enim, si vix in hanc editi lucem, distortis oculis diu multumque unicum respiciunt locum, mox Strabones evadunt:
Phæn. 23. ita qui à prima ætate sedentarium sequuntur vitæ genus, & ob id semper oculos habent in vicina defixi.
Phæn. 24. hos, aut etiam frequenter res tractant minutas, vel non
Phæn. 25. nisi debili luce collustratas, post paucorum annorum intervallum Myopes evadunt.

§. XIII. Ex opposito autem, quorum oculi ab ipsa infantia in aspectu remotiorum ut plurimum fuere
Phæn. 26. occupati, quod iis usu venit, qui a pueris venationibus, navigationibus, aut itineribus se dedunt, id consequuntur, ut ante senium, & vel in ipsa ætate virili, Presbyterum numero sint accensendi. Alias idem hoc
Phæn. 27. vitium pro indicio habetur hominis somnolenti, otiosi & cogitabundi; uti præcedens laboriosi & industrii.

§. XIV. Cum utrumque oculorum defectum compensaturi, vitra arte parata adhibeant, & Myopes qui-
Phæn. 28. dem cava, Presbyteræ autem convexa; accidit nonnunquam, ut hebetudo oculorum majora tunc, quam antea
Phæn. 29. te hac, capiat incrementa, & cum insigni oculorum dolore sit conjunctus usus vitrorum, etiam longinqua experientia ab aliis comprobatorum.

Phæn. 30. §. XV. Senibus autem familiarius est vitium, quod ab ipsis nomen traxit, ut ut in juventute vicina pariter & remota distincte cernere potuerint, nec adeo
Phæn. 31. occurrat, quo aciem oculorum læserint. Insuper, sub æta-

ætatem præprimis decrepitam, aliquando perpetuam
 patiuntur caliginem, & velut nebulam oculis obdu-
 ctam: quæ, si adhuc rarior est, efficit, ut, quæ interdum
 quidem perspicillorum ope clare satis cognoscere
 valent, ad lumen candelarum non nisi confuse ober-
 rent oculis. Si autem cum ipsa ætate incrementa cap-
 it, aliquando plane in cœcitatem degenerat. Hacce *Phan. 32.*
 tamen calamitate non perpetuo premitur venerabi-
 le senium, quin prostant exempla eorum, qui, septua-
 genario majores, visus acumen recepere, adeo, ut de-
 positis, quibus jam per aliquot annos usi erant, per-
 spicillis, etiam nudo oculo res minutas & vicinas cla-
 re potuerint percipere. Ex adverso autem, quidam *Phan. 33.*
 in ipsa juventute lusciosi, aut omnino cœci evadunt,
 nullo oculorum abusu præcedente.

§. XVI. Et hæc quidem vitia stabilia sunt, atque, u-
 bi semel invalere, plerumque duratura per ætatem.
 Sunt vero etiam alia, fugitiva magis & citius transe-
 untia. Quo referimus, quod tenebris spissioribus a- *Phan. 34.*
 liquandiu circumdati, si in locum illustriorem subi-
 to transferuntur, splendore rerum circumstantium
 confundantur, ut aliquandiu oculis nictare cogantur.
 Vti contra ex luce meridiana in conclave obscura- *Phan. 35.*
 tum delati, primum nihil prorsus vident, cum tamen
 non multo post objecta circumstantia satis discer-
 nere queant. Qui vero solem ipsum, etsi non nisi o- *Phan. 36.*
 culo fugitivo, vel saltem coloratis vitris munito, re-
 spexere, id incommodi diutius sentiunt. Siquidem
 macula quædam flavescens, aut nigricans, nonnun-
 quam ad integram horam, plus minus, oculis oberrat.

Imo

Phæn. 37. Imo si qui solem non oculo nudo, sed tubis armato, contemplantur, per plures annos, aut per integram vitam, sensum hujus mali non exuunt.

Phæn. 38. §. XVII. Qua occasione hoc quoque annotandum, quod, oculo a solis intuitu retracto & clauso, species ejus subinde in oculo recurat per vices, primum quidem colore vivace & flavescente, hoc autem transeunte, post interpositam moram aliquam redeat colore virefcente, dehinc rubente, mox purpureo, tandem violaceo. Quo ultimo pereunte, oculus pristino vigori restituitur, cum, phantasmatibus istis durantibus, macula, cujus in *Phæn. 36.* mentionem fecimus, turbet objectorum perceptionem.

Phæn. 39. §. XVIII. Qui oculorum prolapfu laborant, aut in terram præcipientes dati, caput circa oculos vehementius allidunt, similes quodammodo colorum lusus aliquando experiuntur. Omnia enim objecta circumstantia vivacibus adeo iridis coloribus videntur ornata, ut eorum splendorem citra ingentem oculorum dolore ferre nequeant. Quod etiam gravi morbo, aut

Phæn. 40. peste brevi post corripientis, solet usu venire, nisi quod dolor absit, & corporum aspectus ipsos potius delectet. Quam in rem memorabilia prostant exempla in *Boyllii Tract. de Col. part. 1. cap. 2.*

Phæn. 41. §. XIX. Sunt etiam qui de eo conqueruntur, quod oculis in unum locum diutius defixis, vesiculæ pellucidæ aut maculæ situm mutant obversentur, & contemplationem turbent.

Phæn. 42. §. XX. Denique commemorandum, quod brevi ira furore correptis, ut & iis qui prætemulentia vix sunt compotes mentis, objecta appareant geminata.




Fig. 1.




Fig. 2.



Fig. 3.

Fig. 4.

Fig. 5.

Fig. 6.

Fig. 7.

Fig. 8.

Fig. 9.

Fig. 10.

Fig. 11.

Fig. 12.

Fig. 13.

Fig. 14.

Fig. 15.

Fig. 16.

Fig. 17.

Fig. 18.

Fig. 19.

Fig. 20.

Fig. 21.

Fig. 22.

Fig. 23.

Fig. 24.



Fig. 10.

Fig. 3.

Fig. 7.

Fig. 8.

Fig. 9.

Fig. 11.

Fig. 12.

Fig. 13.

Fig. 14.

Fig. 15.

Fig. 16.

Fig. 17.

Fig. 18.

Fig. 19.

Fig. 20.

Fig. 21.

Fig. 22.

Fig. 23.

Fig. 24.

Fig. 25.

Fig. 26.

Fig. 27.

Fig. 28.

Ph.

Ph

P

J



FONTES, VNDE CAVSÆ VITIORVM DERIVANTVR.

§. I.

Oculi structura videndique ratio ante omnia nota sit, oportet, si vitia ejus accuratius volumus cognoscere. Enim verò rotunda oculi machina ex tribus humoribus, totidemque componitur tunicis; quarum exterior solida, totum oculum ambiens, a parte antica *ab*, qua pellucet, CORNEA, a postica autem *bca*, qua opaca est, & albugine tegitur, SCLE- ROTICA; hanc proxime excipiens, tota opaca, ubi foramine, seu Pupilla, prædita est, & corneæ substat in- *de*, ob colorum varietatem VVEA & IRIS, ubi autem cum Sclerotica cohæret, CHOROIDES; Tertia denique intima, subalbida totique Choroidi subten- sa, RETI- NA dicitur. Vti Humorū maximus *o*, totam fere oculi cavitatem, qua parte a retina ambitur, replens, leviter consistens, summeque pellucidus, VITREVS; qui huic gemmæ instar insidet *fg*, itidem valde pel- lucidus, attamen viscosus magis & consistens, ut fi- guram stabilem admittere queat, CRTSTALLINVS; terti- us autem, qui anteriorem oculi partem inter corneam & crySTALLINUM replet, quod aquam limpidissimam exhibeat, AQUEVS appellari solet.

Fig. 1.

§. II. Indagaturi autem, quis sit harum partium usus, Fig. 2. construximus oculum artificialem, naturali similem. Scilicet ex materia solida & opaca paravimus globum cavum *abc*, magnitudinis arbitrariæ; Corneæ tunica lo- co instruximus illum segmento cavæ sphaeræ vitreæ *de*;

Y

humo-

humoris crystallini vicem subiit lens vitrea, utrinque convexa *fg*, quam annulo ligneo circumdatam, aliquo a cornea *de* intervallo reddidimus, ope ferreorum filorum, fixam. Reliquum oculi nostri spatium aqua replevimus, quæ adeo vitrei pariter & aquei humoris partes tuebatur, quod diversæ consistentiæ liquores æque pellucidos adhibere non licebat. Ut autem, quæ intus contingunt, distinctius observare possemus, vitrum aliquod non omnino pellucidum, sed velut nebula obductum, cylindro ex lamina ferrea fabricato inclusum, ut diversas a lente *fg* distantias admittere queat, adhibuimus, quod instar retinæ objectorum species exciperet, & forinsecus, attamen, ne oculi peregrino lumine obruerentur, in camera obscura constitutis, repræsentaret.

- Observ. 1.* §. III. His ita paratis, quinque circumstantiæ maxime notandæ occurrebant: (1) Rerum externarum, imagines distincte satis in Retina *bi* pingi, sed minores multo rebus ipsis, & inversas. (2) Has ipsas tum demum claras esse, si res directe magis & non oblique corneam respiciunt, adeoque, pro diverso objectorum statu, situm machinæ subinde mutandum.
- Observ. 3.* esse. (3) Retinam *bi* lentis *fg* paulo propius admovendum esse, ut remotorum imagines distincte excipiat, longius autem hinc abesse debere, ut idem præstet circa vicina. (4) Si lens fuerit magis convexa, adeoque minoris sphaeræ segmentum, omnium objectorum imagines in minori à lente intervallo distincte pingi, quam si eadem fuerit minus convexa,
- Observ. 5.* & majoris sphaeræ portio. (5) Corneam *de* annulis chartaceis bonam partem esse obtegendam, ad conspe-

spectum rerum illustrium ; contra vero tanto magis esse denudandam , quo pauciore luce objectum gaudet , nisi malimus , ut in utroque casu imago prodeat confusa.

§. IV. Cum hoc pacto oculi nostri artificialis effectus explorassemus , omnem effudimus aquam , abstergentes insuper lintheamine mundo corneam , lentem atque retinam , ut cognosceremus , num aqua ad hanc delineationem imaginum aliquid contulerit. Machina autem evacuata , & objectis rite opposita , idem omnino , qui antea , sequebatur effectus ; imo imagines erant paulo vivaciores & clariores , quod aqua non

Observ. 6.

fatis limpida , luto quodam obduxerit lentem pariter & corneam , & sic earum pelluciditatem impediverit. Post hæc , ut simili experimento tentarem corneam , in hujus remotæ locum substituimus ipsam lentem ; cui postquam retinam in debita distantia applicassemus , nullam in effectu differentiam annotare licuit , nisi quod pictura paululum nitidior appareret. Tandem , lente quoque abjecta , mera confusio in nostro oriebatur oculo , donec in corneæ locum

Observ. 7.

exiguo foramine substituto , objecta in retina ut cunque distante , sed obscurius paulo , rursus comparerent.

Observ. 8.

§. V. Ut ergo causas , tum horum effectuum , tum etiam enarratorum supra vitiorum oculi , reddere liceat , præmittemus pauca quædam Theoremata ; quorum demonstrationes , si Lector ἀγαμέμνων non capit , sufficiet ipsi , ad ea quæ hinc deducuntur intelligenda , si sensum ipsorum Theorematum & Corollariorum inde fluentium probe teneat. Ad ipsas de-

Hyp. 1.
Fig. 3.

monstrationes facilitandas, supponendum: (1) Radium no , ex aëre in vitrum transeuntem, ita versus perpendiculum ik frangi, ut, si angulus incidentiæ ion , vel βok , quem nempe cum perpendiculo facit, non major est 20. gradibus, angulus refractionis βog , quo scilicet a priori via recedit, sit (ex sententia Kepleri) ad angulum refractum gok , quem nimirum refractionem passus cum perpendiculo format, ut 1 ad 2, ad angulum inclinationis autem, ut 1 ad 3, adeoque angulus refractus ad angulum inclin. ut 2. ad 3. Contra vero; in egressu ex vitro in aërem circa q , ita deflectere a perpendiculo ty , ut angulus refractionis gqx sit ad ang. inclin. $gg\gamma$, ut 1. ad 2. ad angul. refractum, $xq\gamma$, ut 1. ad 3. refractus vero ad angulum inclin. ut 3. ad 2. Vel (ex observatione Nevvtonii, quæ fere eodem recidit) sinum anguli incidentiæ esse ad sinum anguli refracti, in ingressu radii ex aëre in vitrum, ut 14 ad 9. in egressu autem, ut 9. ad 14. (2) In triangulis esse latera & angulos

Hyp. 2.

valde acutos iis oppositos, non in rigore geometrico quidem, physice tamen & sensibilibiter proportionalia.

Hyp. 3.

(3) Radios ex uno puncto egresfos, & tantillo intervallo distantes, ut eorum divaricatio ad longitudinem sensibilem proportionem non habeat, æstimari physice parallelos. (4) Cum nullum punctum visibile radios

Hyp. 4.

convergentes, sed vel parallelos, vel divaricantes, in oculum evibrare queat, etiam oculum ita esse dispositum, ut radii convergenter illapsi, nullam imaginem illic producere queant.

§. VI. Quibus ita præmissis, sequuntur ipsa Theoremata.

Theor. 1.

I. Radii paralleli in lentem convexo-planam, sub

sub angulo 20 gradibus minori, utcunque illapfi, post illam junguntur circiter intervallo diametri.

DEMONSTRATIO. I. Cadat radius bd axi ra , seu *Fig. 4.*
lineæ perpendiculari per centrum ductæ, parallelis, in planam vitri superficiem, frangaturque solum in egressu versus a , ut angulus refractus aef , sit ad angulum refractionis aed , ejusve alternus ea , ut 3. ad 1. per Hyp. 1. Erit ergo etiam in triangulo ace latus ca ad ce , seu semidiametrum, ut 3 ad 1. per Hyp. 2. adeoque ablata semidiametro cg , erit ga diameter.

II. Cadat idem radius de , in convexam vitri superficiem; frangatur in ingressu versus r , ut angulus refractionis reb , ejusve alternus erb , sit ad angulum refractum rec , ut 1 ad 2. per Hyp. 1. Erit ergo etiam in triangulo rec , semid. ce ad cr , ut 1 ad 2. per Hyp. 2. adeoque rg erit sesquidiameter. In egressu autem frangetur versus b , ut angulus refractionis ber , sit ad angulum refractum beb , ut 1 ad 3. per Hyg. 1. Ergo angulus beb ejusque alternus cbe , erit æqualis angulo ceb . Nam cer est ad reb , ut 2. ad 1, & ad ber , ut 4 ad 1. adeoque ber est ad bec , ut 1 ad 3. quam rationem etiam habuit ad beb . Si autem bec est æqualis cbe , erit etiam bc æqualis semidiametro ce , per Hyp. 2. adeoque bk fere diametro.

III. Sint duo radii non axi, sed sibi paralleli no, lm , *Fig. 5.*
in superficiem planam oblique illapfi, indeque refracti in p & q . Quæcunque sit eorum inclinatio, semper potest alius concipi ipsis parallelus, sive intermedius, uti hic rs , sive a latere positus, cujus refractus sv retro ductus, cadat in centrum, adeoque instar axeos in virrefracte transeat. Huic cum paralleli sint mp & oq , con-

jungentur cum eo in x , intervallo diametri, per Caf. 1.
Ergo etiam inter se .

Fig. 5.

IV. Cadant similes duo radii, sibi tantum paralleli za, yb , in convexam vitri superficiem. Si solum in ingressu paterentur refractionem, jungerentur in g , intervallo gc , sesquidiametri per Caf. 2. At superficiem planam transeuntes unus saltem ex iis, uti ac , aut alius illis parallelus, debet esse perpendicularis: quod facile patebit, si cogitemus, hos radios cum superficie curva non eosdem, sed quoscunque possibiles formare angulos incidentiæ, quibus totidem diverfi respondent anguli refractionis. Reliqui ergo eidem jungentur, in distantia diametri, per Caf. 2. Nam angulus refractionis feg , est ad angulum refractum feb , ejusve alternum efc , ut 1. ad 3. Ergo erit etiam in triangulo feg , latus fg , ad ge , aut ei fere æquale ge , ut 1 ad 3. Sed cg est sesquidiameter; ergo gf semidiameter, & fc diameter fere.

Corollaria.

1. Quo major est lentis diameter, eo majori intervallo junguntur radii, quo autem minor, eo minori.

2. Radii ex uno puncto, v. g. a , intervallo diametri prodeuntes, per talem lentem paralleli transeunt. Perinde enim est, ac si radios parallelos a vitro collectos retroagas; ubi necessario priora legent vestigia.

3. Radii ex uno puncto, v. g. l , intervallo minori diametro prodeuntes, cum aliqua divaricatione lentem transeunt. Vti enim angulos inclin. lef , major est angulo inclin. aef , ita etiam ejus angulus refractus major erit angulo refracto ceb .

Fig. 4.

4. Ex

4. Ex adverfo igitur, radii convergentes in vitrum illapfi, in distantia minori diametro coeunt, ob rationem corol. 2.

5. Radii ex uno puncto, v. g. *m*, ultra diametrum remoto oriundi, per lentem cum aliqua inclinatione transeunt, tanto quidem majori, quanto longius punctum *m* a diametro est remotum. Vti enim angulus inclinationis *mes*, minor est angulo inclinationis *aef*, ita ejus angulus refractus minor erit angulo refracto *ceb*.

II. Radii paralleli in vitrum utrinque æqualiter convexum, sub angulo 20. gr. minori, utcunque illapfi, uniuntur in distantia circiter semidiametri. *Theor. 2. Fig. 6.*

DEMONSTRATIO. I. Sit radius *ea* axis *cd* parallelus, perpendicularis ad convexas utrinque superficies *bf*, *cg*. Cum arcus *ai* sit æqualis arcui *ak*, etiam angulus *acb* & *abc*, horumque alterni *ca*, *ba*, & eorum verticales *gab*, *fac*, æquales erunt. Cumque porro radii vitrum ingredientis angulus refractus *bad*, sit duplum anguli refractionis *dab*, per Hyp. i. e. erit idem subduplum anguli *dag*. Atqui angulus refractionis radii *da* egredientis, est subduplum anguli *gad*, tanquam anguli incidentiæ per Hyp. 1.; cadet ergo in *b* centrum superficiei *akl*, adeoque axi jungetur in distantia semidiametri.

2. Sin radii *ml*, *nq*, sibi tantum paralleli, quorum alter, v. g. *nq*, aut alius utrique parallelus, refractionem passus in superficie *akl*, perpendiculariter incidat in superficiem *ail*, adeoque illic irrefracte transcat, (quod semper fieri posse, facile patet, si cogitemus diversitatem angulorum inclinationis ejusmodi radio-

radiorum in superficiem ak incidentium.) Hi radii, primam refractionem in q & l passi, jungentur fere in distantia sesquidiametri op . vi Cas. 2. prop. 1. Vt ita op esset ferme triplum, & cp quadruplum, semidiametri cl : adeoque similiter in triang. clp angulus r/p quadruplum anguli l/p . per Hyp. 2. At cum in egressu angulus inclinationis r/p radii lp , sit duplum anguli refractionis p/s per Hyp. 1.; erit hic anguli lp/s duplum, adeoque cs ejusdem triplum. Ergo etiam sesquidiameter p , aut ei fere æqualis op , triplum lineæ ls , quæ proinde æqualis est semidiametro.

Corollaria.

Speñtant huc omnia corollaria Prop. 1. nisi quod ibi de diametro dictum, hic de semidiametro sit intelligendum.

Theor. 3. III. Radii paralleli in vitrum plano-cavum utcun-
Fig. 7. que illapfi, divaricantes transeunt.

DEMONSTRATIO. I. Cadat radius be axi ac parallelus, perpendiculariter in planam vitri superficiem; cum solum in egressu vitri in d fractus, debeat a perpendiculari cd discedere, discedet etiam ab axe ac .

II. Cadat radius li axi parallelus, in cavam vitri superficiem. Cum in ingressu fractus, ad perpendicularum im accedat, oblique & extrorsum vergens in superficiem planam bk incidet. Illic autem in egressu fractus, cum insuper a perpendicularo no , axi propiore, discedat, magis discedet ab axe.

Fig. 8. III. Sin radii pq, st, vx , non axi sed sibi tantum paralleli, qui in superficie plana æqualiter fracti paralleli progrediuntur ad superficiem cavam ecy . Illic

lic autem cum inæquales habeant angulos incidentiæ, inæqualiter franguntur, adeoque cum angulus rya , major sit angulo rcd , etiam ya magis a perpendicularo discedet quam cd ; & consequenter inter se divaricabunt radii cb, yz : cumque qr (ex hypothesi) plane sit perpendicularis, suumque situm non mutet, etiam ab hoc discedet.

IV. Cadant duo radii sibi tantum paralleli kl, bi , in cavam vitri superficiem; cum angulus incid. klr , major sit quam bir , etiam radius kl magis frangetur quam bi , adeoque divaricabunt. Cumque in egressu similiter angulus nfm , major sit quam oxp , etiam radius mf a perpendicularo nf magis discedet quam ox a p , adeoque tanto magis divaricabunt.

Corollaria.

I. Si paralleli radii, in vitrum plano-cavum illapfi, divaricant, multo magis divaricabunt qui jam ante ingressum divergunt; & tanto quidem magis, quanto magis divergunt.

II. Quo minoris sphaeræ segmentum est superficies cava, eo magis radii paralleli post transitum divaricant. Si enim centrum non esset in c , sed p , angulus incidentiæ bdq , major foret quam ddf , adeoque etiam angulus refractionis major esset futurus quam edg . Fig. 7.

IV. Radii paralleli, in vitrum utrinque cavum utcunque illapfi, divaricantes transeunt. Theor. 4.

Fig. 9.

DEMONSTRATIO. I. Sit radius fb axi de paralle-

Z

ralle-

rallelus. Cum in ingressu fractus ad perpendiculum cg accedat, ab axe discedet. Cum porro in egressu circa i fractus a perpendiculo ai discedat, magis ab axe recedet.

II. Sint duo radii sibi tantum paralleli kl, mn ; Cum angulus incid. clk minor sit quam cnm , etiam radius kl minus frangetur quam mn , adeoque divaricabunt. Cum porro in egressu angulus ays iterum sit minor angulo axt , radius ys rursus a perpendiculo ay minus recedet, quam xt a perpendiculo ax . Igitur magis adhuc divaricabunt.

Corollaria.

Spectant huc omnia corollaria Prop. 3. quibus addimus, radios parallelos in lentem utrinque cavam incidentes, post transitum magis divaricare quam in plano - cavam illapsi; quod vel Schema docet.

§. VII. Neque vero difficile erit, fundamentis in primo solum aut secundo Theoremate jactis, superstruere omnes effectus oculi artificialis, nec non naturalis. Siquidem (1) cum illic demonstratum sit, lentem utrinque convexam radios plures ex quolibet objecti puncto K, L, M , cum aliqua quidem divaricatione prodeuntes, ob nimiam tamen objecti distantiam pro parallelis habitos, intervallo semidiametri rursus conjungere; non poterit non in vitro illic præcise locato, rei objectæ imago representari. Sive enim radii a vitro plano ib reflectantur, sive transmittantur, omnino eodem plane modo ex punctis k, l, m ,

Fig. 2.

k, l, m, omnibusque intermediis, in oculum evibrantur, quo a punctis *K, L, M*, solent evibrari; ordinarie autem illic videtur objectum, ubi radii in oculum illapsi, ex oculo mente retro ducti, concurrunt; at cum ante prædictum locum radii adhuc sint confusi, & post illum denuo confundantur, nec proinde a vitro illic constituto debite excipi, aut transmitti queant, in nullo alio loco objectum videtur. Imaginem autem esse inversam, ipse schematismus monstrat; neque enim refractionum leges patiuntur, ut radii v. g. ex puncto dextimo *K* venientes, in lente tantum incurvantur, quo denuo in plaga dextra circa *b* queant convenire. Minor est imago re ipsa, quoniam in distantia semidiametri post lentem *fg* exhibetur, cum objectum ipsum longius multo ante distet, adeoque radii puncta *m* & *k* representantes, tantum post lentem a se discedere non possunt, quantum - ante absunt (2) Clarius autem est imago rerum lenti directe quam oblique oppositarum, quoniam, si radii incidentes ultra 20. gradus a perpendiculo discedunt, assignata supra ratio, inter refractionis, inclinationis & refractum angulum, locum non invenit, adeoque tunc irregularius franguntur, quam ut excepti a retina radii, imaginem accurate delineare queunt. (3) Propius porro vitrum *ib*, quod retinae vices sustinet, ad lentem *fg* accedere debet, si objectum est remotius, quam si idem sit propius; quoniam radii ex illius singulis punctis oriundi, habentur pro parallelis, per Hyp. 3. ex hujus vero punctis egressi, pro divaricantibus; illi autem citius, hique majori de-

mum intervallo junguntur, per Theor. 2. Cor. 5. (4) Nec minus, objecto utcumque posito, idem vitrum *ib* a lente *fg* tanto longius distet, necessum est, quo majoris fuerit sphaera; quo enim hac major est, eo remotius est centrum, seu locus, circa quem radii congregantur per Theor. 2. Coroll. 1. (5) Cornea *de* ad praesentiam objectorum illustrium ideo maximam partem est tegenda, ne ex radiis vehementioribus tanta copia irruentibus plures, praesertim obliquius illapsi, ab ipsa lente *fg* quaquaversum reflexi, interiora oculi illustrent, ut inde radii spurii in locum imaginis cadentes, una cum hac in oculum spectatoris penetrent, adeoque efficiant, ut hac non nisi confusa appareat. (6) Aqua inter lentem *fg* & retinam *ib*, necnon inter lentem & corneam *ed* intercedens, quin & (7) ipsa cornea *de*, quia solum medii rationem habent, nec aliud quid praestant, nisi quod radios quodammodo ad unionem disponant, de cetero autem, omnimoda pelluciditate destitutæ, multos radios reflectunt, & picturam hoc pacto debiliorem reddunt; omnino abesse possunt. (9) Quod vero etiam lente abjecta confusio in oculo artificiali sequebatur, nec, nisi apertura valde exigua in ejus locum substituta, imago redibat, hæc est ratio, quod, si foramen est valde patens, radii ex omnibus, vel saltem multis objecti partibus, prodeuntes, in uno parietis oppositi puncto conveniant, adeoque hinc junctim reflexi ad oculum, neutram partem præ aliis pingere queant: cum ex adverso foraminis angustia illam confusionem facile impediat, attamen simul efficiat, ut propter

pter radiorum paucitatem pictura sit debilis: quod utrumque Fig. 10. distincte monstrat. Vnde obiter colligere licet, si possibiles sunt casus, quos in præfatione recensuimus, ut scilicet, omni humore ex oculo naturali expreso, vulnus coalescat, & salva retina, tunica peregrino turgeant succo; fieri etiam posse, ut objecta, præsertim illustria, sed obscure tantum, percipiamus, modo pupilla contrahatur simul & reddatur valde angusta.

§. VIII. Neque vero dubitari debet, quin in oculo naturali se visionis negotium eodem habeat modo, præprimis cum in oculo e. g. bovis mortuo, remotis dextre a postica parte sclerotica & choroide tunicis, cornea autem oculi compressione expansa, ne rugas agat, vel potius prorsus rescissa, facis e regione pupillæ ardentis, aut alius objecti illustris, imaginem inversam in retina, vel in ejus locum substituta charta oleo tincta, distincte satis videre detur. Ut proinde hic solum de prerogativa oculi naturalis præ artificiali, aliqua sint commemoranda. Nimirum (1) cum oculus artificialis manuum opera subinde debeat mutare situm, ut objecta varia successive contemplanda, ejus corneæ directe opponantur: naturalis oculus in homine ob hunc finem sex est instructus musculis, ejus bulbum ambientibus, & circa corneam suis tendinibus eidem insertis, quorum primo oculus attollitur, ad contemplanda eminentiora, secundo deprimitur, ad ea quæ ante pedes sunt spectanda, tertio introrsum versus nasum adducitur, quarto reducitur in oppositum, scilicet extrorsum, omnibus autem junctum agentibus, sistitur & redditur immobi-

lis, quinto oblique sursum & introrsum cogitur, sexto oblique deorsum, & velut per gyrum, ad angulum externum flectitur; & sic, dum nunc hic, nunc alius musculus inflatur & abbreviatur, promte in omnes plagas movetur. (2) Cum ab opticis passim demonstretur, punctum, in quo radii paralleli a lente sphaerica junguntur, non esse mathematicum, sed latitudine gaudere tanto majori, quanto amplior est lens; ut ideo etiam picturae semper a debita vivacitate & nitore deficiant: Ita contra in humore crystallino antica superficies sphaerica, postica autem, sive introrsum spectans, deprehenditur hyperbolica; de qua figura dudum est probatum, quod radios parallelos ad idem praecise cogat punctum, adeoque imaginibus ultimam perfectionem addat, ut hinc artifices saepe, non tamen satis feliciter, desudarint in hac figura vitris opticis aptanda. (3) Multum negotii facescit in oculo artificiali apertura cornea, dum annuli chartacei, quibus tegitur, nunc ampliores, nunc contractiores esse, & radiis non nisi angustum valde transitum concedere debent, mox plane abijciendi sunt omnes; difficulter autem reperitur quae apertura cujuslibet objecti luminis aut splendori sit proportionata. At vero pupilla, seu foramen uveae, sua se quasi sponte, nobis insciis, & nihil tale cogitantibus, contrahit in contemplatione objecti nimis splendidi, aut nimis vicini, ampliat se autem, si objectum debiliore radiat luce, & utrumque sub ea praestat proportionem, quam major minorve objecti lux, aut obscuritas requirit: ceu dictum experiri licet, si in crepusculo alterius obser-

observare pupillam, moxque lychnum accensum inter utriusque oculos lubeat ponere medium; apparebit enim statim illam coarctari notabiliter, (quocunque tandem id fiat mechanismo) licet is cujus oculus est, id nec sentiat, nec intendat.

§. IX. Ista denique (4) prerogativa oculus naturalis ab artificiali maxime distinguitur, quod in hoc, remotiora contemplaturus spectator, lentem retinæ, aut hanc illi propius admovere, viciniore autem intuiturus, easdem longius a se invicem remove teneatur, si quidem in utroque casu nitidam fatis & accuratam imaginem desideraverit: cum ex adverso naturalis oculus ita sit comparatus, ut stupendo prorsus, & Deum autorem, æque ac illa pupillæ contractio, velut digito monstrante artificio, se ad dispositorum pariter & propiorum radios rite excipiendos, quasi ex pacto & destinato consilio, componat, utut mentis hæc ignorantis imperium non intercesserit. Revera enim retinam humori crystallino propiorem esse, si respicimus remota, quam si oculos dirigimus in vicina, ex eo constat, quod in artificiali hoc fieri, experientia testetur, necessario autem fieri debere in §. 7. sit demonstratum, & quidem ex tali ratione, quæ non possit non etiam valere de oculo naturali. Ut adeo solum de modo, quo hæc contingere probabile est, dispiciendum veniat. Videtur autem vero maxime consentaneum, hæc omnia fieri ope sex musculorum, præcedente paragrapho recensitorum, quibus alias eorum motus dirigitur. Siquidem horum tendines oculi bulbum, cui circa corneam infiguntur,

ita

Hyp. 5.

ita ambiunt, ut peculiarem tunicam tenuissimam, inter scleroticam & albuginem mediam, a nonnullis tendinosam dictam, constituent; & speciatim quidem, priorum quatuor musculorum, nempe attolentis, deprimentis, adducenis & abducenis, tendines per oculi superficiem directe extenduntur, reliquorum autem oblique eandem cingunt, ceu curiosior Anatomia docet. Cum nunc, oculis in contemplatione remotiorum harentibus, priores & directi isti muscoli, ut oculos in situ servant parallelo, in quatuor oppositas plagas æquali nisu simul trahant, debent omnino eorum tendines anteriora oculorum ad posteriora retrahere, & humorem crystallinum propius admovere retina, totamque oculi longitudinem abbreviare, quoniam nulla lateralis compressio obstat, dum tendines recti oculis inserti hoc non præstant, muscoli intumescens autem, extra oculos positi, illos comprimere nequeunt. Quod si vero reliqui duo muscoli, quorum tendines oculum oblique amplectuntur, suo fungantur officio, ut oculos, vicinorum considerationi intentos, defixos teneant in situ convergente, tanto quidem magis, quanto hæc sunt viciniora, (solent enim oculi ita disponi, ut eorum axes, seu lineæ ex ipsorum medio & velut centro ductæ, in puncto quod respiciunt concurrant,) fiet sane ut tendines tracti, quia latera oblique ambiunt, ea comprimant, oculosque adeo paulo oblongent, & crystallinum a retina reducant. Exigua enim solum remotione opus esse, præsertim cum crystallinus sit minoris

noris convexitatis, oculus artificialis monstrat. Atque hæc quidem sententia tanto magis erit amplectenda, si tunica arænea humorem crySTALLINUM involvens, cui alias id officii tribuunt, ut alterna constrictione & relaxatione (sive hoc propria virtute, sive ope processus ciliarium *rs* Fig. I. ab uvea ortorum & prædictum humorem in suo situ conservantium, fiat) illum nunc globosorem, nunc planiorem reddat, insimulque a fundo reducat paulo, aut eidem admoveat, in crystalino non compareat, nisi is aëri diutius exponatur, aut leniter coquatur; ut adeo non naturalis sed adventitia sit, ceu expresse tradit medicus celeberrimus Guil. Briggus in *Ophthalmograph.* cap. 2.

§. X. Ultimo commemorandum, quod hanc *Hyp. 6.* equidem imaginis in retina delineationem accuratam omnis visio requirat, non tamen illa absolvetur, cum etiam in oculo mortuo contingat, ceu supra §. 8. annotavimus: insuper ergo debent tenerrimæ & medullares fibræ ex quibus retina componitur, a radiis crystallinum subeuntibus, quorum actio in motu consistit, feriri & moveri, ut excitati hinc spiritus animales, in illis contenti, per nervum opticum ad cerebrum recurrant, illique certam affectionem imprimant.

§. XI. Quæ porro fundamenti loco hic afferri possent, quia plana sunt, nec multa probatione aut explicatione indigent, chartæ parcentes;

A a

præ-

¶ 182. ¶
prætermittimus, eaque potius in ipsa applicatio-
ne ad phænomena supra recensita proferemus.

CAUSAE VITIORVM.

§. I.

Rectum est index obliqui, perfectum imper-
fecti. Præmittendum ergo, in quo perfe-
ctio oculi consistat, ut inde facilius liceat fer-
re iudicium, quid in vitiorum classem sit referen-
dum, undeque illa nascantur. Enimvero a sco-
po omne instrumentum æstimatur; huic enim con-
sequendo si fuerit aptum, perfectum censetur. Id
autem fit, si partes singulæ quod sui est muneris
rite exequuntur. Scopus oculorum est, animæ vi-
cina pariter & remota clare ac distincte repræsen-
tare. Ad hunc scopum obtinendum concur-
runt tunicæ, humores, muscoli, spiritus anima-
les & nervus opticus *juxta Cap. 2, §. 1. 7. 9. 10.*
Humores igitur debita gaudeant perspicuitate, ne,
quod in oculo artificiali deprehendimus, *Observ.*
6. radios a transitu prohibeant, & ita picturam in
retina obscuriorem reddant. CrySTALLINUS non sit
nimis planus, ne radii imaginem efformaturi
post retinam demum coeant; nec nimis convexus,
ne iidem ante retinam uniantur, & sic rursus con-
fusionem efficiant *vi Observ. 4. & Theor. 1. Cor.*
1. Cornea satis sit polita, ne radios in transitu con-
fundat, hoc enim alias fieri debere, ex eo patet,
quia anguli incidentiæ radiorum parallelorum
pro-

Ratio
Phæn. 1.

prorsus essent irregulares, adeoque etiam irregularis refractione *per Hyp. 1.* Sit eadem satis perspicua, ne plures radios in ipsa superficie reflectat, & ita nitorem imaginis impediatur *ex Observ. 7.* Vnde ita sit comparata, ut nunc pupillam contrahere queat, ad lumen vehemens & superfluum excludendum, nunc eandem ampliare, ad necessarium admittendum, *juxta Observ. 5. & §. 7. num. 5.* Sclerotica & Choroïdes non sint nimis duræ, ut a musculis quodammodo queant comprimi, ad oculum oblongandum, aut abbreviandum *vi Hypoth. 5.* Retina non laboret morbo, fibræ ejus æquali gaudeant tenore & debita teneritate, nec ab objecto vehementiore aut aliunde sint sauciata, quia imaginem debet excipere *per §. 8.* Nervi optici filamenta non sint læsa, aut obstructa, ut via ad cerebrum pateat spiritibus animalibus, *secundum Hyp. 6.* Musculi sint satis mobiles, & debite consistentiæ, ut oculum non solum objectis directe opponere, sed & pro diversa eorum distantia, rite coordinare queant. *vi Observ. 2. & §. 7. num. 2. nec non Hyp. 5.* Sufficiens denique spirituum animalium copia tum oculo ipsi, tum etiam musculis affluat, quoniam citra illorum opem nullus motus animalis perficitur. Atque ita omnibus ad visionem requisitis rite se habentibus, jure oculus a labe censetur immunis. Cum vero in isto annorum flore, ætate nimirum juvenili, reliqua membra sint vegetiora, molliora, magis flexilia, majori turgescant spirituum copia, meliusque suo fungantur

officio, etiam oculorum perfectio in hanc potissimum cadit ætatem.

Ratio.
Phæn. 3.

§. II. Enim vero videndi facultas modum habet, & terminos suos, cum sit finita, eique adeo vitio non est vertendum, si illos non excedit, & ejusmodi possit dari objecti status, in quo ab oculo percipi nequit. Talis autem status est, si objectum nimis distat. Equidem quanta cunque sit ejus distantia, radii ex quolibet ejus puncto prodeuntes & in oculum illapsi, habentur pro parallelis, *vi Hyp. 3.* hi autem possunt imaginem gignere *per Hyp. 4.* & *experientiam quotidianam*, & per consequens objectum deberet videri. At vero, cum quodlibet objectum tanto minus appareat, quo est remotius, imago autem rei in oculo insuper multo sit minor re ipsa, *juxta Observ. 1.* potest objectum abesse tantum, ut objecti minutia, quarum expressio in oculo demum visionem reddit distinctam, fiant insensibiles, adeoque nullam imaginem in oculo producant. Vnde postmodum objectum non nisi confuse cognoscitur, aut, si inter ejus molem & distantiam nulla est proportio, prorsus effugit visum. Deinde radii a quocunque puncto projecti, tanto majori intervallo a se discedunt, quo longius ab isto puncto abeunt, (quod quilibet facile concipiet, si ex uno centro plures duxerit lineas) ita autem fiet, ut non ab omnibus punctis objecti multum disliti, vel unicus radius ad oculum pertingat, præsertim cum in via tanta multi ab ipso aëre excipiantur & reflectantur: quid ergo

ergo mirum, si tale objectum non percipiatur? maxime, cum e vicinioribus radii multi & vehementes oblique illapsi, remotiorum & debiliorum in retina titillationem insensibilem reddant. Nec nimis vicina cadunt sub visum. Cum enim radii tanto majori post crystallinum (qui lentis rationem induit) intervallo jungantur, quo propius ante abest objectum *per Theor. 1. & 2. Cor. 5.* accider, ut compendiosa oculi machina tantam ejus oblongationem & remotionem humoris a retina non admittat, quanta hic foret opus. Imo contingeret aliquando, ut ejusmodi radii, si scilicet objectum ipsi oculo tantum non incumbit, nullatenus queant uniri, adeoque nullam picturam efformare, *per Theor. 1. Coroll. 3.* Quæ eadem est ratio, cur nimis exigua aut obtenebrata visum fallant. Cum enim pauci, quos emittunt, radii non possint efficaciter movere visum, propius admoventur oculo, ut radii plures, alias propter divaricationem, in majori distantia majorem, præterlapsuri, pupillam subeant, & defectum compensent; ex quo autem evenit, ut illorum unionis punctum cadat post retinam, quod imaginem turbat *vi §. 7. num. 1.* Obliquius ob oculos posita eludunt spectatorem, quod eorum radii irregularius frangantur, nec, quod tamen ad visionem necessarium, accurate uniantur *juxta Observ. 2. & §. 7. num. 2.* Denique cito prætervecta non nisi confuse ab oculis excipiuntur. Vti enim ipsa ante oculum, ita eorum imago in retina fugit, & velut in momento tem-

poris in diversis locis repræsentatur, quod non potest non visionem turbare.

§. III. Vti vero totum corpus nonnunquam morbis laborat hæreditariis, nonnunquam alimentorum, aërisque vitio, aut actione improvida, similive de causa alia, contractis; ita non mirum oculos quoque ab hac labe non esse immunes. Cum vero eorum perfectio in interna maxime partium dispositione & conformatione consistat, vitium non semper incurrit in sensus. Quod igitur concernit coecitatem; nervus opticus est semita spirituum animalium, quorum liber ad cerebrum recursus omnino ad visionem requiritur, *per Hyp. 6.* Nervo igitur penitus quacunque de causa obstructo, gutta serena oberrat oculis, & totalis luminis infertur eclipsis, utut non habeas, quod extrinsecus in oculo desideres. Quod idem accidit, si corneæ obducitur pellicula, aut humores, unus, pluresve, pelluciditatem exuunt, & oculi suffusionem patiuntur, adeoque radiis omnem denegant transitum; Cujus rei indicium sumimus a macula alba, cæsiave pupillam obtegente. Vti enim pupilla nigredo non est ab aliquo colore, sed summa humorum corneæque pelluciditate, qua fit, ut nullos, aut saltem non sensibiles radios, ad spectatorem reflectant, qui inde sibi nigredinem videre videtur: Ita contra, albedo, cæsiusve color, significat ingressum aut transitum radiis lucis præcludi, eosque in maxima copia reverberari. Ex eadem causa a corneæ splendore & nigredinis in pupilla aliquali defectu, argumentum sumimus hominis lusciosi. Cum enim

Ratio

Phan. 3.

53.

Ratio.

Phan. 21.

Ratio

Phan. 20

enim nullus splendor sine radiis sit, sequitur, quo
fortius cornea splendet, eo plures radios reflecti, *Ratio.*
& eo pauciores transire; præsertim, si etiam hu- *Phæn. 4.*
morum intemperies accedit, & futuræ suffusio-
nis rudimenta adsunt. Vnde est, quod lusciosis
objecta ita occurrant, ac si illa per nebulam, aut
velamentum oculis obductum respicerent. Pau-
citas enim radiorum ad retinam penetrantium
obscuritatem inducit imagini. Lucida, v. g. fa-
ces, insuper corona splendente videntur cincta,
quod radii vivaciores, maxime obliqui, ab hu-
moribus spissis excepti & irregularius ad retinam
refracti, non nisi confusum splendorem progene-
rant, in cujus medio, a majori radiorum parte
oculum directe magis subeunte, sistitur fax ipsa:
Ne idem circa reliqua objecta contingat, ipsa
paucitas radiorum ab illis emissorum obstat. E-
quidem quæ crasim oculorum lædunt visumque
hebetant, varia sunt. Ea autem recensere aut di-
judicare, a foro nostro videtur alienum.

§.IV. Cum in observatione quinta deprehen-
sum sit, vitrum, quod corneæ loco artificiali oculo
præfigitur, ad præsentiam objectorum splendentium *Ratio.*
maximam partem esse obtegendum, idque ideo, ne *Phæn. 5.*
radii peregrini oculum nimis illustrent & imaginem *et 18.*
turbent *juxta §. 7. sum. s.* hoc ipso patet, cur oculi
pupilla ampliore, & destituta ordinaria illa se con-
trahendi facultate, instructi, interdum cœcutiant. Cum
enim objecta ex omni plaga, & quidem interdum
cælo sereno copiose, oculos irradient, fiet omnino,
ut

ut radii obliquius adventantes inordinate in oculo frangantur, reflectantur & cum aliis misceantur *juxta §. 7. num. 2.* Quod si autem eandem oculi fibrillam feriant radii, a dextima, sinistima, supera, infera, alba, nigra, rubra &c. objecti parte egressi, nullius imago illic delineatur, nec anima ex hac mixtura objecti statum dijudicare valet. Augetur malum, si præterea palpebræ sint breviores, ciliaque revulsa, quoniam alias palpebris semiclausis, & pilis densioribus, plurimos radios objectorum oblique nos respicientium excludimus, qui pupillam adeo denudatam libere invadunt. Quod si objecta insuper valde sint vicina, ne omnes quidem radii, ad eandem objecti partem aut punctum pertinentes, perfecte uniri possunt *vi Theor. 1. & 2.* ideo quod quorundam angulus incidentiæ major est 20. gradibus. Hi ergo alienas invadentes sedes, necessario confusionem pariunt. Sub vesperam autem & ad lucem creperam contrarium plane obtinet, quoniam illo tempore paucos radios a se diffundunt objecta, adeoque pupilla amplior requiritur, ut sufficientem eorum numerum pro pingenda imagine queat admittere *vi Observ. 5. & §. 7. num. 5.* Quanquam vero in tali casu non minus ac interdiu, radii obliqui & majoris sub angulo incidentiæ penetrent in oculum, & illic irregularius excipiantur; quia tamen pro illo temporis statu pauci sunt, nec oculum multum illustrare, nec rerum species turbare valent, cum propter paucitatem & debilitatem, retinæ sensibilem affecti-

Ratio.

Phæn. 6.

fectionem inprimere nequeant. Non tamen ex hoc fonte solo derivare licet acumen eorum, qui, quod de Tiberio Cæsare narratur, felium instar notu etiam minuta accurate discernunt, sed copia & vivacitas spirituum animalium, nec non tenuior substantia retinæ, insimul in subsidium vocari debent, utpote quibus fieri potest, ut levissima impressio in oculo facta, sensibilis evadat, adeoque imaginem rei sistat.

§. V. Contrarium cum eveniat ex contraria *Ratio* causa, jam per se patet, quod, quibus a natura pupilla angustior, & dilatationem difficulter admittens, est concessa, in luce meridiana acute cernere debeant, quia pupillam contractam lumen vivax requirit *per Observ. 5.* radiique minori sub angulo inclinationis oculum ingressi, uniuntur perfectius, & insimul propter vehementiam satis retinam movent. Item autem de nocte oculorum nævum sentiunt, cum lumen sufficiens ad delineandam imaginis picturam deficiat. Quod si qui autem hoc vitio laborant citra pupillæ culpam, indicio erit, aut retinæ substantiam non satis esse teneram, vel etiam, ex crebro & diuturno aspectu lucis fortioris rerumque valde splendentium, velut callum contraxisse, & hinc à paucis radiis difficiliter moveri, aut humores debita peluciditate destitui, ut radii debiliores facile sistantur.

§. VI. Quod nunc Myopes attinet, certe humorum intemperies, tunicarum aut nervi optici vitium, pupillæ amplitudo, vel spirituum animalium copia, aut defectus, his non obstant, quominus remota æque ac propinqua clare videant;

B b

nam

Ratio

Phan. 8.

nam eadem in cernendis propinquis non possent non pari modo obesse. Potius igitur hujus rei ratio quærenda in humoris crystallini distantia a retina. Scilicet, cum radii ab objecto remotiore emissi, habeantur pro parallelis *vi Hyp. 3.* hi autem citius uniantur quam divaricantes vicinorum, *per Theor. 1. & 2. eorumque Cor. 2. 3. 5.* ad exactam autem visionem requiratur, ut retina sit in loco unionis radiorum, *juxta §. 7. num. 1.* adeoque hic crystallino propior, quam in aspectu propinquorum, *per Observ. 3.* caligabunt oculi in remota directi, quoties retina non habuerit requisitum locum. E-

Ratio

Phan. 16.

nimvero oculi justo majores, aut solito oblongiores, produnt ipsa mole sua majorem retinæ a crystallino distantiam, quæ facile tanta potest esse, ut ei in tantum abbreviandæ, quantum remotiorum situs postulat, muscoli, quibus hoc officii datum

Ratio

Phan. 17.

est *vi Hyp. 5.* non sufficiant. Tales ergo plerumque in primis annis sunt in numero Myopum, nisi insimul humor crystallinus sit paulo planior, aut majoris sphaeræ, ut ideo *juxta Theor. 1. Cor. 1.* radii quoque in majori demum intervallo uniantur. Certe humorem hunc capsulæ suæ, sive oculo, sæpe sub certa proportionē respondere, vel inde constat, quod, tametsi inter pueri & viri oculos, qua magnitudinem ingens differentia occurat, talis tamen in visus acumine non deprehendatur, sive vicina sive remotiora veniant contemplanda. Neque semper vitium in mole oculi

hæret,

hæret, sed nonnunquam etiam in figura crystalli-
ni, tametsi oculus iusta gaudeat symmetria. Quod
si enim hæc fuerint minoris quasi sphaera segmen-
tum, itidem fieri potest, ut radii paralleli, quales
sunt qui ab objecto remotiori veniunt, uniantur
ante retinam, *vi Theor. 5. Cor. cit.* frustra contra-
nitentibus musculis, utpote quorum abbreviandi
virtus certos agnoscit limites, quos non excedit.
Caterum quod illi, quorum oculis remota non *Ratio*
nisi confusam sui ideam imprimunt, in vicinis tam *Phan. 9.*
acute cernunt, ex iisdem plane causis pendet. Si-
quidem hæc ipsa maiorem crystallini, qui lentis u-
trinque convexæ rationem habet, distantiam a re-
tina requirunt, *vi Observ. 3.* idque ideo, quia radii
ex uno puncto objecti vicini emanantes, & ad hu-
jus puncti repræsentationem in retina rursus uni-
endi, sunt divaricantes, hi autem tanto majori post
crystallinum humorem intervallo rursus conveni-
unt, quanto illud punctum est propius *per Theor. 2.*
Cor. 5. Sive nunc crystallinus re ipsa longius a retina
distet, sive majori sua convexitate radios longius ante
unionem excursuros, citius ad idem cogat punctum;
uterque oculi status contemplationi vicinorum
valde erit accommodus, per hæcenus dicta. Imo
huic nonnunquam aliqua prærogativa, præ oculo
ceteroquin melioris notæ, erit in tali casu conce-
denda, quandoquidem, quod illic quadam oculo-
rum oblongatione tantum non violenta, pressione
nempe musculorum, aut quacunque alia ratione,
juxta Hyp. 5. impetramus, id hic naturale est.

tem in majori objecti vicinitate suo adhuc fungitur officio, quam iste. Cum vero, cæteris paribus, tanto plures radii ejusdem pupillæ angustiam subeant, quanto illud est objecto proprius, (sunt enim sibi viciniore circa fontem, quam si hinc longius discedunt, quod patet si Fig. 2. radiorum a puncto *M* erumpentium distantiam circa *M*, & circa lentem *fg*, invicem comparaveris) & consequenter tanto fortius retinam moveant; contingit hinc, ut myops accurate percipiat minutias, resque paucolumine perfusas, quæ oculum perfectiorem multo, cui autem eousque appropinquare nequeunt, fugiunt. Connivent porro Myopes, & semiclausis palpebris intuentur objecta, præsertim remota. Cum enim horum imago in oculo ideo sit confusa, quod radii ante retinam jam uniti, in hanc cadunt dispersi, (quod manifestum erit, si retinam Fig. 2. non in *sb* sed *p q* concipias positam) omnino confusio tanto erit major, quanto plures sunt radii. Hos igitur, palpebras contrahendo, ex parte excludere & confusionem præcavere, præter intentionem quidem, & solo oculi mechanismo supra §. 8. laudato, annuntur. Imo etiam reliqui homines, hoc vitio non laborantes, idem præstant ex eodem scopo quoties objectum aut splendidum nimis, aut nimis remotum, & ideo distincte non perceptibile, respiciunt. Quodsi circa vicina idem contingit, fit hoc ad arcendos radios obliquiores & sub majori angulo incidentiæ pupillam ingressuros, & ideo *per Observ.* 2. & §. 7. n. 2. novæ confusio originem præbituros.

§. VII. Quod autem aliquos ab ipsa nati- *Ratio*
tate affligit malum, id alii frequentius multo, pro- *Phen. 23.*
prio sibi contrahunt oculorum abusu. Quod igitur
eos attinet, qui a primis annis sedentarium vi-
tæ genus sequuntur, utur eorum oculi nec justo
sint majores, nec crystallinus nimis convexus, quia
tamen tantum non semper in vicinorum contem-
platione sunt defixi, musculi obliqui *vi Hyp. 5.* maxi-
mam ætatis partem rigeant & in oblongatione o-
culi erunt occupati. Cum vero musculi non mi-
nus quam tunica oculorum indies crescant in illa
ætate, & hæ & illi in tali situ consolidabuntur, cui
successive adeo advescent, ut ipsis naturalis fiat,
adeoque postmodum musculi recti, obliquis præ-
sertim parum remittere valentibus, oculum satis
abbreviare nequeant, quo pacto Myopes evadunt.
Vti surculus rectus per aliquot septimanas incurva-
tus, in hoc situ obrigescit, ut, omnibus ejus fibris
eundem affectantibus, non citra violentiam priori
rectitudini restituatur. Eadem est conditio eo- *Ratio*
rum, qui res tractant minutas, aut sufficienti lu- *Phen. 24.*
mine non imbutas. Cum enim hæ tam paucos *§ 25.*
emittant radios, ut, si mediocriter ab oculo disti-
terint, vix sensibiliter fibrillas retinæ moveant;
hunc lucis & radiorum defectum compensaturi,
ejusmodi res oculis valde admovent, ut ita majori
copia radiorum, pupillam alias præterlabentium, re-
tinam illustrent, juxta ea, quæ ad §. præced. anno-
tavimus. Qua ratione non raro musculis & tu-
nicis vis est inferenda, donec retina, *vi Observ. 3. §*
Theor.

Theor. 1. Cor. 5. respondentem objecti vicinitati distantiam a crystallino acquirat; quod oculorum dolor, quem e. g. ad lumen creperum exiguas literas legentes experiuntur, abunde comprobatur. Vti vero, qui manu victum quærentes, musculos tendinesque manuum & articularum motui dicatos, sæpe ultra modum tendunt, tandem digitos obtinent incurvatos, dum musculi restituendi vim amittunt; Ita oculis, eorumque motricibus musculis simile quid accidat, necesse est, ut ita successive ad myopiam disponantur. Hominis autem laboriosi & industrii indicium hoc oculorum vitium, si non ab ipsa inest nativitate, non injuria habetur. Pleraque enim quæ humanæ diligentiae & labori substant, sunt vicina. Quod si quis ergo crebris actionibus, juxta modo dicta, hunc acquisivit habitum, ut oculus non nisi circa vicina suum præstet officium, jure multum circa vicina occupatus, adeoque industrius censebitur.

*Ratio
Phen. 27.*

§. VIII. Ad Presbytarum statum examinandum dum progredimur, ipse suam prodit causam. Remota tantum visus acumine assequuntur. Remotorum autem radii, quod sensibilibiter paralleli æstimantur, juxta *Hypot. 3.* exiguo post lentem, aut, qui ejus vicem gerit, crystallinum, intervallo uniuntur *vi Theor. 1. & 2.* Debet autem in visione distincta illic retina esse, ubi radii uniuntur, ut scilicet singulorum punctorum radii seorsim, & non cum aliis mixti (quod alias solet contingere) illam feriant *per Cap. 2. §. 7. n. 1.* Necesse igitur est oculos, qui his

*Ratio
Phen. 11.*

his tantum videndis apti sunt, aut retinam habere
 crySTALLINO valde vicinam, aut hunc justo planiorem
 esse & minori convexitate instructum. Hoc ultim-
 um enim si obtineat, radiorum parallelorum,
 adeoque a remotioribus venientium unio, longius
 exporrigitur, ut in retinam intervallo etiam justo,
 aut paulo majori hinc distantem, cadat. Siqui-
 dem, quo planior, aut majoris sphaerae, est humor,
 eo major est ejus diameter, eoque remotius uni-
 onis punctum, *vi Theor. 1. Cor. 1.* Prior casus qua- *Ratio*
 drat in oculos, qui, respectu ad reliqua corporis *Phan. 15.*
 membra habito, justam mensuram non assequun-
 tur. Ipsa enim exiguitas eorum minorem retinæ
 distantiam a crySTALLINO infert, quæ facile tanta est,
 ut musculi obliqui, sua oculi oblongatione, tantum
 intervallum, quantum vicinorum situs postulat, in-
 ter prædictum humorem & retinam procurare, &
 consequenter impedire nequeant, quo minus vicina
 confuse oberrent oculis, nisi crySTALLINI major con-
 vexitas minorem retinæ distantiam compenset &
 vitium omne tollat. Posterior autem casus locum
 invenit in oculis, quorum in magnitudine & exter-
 na configuratione partium non habeas quod desi-
 deres, & tamen coeunt, intenti ad ea, quæ an-
 te pedes sunt posita.

§. IX. Quod vero qui a pueris aucupio, ve- *Ratio*
 nationibus, navigationibus, itineribus &c: sunt dedi- *Phan. 26.*
 ti, mature fiant Presbytæ, utut eorum oculi a natura
 ad hoc vitium non fuerint propensi, inde est, quod
 omnes hæ exercitationes requirant, ut musculi re-

eti actione tonica, aliquando per plures horas continuanda, sæpissime sint occupati in oculo abbreviando *vi Hypoth. 5.* Quanquam vero hæc actio interdum remittat, dum identidem cibum capere, & cum hominibus colloqui oportet; quia tamen per tot dies annosque recurrit, vincet hoc exercitium, ac musculorum & tunicarum fibræ tali situi advescent, & in eo roborabuntur, per easdem causas, per quas contrarium accidere debere iis, quorum obtutus semper est in vicina directus, §. 7. demonstravimus: ut adeo deinceps musculi obliqui, quibus oculos oblongandi officium est demandatum, omni sua vi contra hunc fibrarum rigorem prævalere, retinamque tantum a crySTALLINO remove nequeant, ut vicinorum radii per ipsum uniti, præcise in illam terminentur. Cæterum, cum otiosi parum curent pedibus subjecta, h. e. ea, quæ ordinarie laborum nostrorum objectum sunt, & metitabundi ad nullius objecti accuratam perceptionem oculos componant, sed, veluti extra se rapti, illos sibi ipsis permittant, & proinde utriquerarius oculos in vicinorum distinctam contemplationem dirigant; fieri omnino potest, ut illam oculos oblongandi vim, quæ tam raro apud ipsos in exercitio ponitur, prorsus amittant, si fibræ tunicarum successu temporis majus robur acquisiverint. Vt adeo non de nihilo sit, si ex hoc oculorum vitio aliquando argumentum sumas, hominis mores hariolandi.

Ratio
Phæn. 27.

Ratio
Phæn. 30.

§. X. Senum oculi, quod ordinarie caligent, etsi

et si in ætate juvenili singulari acumine fuerint præditi, nec ullo abusu depravati; inde est procul dubio, quod, uti cum annis in reliquis corporis membris succus & vigor decrescit, ita etiam oculorum tunica magis rigeant, & difficilius flectantur, retinæque fibrillæ a radiis ægre moveantur, spiritus animales lentius fluant, muscoli obliqui langvescant, atque, cum laboriosius sit oculos ad vicina contorquere, quam ad remota tenere parallelos, suo satisfacere nequeant officio, humor aqueus corneam non satis distendat, inprimis autem humor crystallinus magis indurescat & exsiccetur, hancque ob causam reddatur paulo depressior, ut majorem a retina distantiam requirat, pro nitidiore imagine in illa delineanda, quam per rationes dictas impetrari potest. Hinc etiam facile declarare licebit, quomodo oculorum vigor extra ordinem aliquando in ætate decrepita redeat; præsertim cum Briggius cit. loc. recenseat exemplum viri nonagenario majoris, qui, postquam magna oculorum defluxione laboravit, inde autem medicamentorum ope fuit liberatus, visus acumen ita recepit; ut minimos characteres citra perspicillorum usum legere potuerit: hoc enim abunde comprobatur, morbum hunc senilem potissimum generari defectu connatæ humiditatis; cujus damnum, si quodam casu resarciatur, & omnes oculi partes sufficienti ejus copia turgeant, tunc in pristinum statum utcunque restitutæ, muneris concrediti partes vel postliminio felicius exequuntur.

Ratio

Phan. 31.

tur. Quod si autem contra, malum cum tempo-
re majores sumat vires, tunica magis flaccescant,
crystallinus perspicuitatem fere exuat, (quod ali-
as ei accidit, si exemptus exsiccescit) objecta seni-
bus videntur perpetuis tecta umbris, quibus fu-
gandis non fax accensa, sed vix solare lumen suf-
ficit.

Ratio

Phan. 28.

§. XI. Medicis sæpe accidit, ut medicamen-
ta, etiam saluberrima, ab ægrotantibus incaute ad-
hibita, vel etiam morbo non apta, non solum non
profint, sed etiam morbum augeant. Tale quid
optici quoque-experiuntur. Vtut enim, quod in
seq. capite demonstrabimus, ex arte sua juvandis o-
culis depravatis optima promere queant remedia,
fieri tamen potest, & sæpe fit, ut, qui illis utuntur,
de malo crescente conquerantur, dum e. g. ægro-
tus vitrum, vel non satis scite elaboratum, vel af-
fectui suo non proportionatum, adhibet. Qua-
propter cum Presbyta ideo cœcutiant circa vicina,
quia horum radii (qui nempe unum & idem pun-
ctum repræsentare debent) divaricant, & hinc po-
ne retinam adeo vicinam demum junguntur, per
hactenus demonstrata: remedii loco adhibent vi-
tra convexa, quorum hæc est proprietas, ut obje-
ctorum in foco (qui in plano-convexis diametri,
in utrinque convexis semidiametri intervallo abest
per Theor. 1. & 2.) positorum radios parallelos, in-
tra focum locatorum minus divergentes, extra e-
um autem constitutorum convergentes reddant
juxta Cor. 2. 3. 4. Theor. cit. Quod si nunc, qui vix
prima

prima vice hujus mali sensum aliquo modo percipere, mox vitro utuntur minoris convexitatis, tunc, quia hujus focus prope est, objecta valde vicina illic constituta ita afficiunt oculum, uti remotissima citra vitra solent; reliquorum autem ultra focum remotorum, qualia quidem plurima sunt, radii, cum aliqua convergentia incident in crystallinum; tales autem cum minori intervallo uniantur quam paralleli, *vi Coroll. 4. Theor. 1.* in Presbyta oculo retina ne quidem satis vicina erit crystallino, sed ope musculorum rectorum eidem magis adhuc admovenda, ut illos rite excipiat. Hoc ipso autem malum indies crescit, fietque, ut deinceps vicina longe minus citra perspicilla cognoscere possint, quam antehac. Gravius erit damnum, si, quod non raro accidit, lentes ejusdem perspicilli fuerint diversarum sphaerarum; cum enim una *vi Cor. 1. Prop. 1.* radios minori, altera majori intervallo jungat, oculi, ut in utraque retina imago pingatur, ad idem numero objectum, eodemque tempore, diversimode se componere debent, quod certe absque violentia fieri nequit; nisi, quod itidem non plane exemplo caret, alter oculus plus, alter minus, hoc senili vitio laboret, & forte fortuna vitra eorum statui sint proportionata. Alias certe, si oculi successive his lentibus adseverint, adeo depravabuntur, ut homo post hac nec vicina, nec remota, depositis perspicillis, accurate satis utroque oculo percipiat. Quæ huc usque de Presbytiis disseruimus, facile ad Myopes applican-

tur.

tur. Videlicet, Myopum oculi in remotis videntis deficiunt, quia radii eiusdem puncti delineationi inservientes, ab objecto remoto orti, sunt paralleli, *vi Hyp. 3.* hi autem jam ante retinam, apud ipsos plus justo distantem, uniuntur. Vitra hinc adhibent cava, utpote, quæ ex radiis parallelis reddunt divaricantes *juxta Prop. 3. & 4.* Quod si quis vero incipiat demum leviter hoc laborare malo, mox autem adhibeat vitra valde, sive ab una, sive a utraque parte, cava, certe malum augebit, fietque ut post hæc tanto minus sepositis vitris longinqua accurate discernere valeat. Etenim, quia *juxta Cor. 2. Prop. 3.* quo minoris sphaeræ est tale vitrum, eo magis radii divaricant, & quo magis divaricant, eo remotius a lente crystallina junguntur *vi Theor. 1. Cor. 5.* potest illa divaricatio esse tanta, ut musculi obliqui crystallinum & retinam, jam plus æquo distantes, magis adhuc sejungere, & ita successive ad talem situm inclinare cogantur. Quod si autem ejusmodi vitra oculorum statui tam male conveniunt, quid mirum, si eorum usus insignem horum dolorem trahat secum? Violentæ enim abbreviationis apud Presbytas, & oblongationis apud Myopes, comes est individuus; quem si alii non sunt experti, indicio erit, ipsorum oculis hæc perspicilla magis convenisse.

Ratio

Phæn. 29.

Ratio

Phæn. 12.

§. XII. Quando porro inter ejusdem hominis oculos unus altero est hebetior, procul dubio hoc ab inæquali humorum utriusque pelluciditate derivandum venit, aut etiam, quod fibrillæ nervæ per

per retinam diffusa, in uno sint tenerioris tactus quam in altero: uti nec pedum, aut brachiorum ejusdem hominis, idem est robur, eademve lineamenta. Quod si vero non solum in acumine differentia occurrit, sed insuper unus oculorum Presbytarum vitium prodit, altero salvo, (qualis casus proxime demum nobis occurrit) non in humorum pelluciditate hærebit vitium, sed in eo, quod forte oculus vitiosus in atate tenera aliquo fuerit afflictus morbo, quo vel crySTALLINUS marcescendo planior paulo sit factus, vel tota oculi fabrica tantam non adepta magnitudinem, & retina distantiam, quæ illius figuræ respondeat. Vtrumque enim hoc senilis illius morbi causam esse hactenus evictum.

§. XIII. Fundamentum mali quo Strabones *Ratio* premuntur, in musculis primario quærendum. *Phen. 13.* Horum enim est motum oculorum dirigere, & rectorum quidem, eos retinere in situ sensibilibiter parallelo, dum remotiorum contemplationi invigilant, obliquorum vero, eorundem axes ad unum convertere punctum, dum vicinis sunt intenti, *vi num. 1. §. 8. cap. 2.* Quod si ergo præter ordinem distorquentur, & quidem non vaga ratione, sed in hoc fursum, in alio ad latus flectuntur, quoties objectum aliquod respiciunt, indicio erit, unum alterumve musculorum iusto aut longiorem aut breviorum esse, ut hic inflatus nimium trahat, alter plus æquo remittat, & ita sublata harmonia, oculi in angulum certum rapiantur. Quod quidem vitium,

ut alii corporis navi, nunc hæreditarium est, nunc
Ratio adscitum & inprimis in infantia contractum. Tan-
Phen. 22. ta enim est mollities & teneritas horum musculo-
 rum, dum infans primitus hanc adspicit lucem,
 ut, si objectum aliquod suo splendore, aut quacun-
 que alia ratione, oculos ad se diutius traxerit, mus-
 culi cedentes adeo extendi, antagonistæ autem a-
 deo contrahi & in seredire queant, præsertim cum
 rationis imperium nondum plane audiant, ut de-
 inceps in pristinum statum difficulter restituantur.
 Nec improbable videtur, humorem quoque cry-
 stallinum successu temporis aliquo modo suum
 mutare situm, ut pupillæ perpendiculariter non
 subjiçatur procesibus ciliaribus inæqualiter eun-
 dem trahentibus; siquidem vix poterit fieri, ut ra-
 dii adeo oblique in oculum ita distortum illapsi,
 distinctam pingant imaginem, nisi iste humor quo-
 que se leviter iis applicare queat. Patiorum au-
 tem oculi, quoniam minus deflectunt, simili mor-
 bo, sed in minori gradu laborant, spiritusque ani-
 males quoque in societatem culpæ veniunt, dum
 irregularius in musculos influentes, oculos vaga-
 bundos & inconstantes reddunt.

Ratio §. XIV. Hucusque fusius paulo de vitiiis sta-
Phen. 34. bilibus actum, nunc paucis quoque de fugitivis vi-
 debimus. Primo igitur, quod in tenebris diutius
 commorati, hinc autem ex improvviso in locum lu-
 minosum delati, splendore rerum adeo confun-
 dantur, ut illa satis dignoscere nequeant, inde est,
 quod pupilla, in tenebris dilatata multum *per Cap.*

2. §. 8. *num. 3.* in hocque statu per insignem temporis moram relicta, se cito satis contrahere nequeat, unde oculus ejusmodi ab initio idem patitur, quod illi, quorum pupilla nunquam sufficienter constringi potest, (de quibus in §. 4. actum) attamen cum ingenti excessu. Testatur enim experientia, oculos nocturno tempore, aut in loco obscuro, a paucis & debilibus radiis, v. g. ligni putridi, lampyridum, phosphori &c. eo affici modo, quo interdum a luce vehementi, ideo scilicet, quod pauci hi radii tantum superant tenebras, quantum ipsi superantur a luce diei facisve, atque adeo noctu tantum sua titillatione agitare possunt fibrillas retinæ feriantes prorsus & omni motu destitutas, quantum illas jam motas ab objectis circumstantibus, agitat lumen vehemens: Quod si ergo vivax lumen repente in hominis e. g. e somno excitati, aut in tenebris constituti oculos illabitur, & fibrillas modo dictas omnino quiescentes offendit, sua compunctione illas, spiritusque inibi contentos, fortius longe commovebit, quam alias, & adeo concitabit, ut hoc non solum molestum sit & aliquo modo dolorificum, sed etiam species rerum confusæ, donec turbulentus spirituum motus & vehementior retinæ commotio sistatur.

§. XV. Ex adverso autem, eadem retina a *Ratio* luce diurna rerumque circumstantium radiis *Phen. 33.* percussis diu multumque percussa, omnem motum tam cito non exiit. Quamdiu autem vehementior agitatio illic perdurat, levis illa titillatio paucorum

coruta radiorum, ex locis umbrosis in eam incipientium, sentiri nequit; eum fere in modum, quo tormento exploso crepitum sclopeti manuarii, aut naribus aromatum exhalationibus repletis odores debiliores, non percipimus. Vti enim lumen, ita ejus actionem, indeque in retina & spiritibus animalibus *vi hyp. 6.* productum motum differre, necesse est. Non mirum ergo, ex loco illustri in obscuratum delatos primo nihil prorsus videre, æque ac si spississimis circumsepti essent tenebris, donec residuum motus impressi aut prorsus exspiret, aut saltem actio radiorum, quos objectæ emittunt, prævaleat & imaginem non turbatam exhibeat. Vbi enim nulla est sensibilis commotio in oculo, ibi nulla visio, quia hæc illam supponit *per hyp. cit.* Vnde statim patet cur effectus hic notabilior multo sit, si oculus in ipsum dirigitur solem. Fons enim lucis est, cui pleraque, quantum radiorum possident, acceptum referunt. Vti ergo illustrata, actione diu continuata hoc præstant, ut solum obtenebrata multum, propter radiorum debilitatem, sint imperceptibilia, superstite adhuc majori in retina motu ab ipsis producto: ita vigor immensus solaris luminis, fugitivo tantum oculo exceptus, hoc efficit in momento, ut agitationem ab ipso in retinæ fibrillis relictam, ne quidem actio radiorum, a corporibus luci meridiane expositis emanantium, vincat. Inde autem evenit, ut, cum solis radii exiguum solum retinæ portionem ita affligant, objecta, quæ majorem visionis angulum

*Ratio
Phan. 36.*

lum subtendunt, hoc est, sole apparent majora, equidem in retina locis a sole non tactis, distinctam sui imaginem delineent, fibrillasque illic constitutas efficaciter moveant; idem autem in spatio quod solis imago occupavit, ob durantem adhuc concussionem nimis vehementem, obtinere nequeant. Quanta autem pars imaginis non distincte pingitur, tanta pars objecti clare non videtur, sed macula quadam sive nigricante, sive flavescente, (prout nempe retina plus minusve laesa est) foedata censetur. *Ratio Phen. 37.* Tubi autem sensum mali ideo augent, quia non solum plures radios per pupillam ad retinam transmittunt, quam alias huc pertigissent, tot scilicet fere, quot in vitrum objectivum, pupilla, quin integro oculo, longe majus, cadunt; sed insuper illic ubi oculum tubo admovemus, in exiguum valde punctum cogunt, adeo, ut ibi calorem insignem producant, imo admotam stupam aut chartam bibulam accendant. Si quis ergo improvide tubum in solem directum, nullisque vitris coloratis tectum, oculo applicaverit, radii collecti in superficie corneam, & transmissi atque a crystallino denuo collecti retinae fibrillas urent & exsiccabunt, ut rigescant & de novo se moveri non patiantur. Vitium ergo, quod utraque tunica in tali casu potest pati, difficulter per totam aetatem emendatur, & ita est comparatum, ut retina ad perceptionem radiorum fiat inepta.

§. XVI. Ista saepius repetita representatio faciei solaris, etiam postquam oculum ab ejus intuitu jam retraximus, necessarium est consequens hactenus dictorum. Quod si enim ista commotio retinae spiri-

tuumque in ea contentorum a sole producta, diu durat, at vero hic ipse modus est, quo objecta sui ideam animæ sistunt, si nimirum retinam efficaciter movent. *per Hyp. 6.* sequitur, quamdiu superstes manet hic motus, tam diu etiam superstitem esse sensationem, adeoque imaginem rei. Quod vero ipsa sub diversis coloribus recurat, hæc est ratio, quod alias de diversitate colorum, quo objecta censentur imbuta, non nisi ex diversitate motus in fibrillis retinæ spiritibusque producti, iudicium feramus. Cum ergo relictus a solis aspectu in retina motus, successive cesset, atque ita alius aliusque esse videatur, simul quoque mutatur imaginis color, ita quidem, ut primum sit vivacior, deinde successive remittat. Non autem facile, nisi clausis oculis, hoc phantasma sistit, quia radii in apertos oculos ab aliis objectis emissi, solis motum turbant, si in idem punctum cadunt, & ita meram confusionem maculamque progenerant.

Ratio

Phæn. 39.

§. XVII. Quod attinet colores peregrinos, quibus corpora videntur imbuta iis, qui prolapsu oculorum laborant, aut caput vehementius alliderunt, eadem hic subest causa, ob quam dulcia nonnunquam videntur amarulenta iis, quorum gustus morbo est depravatus. Scilicet in utroque casu non solum crassus humorum, præsertim aquei, vitiatur, admixtis partibus heterogeneis, sed etiam nervus opticus & retina vim patitur, dum fibræ eorum nimium tenduntur, concutiuntur, quædam obstruuntur, aut alieno turgent succo. Vti vero iidem solares radii, eademque actione, lutum indurant, ceram emolliunt, glaciem-
que

quelique faciunt; ita non mirum, si ejusdem generis radii aliter oculum sanum, aliter morbosum afficiant: mens autem ex diversitate affectionis & motus oculo atque cerebro impressi, diversas sibi ideas & colores de eodem objecto concipit. Dolorem vero perceptio objectorum progènerat, quoniam, fibris modo supra dicto laxis, non potest non quævis compunctio, quam radii transeuntes producant molesta esse. Idem plane responsi loco dabimus ad illum casum, quo ex improvîso nonnunquam, imminente morbo graviore, colorum phantasmata animam decipiunt. Plerique enim morbi a depravatis humoribus vitalibus originem ducunt; si ergo enormi vitio laborantes, per arterias nutrimenti loco deferuntur in oculum, hujus temperamentum, speciatimque aquei pelluciditas & puritas, adeo poterit vitari, ut objecta verana sui ideam ad retinam transmittere nequeant; dolor tamen deest, nisi insimul retina aut nervus opticus lauciatur. Eundem affectum aliquando sentiunt, qui extraordinaria humorum oculi intemperie laborant, reliquo licet corpore sano. Hoc autem discriminis intercedit, quod priora symptomata subito enascantur, hæc vero successive.

Ratio

Phen. 40.

§. XVIII. Vesiculas oculo, in unius objecti aspectu diutius hærenti, oberrantes, non intra sed extra eum quærendas putamus. Lacrymis enim & madore excessivo non raro obruuntur oculi fixi, nec non somnolenti. Quod si ergo vapores paulo majores per humectatam corneam descendunt & pupillam lente prætervehuntur, speciem ejusmodi vesicularum exhibent. Si autem vesiculæ loco macula ali-

Ratio

Phen. 41.

qua, tenuis quidem & tela araneorum aut muscæ alam
repræsentans, attamen constans & diutius recurrent
vagatur ante oculum, ita quidem, ut situm mutet, & a
summo velut ad imum descendat, etsi oculus in con-
templatione objectorum plane fixus & immotus hæ-
ret; tunc utiq; vitium non extra sed intra oculum qua-
rendum in humore aqueo, cujus puritas non raro tur-
batur, si oculi morbo graviore aut defluxione per plu-
res menses continuata, laborant.

Ratio

Phan. 42.

§. XIX. Vltimo, cum ad hoc, ut unum ob-
jectum, gemino oculo visum, non nisi unum appare-
at, is requiratur oculorum positus, ut eorum axes in
uno puncto objecti quod contemplantur, concu-
rant; (quod ab Honorato Fabri lib. 2. de Hom. p. 93.
fuisse probatum, hic propter chartæ angustiam suppo-
nendum) enim vero tumultuaria, vel iræ furore, adeo
extra se rapiantur homines, ut membris regendis non
sint pares; oculis errabundis & ad unum scopum male
collineantibus, objecti unius geminam vident imagi-
nem, utramque tamen confusam. Vti enim motus
spirituum animalium in nervum opticum blandus &
æquabilis, cæteris paribus, efficit, ut res distincte a no-
bis apprehendantur; ita, si is fuerit tumultuarius, qua-
lis, si frenum rationis excusserunt, esse solet, confusa
phantasmata animæ sistit. Quemadmodum ex eo-
dem fonte contingit, quod, corpore aliquandiu rota-
to, (oculis licet clausis) omnia objecta circa nos po-
sita in orbem agi videantur, si mox palpebræ recludun-
tur; quia scilicet spiritus animales, tanquam corpora
fluida, hoc motu correpti, instar aquæ in vase rotatæ
se habent.

CVRA.

CURATIO VITIO-

R V M.

§. I.

Qualis morbus, talis medicina: Optica exhibui-
mus vitia, similia præscribemus media. Equi-
dem sunt inter hos naevos non pauci, in quibus ra-
dicaliter tollendis, medicus optico socias debet jun-
gere manus. Nos quod nostrum est curabimus, nec
limites artis temere transcendemus. Vti vero me-
dicorum filii alia curatio fundamentalis est & radi-
cem mali tollit, alia non nisi palliativa, quæ mor-
bum magis tegit, quam tangit: ita in nostro quoque
foro utriusque generis remedia, pro ipsius scilicet vi-
tii indole, locum inveniunt. Quemadmodum por-
ro medicis nonnulli morbi incurabiles audiunt,
omnium pharmacum vim eludentes, ita nec apud nos
ejus generis vitia desunt. Sic certe frustra in opti-
corum thecæ media quæres adversus cæcitatem; nec
lusciosis quod commendamus occurrit, præter loca
illustria, parietes dealbatos, & similia sensum mali
minuentia. Ad medicos, & fontes salutare huic
statui proportionatos, tales ablegamus, apud quos so-
latium quærant.

§. II. Ordinariis oculorum, si ita vocare libet,
imbecillitatibus, etsi inter vitia referri nequeant, e-
gregie consulitur in vicinis & minutis conspicien-
dis, per Microscopia, in remotis, per Tubos, utpo-
te quorum subsidio videndi potentia limites suos lon-
ge extendere valet.

§. III. Quorum pupilla justo est major, umbra-
cula, & umbrosa quærant loca, aut, si illustria objecta

D d 3

non

non semper evitare licet, non incongrue munient oculos vitro polito & plano, sed colore cæruléo, vel potius viridi imbuto; tale etenim vitrum splendorem valde minuit, resque grato quodam habitu induit. Nec minus juvantur, si per manus convolutæ & oculo admotæ cavitatem mediam, aut per canalem angustiore[m] qualemcunque, vel saltem per chartam exiguo foramine pertusam, objecta respexerint; radiorum enim multitudo his hominibus inprimis nocet, quia ingens eorum numerus obliquius in crystalinum illapsus, irregularius frangitur, & alienas occupat sedes, aliis imaginis partibus debitas; unde anima turbata, quam illic apprehendat, nescit, juxta ea, quæ §. 4. *Cap. præced.* disseruimus. Omnibus autem his mediis magna eorum copia excluditur, ut cæteri felicius queant coordinari. Quæ ipsa procul dubio causa est portentorum, quæ ex Henr. Schmetio & Jo. Keplero refert Stengelius de judic. div. Tom. 2. c. 62 n. 14. de hominibus per nasum videntibus. Schmetius enim testatur se vidisse hominem, qui in pueritia jam dextro privatus oculo, postea ex ceraso in palum dum ligneam fastigiatum præceps datus, genam & nasum, una cum oculo sinistro, foede lacerarit; cicatrice autem vulnere obducta, naribus subjecta harum subsidio aliquo modo discernere potuisse. Keplerus vero scribit, quendam Heidelbergæ, oculo altero amisso, altero manus palma tecto, si splendens quiddam infra nares posuerit, splendorem agnoscere atque etiam quadantenus internoscere potuisse. Hæc paradoxa procul dubio ex eo contingere potuere, quod per narium canalem pauci radii admissi, & per su-

peri-

perius lacerati exiguum foramen in retina portio-
nem, utcunque salvam, delati, illic qualemunque,
imaginem efformarint, quod ipsa paucitas & forami-
nis angustia facile confusionem impediant, utut ex
cristallini defectu debite disponi nequiverint, vi eo-
rum, quæ *num. 9. §. 7. Cap. 2.* dicta sunt. Angustiori
pupilla instructis, cum unice obstet defectus lucis,
hunc nonnunquam compensare licet, si loca in qui-
bus ordinarie versantur, vivacioribus instruant colo-
ribus, noctu autem speculo, sive cavo sive plano, e
regione candelæ posito, objectum contemplandum
fortius illuminent: Ipsi enim uveæ, ut consveta ali-
as se contrahendi & dilatandi facultas ullius medica-
menti ope concilietur, & sic radix mali tollatur, ægre
forfan sperare licet.

§. IV. Myopibus atque Presbytis plus subsidii
nostra promittit ars. Dum enim Myopes ideo re-
motâ dignoscere nequeunt, quod radii paralleli, qua-
les sensibiliter sunt qui a singulis eorum punctis e-
mittuntur *per Hypoth. 3.* exiguo post cristallinum inter-
vallo jungantur; ipsorum autem retina, sive naturæ vi-
tio, sive consvetudine, sit nacta distantiam, habito ad
cristallini globositatem respectu, iusto majorem, ita ut
musculi recti omni conatu adhibito oculum eo usque
abbreviare nequeant, ut retina in loco unionis posi-
ta imaginem distincte excipiat, ceu *§. 6. Cap. 3.* evi-
ctum: ad statum ipsorum optime quadrant specilla-
cava oculis præfixa, utpote quæ radios parallelos red-
dunt divergentes, *vi Theor. 3. & 4.* adeoque tales,
quales a vicinis, quorum contemplationi ipsorum
oculus adeo est aptatus, solent provenire. Contra
vero

vero presbytarum oculi convexis vitris sunt munien-
di. Vicinorum enim radii ex eodem puncto ema-
nantes habentur pro divergentibus, quia inter eorum
longitudinem & divaricationem est sensibilis propor-
tio. Tales autem *vi Theor. 1. Cor. 5.* majori intervallo
post crystallinum uniuntur, quam ut propinqua ni-
mis Presbytarum retina ope muscutorum obliquo-
rum tantum ab eo removeri queat, quo unio in ipsa
contingat, *per §. 8. Cap. 3.* Convexæ igitur lentes o-
culis præfixæ, his suppetias ferent in jungendis radiis,
quoniam ex foco prodeuntes reddunt parallelos, in-
tra focum autem oriundos, saltem minus convergen-
tes & ad unionem proniores *per Cor. 2. & 3. Theor. 1.*
Equidem ad ea, quæ ultra focum multum sunt remo-
ta, clare cernenda, ceu vitris non opus habent Pres-
bytæ, ita hæ lentes quoque nihil conducunt, sed poti-
us obstant, quia radios eorum reddunt convergentes,
adeoque oculo imperceptibiles *juxta Hyp. 4.* Quæ ea-
dem est causa, cur convexa vitra Myopum statui non
congruant, uti nec Presbytis cava. Hæc enim pro-
pinquorum radios, sua sponte a se discedentes, non
parallelos redderent, sed *vi Cor. 1. Theor. 3.* magis ad-
huc & ultra modum sejungerent, ut a crystallino pla-
ne uniri non possent *per Theor. 1. cor. 3.* & meram con-
fusionem in oculo parerent, ipsique Myopes turbā-
rentur, si his in contemplatione vicinorum vellent
uti.

§. V. In electione autem vitrorum hæ potissi-
mum cautelæ sunt adhibendæ, ut (1) satis sint pellu-
cida, granulis, vesiculis, aut colore peregrino non
prædita, adeoque sufficientem radiorum copiam
transmittant. (2) Probe polita, ne radios irregula-
rius

rius frangant, aut potius confundant, & ita visui no-
ceant magis quam prosint. (3) Perfec̃te rotunda. Vti e-
nim in hyperbolicis aut parabolicis vitris parandis no-
stri artifices hucusque minus felices fuerunt; ita saepe
accidit, ut patinæ in quibus elaborantur, etiam a cir-
culi & sphæræ legibus multum abeant, lentesque gig-
nant, quarum superficies sunt inæqualiter convexæ aut
cavæ. Hæ autem radios transeuntes adeo detorquent,
ut impossibile sit oculo omnes in ordinem redigere,
& objecta distincte percipere; unde violentiam quam
patitur, dolore hinc secuto testatur. (4) Statui oculo-
rum proportionata. Equidem quæ perspicilla cuilibet
oculo convenient (uti enim in vititiis, ita in reme-
diis varietas est certique gradus, neque cuilibet oculo
promisue quæcunque vitra apta sunt) partim mecha-
nice solum & tentando, partim ex certis regulis inveni-
es. Prius obtinebis, si e plurium diversæ convexitatis vel
concavitatis numero, facto singulorum periculo, ea se-
liges, quæ objecta distincte repræsentant, nec oculorum
dolorem post se trahunt. Hoc tamen in genere adver-
tendum, quod, qui primitus vitium, sive Presbytarum,
sive Myopum, sentiunt, & vitris uti incipiunt, specilla
convexo-plana, vel concavo-plana, & hæc quidem ad
majoris sphæræ segmentum elaborata, commode ocu-
lis applicent; sique postmodum cum ætate vitium cre-
verit, etiam gradatim vitra ad minoris sphæræ normam
facta, istis substituere queant. Presbyta quidem, si se-
mel perspicilla oculorum statui convenientia nactus
fuerit, facile sibi postmodum de futuro prospiciet,
hunc in modum: Admoveat scil. lentes suas parieti fe-
nestris opposito, eo usque, donecearum imaginem

distincte illic depictam advertat. Hoc intervallum in lente plano-convexa diametri, in utrinque convexa autem semidiametri rationem habet: in tanta enim distantia utraque radios unire & imaginem pingere solet, *juxta Theor. 1. & 2.* Perpicillis igitur deperditis, artifex harum rerum peritus facile nova datæ diametri aut semidiametri parabit, vel ipse Presbyta ex pluribus sibi oblatis, instituto simili examine, ea seliget, quæ eundem effectum in eadem, aut (si oculi vitium interea incrementa sumserit, adeoque priora vitra minus apta fuerint) paulo minori distantia præstant. Sed hæc fere tumulturia sunt. Regulas quod attinet, equidem Zacharias Traberus in Nervo optico, figuris æri incis, & diversas hominum ætates respicientibus, monstrat, quæ vitra cuivis in hac illave ætate convenient. Multum autem fallat necessum est, quia non nullis in trigésimo annò oculi magis jam sunt depravati, quam aliis in sexagesimo. Potius igitur qua Myopem ita procedendum: objectum nempe ejus oculo eousque admovendum, donec illud distinctissime videat. Quod si deinceps pareretur lens utrinque concava cujus semidiameter, vel lens concavo-plana cujus diameter, datum intervallum adæquet; ista equidem oculo illius Myopis præfixa, objecta remota distincte admodum, & perinde ac si dato abessent intervallo, repræsentabit. Presbyta vero objectum aliquod ab oculo gradatim eo usq; removeat, donec illud distincte absque incommodo suo cernat. Si hæc distantia AB. Si is vero objectum in C positum accurate dignoscere mallet, inferendum prius: Ut BC ad AC, ita AC ad CO; deinde conficienda lens utrinque convexa cujus semidiameter sit AO, hæc enim

Fig. 17.

ocu-

oculis præfixa ejus desiderio exacte satisfaciet, ceu data occasione! demonstrabimus alibi.

§. VI. Quin ipsa hæc oculorum vitia, præsertim consuetudine solum contracta, si non prorsus tollere saltem minuere multum licet consuetudine contraria, h.e. si Presbyta frequenter vicina, Myopes autem remota intueri conentur. Ut enim primitus ejusmodi conatus sit irritus & haut citra dolorem oculorum, nihil quam confusa imago impetretur; successive tamen & actibus crebro repetitis, fibræ tunicarum & musculorum habitum induent contrarium ei, quem simili modo antehac acquisivere. Quanquam negari nequeat, hoc processu nos felicius, saltem minori labore citiusque, effectum desideratum impetraturos esse, si principiis obstemus, quam si malum altius egerit radices. Senium speciatim ætasque decrepita, uti juventuti suæ & vigori pristino restitui nequit; ita quoque, cum fibrarum rigori languor & paucitas spirituum animalium, nec non quædam humorum exarescentia accedat, nunquam hac arte, ab oculorum vitio semel recepto, penitus liberabitur. Quanquam medicamentis provide adhibitis huic infirmitati aliquando obviam ire liceat, ne tam cito ingraveſcat.

§. VII. Strabonibus Patisque proderit, si velamine oculis opposito mature præcaveatur, ne ab objectis sæpius in illum trahantur angulum, in quem propendent & jam sæpius declinare cœperunt. Solet enim vitium hoc ordinarie contrahi in ipsis incunabulis, ubi non nisi ejusmodi remediis locus est, donec cum ætate mens oculorum usum moderatur, & non

solum istas aberrationes, quantum fieri potest, impediendo, sed etiam bulbum sæpius in plagam contrariam illi, in quam ordinarie ruere consuevit, deflectendo, vitium aliquo modo emendare discit. Cæteri quos recensuimus navi, cum sua natura fugitivi & non stabiles sint, plerique expectatione curantur. Nisi quod in iis, quos §. 18. enarravimus, salus, & restitutio pristini vigoris sit in medicamentis quærenda, cum, morbo sublato, defectus oculorum sua sponte cesset.

DIAETA OCVLOS CONSERVATVRO OBSERVANDA

§. I.

Solenne est Medicis suæ curæ commissis præscribere vivendi regulas, quarum observatione multos evitare morbos, aut, si corpus jam occupavere, saltem eorum vires infringere licet. Imitabimur hac in parte eorum morem, & coronidis loco proponemus diætam, quam secutus, declinare poterit plurima oculorum vitia. Neque enim de omnibus hoc spondere valemus, cum multa nobiscum nascantur, multa ex aliquo corporis morbo & vitiata succi vitalis crasi, trahant originem, quorum proinde evitandi rationem medicus docebit.

§. II. Primo itaque infantis recens nati acuminis visus bene prospiciunt, qui illum primis diebus aut septimanis in loco quadantenus obtenebrato detinent, ne ejus oculis temere candelam objiciunt. Præterquam enim quod strabismus facilius præcaveatur,

si

si non est, quod suo splendore infantum oculos ad se trahat; insuper, si tenerrimæ retinarum fibrillæ, nullam hæcenus vim, aut radiorum contactum passæ, prima statim vice a vehementioribus lucis radiis percutiuntur, tantum rigorem & velut callum, repetita sæpius tali actione, induent, ut posthæc a rebus obscuriore colore præditis difficiliter moveantur. Dehinc in pueritia præprimis & adolescentia cavendum a sedentario vitæ genere. Hoc enim qui sectantur, oculos semper habent in vicina directos, atque ob id multum oblongatos. Cum autem indies crescant & incrementa capiant, fibris tandem hic situs evadit naturalis, ut nulla vi hinc reduci & oculus satis abbreviari queat, ad videnda remotiora. Quod studiis deditis vel inprimis dictum esto. Hi enim ipsa vitæ professione ad hoc malum creduntur vulgo, sed falso, damnati, quod ad majus eruditionis fastigium aspiraturi a primis annis ad ætatem usque decrepitam dies noctesque debeant inhærere libris. Equidem lectio librorum est conversatio cum doctis nectare & ambrosia dulcior. At vero nisi hæc conversatio subinde suas patiatur moras & propria accedat meditatio atque cultura animi, nemo ex illa sola evadet doctus. Possumus ergo etiam a libris remoti nostra promovere studia, & oculos sæpe a vicinorum contemplatione revocare.

§. III. Nec minus videndum, ne pueri hanc contrahant consuetudinem, ut inter legendum, scribendum pingendumve, oculum objecto nimis admoveant; alias enim per totam ætatem eam non exuent, & brevi idem eis, quod sedentariis, accidet. Hunc autem

in finem quilibet monendus, ut discat literas exarare paulo majores crasioresque, nec minus, quantum fieri potest, abstineat a lectione scripturarum aut librorum minuto caractere expressorum, Minutiæ enim cum paucos emittant radios & ideo difficulter moveant visum, ordinarie oculo propius applicantur, aliquando eousque, ut non citra violentam oculorum compressionem indeque natum dolorem, illas intueri detur. Hæc autem proxima est via ad Myopum statum.

§. IV. Ingenti porro oculorum damno suam sive incuriam sive sorditiem luunt, qui luce lunari, crepusculari, lampadeque subobscura utuntur, rebus intenti, quæ accuratam sui contemplationem requirunt. Propter defectum enim requisitæ lucis, res ejusmodi justo propius coguntur admoveere oculis. Nimia autem vicinitas, præter oculi oblongationem etiam pupillæ contractionem, at lumen debile ejus ampliationem, requirit, *juxta num. 3. §. 8. Cap. 2.* a quo contrario nisu vis infertur oculis & *μωπία* acceleratur multum. Juvabit ergo, si quid noctu aut in tenebrosis locis expediendum est, sibi comparare lumen vivax, clarum, non fluctuans, (momentanea enim illa lucis & umbræ mixtura, modo debilem modo distinctionem ejusdem rei imaginem in oculo gignit, & sic visum turbat) illudque in usu propius admoveere objecto, non tamen eousque, ut utrumque simul oberret oculis. Præterquam enim quod itidem diversam pupillæ magnitudinem requirat lumen & corpus opacum, insuper illius splendor fortius moveret retinam imo læderet, & una objecti obscurioris perceptionem impediret.

§. V. Periculi plenum esse intueri solem, ex iis
 quæ *ad Phen.* 36. 37. 38. annotavimus, abunde constat;
 Solis ergo aspectum fugias necesse est. Si tamen eun-
 dem, ad observandas ejus Eclipses aliave de causa, intue-
 ri libeat, tunc vel charta spissa; cuspidè acus leviter
 perforata, vel coloratis vitris muniendus oculus. Vti
 enim per illius angustiam pauci transeunt radii, qui
 hinc retinæ magnam vim inferre nequeunt; ita ho-
 rum aliqualis opacitas radiorum magnam absorbet
 copiam, reflectitque, ut reliqui similiter oculo nocere
 nequeant. Quo modo Tubos quoque instruimus,
 si in solarem faciem sunt dirigendi. Cætera lucida,
 qualia sunt, præter ignem, etiam nix, omnia corpora
 albicantia & polita, Solis radios quibus directe expo-
 nuntur copiose reflectentia, iidem, quantum licet,
 vitanda sunt. Vtut enim id ab ipsis, quod a Sole,
 non sit metuendum, quia tamen fortius quam reli-
 qua objecta retinæ fibras percutiunt, hoc præstant, ut
 hæc violentæ ejusmodi commotioni advescentes, blan-
 dam aliorum titillationem non amplius sentiant; uti
 eandem ob causam fere surdastri evadunt, quorum
 aures diutius circumstrepit molendinarum sonitus.
 Hunc in finem conducet candelam obtegere umbracu-
 lo, tali quidem, quod non solum ejus radios dire-
 ctos a spectatoris oculis arceat, sed insuper eosdem
 cum augmento splendoris in objectum contemplan-
 dum reflectat. Quod illis obtinetur umbraculis, quæ
 sub forma conii truncati candelabro imponuntur.
 Hæc autem præstat ex membranæ aut charta compo-
 nere, quam ex lamina ferrea stanno obducta; illa si-
 quidem leviter exasperata cum sint, splendorem æqua-
 liter

liter distribuunt, cum hæc superficiem aliquo modo politam, neque tamen planam, sed monticulis vallibusque interjectis distinctam nacta, umbrosa spatia lucidis misceant, & ita oculum turbent.

§. VI. Qui vitæ maximam partem peregrinando, navigando &c. consumunt, adeoque sæpe ventum impetuosius, aeremque impuriorem in oculos irruentem habent adversum, oculorum vigori optime prospicient, si eos munient vitris planis, probe politis & viridi colore imbutis, quæ fasciæ coriæ indita, facile firmantur in desiderato situ, citra molestiam illam respirandi difficultatem, quam ordinarie experiuntur, qui perspicillis naso impositis utuntur.

§. VII. Ultimo monendi sunt, quibus oculi curæ sunt cordique & specillis habent opus, ne parcant nummis in emendis vitris a perito artifice debita cura elaboratis. Ipsa enim vilitas pretii, quo vulgo venalia constant, abunde indicat, ea superfunctorie solum esse efformata. Sæpe omnino accidit, ut duo ejus generis vitra, quibus idem perspicillum instruitur, præterquam quod materia gaudeant non satis defæcata, insuper diversarum sint sphaerarum segmenta, sive is, qui hæc coordinavit, errore quodam ex pluribus ea selegit quæ male conveniunt, sive alias a diversis hominibus, nec æquali peritia, nec æqualibus plane patinis instructis, fuerint efformata. Ne nunc de eo dicam, quod aliquando in forma & politura enormiter peccent, si vel patina a legibus circuli abit, vel artifex artem non satis callet, vel saltem, lucro intentus, debitam curam non adhibet. Vitium autem vitrorum oculorum ingenti damno luere cogimur.

§. VIII. Reliquis vitiis, quæ a morbo & depravatis humoribus originem ducunt, circumspicte evitandis aut leniendis, medicus felicius quam opticus dietam præscribet. Rerum vero naturalium v. g. ciborum, saporum, odorum, colorum &c. quæ alias videndi facultatem debilitare aut perficere creduntur, prolixum catalogum vide sis in Celeb. Zahnii Teloscopio Fund. 1. p. 59. Ea enim examinare, & quid singulis subsit veri expendere, dissertationis Academicæ & harum pagellarum angustiam longe transcenderet.



Q. D. B. V.

Romanorum Aquæductus, atque hinc
 enati fontes, quos nominis gens avi-
 da magni in æternam sui memoriam
 immensis sumptibus extrui fecit, om-
 ni ævo homines in sui admirationem
 rapuerunt. Videas enim illic majestatem operum
 cum arte, & utramque porro cum elegantia atque a-
 mœnissima varietate, tum imaginum aquam reddent-
 tium, tum figurarum ab ipsa aqua erumpente forma-
 tarum, velut certare de palma. Si autem hæc artis
 miracula studiosius expendimus, dubium fere relin-
 quitur magis ingenium artificum, tot statuas affa-
 bre elaborantium, coordinantium, canalesque in illis
 debita proportionem distribuentium, aut generosam
 indolem gentis, tantum arti utilissimæ pretium statu-
 entis, an vero simplicitatem principii tot tamque di-
 versas machinas animantis, debeamus mirari. Uni-
 ce enim naturali aquarum lapsui hoc, quicquid est,
 adscribendum venit. Clarius id nullibi demonstra-
 bitur, quam in Principiorum Hydraulicorum evoluti-
 one, quæ speciminis Academici loco nobis sumimus

excutienda, faxit DEus feliciter! Ita autem hæc pertrahabimus, ut, methodo pridem recepta, primo capite ipsa, vulgo sic dicta, Principia Hydraulica, quibus tam perennes quam temporarii fontes referuntur accepti, recenseamus, eorumque operationes sufficienti exemplorum numero illustremus; Secundo eorum, fundamenta exquiramus; Tertio tandem fundamentorum ad principia applicationem ita tentemus, ut tam omnium effectuum genuinæ causæ, quam quæ ex Principiorum Hydraulicorum numero eximenda sint, pateant; in solius DEI, optimi & summi motoris, gloriam.

CAPVT PRIMVM PRINCIPIA HYDRAVLI- CA REFERENS.

Sectio I.



Artificia, quorum ratio latet, sua interdum simplicitate in profundam rapiunt admirationem solertes etiam spectatores. Id videre est quam maxime in fontium excitationibus, qui aquas tanto sæpius nisu in sublime excutiant, ut ingenti & artificiosissima machina admota eas ita elevari credas. Verum quam simplex sit eorum ratio, saltem primum, quod expositum imus, edoceat Principium Hydraulicum, quod est *Lapsus naturalis aquarum intra canales fluentium.*

§. II. Scilicet quærunt Artifices, fontem perennem exstructuri, scaturiginem non in terræ planitie natam, sed è latere montis rupisve eminentioris ejicientem aquas, quas mox, canalibus ligneis aut plumbeis exceptas, ductu continuo derivent usque ad locum, ubi à variis imagunculis, huic in finem paratis, debet reddi.

§. III. In hoc Principio illud præcipue observandum est, lapsum pariter atque ascensum aquarum ex perpendiculari unice æstimari, nihil ad aquarum elevationem conducente viarum, per quas fontes derivamus, vel brevitate, vel longitudine, vel obliquitate. Perinde etiam est, siue canalis, per quem aqua ascendit labiturve, unus sit, siue plures, ii que siue eodem sub angulo & in unica velut linea recta, siue variis sub flexuris per planum inclinatum oblique assurgentes, modo fuerint continui. Illud vero jucundam in observantibus excitare solet admirationem, quod imperus ascendendi nec augetur nec minuitur, siue uterque canalis (per quem aqua labitur rursusque ascendit) amplitudine sit æqualis, seu prior iste multo capacior, itemque circa principium spatiosior sit, & circa finem in coni formam desinat. Quod si allu- buerit exinde fontem construere salientem, canalis qui aquam expellit, depressior esse debet illo, qui eam advehit, quo enim magis hunc ille perpendiculari altitudine excedit, tanto majori copia & ad tanto majus spatium aqua abs hoc ejicitur; cum e contra, si canalium orificia in linea horizonti parallela fere sita sint, aqua lente solum effluat, citra saltum. Sed & hoc addendum, quod, quo minora sunt orificia aquam

Phæn. 1.

Phæn. 2.


Phæn. 3.

Phæn. 4.

Phæn. 5.

eructantia, habito respectu ad canalem, qui eam advehit, eo perenniori saltu fonticuli sint lufuri.

§. IV. Ab hoc Principio Hydraulico recto, quod ajunt, tramite derivantur omnes, tum fontes perennes, tum aquæductus, quorum excellentiam adeo deprædicat ætas nostra. Inde adjumenti nihil pro elevatione aquarum, sive ligneis, sive metallicis instruantur canalibus; sive breviori, sive longiori via decurrant; sive denique simplici, sive multiplicatis tubis provehantur aquarum viventium scaturigines ad depressiora loca, ubi aqua, per plures canales minores distributa, à variis statuis & imagunculis affabre excoctatis æque ac instructis intus diversis veluti venis, per os, nares, oculos, aures, articulos digitorum pedumque, mammas, umbilicum, genitalia &c exprimitur ad singularem aurium oculorumque gratiam. Variari sane in infinitum possunt fontes ex hoc principio deducendi, modo quodam amœnissimo, facileque spectatoris approbationem merituro. Siquidem data sufficienti aquarum copia & lapsu satis profundo, hujus generis machinæ aquas, per siphones tubosque varie configuratos protrusas, pro solius *Phan.* 6. orificii varietate, nunc expandunt in subtilissimum, lucidissimumque velum, nunc diffundunt in radios, nunc veluti transmutant in lampades, patinas, coronas, globos, stellas, flores, jacula, pluvias, grandines, montes pyramides, explodunt per tormenta, evomunt per cetos, summa oculorum voluptate. Testis mihi Roma, Madritum, Lutetiæ, Germania ipsa. Ejusmodi autem fontium nullibi major graviorque copiaprehenditur, quam in delicio-



NPJCB

ciosissimo Regis Galliarum secessu, Versailles, ubi videas cum jucunditate utilitatem cum voluptate ingenium intimo connexum vínculo. Cum enim miraris spectatos amœnissimos aquarum lusus, insimul doceris Æsopi fabulis inibi ad vivum effictis aliisque inventis ingeniosis. Largum quoque & insigni varietate conspicuum fontium hujusmodi numerum exhibet in Architectura sua Curiosa felicissimæ inventionis Bœclerus, ad quem L. B. remissum velim.

§. V. Operosiores sunt pleræque horum fontium perennium structuræ, quam ut earum imaginem ari incisam in hac chartæ angustia sistere liceat. Earum igitur loco exhibebimus fontem temporarium ex eo Principio manantem. Intelligimus hoc nomine Clepsydræ, quæ aquam ad dimensa horarum spatia, repetito saltu, conversa saltim, reddit jucundissimè. Sunt enim duo globi stannei, A & B, quatuor interstincti columellis, ex eodem metallo, & ita coaptati, ut superimpositi fulcris, quibus innixi hæreant suspensi & possint converti, clepsydræ commode referant. Ex globi B imo D descendit sub columnæ specie tubus DR in globum A, ibique incurvatus desinit in foramen exiguum C, supra conchæ EF, in cujus medio existit, superficiem paulo eminens. Ex eodem autem conchæ medio alius canalus angustus GH descendit ad imum fere Globi A, quod tamen non attingit. Pariter ex summitate I globi A ascendit sub simili columnæ specie tubus IS in globum B, ibique incurvatus itidem affurgit paulo ultra conchæ MN superficiem, & in foramen exiguum O desinit; Ex

Fig. 7.

Phen. 7.

concha autem rursus canalīs P Q ductus, fere in vertice globi B terminatur. Tantum autem aquarum capit uterque globus A & B, quantum præcise intra horæ spatium per foramina O & C potest reddi. Si nunc Clepsydra hæc suo debet fungi officio, conchæ EF infunditur aqua, quæ per fistulam GH delapsa totum replet globum A, aëre istuc contento interim per canalem I S O aufugiente. Conversa posthæc machina, ut A summum & B imum occupet locum, aqua per eandem fistulam GH redire nequit, quia supra ejus superficiem ascendit, sed mox per canalem I S descendit, & per foramen O tanto præcipitatur impetu, ut fonticuli vertex tantum non globum A attingat. In lapsu autem à concha MN excepta aqua, mox per canalem P Q absorbetur, repletura globum B, dum aër in eo deprehensus se per canalem D R C subducit. Postquam ita intra horæ spatium totus globus B se exoneravit, machina denuo invertitur, quo pacto, aqua per canalem D R C exitum quærente, labor reddit actus in orbem. Ne autem ornatui quidquam decedere videatur, balenæ imagunculæ ex eodem fusæ metallo orificiis O & C admoveri possunt, ut ita fonticulus ex eorum ore promanasse censeatur.

§. VI. Cæterum in tantum perfecit hanc Clepsydrā Archimedes Germanicus, Magnificus Dn. WEIGELIUS, ut non immerito Clepsydra Weigeliana dici queat. Scilicet in locum globorum metallicorum vitreos substituit: cumque radii solares per Sphæram vitream aqua repletam transmissi uniantur ita, ut ignem excitare possint; disposuit circa sphæram

ram imam, tantis intervallis, quanta radii solares ita collecti horario spatio percurrunt, ranunculos ex pulvere nitrato paratos, & quidem tot, quot ordo horæ ejuslibet postulat; qui proinde à prædictis radiis in flammam dati, excitato sono, non solum quod effluerit hora, sed & quota fuerit, indicant. Insuper supra recensitos duos canales DRC & ISO claviculis instruxit, illum in K, hunc in L, eum in finem, ut earum ope aëri fugam per illos canales (dum alterutra sphaerarum repletur) tentanti, obicem poneret, eumque cogeret, ut potius per reliquos duos canales ZY, & VX se subducatur. Hos autem in medio circa T rursus in duas distinxit partes, mediante clavicula, quam intus delphino, extus autem puerulo, qui altera manu patellam, aqua saponibus diluta plenam, teneret, altera canaliculum ori applicaret, diluræque immergeret aquæ, instruxit. Si nunc, clepsydra conversa, sphaera v. g. A, quæ aquam continet, summum occupat locum, incipit aqua per canalem IS, nec non ZT & VT descendere, illicque per O, hic autem per delphinos erumpere. Cumque à concha MN excepta, mox repleat globum B, aër illic contentus per canales YT & XT in claviculam, ex hac in puerulos, & per horum canaliculos in aquam saponem dilutam expiratus, varias illic amœnissimasque excitat bullas. Idemque lusus repetitur, conversis denuo sphaeris, cum peculiari artificio cautum sit, ut claviculae in hac conversione immotæ maneant, adeoque pueri & delphini situm servant erectum, sicut apposita figura docet. Notandum vero est, claviculam hanc duobus

distin-

distinctis tubulis ita esse instructam, ut globus superior unius ope equidem aquam per delphinos ejicere, inferior autem ope alterius aërem per ora puerulorum exspirare possit: ex inferiore autem in superiorem per hanc claviculam non concedatur transitus.

§. VII. Fortassis non inconsultum foret, hoc loco allegare observationem Bernhardi Ramazini, in Lyceo Mutinensi Medicinæ Professoris celeberrimi, qui, in Libro de Fontium Mutinensium admiranda scaturigine, refert, in insigni terrarum planitie, per aliquod passuum millia circa urbem Mutinensem patente, ubicunque libet, fontem sequente reperiri modo; Fossiores nempe, ubi ad 63. pedes fodiendo descenderint, manifeste aquarum præterlabentium murmur strepitumque percipere; sique deinceps ingenti terebra terram ad 5. ferme pedes perforarint, in momento totum repleri fontem ad ipsam usque terræ planitiem. Etsi vero isthæ affectio peculiari cuidam telluris tractui videatur propria, notandum tamen, omnes fontes, circa montium radices ebulliendo sese prodentes, huc pertinere, ejusdemque affectare principii leges.

Phan. 8.

Phan. 9.

SECTIO II.

§. I. Multa multos docuit necessitas, facundissima inventionum mater; atque adeo ipsa pernicies saluberrimis consiliis ansam præbuit. Non cogitassent Majores nostri de Hydracontisteriis, utilissimo pariter jucundissimoque ad restinguendam incendiorum rabiem remedio, aut serius saltem de iis fuissent meditati, ni furentes flammæ ad consultationem eos ad-

adegissent. Unde nobis subnascitur Principium II.
Hydraulicum, quod est *Pressio violenta*
Emboli, aliusve ponderis aquæ
incumbentis.

§. II. Ab hoc urgentissimo sane Principio de-
pendet impetuosa ejaculatio aquarum in Hydracon-
tisteriis, *Wasser- oder Feuer-Sprizen* / quibus a-
qua, pro multiplicata virtute prementium, ad stupen-
dam vere altitudinem extollitur. Facile autem con-
spicere licet, quod multis modis variari possint Hy-
dracontisteria, seu molem & fabricam spectes, seu ar-
tificium premendi. Pro nostro scopo sufficiet, si
partes maxime necessarias in Idea simpliciori sistamus.
Exhibet illa duplicem Cylindrum seu ventrem me-
tallinum capaciorem (sufficit autem alias etiam unus,) *Fig. 2.*
A & B, quorum uterque inferius duplici est instructus
orificio C & D, illo quidem, pro admittendo, hoc au-
tem, pro ejiciendo liquore; quem in finem utrumque
regi debet, sive globo ferreo, qui totam eorum cavi-
tatem repleat, sive valvula quadam E & I, ita forma-
ta, ut prior solum introrsum, versus cylindri ca-
vitatem, posterior autem foras, versus canalem an-
nexum D H, queat aperiri. Hic autem canalus, qui præ-
dictis ventribus multo est gracilior, utut à duplici ori-
atur principio, tamen circa K in unum coit, cujus ex-
tremitas M H flexilis & ita comparata debet esse, ut in
omnes angulos plagasque, prout nempe necessitas
exigit, queat verti. Caterum instruitur cylindrus uter-
que Embolo F, corio, si libet, muniendo, ut tanto
G g exa-

exactius cavitatem cylindri repleat, & dum adducitur, rursusque intruditur, aëri pariter & aquæ tam ingressum quam egressum per superiorem cylindri aperturam deneget. Pro facilitando autem reciproco hoc Emboli motu, stylus ejus G alligatur brachio breviori vectis LN, cujus hypomochlium NQ firmum ferreumque adferruminatur perticæ ferreæ PR, non minus robustæ, quæ in R & P mediantibus cochleis, aut annulo ferreo, connectitur cum cylindris. Quod si nunc Hydracontisterium ita constructum suo debet fungi officio, imponitur vasi capaciore aqua pleno, eique ope cochlearum, similisve vinculi, firmiter jungitur, ita tamen, ut intra vasis & cylindrorum basin aqua libere fluere & orificia C queat ingredi. Embolis hinc mediante vecte LN è fundo cylindrorum retractis, aqua per orificium C, & aër per orificium D, turmatim irruere allaborant, ut occupent locum ab Embolo derelictum. Aër autem hoc ipso impetu valvulam I, non nisi extrorsum aperiundam, claudit, aqua contra alteram introrsum aperit & coacervatim replet concessum locum. Pistillo deinceps rursus intruso, liquor, cui omne intercipitur spatium, in quasvis elabendi vias irruens, valvulam E, extus intro spectantem, ipsamet validissime ostio, per quod ingressus erat, affigit, alteram contra impetu facile aperit, & effugitur pressuram Emboli, per canalem DH magno nisu in ipsas erumpit auras. Erit autem perinde, sive utrumque Embolum simul premendo urgeamus, sive alternatim unum post alterum, nisi quod in priori casu interruptum, in posteriori autem continuum sistat fontem.

§. III. Meretur hic paucis inferi insignis illa Hydra-

dracontisteriorum emendatio, quæ novam eorum speciem, serpentinam dictam, constituit, vulgo **Schlange • Sprigen**. Ut scilicet in omnes ædium, interiores maxime partes, derivent aquas, utuntur hodie Belgæ & reliqui oræ maritimæ populi canalibus longissimis, confectis è materia velorum, **Seegel-Tuch**/ flexili, obque densitatem suam sustinendis provehendisque aquis apprime idonea. Horum unam extremitatem hydracontisterii ut ante se habentis canali extimo metallino commode adaptant; alteram vir quidam robustus manu arreptam per summa, media, imaque domus, (sunt enim quantalibet longitudinis) secum transfert, unde auxilium præsentissimum partibus incendio affectis afferri potest. Si quidem, agitatæ foras continuo antliis, aqua per sinuos hos ductilesque tubos, quocunque volueris, protruditur, licet non eadem, sicut absque iisdem, vehementia, quippe quam sinuosus tubi longioris tractus multum imminuit. Cumque non ubivis, orto incendio, sufficiens aquarum copia adsit, alium insuper canalem, ejusdem similisve materiæ antliæ applicant, qui ab hac se ad longe inde distantem fontem extendat unde aqua hauriri, canalisque ope ad antliam derivari queat. Sunt & alia Hydracontisteriorum genera, ad aquarum molem devehendam excogitata, quæ recensere superfedemus, instituti rationem habituri.

§. IV. Cæterum, quæ ex hæcenus dictis ad præsens negotium spectant, concernunt maxime impetum aquæ erumpentis, necessum ergo, ut colligamus phænomena, præcipitationem adeo violentam aquarum producentia. Primo itaque notandum est, aquam ad tanto majus spatium excussum iri, quanto *Phæn. 10.*

- maius est robur virium Embolum intrudentium ; ad
 quas augendas vectem applicamus pistillo, quem in-
 super non unus, sed plures viri robusti juncta opera de-
Phan. 11. primere conantur. Multum quoque impetus aquæ
 ita fugientis promovetur, si robur virium prementium
 tanta, quanta fieri potest, comitetur velocitas ; nec non
 si emboli (si quidem duplici ventriculo seu cylindro
Phan. 12. Hydracontisterium est instructum) non alternatim, sed
 junctim & eodem deprimantur tempore. Nec parum
Phan. 13. ad idem hoc conducit, si ventriculus, quem capaciorem
 esse oportet, longus magis sit, quam amplus aut latus.
Phan. 14. Accedit ad id orificii emittentis H angustia, huicque
 affixi arctationis canalis D H longitudo ; quanto enim
 istud angustius, hic autem gracilior & longior est, (re-
 spectu quidem ventriculi aquam continentis,) tanto
 felicius aquarum elevatio promovetur.

§. V. Etiam hoc Principium suis minime desti-
 tutur deliciis, quibus animos oculosque humanos
 pascere solet industria. Miramur, dum amoenis-
 simos frequentare datur hortos, ex improvise in nostro
 conspectu, & ad singulos fere gressus nostros, ebullen-
 tes fontículos, & madidi multum in hæc mysteria pe-
 netramus. Utut negari non possit, lusus ejusmodi de-
 repente oriundorum fonticulorum ab alio etiam Prin-
 cipio, puta naturali aquarum lapsu, dependere posse,
 ita, ut improvido pede solum valvas in terra passim
 absconditas deprimamus, quo aqua, sponte ex canali-
 bus illic positæ eruptura, orificium inveniatur apertum :
 Tamen, quas in ambulacris, porticibus, similibusve lo-
 cis aliis, desuper in nostra capita, & ubique a lateribus
Phan. 15. in nos derivari videmus, aquæ, quin & multi ejusmodi
 fontes ex ipsa erumpentes terra, a sola mole corporis
 nostri

nostri ita urgentur, ut saliendo se prodant, dum scilicet emboli intra ambulacrorum pavimenta hinc inde latentes, ab incedentibus pressi, aquam ex subjectis sibi cistis, expellunt. Inde evenit, ut, quocunque moveamus pedem, undique nos prosequatur madidus ille hostis. Studiose enim hortorum pavimenta subterraneis canalibus susque deque inclinatis sunt instructa, ut epistomis variis, quibus gaudent jocosi illi tubuli, apertis, imbre grato nos madefaciant.

§. VI. Pertinet huc quoque aliud inventum, priori nulla sui parte secundum. Si enim lubuerit gratissimum amicis exhibere spectaculum, poteris ita construere sedilia, ut, vix confidentibus amicis, aut toti obruantur limpidissimis aquis, aut liquor varii, prout placet, coloris, saltu amœno transiliat caput, & jucundo lapsu ad pedes decidat. Meretur artificii hujus elegantia designationem etiam suam. Sit sedes *Fig. 3.* lignea ABC: sit tubulus cupreus AB intra folles, sub sedili DF absconditos, demissus & paulum recurvatus, in summitate vero reclinatorii A paulo prominens, ita quidem, ut capite imaguncula alicujus occultari possit. Reclinatorium autem ipsi sedili firmiter adhæreat, neaquis per tubulum cupreum infusis pateat vel rima, vel exitus. Si nunc infundibulum orificio A applicatur, & diducuntur compressti hucusque folles, aqua per canalem cupreum sponte descendit & illos replet. Quo obtento, & confidente amico, aqua per tubum BA erumpet & jocosâ inundatione præsentes valde exhilarabit. Ut diutius isthac duret delectatio, poterat se *Phæn. id.* dileipsum ita perfici, ut invito etiam amico fuga præcludatur: quin etiam, instructus epistomio tubulus, ad libidinem hospitis ludere potest.

Fig. 4.

§. VII. Ex quo tempore Hydrargirus curiosorum observationes felici successu adauxerat, cogitarunt etiam artis hydraulicae magistri de ejus in hydraulicis subsidio, suadente successus præcipue ejus gravitate. Hinc natum est poculum, ex quo dum quis bibit vinum, aqua in ejus vibratur faciem. Debemus hoc artificium Magisterio Artis & Naturæ Francisci Tertii de Lanis Soc: Jes: descriptum Operis sui Tom. II. L. V. Artif. XXII. p. 196. Construitur autem hoc pacto: Paratur poculum A B, cujus crus D R in duos nodos seu receptacula dividitur: superius denuo distinguitur aliquo diaphragmate in duas partes L & P. In summitate diaphragmatis foramen est, quo mediante cavitas L cum cavitate P communicat. Supra L fit aliud foramen, idque exiguum R, per fundum poculi penetrans pro receptione liquorum. In parte autem P formatur tubulus P Q, qui a fundo superioris nodi descendit ad fundum usque nodi inferioris. Denique aptatur tubus alius D A Cita, ut ab imo nodo ascendat ad latus poculi, ac per corpus aviculæ cujusdam, labro poculi superequistantis, transiens, in rostri acumine desinat. Quibus dispositis, infunditur per foramen R in receptaculum L nodi superioris, argentum vivum; nodus vero inferior Q aqua omnino repletur per canalem CAD, dum infundibulum osculo C rite applicatur, vel etiam per aliud foramen hunc in finem paratum in summitate ipsius nodi inferioris: clauso deinde foramine R, vino poculum impletur. Cumque amicus, sitim levare haustu jussus, illud circa B ori applicat, aqua ex aviculæ rostro in faciem bibentis exspuitur cum adstantium genuino applausu.

Phæn. 17.

§. VIII. Lubet paucis recensere alium adhuc fontem

tem ad hoc Principium suo modo reducendum, qui doctos æque ac non doctos ita in admirationem abripuit, ut vix naturæ aut artis, sed dæmonum opus crediderint. Neque vero occulta res est, agyrtis & circumforaneis notissima. Nomen si velis, Hydropotæ sunt, qui, exhaustis magno numero poculis aqua plenissimis, eam non modo felici conatu evibrant in auras, verum etiam ita tingunt, aut, si mavis, immutant, ut modo vinum, modo acetum, alibi cerevisiam, quin etiam omnis generis aquas odoriferas depromere velut ex instructissimo penu videantur. Tres ejusmodi suo tempore Hydropotas in Deliciis suis recenset Harstorfserus; quos inter fuit Blasius aliquis Manfredus, Siculus natione, qui in Gallia à Cardinale Richelieu recte intentato eo adactus fuerat, ut rem omnem legibus naturæ minime contrariam proderet. De ratione ambigunt docti. Harstorfserus tamen ad rem propius accessisse Schotto videtur, qui spongas, nucis magnitudinem vix excedentes, variis liquoribus, aut Quintis (quas vocant) Essentiis repletas, inter eluendum arte præstigiatoria ori ingestas, dentium compressione saporem æque ac colorem prorumpentibus aquis communicare asserit. Verum enim vero aliquorum tantum hoc est artificium. Sed plane alio, itidem naturali, usus est Johannes Royer, Lugdunensis, in ea arte supra omnes eximius, qui è stomacho suo, præsentibus Kircherò & Schotto, duodecim quatuordecimve diversi coloris liquores expressit, & quidem perfectissimos, vinum adustum quod incenditur, oleum saxi quod sine ellychnio comburitur, lactucas, & flores omnis generis, integris & recentissimis foliis. Vir erat tunc

temporis annorum XXX. circiter, qui etiam rationibus mere naturalibus ita probavit artem suam Kirchero atque Schotto, ut testimoniū artis innocentissimæ retulerit, quod videsis apud Schottum in Mechanica Hydraulico-Pneumatica Part. II. Class. I. p. 312. *Phan. 18.* Illud huc spectat, Royerum istum exhibuisse fontem amœnissimum, projiciendo aquam ex ore in altum per spatium duorum Miserere, ut loqui amat Schottus l. c.

SECTIO III.

§. I. Fœcundior fontium artificialium Mater est tertium vulgo sic dictum principium Hydraulicum, quod vocant *Suctionem seu Attractionem & Metum Vacui*. Cujus quidem Principii effectus in Siphonibus præprimis, Antliisque aquaticis, *Plump, Bronnen und Wasser-Sprigen*, nec non in repletionem Hydracontisteriorum sese exerit. Hunc ut pleniorē exhibeamus, necesse est Antliarum aquaticarum (quas alias Ctesibiarum Machinarum nomine donant) sollicitam dare descriptionem.

Fig. 5.

§. II. Requiritur ad eas ante omnia canalis solidæ materiæ AB, nec aëri nec aquæ pervius, cujus extremitas alterutra B sit immersa aquæ intra puteum contentæ. Hanc ut per canalem attollas, debet ei Embolus CD aptari, qui accuratè respondeat ipsius concavitati; hinc consultum est corio aut simili materia hiatus quosvis implente munire Embolum. Necesse est insuper, ut non solum canalis in E, sed insuper (nisi

(nisi machina duplici canali, uti Hydracontisteria, prædita sit) Embolus quoque excavatus circa C gaudeat orificio patulo, quod utrumque tamen tegitur Ventili seu valvula (quæ aliis affarium, aliis platismatium, Italis verò animella cartellave dicitur) sursum facile, non autem deorsum aperiunda & amplitudini illorum exactè porportionata I & K, pro sistendo aquarum relapsu. Cujus valvulæ perfectioni suppetias tulit venerandus Dn. WEIGELIVS, qui globum metallicum substituit, utpote quem nec limus nec arena in officio suo adeo impedire potest. Quam primum igitur Embolum vectis desuper applicati ope attraxeris, sponte sequetur aqua, repletura spatium inter orificium E & embolum interceptum; quo facto, *Phan. 19.* valvula I. proprio pondere relapsa orificium E claudit. Embolo igitur ad fundum usque canalıs depresso, aqua, ob præclusum exitum, Emboli valvulam aperire & canalıs spatium ei incumbens occupare cogitur. Hoc autem reciproco Emboli motu sæpius repetito, tandem canalıs eo usque repletur, ut per foramen G in culinares usus queat effluere. Id solum addendum, quod scilicet Embolus ultra superficiem aquæ in puteo contentæ, ad summum 30. pedibus eminere queat. Longius enim si distiterit, omnis labor erit frustraneus & ne guttam aquæ extrahere licebit, si vel maxime machina optimæ fuerit notæ; si autem ullatenus deficiat, ne ad hanc quidem altitudinem desideratum effectum obtinebimus.

§. III. Sub ejusdem Sectionis leges siphones pariter omnes reducendi sunt, quorum, recurvorum imprimis & grandiorum, constructionem & effectus

H h

osten-

Fig. 6.

ostendere fert animus. Conficiuntur nempe ex li-
gno, ferrea aut etiam cuprea lamina, (quibus alii ca-
nales vitreos pro demonstratione oculari substituunt)
tubi bini AB, AC, in commissuris rite contra aëris in-
gressum atque egressum aquarum muniti, & in summi-
tate recurva decenter combinati, in quos desinat in-
fundibulum quoddam exiguum A probe adferrumi-
natum, per quod in utrumque aqua infundi queat.
Uniuscujusque canalıs extremıtas clauditur episto-
mio, pro sistendo, si opus, aquarum delapsu. Ipsi
autem canales nec sint ejusdem, nec etiam nimiae al-
titudinis, si respondere debet expectationi eventus:
quapropter necesse est, ut non solum crus unum AC
terö brevius sit, verum etiam, ut crus brevius AC
non transcendat 30. pedum altitudinem perpen-
dicularem: crus vero longius AB ad has altitudi-
nis leges non adstringitur, sed quantamlıbet admit-
tit longitudinem. Adhibentur pręterea duo vasa
BE, CF, aquis plena, singula singulis subdita canali-
bus, ita ut, pro excludendo omni aëre, epistomia tota
mergantur aquis. His ita paratis, clausisque sollicitę
epistomiis, per dictum infundibulum A aqua sensim &
lente infunditur, ne scilicet totam canalıs ampli-
tudinem replens, aëri illic contento exitum deneget;
sed dum illa in uno canalıs latere descendit, hic è regi-
one ascendere & effugere queat. Qui labor tamdiu
continuatur, donec uterque canalıs repletus sit ad us-
que ipsius infundibuli supremum labrum, quod hinc
diligentissime obturatur. Tandem reclusis eodem
momento temporis duobus simul epistomiis, aqua in

Phæn. 22. longiori canali detenta, gravitate sua naturali deorsum
ruct,

ruet, & contra per breviorē canalem ascendet tam diu, donec vas F exhaustum, aut etiam per epistomium canalis brevioris A Caër subreperit. Atque ad eundem modum, canalibus secundum collis superficiem dispositis, aqua piscinæ editioris trans collem (cujus perpendiculum non superat 30. pedes) in declivorem locum derivatur; Quod si vero clivus prædictam altitudinem transcendit, tum, apertis epistomiis, aqua in utroque canali (memorato modo prius repleto) simul delabitur ad altitudinem 30. pedum, ubi immota velut subsistit, nec quicquam ex canali breviori transit in longiorem; ut frustra sit Hero & Porta, alique, qui, hypothese falsa decepti, ex una valle in oppositam aliam, ope siphonis reflexi, se aquas trans altissimorum etiam montium cacumina derivaturos in se receperunt. Idem observandum in vulgaribus quoque siphonibus, quorum auxiliis liquorem depromimus ex dolio, extracto ante ex ipsis sugendo aëre: Nempe hic quoque crus, per quod liquor effluit, secundum perpendicularem altitudinem depressius altero sit, necessum est, siquidem remoto ore fluxus continuare debet. Eodem artificio sine dente sine mente utuntur etiam infantes uberibus admoti, ut lac mammarum adipiscantur ad restringendam sitim.

§. IV. Et prodesse volunt, juxta tritum, & delectare Poëtæ. Sed & hoc solenne est artis hydraulicæ peritissimis. Inde ab hoc Principio non dependent tantum omnes Antliæ aquaticæ, verum etiam varii fontes artificiales nunc describendi. Observavit laudatissimus Harstörfferus, (vid: ejusdem Delic: Philosoph: mathem: Tom. II. Part. 8. quæst. 17.) si scyphus aqua

Phan. 23.

Phan. 24.

Phan. 25.

Fig. 7.

qua aut vino impleatur, coctusque cancer ipsi appendatur ita, ut cauda inflexa aliquousque in liquorem demergatur, toto autem reliquo corpore extra scyphum propendeat, capite infra aquæ in poculo contentæ superficiem depresso, (pro ut in apposta patet figura,) tantum aquæ e scypho exhauriri, quantum cancer cauda sua attigerit. Neque dissimulandum tamen est, quod rorans ejusmodi fonticulus stillicidium potius, quam fons, audiat, cum aqua guttatim saltem sensimque destillet. Ut ergo fluat sufficientibus præditus aquis, subjici potest idem scyphus fonti cu-
Phan. 26. idam perenni, in cocti autem canceri locum, affabre ex quocunque metallo effectus, suisque intus tubulis juxta leges hydraulicas instructus, unus alterve cancer substitui, ut, quamprimum per singulos cancerorum tubu-
Phan. 27. los sugendo attraxeris aquam, jucundo lusu novus subsiliat fonticulus, quousque libuerit duraturus.

§. V. Meretur ex Hydraulico curiosissimi Kircheri penu recenseri fonticulus phialæ vitreæ inclusus, quem Schottus in sua Technica Curiosa p. 359. Icon. XXI. & XXII. alio eoque amœniori donavit habitu; sed, cum operis magnificentiam, sumtuum chartæque ratio excludat, primam saltem eamque fundamentalem dabimus delineationem, variegatum ejus habitum artificibus relicturi, quorum interest ornatum Principiis adjicere Hydraulicis. Idem dictum esto de reliquis quoque Schematismis Dissertationis nostræ, in quibus præter pompam & splendorem ornatus B.L. desiderabit nihil. Simplicissime autem fonticulus Kircheri debitus h. m. construitur. Paratur campana vitrea (aut etiam globus,) BVX, capacitatis saltem

saltem mediocris, quæ in vertice habeat foramen B aquis infundendis dicatum, & cochleola, vel cera cum pice & therebinthina mixta, haud difficulter obturabile, contra quemvis aëris illapsum. Infra vero e regione verticis fiat fundus cupreus aut stanneus VX, campanæ vitreæ secundum leges artis firmiter applicitus, ne quidquam aëris illic irrepere queat. Parentur insuper duo vasa, quorum superius K spatiosum aheneum, inferius HI cistam exhibet, delabentibus aquis destinatam, instructam insuper epistomio M pro emittendis aquis superfluis. Postea campanæ fundo VX adferuminetur canalis FG, qui intra campanam B in aliquot divaricet canaliculos angustissimorum orificiorum, descendatque è campana ad fundum ferme vasis K, pro aquarum ascensu; Denuo descendat alius ex fundo VX tubus DOE per fundum superioris vasis K ad fundum fere vasis inferioris HI, qui & ipse instruat epistomio probatæ fidei E. Quo facto, demta cochleola, per foramen B infundatur aqua, donec oscula tubulorum divaricantium fere aquis tégantur, iterumque adhibita cochleola, diligenter claudatur foramen B. Posthæc vas superius K ad fontem aliquem perennem constituatur, pro sufficientia aquarum obtinenda. Ultimo aperiatur epistomium E, hætenus clausum, & illico pulcherrimus aspectu fonticulus saliet, qui, quo plus aquarum suppetit, hoc perennior est.

Phæn. 28

§. VI. Equum est huic addere ex Musæo Kircheriano aliam adhuc machinam Hydraulicam, in qua avis exspuat à serpente aquam è cratere sorbet. Describitur autem ita à Schotto, in Appendice Hydraulicor. Machinament: Editionis novæ Magneticæ Artis L. III. part. II. cap. 3. mach. 2. Fiant ex materia qua-

Fig. 9.

H h 3

cun-

cunque solida duo vasa seu aquarum receptacula RS, & TE, suis interstincta columnis: quorum superius RS habeat in medio diaphragma seu interstitium, quo totum vas in duo distinguatur receptacula R & S: & horum unumquodque habeat superius in operculis foramen & obturamentum N & O, ut impleri aqua & obturari possit. Fiat præterea siphon GE, cum epistomio seu clave versatili F, cujus orificium G incipiat immediate supra fundum vasis S, infra vero terminetur fere circa fundum vasis TE. Fiat item alius siphunculus HK, qui transeat per crura, corpus & rostrum alijus fictitiæ volucris, alteriusve animalis; tandem fiat tertius siphon CD, incipiens in superficie superiori vasis ET, & desinens fere in superficie superiori vasis R, habeatque in B epistomium. Quartus denique canalis descendat ab ore serpentis usque ad basin vasis R. Vas inferius TE habeat similiter epistomium L, ad deplendam aquam. His ita præparatis, claudite epistomia F, L, & B, & imple penitus vasa R, S, per foramina N, & O, eaque deinde diligenter obtura: appone quoque craterem M aqua plenum, cui aliquousque immersum sit rostrum K; vas vero TE maneat vacuum. Si jam exhibere vis amicis spectaculum avis craterem ebibentis, laxa epistomium F, & illico bibet avis ex cratere M. Ne vero penitus exhauriat craterem, laxa epistomium B, sicque fiet, ut quantum sorbet avis è cratere, tantumdem serpens refundat, nec deficiet sorbitio atque refusio, donec tota aqua vasis S descenderit.

Phæn. 29.

§. VII. Liceat hoc loco Artificium in poculo describere, quod, cum omnino plenum fuerit, liquorem ex fundo emittit, non plenum, retinet: aut etiam, quod ori

ori admotum bibentis cupidinem occulto effluxu eludit. Fiat enim poculum, cujuscunque materiae, figuræ tamen magis oblongæ, per cujus fundi medium transeat tubus IK utrinque apertus, ita tamen, ut extremitas K abscondatur intra pedem poculi, extremitas vero I paulo inferior sit extremitate labri. Huic alius amplior desuper clausus superimponatur, veluti theca, alio modo, ut summitas A non attingat summitatem I, ipsaque theca canalem inclusum non adeo arcte completatur: nec extremitas B tangat fundum poculi, vel saltem, si attingit, relinquatur à latere prope fundum foramen B. His ita paratis, infundatur quilibet liquor, fiet, ut, poculo penitus repleto, ille ocyus effluat, aut etiam ori admotus expectationem amici via elegantius eludat. Diligenter autem prospiciendum, ne tubus interior amplior paulo sit: alias enim spe tua ipsemet frustrabere.

Fig. 10.

Phan. 30.

§. VIII. Medicorum cucurbitulæ novo fonti occasionem dedere. Nempe, vasi metallico D E, cujuslibet figuræ & magnitudinis, adferruminatur desuper sphaera vitrea: tum inseritur in sphaeram vitream tubus AB, circa A in angustum valde foramen terminatus, tantæque gracilitatis, ut inter ipsum & vitri collum aer & aqua libere ascendere & descendere queat, qui pertingit usque ad imam basin vasis, & extra ipsam inferne egreditur. Deinde vas simul cum sphaera incalcescit igne, aut (ne vitrum fractionis periculum subeat) aqua fervida, ut aer in vase & sphaera contentus per tubum AB exeat: quo facto, obturatur osculum B, & machina tota imponitur conchæ aut vasi aqua pleno, ita ut osculum B fundum subjectæ sibi aquæ at-

Fig. 11.

tin-

- Phæn. 31.* tingat: ocyus hinc aperto osculo (quod post aëris interioris expulsionem epistomio muniebatur) jucundissimus visu suboritur fonticulus, Quod hic igne obtinemus, id præstatur etiam Antlia. Nam si mediante
- Fig. 12.* antliæ ex campana vitrea A C B subtrahitur aër, deinde autem orificium E canalís D E immergitur aquæ, reſerato epistomio (quod, dum machina loco movetur, debet eſſe clauſum) mox fonticuli varii ex totidem
- Phæn. 32.* canalibus, quibus hunc in finem instruitur apertura D, maximo erumpunt impetu. Quin & si minorem paulo sphaeram vitream C F, ex parte saltem aqua repletam & angustissimo canali A B ex ejus fundo ascendente instructam dictæ campanæ subjicimus, ad singulos antliæ pneumaticæ haustus elegans excitatur fonticulus, dum aqua primum magna profilit vi, mox autem ab impetu remittit & tandem penitus effluere cessat, nisi novo antliæ suctu eidem succuratur, á quo & ipsa novas sumit vires.

SECTIO IV.

§. I. Caterum, ex quo tempore obscuram rerum valde familiarium simplicitatem attentiori conatu excussit Philosophorum nostri ævi æstimanda multum industria, dici vix potest, quantum & artibus & scientiis accesserit. Etiam fonticuli nostri, quorum Principia penetramus, id loquuntur. Quamprimum enim aëris & pondus & resistendi conatus demonstrationibus validissimis deductus est in apicem, videmus tot artificia salientium aquarum, ut pretiosus eorum numerus dubiam faciat electionem. Atque in eo Quartum deprehendimus Principium Hydraulicum, nempe,

Presſionem aëris.

§. II. Si.

§. II. Sistimus autem primo loco Clepsydras seu fontes intermittentes, quæ agyrtæ in stuporem *Fig. 13.* conijcere solent turbam ἀγρομέτερον. Elegantem ejus generis clepsydram nobis describit Celeb. Dn. Sturmius in colleg. Cur. Part. II. p. 125. Fiat e cupro vasculum AD, suprema sui parte operculo AB instructum, in fundo autem variis exiguis foraminulis pertusum, nisi quod medium D cæteris multo sit majus, cui ideo inferitur canaliculus D O, amplitudine vix pennæ anserinæ cavum superans, eaque longitudine præditus, ut ab operculo AB superimposito ejus extremitas O tantillum absit. Qua parte autem extra vasculum prominet circa M, tres ænei adferruminantur pedunculi, quorum ope vasculum erectum statui possit, ubicunque libuerit, ita, ut intervallum inter margines canalis M & subjectam quamcunque planitiem, quartam præter propter unius digiti partem, vel etiam paulo minus, exæquet. Quibus ita præparatis & operculo AB vasculo suo decenter & firmiter adaptato, insuperque parato in antecessum fulcro, quod ex duplici pelvi EF & P Q, intermedio canaliculo, ad fundum usque cavo, connexis constat; invertatur vasculum AM, & per canalem M D O aqua infundatur, quantum satis. Repletum maximam partem, erectum imponatur suo fulcro, sic per foramina fundi D guttatim & eo usque depluet aqua, donec in pelvi P Q confluens, spatium inter canalem M & pelvim interceptum repleat, ipsumque orificium canalis M ei penitus sit immersum; quo momento destillatio cessat. *Phan. 34.* Quod si autem aqua, per foramen P maximam partem hausta, per tres angustos

canaliculos in pelvim EF ejicitur, stillicidium sponte sua renascitur, & ita alternis vicibus jucundissimo spectaculo ludit, donec vasculum BD penitus sit exhaustum.

Fig. 14.

§. III. Huic machinæ velut parenti ortum suum debet κλειψέλαρον, à laudatissimo Sturmio, occasione Clepsydræ inodo memoratæ inventum & l. c. descriptum. Nec multum ab it lampas, prout apud nostros passim recepta est, & aliquot emendationibus aucta nobis hoc loco recensenda. Scilicet sphæra vitrea collo oblongo prædita duplici instruitur canali metallino AB & CD, quorum ille in B verticem sphæræ tantum non attingit, hic autem multo brevior ultra colli fundum non assurgit; contra vero longius paulo extra collum prominet quam canalis AB. Uterque non solum collo vitri, sed etiam operculo F lampadis vulgaris E ita debet adferri, ut extremitates eorum A & C aliquousque infra operculum descendant, non tamen in tantum, ut operculo posthæc lampadi imposito fundum hujus attingant. Quibus paratis, ope infundibuli, canali CD (qui altero capacior esse debet) oleum infunditur, donèc tota Sphæra sit repleta; dehinc, ne inter invertendum nimium olei effluat, vel etiam digitis quibus alias canales obstruunt nimium maculemus, utriusque orificium claudimus peculiari obturaculo GH, mediante elatere firmiter ei imprimendo. Postquam ergo tota hæc machina lampadi est imposita & obicibus illic probe firmata, obturaculum ope manubrii, extra operculum prominentis, à canalium orificio remouetur, moxque oleum eo usque in lampadem descen-

Phan. 35.

descendit, donec utriusque canalís orificiúm ei penitus sit immersum: tunc enim fluxus ejus sistitur. Dum vero elychnii flamma oleum in lampade contentum successe abíorbet, quamprimum canalís AB orificiúm inum ultra olei superficiem prominet, statim per canalem CD tantum olei denuo descendit, donec illo rursus obregatur. Quæ operatio tamdiu repetitur, donec oleum omne consumptum est.

§. IV. Hactenus presit aër sponte admissus, pre-
mat etiam coactus, intrusus nempe ab aqua aut alio li-
quore. Quo quidem Principio plurimæ nituntur ma-
chinæ, quarum descriptio facile in numerosas excre-
ret paginas, nisi temporis & sumptuum habenda foret
ratio. Meminimus supra §. 7. Sect. II. Hydropotarum,
femet ipsos fontium loco exhibentium: parum his & vel
nihil cedit machina artificialis, quam á simili negotio
Hydropotam dicere liceat, cui si infuderis aquam, ejici-
et varii generis & coloris liquores, æta puta, vina, spi-
ritus &c. Sic vero adornatur machina tota. Qvot liquo-
res Hydropota reddere debet, tot vascula metallica &
undique clausa A, A, cingant circum circa cylindrum
B, intus probe politum & instructum epistomio meli-
oris notæ, seu clavicula D, cui insideat imaguncula Hy-
dropotæ C, è cujus ore per medium corpus descendat
canaliculus FE, ad fundum usque claviculæ, ubi pau-
lum incurvatus e latere erumpat, in ipso ore autem an-
gustissimo sit instructus orificio. Ipse vero cylindrus
circa basin suam in singula vascula A hiet osculis toti-
dem, situ & magnitudine respondentibus aperturæ E
canaliculi FE. Machina hæc ita adornata imponatur va-
si capaciori apertoque G, & cochleis aut quocunque

Fig. 15.

alio modo illic firmetur. Vas hoc connectatur cum inferiori non minus capaci & undique clauso vase H, ope aliquot columnarum, unum alterumque pedem longitudine adæquantium, quarum una cava IK à basi inferioris vasis, quam tantum non attingit, assurgit usque ad basin vasis superioris, & circa L instruitur suo epistomio; media vero MN, ab operculo vasis H incipiens, itidemque in O clavicula gaudens, basin vasis G transcendit, illicque in tot minores canaliculos dividitur, quot sunt vascula A, quorum bases penetrant & ad superiorem eorum superficiem assurgunt, à qua tantillum absunt. His omnibus in antecessum ita paratis, clavicula D cylindro ita infigitur, ut ejus apertura E respondeat uni ex supradictis osculis vasculorum A; quo facto, subsidio siphonis P ori Hydropotæ applicati, repletur illud vasculum certi generis liquore; conversa hinc clavicula, ut ejus apertura E reliquis osculis successive opponatur, singula vascula peculiaris coloris liquore modo replentur eodem. Deinde clauso utroque epistomio L & O, vasi G infunditur aqua. Si nunc Hydropota suo debet fungi officio, hoc solo opus est, ut aperto utroque epistomio L & O, aqua per canalem IK descendat in vas H. Mox enim ille evomet liquorem ejus vasculi, cujus osculo clavicula apertura E connectitur; hoc autem exhausto, & clavicula conversa, reliquorum liquores simili reddet modo. Si deinde vas H ope epistomii Q evacuetur, & vascula A de novo replentur, redit labor actus in orbem.

§. V. Eidem aëris pressioni debetur nova etiam methodus è cellis infimis depromendi vinà & potulentà cujuscunque nominis, absque ullo vernarum decur-

currentium recurrentiumque auxilio. Ad latus scilicet vasis vino pleni AB, sistatur dolium aliud vacuum *Fig. 16.* CD, in quod à cœnaculo occultus descendat canalis E ad ejus usque fundum D: ex ejusdem dolii vertice autem canaliculus alius F ducatur in verticem vasis pleni A, & ex hujus fundo B in cœnaculum quoque alius, sed gracilior, assurgat canalis BG, qui tamen priorem altitudine non plane adæquet, sitque instructus epistomio H. Qua parte autem hi canales dolia penetrant, alibique, omnes meatus sollicitè obturentur, ne qva pateat aëri aut liquoribus ullus transitus. Quod si igitur cupidò incesserit haustum vini recentem propinandi præsentibus amicis, infundatur aqua canali ED, qui intra vas vacuum CD desinit, & mox ad stuporem hæc nescientium, *Phæn. 37.* redundabit ex altero canali BG, aperto saltem epistomio H, desideratissimus liquor. Eodem artificio construuntur Hydriæ Canæ Gallilææ, ut vocantur, pro aqua vinum reddituræ. Fōnticulum vero exhibere in poculo si placet, ecce rationem. Fiant tria vascula AB, CD, EF, in scyphum disposita. AB sit superne apertum, instar scyphi, reliqua vero sint undique clausa: è fundo vasculi AB, usque ad fundum vasculi EF, descendat canaliculus IK, qui vasculi EF fundum tantum non attingat. Paulum infra fundum vasculi A B incipiat canalis LM, & desinat paulo post ingressum in EF; tertius denique canalis GH incipiat prope fundum vasculi CD, & desinat circa H in osculum arcissimum: (debet vero, quod probe notandum, canalis GH multo brevior esse canali IK.) Constructo ita poculo infundatur vel aqua vel alius quicunque liquor, qui per canalem IK descendat in vasculum EF. Post inver-

tatur poculum, ut aqua vasculi EF omnis defluat in vasculum CD, quo facto, invertatur iterum machina, rursusque aliquid, (tantum scilicet, quantum sufficit canali IK replendo) ejusdem, si placet, liquoris ingeratur vasculo AB, & brevi orietur amoenissimus in poculo foniculus, non cessaturus, quamdiu quidquam aquæ in vasculo CD continetur.

§. VI. Hinc deducitur singularis modus aquam elevandi ad quamcunque altitudinem, ita, ut fons in radicibus fere montis oriundus ad usque illius cacumina attolli queat. Describit Schottus in Mechanica Hydraulico-Pneumatica Part. II. Class. I. Machina XI. p. 213. hoc artificium sequenti modo: Sit fons perennis atque infundibulum X. Disponantur aliquali intervallo infra X vasa vacua quotlibet, A, B, C, & alia cum X in eodem plano Horizontali D, E, F, in quæ ex X, per epistomia P, P, P, derivari aqua possit: Sit porro vas H, tantum supra vas D, quantum vas A infra idem; prætereaque aliud M, supra vas E tantum, quantum B infra H, tandemque vas O, tantum supra F, quantum C infra M, collocatum. (Putamus autem consultius esse, ob mox dicenda, ut intervalla vasorum OF, ME, HD, paulo minora sint, quam MC, HB, XA; uti quoque vasa O, M, H, desuper aperta esse debent, nisi velimus aliquando excidere scopo.) Procurandum autem diligenter & sedulo hic est, ut inter tubos, quibus hæc vasa eo quo vides modo connectuntur, tubus XY sit paulo longior, quam GH; & QR, quam IK; & ML, quam NO, ceteroquin enim labor omnis erit frustraneus. Quibus peractis aqua ex fonte in infundibulum X, & ex hoc per

per epistomia P, in vascula D, E, F, derivetur, (obstru-
cto interea canali XY;) Si dehinc, clausis epistomiis,
aqua per apertum canalem XY descenderit, mox ea- *Phæn. 40.*
dem ex D in H, ex E in M, & ex F in O ascendet, il-
licque effluet. Si posthæc evacuata vasa D, E, F, a-
pertis epistomiis, rursus implentur, & contra vasa A,
B, C, per claviculas, quibus hunc in finem instructa
sunt, evacuantur, potest eadem operatio repeti, quo-
ties libet.

§. VII. Est quoque genus Fontis, quod aëris E-
lateri suam debet originem. Extat illud præter a-
lios apud Lipsdorpium Spec: Phil: Cart. p. 118. Descen-
dat canalis AB usque ad fundum fere vasis metallici *Fig. 19.*
C, (quod in locum sphaeræ vitreæ §. 8. Sect. III. memo-
rata substituitur) qui ejus collo probe sit adfermina-
tus; & in D clavicula instructus; in A autem matrice
cochleari; cui nunc orificium siphunculi P, nunc tu-
bulus aliquot ramulis instructus, alternis vicibus firmi-
ter possit inferi. Repleatur hinc vas fere ad dimidium
usque aqua, quod fit, dum ad ignem prius calefactum
mox orificio A immergitur liquori. Quo facto, in-
trudatur ei, ope siphunculi P, tantum aëris, quantum *Fig. 20.*
vasis capacitas roburque admittit, cui mediante cla-
vicula D, eousque præcluditur exitus, quousque pla-
cuerit. Si nunc vas circa F ambitur patella, pro ex-
cipienda aqua, & orificio A prædictus tubulus insertus
est, aperta clavicula expellitur aqua ad altitudinem in- *Phæn. 41.*
gentem, & utut impetus mox aliquo modo remittat,
non tamen cessabit, donec liquor omnis sit ejectus.

§. VIII. Quod in casu modo recensito aër com-
pressus, id alibi præstat rarefactus. Primas hic mere-
tur

tur machina celeberrimi Dn. W E I G E L I I, quæ acetum, aut aliud embamma calidum esculentis, quoties libet, super affundens, fonticuli elegantissimi speciem præbet. Est hæc patina quædam stannea, vel argentea, cujus concavum spatium AB, tegit planum circulare ejusdem metalli: ex hujus plani medio prodit apertura C, quæ instructa est operculo, gaudente matrice cochleari, ut possit, post impletam sufficienter patinam, firmiter adversus aëris egressum claudi. Ferme è fundo patinæ ascendat canalis DE qui, transiens per operculum C, habeat orificium angustissimum, quod, si necesse sit, tantillo muniri potest obturaculo. Quibus paratis, patina aliquousque liquore desiderato repleta, lento imponitur igni, unde brevi in planum ejus AB delabatur grati saporis gratique coloris fonticulus.

§. IX. Non ignotum fuisse hoc circa aëris pressionem Principium Sacerdotibus Ægyptiorum callidissimis, largiter inventa eorum, ad deceptionem populi certissimam excogitata, docent. Conspiciebatur inter reliquas machinas Magna Deorum Mater Multimammia, quæ mox ac candelæ accendebantur, ex uberibus copiosum lac fundebat. Crederes cum doctorum non contemnendo alias numero, opus hoc dæmonum arte fuisse constructum. Sed computo infallibili dolosam hanc Ægyptiorum machinationem detexit Ægyptiacarum Inventionum felicissimus indagator Kircherus. Dignus esse videtur religiosus ejusmodi fonticulus, qui delineetur ex schemate Kircheriano. Fabrica metallica A B C K L, fiebat, columnis suis B K, L C, &c: instructa, cujus & tholus hemisphæricus A B C, & basis K L cylindrina, intus erant

erant cava. Basi imposita erat arula MN, itidem conca-
va, & undique clausa; supra arulam crater GH, supra
craterem idolum mammis protuberantibus effigia-
tum collocabatur. Columnæ BK, CL, brachia ha-
bebant mobilia S & T, quæ sursum deorsumque mo-
veri poterant, candelabris sive lampadibus E & D instru-
cta. Aperiebatur, si quandoque res postulare vi-
debatur, tholus ABC, per cochleam circa A inser-
tam, cæteroquin contra aëris fugam undique clau-
dendus sollicitus. Ex tholo deducebatur siphon X BK I,
per fundum vasis KL usque in I, supremam aru-
læ MN superficiem. Ex fundo vero arulæ alius Si-
pho NM intra statuam ascendeat, atque in loco F,
ubi mammæ, in multos canaliculos, pro multitudine
mammarum, dividebatur. Tempore itaque sacrificii
arulam MN lacte replebant, & candelis E & D basi
tholi propius admotis atque accensis, statua largiflu-
um humorem lacteum foras, non sine admiratione *Phen. 43.*
inspectantis populi, singulari Deorum beneficio con-
cessum putantis, intra arulæ craterem GH dispergebat,
durabatque ejus fluxus solum sacrificii tempore: hoc
enim finito, candelisque extinctis, aut à tholo lon-
gius paulo remotis, fluxus in momento sistebatur.
Plura eam in rem Kircherus Tom. II. Oedipi Ægypti-
aci Part. 2. classe 8. cap. 3. Pragmatia I. & seqq. Con-
feratur super simili machina (exhibente Aram aspi-
de adornatam, in qua, igne imposito, Isis & Osiris
vinum & lac sacrificant, aspis vero sibilando applau-
dit,) Hero Alexandrinus in suo de spiritalibus libello,
Prop. XI. atque ex eo Kircherus c. I.

K k

CAP.

CAPVT SECVNDVM PRINCIPIORVM HY- DRAVLICORVM FVNDAMEN- TA SISTENS.

Observatio. I.

QUævis gravia, ad mundum hunc sublunarem spectantia, nisu moli ipsorum accommodato tendere versus medium terræ, quotidiana loquitur experientia. Quamquam vero alius sit loci definire, unde nisuus iste trahat originem, nec docti in assignanda ejus causa convenient; reliquis tamen præferenda videtur Hypothesis Renati Cartesii, ope vorticis cœlestis negotium hoc declarantis. Cum enim Veneris & Mercurii circuitus perpetui circa Solem, & quatuor Jovis, nec non quinque Saturni Comitum gyrationes circa ipsos, post demonstratam cœli fluiditatem, facilius explicari nequeant, quam admissis vorticibus fluoris ætherei, circa Solem, Jovem, Saturnum, &c. perpetuo latîs, & prædictas stellulas eis innatantes secum rapientibus; non immerito, pro salvanda Lunæ circa terram revolutione, similem circa hanc concipimus vorticem fluoris ætherei, ineffabili suarum particularum exiguitate, uti aëris rarioris, ita reliquorum elementorum, quibus circumfunditur, substantiam necessario penetrantis. Quemadmodum vero, cribro rotato, omnia quidem à centro versus circumferentiam tendere, à granulis tamen solidioribus & ad motum aptioribus paleas & festucas præverti, & per le-

ges circuli in locum ab ipsis relictum versus centrum pelli observamus; ita idem in vortice memorato non immerito concipimus, quod nempe volubiliores ætheris partes à centro ejus, in medio terræ constituto, majori nisu recedentes, elementa, motum eorum non assecuta, versus locum à se relictum, centrumque, istud trudent: quo ista etiam tanto majori impetu ruant, quanto copiosiores ejusmodi ætheris incursus sustinere coguntur. In quo ipso horum corporum gravitas consistit.

Obs. II. Aërem quoque tali gravitate gaudere, hodie saltem tanto minus dubium est, quando Ottōnis Guërike duo hemisphæria cuprea, post subtractum aërem interiorē, tanta pertinacia coherētia, ut ne à 16. equis divelli potuerint, cum tamen, admissō rursus aëre, sponte mutuū contactum relinquant; nec non duo orbes marmorei, probe politī, diametro sua vix digitum geometricum superantes, qui, interposito solum, ad excludendum penitus aërem, sebo, aliave pinguedine, firmiter manuum opera compressi, ne à 500. libris appensis rursus dimoveri possunt; ut & innumeri effectus Antliæ Pneumaticæ, stupendum ejus pondus abunde demirandum exhibent. Quāquam enim inter æqualem aëris & aquæ molem, juxta recentiorum experimenta, ea sit qua gravitatem proportio, quæ inter 1 & 1000, hanc tamen partium levitatem ingens ejus altitudo satis compensat, ita quidem, ut columna aëris, à cœlo usque ad nos porrecta, pondere adæquet similem columnam aquæ 31. pedes circiter altam. Cujus rei quotidie Experimentum capere licet, si canalem, 40. pedes e.g. altum, desuper reple-

amus aqua, & postea, apertura firmiter obturata, resemus epistomium, quo hactenus clausum erat orificium imum, aquæ penitus immersum: mox enim descendet aqua ad 31. pedes usque, illicque hæbit suspensa.

Obs. III. Quemadmodum porro in ingenti plumarum aut fœni cumulo, partes inferiores à superioribus quidem comprimuntur, & ad minores limites rediguntur, tanto quidem magis, si præter molem incumbentium partium, insuper ab imposito pondere onerantur, nihilo minus tamen pristinum spatium & constitutionem recuperandi quendam retinent velut nissum, (quem elaterem vocamus) tanto quidem majorem, quanto vehementior est prægressa compressio; qui etiam se exerit, quanprimum à premente onere, sive ex toto, sive ex parte, liberatur: ita similem compressionem & se restituendi impetum in aëre nos circumfluente innumeris experimentis comprobatum novimus. Sane, si vesicam mediocriter inflatam, & adhuc flaccescentem, suspendamus intra campanam vitream, posthæc autem, ope Antliæ Pnevmaticæ, aërem inter vesicam & campanam intercedentem subtrahamus, aër in vesica adeo intumescit, ut eam disrumpat penitus. Quanta autem aëri compresso insit se restituendi vis, sclopetorum pnevmaticorum effectus loquuntur.

Obs. IV. Insuper aër ea gaudet proprietate, ut calefactus rarefiat, & se dilater multum; quod præprimis in Thermometris quotidie non sine voluptate experimur, dum scilicet aër intra sparulam vitream conclusus

&

& ob rigorem viri non habens quo se calefactus extendat, liquorem in canali annexo plus minusve loco cedere cogit, & ita per gradus, in canalis superficie annotatos, aëris externi, sibi qua calorem & frigus similis, statim prodit.

Obs. V. Cum in Mechanicis generaliter demonstratur, si sint duo plana ED, DC, ad Horizontis planitiem CE, utcunque inclinata, & intra easdem parallelas CE, LP, constituta, seu ejusdem altitudinis perpendicularis; duo autem gravia A & B communi filo, trochlea X circumvoluto, connexa, eandem habeant rationem, quam hæc plana, per quæ moventur; illa æquipoponderare: Idem omnino de columnis aqueis, canales FG, GH, ad planitiem Horizontis FH, utcunque inclinatos & intra easdem parallelos FH, IK, constitutos, replentibus subsumi potest, siue canales prædicti orificia sua F & H deorsum, ut in fig. 25. siue sursum, ut in Fig. 26. convertant; cum omnino canales rationem planorum, & columnæ aqueæ rationem gravium obtineant: & in mechanicis perinde sit, siue ista plana undique clausa instar canalis, siue aperta sint, neque gravium figura, durities, aut mollities pondus in se ullatenus mutet. Imo facile concipere licet, idem omnino valere, si vel maxime canales non constituent lineas rectas, sed ex pluribus minoribus variæ inclinationis componantur, uti in fig. 27. tunc enim aqua contenta habet rationem compositam omnium partium unius canalis, ad omnes partes alterius canalis.

Fig. 23.

Fig. 24.

Fig. 25.

Fig. 26.

Fig. 27.

Obs. VI. Non minus manifestum est, si uni ponderi A

K k ;

oppo-

Fig. 28.

opponantur tria B, C, D, quæ singula ad illud eam habent proportionem, quam EF ad FG; tamen unicum istud & hæc tria æquiponderare atque manere in æquilibrio, siquidem duo horum objectis obicibus impediuntur, quo minus gravitatem suam exercere queant: cum in tali casu pondus A revera non nisi unius ex reliquis gravitati resistat, & reliqua plane non agant.

Obs. VII. Illud denique in vulgus notum est, cum pleraque corpora ad impulsu aliorum moveantur, motum hunc tanto concitatiores esse, tantoque durare longius, quanto vehementior est ille impetus. Pariterque multum acceleratur motus idem si impetus ille repetitur sæpius, & ita corpori jam currenti velut calcar additur.

CAPUT TERTIUM FUNDAMENTORVM AD PRINCIPIA APPLICATIONEM TENTANS.

SECTIO I.

EQuidem ardua maxime sunt phænomena, quæ primo protulimus loco; merito tamen inter reliqua ducunt agmen, quod in omnibus ferme machinis hydraulicis præsupponuntur, eorumque proinde usus se per universam hanc Dissertationem diffundit latissime, ut ut non semper eorum mentionem fecerimus. Quod igitur attinet primum, equi-

equidem mirum valde poterat videri, ingentem a- *Ratio.*
 quarum copiam intra canales longissimos, & quod *Phan. 1.*
 in aqua ductibus fieri solet, non nunquam per unum
 alterumve milliare Germanicum continuatos, con-
 tentam, non fortius pressuram, aut aquam, in oppo-
 sito canali consistentem, ad majus spatium elevatu-
 ram esse, quam quæ in quovis alio, brevissimo licet,
 ejusdem tamen altitudinis perpendicularis, stagnat:
 cum tamen illius gravitas in se considerata hanc im-
 mensis superet modis. Enim vero, cum duo gra-
 via, quæ moventur per duo plana inclinata, in aqua-
 lis quidem longitudinis, ejusdem tamen altitudinis
 perpendicularis, æquilibria sunt, si eandem inter se
 rationem habent, quam plana, quibus innituntur, vi
 Obs. 5. & quod in genere de gravibus dictum est,
 omni jure applicetur in specie ad duas columnas
 aqueas, intra canales, ut in aquales, tamen æque
 altos, contentas, (juxta eandem Observat.) manife-
 stum est omnino, longitudinem canalisi unius non pos-
 se efficere, ut aqua in altero breviori contenta ultra
 suos limites protrudatur. Vti enim pondera A & *Fig. 24.*
 B, communi filo A X B connexa, se mutuo impe-
 diunt, quo minus ullum eorum possit moveri loco;
 ita columnæ aqueæ FG, GH, se invicem nisu contra-
 rio impediunt, quo minus illa descendere, aut hæc
 ascendere queat, cum alias debita periret proportio.
 §. II. His autem positis, non erit amplius ob- *Ratio.*
 scurum, cur perinde sit, siue canales, per quos aqua *Phan. 2.*
 ascendit labiturve, variis sub flexuris per planum in-
 clinatum oblique assurgant, siue non. Siquidem
 cum, per modo demonstrata, columnæ aqueæ AD &
 BF sint

Fig. 27.

BF sint in æquilibrio, quia scilicet eandem inter se rationem habent, quam canales AD & BF, æque alti per quos moventur, idemque de columnis DE & FG, EH & GI, &c. valeat; omnino tota columna AC ex his flexuris composita, columnam BC ex partibus, quæ flexuris istis respondent, combinatam, æque servabit in æquilibrio, ac si intra unicum canalem rectilineum ejusdem altitudinis contineretur. Quod autem duo canales; qui invicem secundum altitudinem perpendiculararem comparantur, debeant esse continui, & nullibi hiare, per se patet, si enim vel maxime aqua circa montis acumen erumpens intra canales aliquosque descendat, deinceps autem per reliquum spatium usque ad montis radicem libere præcipitetur, & hinc novis excipitur canalibus, nemo facile dixerit, columnam aqueam à montis cacumine usque ad horum canalium finem in continua premere serie, cum in medio quaquaversum disfluere queat. Ut adeo perinde sit, sive aqua circa canalium novorum initium, sive in loco eminentiori fuerit nata.

Ratio
Phæn. 3.

Fig. 30.

§. III. Istud majoris momenti, imo hætenus dictis prima fronte adversum videtur, quod nimirum canalus amplissimus aqua repletus, contra angustissimum ejusdem altitudinis haud quicquam pressura sua prævaleat. Quod si enim aqua intra canalē angustiores GH contenta non cedit pressioni aquæ GF, crederes omnino, aquam canalē, v.g. decuplo majoris, LM, ejus resistentiam multo superaturam; & ad spatium decuplo majus eam esse elevaturam, cum istæ columnæ non habeant rationem canalium, intra quos consistunt, ideoque etiam in æquilibrio esse

se nequeant. Enimvero si applicare libeat, quæ in
 Obser: 6. notavimus, non adeo in obscuro erit causa
 effectus insperati. Vti enim illic tria pondera B, C, D, *Fig. 28.*
 non possunt superare nisum ponderis A, & illud ele-
 vare altius, quamvis singula ad hoc habeant rationem
 planorum, per quæ moventur; quia scilicet nisus
 duorum, obiecto obice, inefficax redditur, adeoque
 ponderi A non nisi cum B re ipsa pugnandum est: ita
 similem in modum, si canalem capaciorem mente
 dividamus in plures minores, (quod in Schematismo
 lineis punctatis indigitamus,) apparebit, columnæ *Fig. 30.*
 GF non nisi columnam GH opponi, reliquarum au-
 tem nisum, cum in canalis amplioris basin termine-
 tur, reddi inefficacem; adeoque perinde esse, ac si
 columnam HG plane non circumstarent. Nec
 est, quod quis dicat, hoc modo totam aquarum
 molem, quam continet canalis capaciior LM, nullam *Fig. 31.*
 plane vim in canalem GE, è latere erumpentem, exer-
 cituram, si non inclinatum, sed perpendicularem ha-
 beat situm, ideo, quia tunc totum pondus incumbit
 basi, adeoque vi dictorum ejus nisus inefficax reddi-
 tur. Enim vero basis quidem inefficacem reddit ni-
 sum deorsum; cum autem liquida insuper habeant
 nisum diffluendi, nisi deorsum æqualem, hoc saltem
 mediante se opponet aqua, in canali LM contenta,
 columnæ GF. Et quidem, si rursus concipiatur in
 plures columnas, quæ seorsim sint æquales columnæ
 GF, divisa, singulæ autem quaquaversum æquali
 nisu diffluere conentur, impetus earum, tum à se mu-
 tuo, quia sibi sunt contrarii, tum à parietibus canalis
 LM, redduntur inefficaces, ut in actum erumpere ne-
 que-

Fig. 29.

Fig. 31.

queant, adeoque non majoris sint momenti, quam si plane abessent columnæ prædictæ, & sola relinquere-
tur ea, quæ immediate adjacet foramini G, per quod
tanto conatu agit extrorsum, ac columna GF intror-
sum. Ne autem quis putet, hæc solum de
canalibus cylindricis valere, applicabimus hæc non a-
deo difficulter ad conicos. Ipsa enim coni ABC late-
ra istic rationem habent basium, cui columnæ aqueæ
insistunt. Vt ut autem hoc ad angulos fiat obliquos, ta-
men columnæ interiores, pressione sua extrorsum, e-
arum æqualem nisum confluendi versus cuspidem B
impediunt atque tollunt; ut adeo rursus sola columna
media comparari debeat cum columna BD; cui cum
altitudine perpendiculari respondeat, manent in
æquilibrio. Cæterum si libeat rationi Mechanicæ
hucusque à nobis datæ superaddere Physicam, non
incongrue eam reddemus, quam Excell: Dn. Stur-
mius Henrico Moro dedit in Epistola, Part: II. Col-
leg: Curios: annexa p. 114. Ponamus scilicet cana-
lem LM continere decuplum illius aquæ, quæ replet
canalem GF, pro ut nempe illius superficies est hujus
decuplum; & assumamus æquales altitudines orbi-
culorum aqueorum La & Fb; evidens est, orbiculum
La, & consequenter aquam ipsi subjectam omnem,
in crure ampliore non posse descendere per spatium
simplum, ipsius altitudini æquale, quin eodem tem-
pore orbiculus Fb, & aqua ipsi subjecta omnis, in cru-
re angustiore per decuplum spatium attollatur. Si
nunc supponamus, vi Obs. 1. omnem gravitationem
& descensum corporum proficisci ab æthere gyrante
& cir-

& circa nostram terram in orbem raptō, indeque, quæ æquales sustinent impetus æthereos, se servare in æquilibrio; quæ autem inæquales, etiam inæquali nisu tendere deorsum; ponamusque insuper, orbiculum La recipere e.g. 10. impulsus æthereos per simplex spatium La: sic orbiculus Fb, illius subdecuplus, per decem spatia Fb ascensurus, pariter haberet 10. impulsus æthereos sibi adversos. Vt adeo tantum ex hac parte sit resistentiæ, quantum ex illa parte virium deprimenti, adeoque perpetuum æquilibrium.

§. IV. Ut vero ad reliqua transeamus phenomena, cum §. I. ex Obs. 5. demonstratum sit, canales aqueos ejusdem altitudinis perpendicularis se mutuo servare in æquilibrio: Sponte hinc sequitur, duos ejusmodi canales non progenerare fontem salientem, sed ad hunc necessario requiri duo crura, seu canales inæqualis altitudinis. Excessu enim ponderis in alterutro canali opus est, ut aqua per alterum expellatur. Hic autem excessus est tanto major, quanto magis crus unum sua altitudine superat alterum. At quo major est excessus, eo validius urget aquam in canali breviori contentam, hancque ad tanto majus spatium expellit, vi Obs. 7. adeoque contra, si excessus ille unius cruris vix est sensibilis, aqua per alterum quidem effluit, sed citra saltum. Vti vero corpus molle, aut quod alia de causa facile cedit tactui, v.g. faccus lana

*Ratio
Phen. 4.*

*Ratio
Phen. 5.*

pellantur : ita , si orificium , per quod aqua ejicitur , eadem amplitudine cum ipsis canalibus , per quos ea advehitur , gaudet , nunquam excirabitur fonticulus , qui fortiori nisu , & ad majus spatium , liquorem projiciat . Citius enim hic se subducit per orificium adeo patulum , quam ut lentius per canales affluens , omni sua mole eum premere & velut impetere queat . At , si orificium in angustius contrahitur spatium , ut aqua , largius per amplos canales confluens , exitum satis patientem non inveniatur , magis precipitatur fuga ; ingens enim aquarum copia , quæ à tergo urget , omnem suum impetum in partes præcedentes effundere potest , unde illæ lato saltu ad insigne intervallum assurgunt , vi Obs. 7. Aut , si remaliter paulo concipere libeat , ponamus canalem longissimum , æqualis per omnia amplitudinis , circa basin leviter incurvatum , & patulum , erigi perpendiculariter , & , obturato inferiori orificio mediante epistomio , repleti aqua . Manifestum est , si remoto epistomio aperiatur orificium , aquam hanc precipitato motu fugituram , quia premitur à reliquæ aquæ pondere , in canali longissimo ipsi incumbente , cujus tamen lapsus non nisi naturalis est . Sed in vulgus notum est , motu violento majorem longe aquarum copiam per canalem aliquem precipitari , quam per eundem citra violentiam & naturali tantum lapsu ruit . Igitur , si aperto orificio aqua incipiat se rapidissime subducere motu violento ; quæ autem hanc subsequitur , non possit lapsu naturali , tanta quidem celeritate , ferri deorsum per canalem longissimum ejusdem amplitudinis : sequi-

quitur, quod nec illam urgere, nec magna violentia ejicere queat. Contra, si foramen fuerit angustius, tunc, quia per canalem amplum naturali lapsu tantum potest descendere, quantum per illud motu præcipitato erumpit, omnino rota columna aquea, in canali longissimo contenta, omni suo pondere urgebit & ad insigne spatium ejiciet partes inferiores.

§. V. Quod si nunc hucusque generaliter demonstrata ad casus speciales applicare velimus, citra magnam difficultatem fontium perrenium arte humana exstructorum, quibus Europa passim, præsertim in secessibus Principum, luxuriat, rationem reddere liceret, cum nuda subsumptione in plerisque opus sit, & imaginum aquas reddentium varietas, equidem gratiori habitu fontes induat, principium autem operandi nequaquam mutet. Sed verendum, ne opella hæc limites Dissertationis Academicæ multum transgrediatur, & in justum excrescat volumen, si istas varietates sigillatim velimus percurrere. Proinde in genere solum notamus, id quod supra jam innuimus, si libuerit fontem ita adornare, ut ipsa aqua, dum ejaculatur, varias figuras, stellarum e. g. rosarum, velorum, pyramidum &c: repræsentet; ante omnia requiri ingentem affluxum aquarum, ex rupe, monteve eminentiori erumpentium. Neque enim naturalis earum gravitas permittit, utin omnes plagas & ad arbitrium, citra mutationem figuræ, protrudantur, nisi ab insigni urgeantur vi, quam lapsus profundior suppeditat. Vbi autem magna vi aqua exploditur, uberior ejus affluentia damnum refarcire debet.

*Ratio
Phan. 6.*

Secundo requiritur foraminis unius pluriumve debita configuratio & dispositio respectu plagarum mundi: quæ, qualis pro obtinenda hac illave imagine esse debeat, facilius Schematismi laudati supra Bœcleri, aliusve scriptoris Hydraulici (ad quorum analogiam plurimos alios haud difficulter efformamus) quam prolixior discursus docent.

Ratio

Phæn. 7. §. VI. Clepsydra Weigelianæ operandi ratio nem in idem simplicissimam esse, ipsa structura, supra fufius descripta, satis testatur. Fac enim globum B aqua plenum esse, eamque hinc per canales DRC, YT & XT delabi, non poterunt non illic ex orificio C, hic ex Delphinatorum ore, prosilire fonticuli, quorum prior ad majus, reliqui autem ad minus spatium, extollat aquam. Tanta enim est prædictorum canalium amplitudo & altitudo, tantaque orificiorum angustia, ut, vi eorum quæ ad Phæn: 4. & 5. §. 4. annotavimus, aquæ, pro excitatione fonticuli, sufficiens communicari queat impetus. Cum vero insuper supra monuerimus, verticem fonticuli h. m. excitati non plane attingere globum sibi imminentem, unde derivatur, adeoque salientis extra canales aquæ ascensum, non penitus æqualem esse ejus lapsui, uti alias intra canales; idemque in omnibus aliis fontibus obtineat: operæ pretium est, paucis ejus rei causam attingere. Scilicet omnis ferme impetus aquæ salienti conciliatur, dum orificium angustum, v. g. C, transit; qui, cum sit æqualis gravitati prementis columnæ aqueæ, deberet omnino ejus ope ad altitudinem, prædictæ columnæ æqualem, evehi. Sed cum

in

in via impediti multum patitur, primum quidem ab aëre resistente, per quem penetrare cogitur; dein ab innata gravitate, vel impulsu ætheris gyrantis, qui non cessat agere & aquam deorsum trudere, tanta quidem vi, ut aquæ non minus, quam reliquorum gravium sursum projectorum violentum motum lente imminuat, tandemque penitus sistat: nequit omnino aqua præfixos attingere limites, sed infra illos subsistit. Neque est, quod quis putet, cum fonticulus saliens columnam aqueam, in libero assurgentem, aëre, exhibeat, partes ejus superiores ab insequentibus inferioribus extra æque, quam intra canalem attolli, & proinde novum virium incrementum ab illis accipere. Nam cum partes posteriores seu inferiores non plus impetusa columna premente accipiant, quam præcedentes, etiam has majore, quam illæ præcedunt, velocitate sequi, & consequenter in illas sensibilibiter adeo impingere nequeunt. Contra vero partes præcedaneæ non raro subsequenteribus obstaculo sunt, quo minus ad consuetam altitudinem attollantur. Quod si enim fonticulus ad planum horizontis sit perpendicularis, aqua, postquam ad summum fastigium est evecta, per eandem lineam, per quam ascenderat, relapsura, adversas sibi habet ipsas fonticuli partes inferiores ad altiora tendentes. Dum ergo à novis partibus subinde accedentibus augetur mole & conglobatur, tandem fonticulus ab onere, cui ferendo impar evadit, deprimitur, ad ipsum usque orificium; illo autem mox deposito, lætior surgit & pristinos repetit limites.

Ratio
Phen. 8.

§. VII. Si denique libeat paucis attingere Fontes Mutinenses, curiosissima observationes laudatissimi Ramazini eorum originem satis produnt. Necessum scilicet est, infra totum illum terrarum tractum, in quo ejusmodi fontes oriuntur, lacum esse absconditum, ingentem quidem, angustioribus tamen circumscriptum limitibus, quam aquarum abundantia postulat. Inde enim est, quod aperta, mediante terebra, terræ superficie, ei incumbente, tanto prorumpat impetu. Tanta autem aquarum copia cum quotidie exhauriatur, nec tamen, quicquam cesset iste erumpendi impetus, sequitur, aliunde damnum istud copioso affluxu resarciri: id quod etiam murmur strepitusque aquæ præterfluentis testatur. Quia autem istud incrementum à mari esse nequit, obstante ejus salitudine & harum aquarum dulcedine; nec immediate ab aqua pluviali; per quos enim poros hæc descenderet, per eosdem rursus ascenderet, nec pateretur, istic se velut incarcerari & comprimi: necessum igitur, ut confugiamus ad fluvium subterraneum, intra Alpes non adeo remotos fortasse natum, & per ductus subterraneos huc delatum, unde aqua, quia ab eminentiori venit principio, pressa, data via, fugit & per 68. pedes ad ipsamque terræ superficiem ascendit. Fontes tandem ad radices montium natos quod attingit, ipsa ebullitio prodit, quod aqua à loco eminentiori trahat originem, à quo per rupium rimas, velut canales quosdam, descenderit. Quod autem leviter tantum ordinarie subsultare solet, partim ab orificii amplitudine,

Ratio.
Phen. 9.

ne, partim ab aquarum penuria & pariori affluxu est deducendum.

SECTIO II.

S. I. Ad Sectionem secundam de violenta aquarum pressione dum transimus, sciendum, (quod ipsum ex nuda applicatione Obs. 7. patet,) augeri miris modis aquarum præcipationem, quando sufficienti robore vires embolum intrudentes instruuntur. Insigne autem augmentum capiunt vires prementes, si non immediate embolo, sed vecti, applicantur. Docemur etenim in Mechanica, uti se habet brachium vectis majus LN, ad brachium minus XN, ita se habere vires vecti in L applicatas, ad easdem vires sibi relictas & ordinarias. Quanquam vero, brachio NL prolongato, vires prementes augeri queant in immensum; malunt tamen artifices brachio mediocri esse contenti, & potius robur quærere in multitudine prementium; quia ex eadem discimus Mechanica, quo magis vires adhibitæ crescunt instrumentis, eo plus requiri temporis sensibilem saltim edendi effectum, proindeque tardiozem esse motum ejus, quod loco est pellendum. Enim vero si liquor in auras expellendus est, celeritas ubique debet comitari robur: alioquin enim, si eum lente urgeas, sensim se per apertum subducet orificium, nec vires maximæ majorem dabunt effectum, quam minores multo, sed debita velocitate adhibita. Neque enim ista omne suum robur explicare, eoque liquorem, iusto celerius fugientem, premere valent. Quæ eadem causa est, cur nec cochleas, nec rotas dentatas, aut trochleas, quibus alias humana vires itidem ad miraculum usque augeri possunt, admo-

*Ratio
Phen. 10.*

Fig. 2.

*Ratio
Phen. 11.*

M m

vere

*Ratio
Phæn. 12.*

vere soleant Hydracontisteriis ; omnia namque instrumenta isthæc tarditatis vitio subjacent. Plus autem solatii in duplicatione ventriculorum est positum. Duplicatis quippe ventriculis, duplicantur aquæ, duplicantur vectes, adeoque etiam numerus prementium duplicari potest, unde & impetus aquis proruentibus communicati, juxta Obs. cit. adeo multiplicantur, ut sub dupla quoque ratione ista aquarum solertissima præcipitatio crescere necesse habeat, siquidem uterque embolus simul & eodem momento deprimitur. Cæteroquin enim, si id alternis fiat vicibus, vires non augentur, sed saltem hoc obtinetur, ut citra interruptionem aut intercedentem moram ejaculatio continueatur.

*Ratio
Phæn. 13.*

§. II. Ecce autem ventriculi, pro officii vel indigentia ratione capaciores, longitudinem magis, quam amplitudinem amant ? Multum rebus suis prospiciunt artis Hydraulicæ periti ista ventriculorum proportionem & symmetria. Vti enim, qui asserculo minori aquis innatanti innititur, una cum eo mergitur undis ; cum contra, qui pluribus combinatis insidet asseribus, à submersione immunis est ; quia scilicet pondus, quod exiguam aquæ portionem asserculo subjectam violentius premit, à majori longe, asseribus combinatis substrata, facilius sustinetur, dum pondus ita in plures aquæ partes velut distribuitur : Ita quoque si ventriculus fuerit gracilior, pauca columnæ aquæ à viribus vecti applicatis, mediante embolo, validissime comprimuntur, cum contra, si fuerit amplior, longe plures columnæ iisdem viribus facilius, & citra magnam ad se compressionem, resistere queant. Itaque cum capa-

ciores esse debeant ventriculi, ne deficiat aqua, ejectioni tam violentæ destinata; ne tamen plures requirerentur prementes, aut etiam acceleratio motus impediretur, necesse erat, plus addere longitudini, quam latitudini ventriculorum. Cur autem orificium & canalis, per quem aqua proxime ejicitur, arctior esse debeat, jam supra in Phæn: §. 4. exposuimus. Longior autem idem esse solet; ut aqua dum per eum fugit, non vos subinde & sæpius repetitos ab insequente patiat impetus, pro cursu ejus, vi Obf: cit: magis incitando: eum fere in modum, quo globulum testaceum, solo oris flatu, per canalem longiorem tanta vi ejicimus, ut in majori intervallo queat enecare aviculam, cum alias, citra canalem, globulus idem flatu ne ad unum quidem passum propelli possit. Ista tamen canalis emittentis longitudo suis limitibus gaudere debet. Quod si enim iusto fuerit longior, aqua ad eum altitudinis gradum non attolli potest. Siquidem, dum aqua ad tubi iusto longioris, præsertim sinuosi, latera impingit, impetus, ab Embolo ipsi immediate communicatus, tantum non penitus tollitur: ut proinde sola vi, ab insequentibus aquis accepta, itidemque sinuoso canalis tractu valde debilitata, expellatur in dias luminis auras, quod supra jam §. 3. Sect: II. C. I. de serpentino Hydracontisteriorum genere notavimus.

§. III. Ab iisdem causis, pressione scilicet violenta, descendunt fonticulorum per superba Floræ ambulacra disperforum saltus ridiculi, ceu inter ipsa Phænomena jam indicavimus. Cum enim Artificium hujusmodi Hydracontisteriorum rationem obtineat, iisdem quoque Principiis aquarum ejectio nitetur. A-

*Ratio
Phæn. 14.*

*Ratio
Phæn. 15.*

qua enim per canales occultos ad ambulacra, isticque occulte dispositas cistas vel cylindros, deducta, quamprimum deprimuntur latentes hinc illinc improvido pede emboli, tam cito invisi subsultabunt fonticuli: quorum jocos dum evitare tentas fuga celeri, eo ipso magis embolos passim dispersos urges premisque, non sine jucundo tuo damno. Eadem ratione illuditur sedentibus quoque amicis. Constructo quippe ad præscriptam methodum artificio, amicus, confidere jussus, plenos aqua follēs premet, qui gravitate incumbentis molis acti, cum aqua comprimi & ad spatium minus redigi nequeat, per occulta innocentium imagunculorum oscula ludibundos dabunt fonticulos. Nec differt ratio pressionis in poculo, quod vinum bibituri faciem aqua perfundit. Nam cum Hydrargyrus, seu Argentum vivum, experimento Boyleano, (quod extat inter ejus nova Experimenta Physico-Mechanica p. 113. Editionis Genèveensis) eam ad aquam habeat gravitatis rationem, qualis 121. ad 1665. sive per reductionem, qualis 1. ad $13\frac{21}{11}$, vel, ut fractionum molestia occurratur, ut 1. ad 14; facile apparet, quod tollendis aquis omnino sufficiat Mercurius. Cum itaque receptaculum inferius Q aqua, superius, qua partem L, argento vivo repletur, necessario, bibente os ex adverso in B applicante & poculum multum inclinante, Mercurius per foramen sibi relictum in partem P transit, atque hinc descendendo per tubulum P Q ad fundum nodi inferioris aqua pleni, pondere suo præsentem urget aquam, quæ comprimi nescia, nec tamen per eundem tubulum P Q, cujus orificium inum præcipitatus Mercurius mox undique obsidet, redire valens

Ratio
Phæn. 16.

Ratio
Phæn. 17.

Fig. 4.

lens in locum ab ipso derelictum, qua data porta fugit, per tubum scilicet D A C, qui, quod exiguus & gracilis est, ad Mercurii altitudinem habet rationem minorem, quam 14. ad 1, & occulto ductu in acutum aviculæ rostrum definit, facile fugientes aquas bibenti propinat, fontis inmodum, sicque amicum à vini potu, velut solers custos arcere videtur.

§. IV. Quod de Hydropotis, fama super cate- *Ratio*
ros notis, §. ult. Sect. II. Cap. I. retulimus, eadem rati- *Phan. 18.*
one explicari & potest & debet. Non equidem huc at-
tinet, quibus naturæ artificii, pro tingendis liquori-
bus, florumque innoxia assumptione, usi fuerint: illud
scire attinet, qua vi aquas, copiose ingurgitatas, è sto-
macho, ad moram aliquot etiam minorum, reddide-
rint. Non hic desunt varia artis subsidia, nobis nec ex-
plorata penitus, nec digna omnia recensione, quæ stu-
diose contra plebis investigationem muniunt. Non-
nulli natura sua, ad nausæam vomitumque prona, calli-
de uiri norunt, ut crebro exercitio vitium in artifici-
um verterent, & id tandem impetrarent, quo ad nutum
per os redderent, quæ non diu ante hauserant. Jejuni
etiam ad hæc mysteria veniunt, ne liquoribus effun-
dendis misceantur alimenta diversi coloris pariter &
odoris. Atque ita manibus ad lumbos, commodissi-
mum movendi viscera locum, ad motis, validissime, æ-
quabiliter tamen, urgent vicina viscera, atque hæc in-
terceptum, multumque ab ingurgitatis aquis tumen-
tem stomachum; qui, cum triplici fibrarum, in longum,
latum & transversum ductarum, ordine constet, facto
spiritum animalium pariter evocatorum concursu,
se contrahit, & extrinsecus admotam premendi vim
auget, ut aquas, minor non continendas spatio, tam-

diu per œsophagum excutiat, donec aut aquæ aut spiritus non amplius suppetunt. Quæ ratione quam proxime horum Artificum stomachi accedunt ad conditionem follium, aquis turgentium, & solo superimposito pondere ad emittendas aquas cogendorum.

SECTIO III.

§. I. Quæ in hac Sectione recensuimus Phænomena, ad metum vacui, & nescio quam attractionem, tantum causas, vulgo referri, in ipso ejus monuimus frontispicio. Has enim nobis allegarunt docti, non quasi distinctum de iis haberent conceptum, sed ne interim, donec melior succurreret ratio, plane nihil haberent, quod responderent ad tot phænomena. Etenim quod attinet metum vacui, si natura abhorreret à vacuo, nosse deberet revera vacuum futurum, si e. g. ex siphone subducitur aër, nisi in ejus locum succederet aqua; cujus enim existentiam ignoramus, illud neque metuere possumus. Deinde scire deberet, aliquod damnum se hinc passuram: frustra enim exhorrescimus, à quo mali nihil nobis unquam imminet. Denique media eidem deberent esse perspecta, quibus instanti malo queat ire obviam, ne vanus & inanis sit sine viribus metus. Judicet autem nobiscum cordatus quilibet, an hæc in compagem corpoream, ex qua rerum naturam compositam novimus, possint cadere. Quod si quis regerat, proprie accipi non debere, quæ ad analogiam tantum dicta sunt; lubenter sciremus, quis ergo sit verborum sensus citra tropum genuinus. Sed ex quo Evangelista Torricellus, Mathematicus Florentinus, observavit, si canalem altitudinis cujuscunque repleas Mercurio, & postea canalem inversum, aperto ori-

rifi-

rificio, immergas vasculo similiter repleto Mercurio, hunc ad altitudinem 27. circiter pollicum præcipitari, & illic postmodum hæere velut suspensum; idemque deinceps aqua tentatum, & deprehensum, hanc in altitudine 30. circiter pedum sustineri: opinio de metu vacui penitus evanuit. Nam spatium à Mercurio & aqua descendente relictum, aut est vacuum, aut non; si illud, natura non metuit vacuum; si hoc, qua materia illud spatium est repletum, eadem potuisset repleti canalis integer, ut adeo propter metum vacui non opus fuisset suspensione mercurii & aquæ in certa altitudine. Nec est, quod quis dicat, hunc metum suis gaudere limitibus, adeoque posse superari, ut non ad quamvis altitudinem mercurium & aquam elevare queat. Nam illa ipsa mercurii & aquæ altitudo in diversis locis variat, quin & in eodem loco, pro diverso aëris statu, seu innumeris constat experimentis; major enim est in vallibus depressis, quam in montibus eminentioribus, major item tempore sereno & frigido, quam alias. Numquid vero ille metus etiam cum tempore locoque mutabilis est? Neminem puto hoc facile admitturum. Non plus solatii à suctione vel attractione sperare licet; neque enim aër, aqua, & reliqui liquores eorum sunt numero, quæ trahi possunt, cum partes non ita cohæreant, ut una arrepta reliquæ sequantur, seu hoc in solidis contingit; neque instrumenta ad tractionem requisita, tinci, catenæ, funes, &c. ullibi comparent; Magnetismus autem, in hoc præsertim negotio, facilius nominari quam explicari potest.

§. II. Cum itaque evictum sit, non stare posse Principium hoc Hydraulicum cum Experimentorum & Ratio-

& rationum *Aug. Bet.*; superest, ut quæramus aliud, quod nobis suggerit pondus aëris nativum, à Veteribus neglectum, à nostri autem seculi luminibus, Guerikio, Sinclaro, Torricello, Paschalis, Schotto, Pecquetto, Boylio, Sturmio, aliisque, probatum documentis illustribus; ad quod Sectionis hujus Phænomena revocare conabimur, initium facturi à machinis Ctesibii.

*Ratio
Phæn. 19.*

Fig. 5.

Quoniam igitur Embolo à fundo E retracto, insigne relinquitur spatium E D; illud equidem aër extrinsecus circumstans quovis modo occupare nititur, sed irritò conatu, quia eum soliditas canalis excludit, & Embolus hujus cavitatem undique arcte stringit, valvulaque K orificiùm Caccurate claudit. Igitur aqua, cui orificiùm B est immersum, derelictum occupat locum. Nam dum ab ingenti aëris incumbētis pondere valide premitur, juxta Obs. 2. intra spatium D E autem nihil prorsus sit, quod ei resistat, eo se recipit, ubi à tanta pressione tuta est.

*Ratio
Phæn. 20.*

Attamen, cum pondus aëris suis gaudeat terminis, & columna à cœlo ad nos usque exporrecta, non superet pondere suo similem columnam aqueam, 31. pedes altam, vi Obs. ejusdem, sua sponte sequitur, si Embolus ultra superficiem aquæ, in puteo (unde mediante Antlia debet extrahi) contentæ, majori intervallo absit, ejus opẽ præstari non posse, ut per canaliculum G effluat, quia nempe ultra 31. pedes à pondere aëris externi intra antliam non elevatur, eamque adeo Embolus ne quidem attingit.

*Ratio
Phæn. 21.*

Fig. 6.

§. III. Non multum dissimili ratione omnes siphonum effectus declarari possunt. Sit enim siphon re-curvedus, cujus crus unum 30. pedes non adæquet, alterum autem longe superet, instruaturque modo supra

recen-

recensito: cum aër vasis BE & CF incumbens, columnam aqueam 31. pedibus altiore, sustinere nequeat, (vi Obs. 2.) aqua in crure longiore AB, per naturalem suam gravitatem descendit, unde spatium ab aëre & aqua vacuum eo majus deberet relinqui, quo plures idem pedes supra 31. numerat. Cum vero ex altera parte aqua in canali AC, præscriptum suæ altitudinis terminum nondum attingat, aër incumbens vasculo CF adhuc prævalebit, & aquam de lege proportionis attoller, quæ, dum culmen A transire conatur, mox præcipitatur in canalem longiorem, cæteroquin in parte superiore vacuum futurum, & per hunc effluit; idque continuat tamdiu quidem, quam suffecerit aqua vasis CF; Cui si de affluentia satis prospicitur, perpetui cujusdam fontis speciem præbere potest hæc machina, non cessantibus, illic descensu prævalentium aquarum, hic pressione prævalentis aëris. Quod autem etiam cruris longioris orificium aquæ immersum esse debet, id inde est, quia alias aër perejus medium ascendit, & aquæ circumcirca à latere descendens locum replet, eoque ipso impedit, quo minus eadem per canalem breviorē attolli queat. Cæterum, si omnis hic aquarum fluxus dicto modo ab aëris pressione dependet, hujus autem vires ultra 31. ped: se non extendunt, sequitur utique utroque crure hos limites transcendente, fluxum nullum expectari posse, imo impossibile esse quod Hero, Porta, aliique, fuga Vacui decepti, in se receperunt, de aquæ ductu scilicet cacumina superante montium.

§. IV. Siphones autem vulgares, quorum ope liquor ex doliis depromitur, quod attinet, manifestum

N n

est,

*Ratio
Phæn. 22.*

*Ratio
Part. 2.
Phæn. 21.*

*Ratio
Phæn. 23.*

*Ratio
Phæn. 24.*

est, uno ejus crure liquori immerso, nullam primo hinc accidere mutationem, quia aër intra siphonem ejusdem est cum aëre exteriori constitutionis, adeoque liquorem aequali premit vi. At vero, ore alteri cruri admoto, & mediantibus musculis ampliata pectoris cavitate, aër intra siphonem, qui juxta Obs. 3. aëque ac externus valde est compressus, commodum nactus locū, se expandit, & tum propter ipsius elaterem, tum propter naturalem gravitatem, tantum in pulmones descendit, quantum capiunt, (in quo vulgō sic dicta Suctio & Attractio consistit.) Cum vero ita rarefactus minus habeat resistentiæ & pressionis, quam aër exterior, pondere hic prævalet, & cogit ascendere liquorem, repleturum locum ab aëre relictum. Si autem, contractis pulmonibus, aër, in iis contentus, per nares expiratur, & deinceps, repetita aliquoties dilatatione pectoris, quicquid intra siphonem est residui, in pulmones descendit: liquor eum ex eadem causa sequitur & totum occupat siphonem. Quo eodem modo infantes dilatato pectore efficiunt, ut, aëre per mammillas in os fugentis fugiente, locus relinquatur pressioni aeris externi, quæ tanta est, ut lac per poros protrudat buccis inflatis excipiendum, quod repetita sic pectoris dilatatione sistim abunde restinguit. Sed ut ad Siphones redeamus, notandum est, si aqua, ore remoto, hinc velut ex fonte perenni effluere debet, necessum esse, ut emittens orificium infra superficiem liquoris, cui alterum est immersum, sit depressum. Alias enim, si in eadem existunt linea Horizonti parallela, erit columna aquea HG , ad columnam GF , uti canal HG , ad canal GF , adeoque, vi Obs. 5. ejusdem cum illa gravitatis: cum autem aër

utri-

Ratio
Phan. 25.

Fig. 25.

utriusque itidem æquali pressione resistat; manebunt in æquilibrio. Superpōndio igitur, adeoque unius cruris majori depressione, opus est, si fluxum desideramus. Tunc enim, cum aer æqualiter premat, ab inæqualibus autem columnis inæqualem resistantiam patiatur, in minori crure prævalebit, adeoque per longiorem præcipitabit aquam.

§. V. His autem ita expositis, Phænomenon 27. nulla explicatione indigebit, cum cancri figura, siphoni circumdata, substantiam rei non mutet. Idem dictum esto de ave craterem ebibente. Avis enim manifesto in se continet siphonem inæqualium crurum. Differentia in hoc solo consistit, quod aerem inde non subducimus ore, pedibus avis, tanquam extremitati unius cruris admoto; sed potius aqua, intra vas contenta, naturali lapsu per canalem GF, quo aeri intra avem se expandendi descendendique, externo autem aeri aquam crateris, per os avis attollendi, propter resistantiæ defectum, occasio suppeditatur. Sed neque multum abt ab hucusque recensitis artificium, quo liquor occulte ex poculo effluit pleno, nisi quod hic duo siphonis crura non juxta se sint posita, sed unum, longius scilicet & angustius IK, intra alterum, amplius breviusque AB, sit absconditum. Tota autem operandi ratio est simplex. Poculo enim ad marginem usque repleto, liquor intra canalem AB ad eandem altitudinem, dum aer per canalem IK aufugit, ascensurus, mox transgreditur orificium L, infra marginem poculi paulo depressum, adeoque per illud descendit, donec liquor ad æqualem cum orificio altitudinem est reductus. Tunc enim fluxus sistitur si canalis IK est amplior, ita ut aqua à latere deflu-

Ratio
Phæn: 27.
Ratio
Part. 1.
Ph: 29.
Fig. 9.

Ratio
Ph: 30.
Fig. 10.

ente, aër per ejus medium ascendere & sua pressione efficere possit, ut liquor intra & extra canalem AB in æquilibrio subsistat. Si autem canalis IK fuerit angustior, ut aqua delabens totum repleat, tunc, etsi aër, orificium K circumstans, liquorem tanta vi attollere conetur, quanta idem aër, poculo incumbens, eum per canalem BA elevare & per IK dejicere conatur; tamen quia aquæ columna IK longior est, aër, circa K plus resistentiæ invenit, quam is qui poculo imminet; cedit ergo, alterque omnem aquam in poculo deprimet & per IK effluere coget. Quod si autem poculum primitus non repletum fuerit ad altitudinem orificio I majorem, incipiet liquor demum effluere, si bibiturus poculum inclinavit, & hoc pacto prædictum orificium liquori immerferit; quod proinde plane obtineri nequit, si poculo parum liquoris est infusum.

Ratio

Ph: 28.

Fig. 8.

§ VI. Fonticulus Kircherianus in campana hoc solo à siphonum effectibus ordinariis discedit, quod aqua non cursu placido ex uno crure in alterum delabitur, sed in ipso transitu fonticulum salientem sistit. Sunt enim & hic duo canales FG & DOE, campana mediante connexi, ut ita siphonem recurvum exacte exhibeant. Effectus igitur peculiaris hæc est causa. Machina ex præscripto adornata, apertoque epistomio E, quia aër per canalem EOD tanta vi aquam campanæ sustinere conatur, quanta eum expellere nititur aër intra campanam contentus, impetus contrarii se tollunt, & ita aqua, sibi relicta, naturali gravitate per canalem DOE descendit. Sed cum spatium ab aqua derelictum mox occupet aër intra campanam, dilatando sese; hoc ipso autem aliquid etiam virium premendi amittat: effluere

effluere non posset aqua ; quia aër, orificium canali D O E obsidens, tantæ columnæ aqueæ, superpon-
dio, ab aëris incumbentis pressione petito, sive ex toto
sive ex parte destitutæ, ferendæ par est. At, cum aër
idem aquam, in vasculo K stagnantem, non minori pon-
dere premat, hanc per canalem F H attollit & quidem,
(quia brevis est, in angusta definit oscula, & non nisi ra-
rior aër leviter renititur, tanta vi, ut aqua, juxta ea quæ
in §. 4. diximus, fonticulum salientem exhibeat, cujus
aqua mox canali D O E excepta, pondus prioris auget
fluxumque promovet. Quod denique coctus cancer,
scypho, aqua aut vino pleno, ex præscripto appensus, *Ratio*
extrahit liquorem, redditque per stillicidium, itidem à *Pb: 26.*
legibus siphonis recurvi pendet; siquidem per cavitates
& inflexuras quasdam, (quæ tum in caudæ interioribus,
tum intra squamas deprehenduntur,) tanquam
per divisam secundum longitudinem fistulam, ad us-
que canceri curvaturam elevatur, & deinceps proprio
pondere per rariorem canceri substantiam, alterum ve-
lut canalem, descendit, inque subjectam decidit patel-
lam. Neque opus erat antegressa ex istis caudæ canali-
culis expulsiōe aëris, uti alias in siphonibus requiritur.
Habet enim hoc cancer coctus cum omnibus spongio-
sis, villosis, filtrisque commune, ut aër crassior intra
pororum aut canalium angustias neque in debita copia
existere, neque vim libere exerere, aut impedire que-
at, quo minus aër externus liquorem ad certam altitu-
dinem attollat.

§. VII. Ut tandem paucis de iis quæ restant hu- *Ratio*
jus Sectionis Phænomenis agamus, expellatur aër *Pb: 31.*
(quod omnino fieri potest vi Obs: 4.) ex vase DE, ope *Fig. 11.*
ignis

ignis aut aquæ fervidæ, per tubum AB, & obturato osculo B, vas illud aqualiculo imponatur. Cum autem vasculo refrigerato, quod residuum est aëris, in angustum contrahitur spatium, protinus aër aqualiculum ambiens, liberam premendi facultatem adeptus, aquas, vi Obs: 2. per orificium reclusum B in fontis elevabit habitum: cui perennitatem conciliare licet, si aqua expulsa perque sphaeræ collum in vas DE delapsa, illic non tam per epistomium annexum, quam per alium canalem, infra orificium B multum descendentem, expellatur. Tunc namque applicari possunt pleraque quæ supra de Phæn: 28. diximus. Quibus expositis, sua lucē radiat Phænomenon 32. utpote quod à priori solum differt ratione evacuandi aërem. Nec alia est ratio casus ultimi, nisi quod aëre, mediante Antlia, ex campana partim subtracto, aër intra sphaeram conclusus suum elaterem, juxta Obs: 3. exferat, aquamque per angustum canalem sub forma fontis expellat. Ideo autem sensim remittit subsultatio isthæc, quia aër, quem sphaera continet, semet in majus diffundens spatium, viribus premendi minuitur, (nam vis unita fortior,) & à superflite aëre exteriori tandem servatur in æquilibrio. Quamprimum tamen de novo agitur antlia, iterum premendo prævalet interior, resistente sibi externo aëre expulso: idque continuatur, donec & aqua & aër sese subduxerit omnis.

Ratio
Ph: 32
& 33.

SECTIO IV.

§. I Postquam & Attractio & Vacui Metus genuino nomine, donata, atque ad aëris pressionem reducta sunt, poteramus supersedere nova quadam, à priori diver-

diversa Sectione, & reliqua solum aëris prementis
Phænomena enumerare. Ordinis tamen ratio, & ex-
emplorum numerus, & nova subinde occurrens aëris
qualitas, coeptis semel viis insistere jubet.

§. II. Primam omnium disquisitionem sibi pos-
cunt Clepsydræ, seu fontes intermittentes, quorum de-
fultorii lusus nominatissimo aëri solum debentur. Mo-
do ad machinam sedulus habeatur respectus, res est
clarissima. Repleta enim & constituta ex lege machina,
illico aër externus cum interno communicat per tu-
bum MDO, hocque pacto vim ejus externam resisten-
tiamque, interna vis tollit. Aqua ergo proprio ponde-
re per patulos porulos viam quærens, depluit in sub-
stratam pelvim tamdiu, donec aquarum copia spatium
inter canalem M & foramen P interceptum, occupetur
totum, ad excludendam aeris externi cum interno
communione: tunc enim, si pressio aquæ, intra vascu-
lum BD residuæ, aërisque rarioris ei incumbentis, non
major est resistentia aeris externi, in naturali statu con-
stituti, destillatio cessat. Quamprimum autem per fo-
ramen P vas sese exoneravit aqua in subordinatam sibi
pelvim, spatium inter canalem M & foramen P denuo
patescit, atque idem, qui ante, suboritur effectus pre-
mentis aëris, idque tot vicibus, donec aqua defecerit
in vasi AD. Studiose autem prospiciendum est, ut fo-
ramen P, qua amplitudinem suam, multo minus sit
omnibus foraminibus vasis AD collectim sumtis: alias
nunquam depluet tantum aquarum, quod sufficiat
pro complendo prædicto spatio; quo negato, negatur
etiam fonticuli lusus. Canalis vero BD id propter gra-
cilior est, ut diutius duret oblectatio isthæc: major enim
aëris

Ratio

Ph: 34.

Fig. 13.

Ratio
Pb : 35.
Fig. 14.

aeris copia per canalem capaciorem admissa citius omnem deturbat aquam. Cæterum, quia κλειψέλαιον huic machinæ natales debet, debeat quoque suorum effectuum causas. Repleta etenim oleo sphaera, suoque fulcro imposita, remoto item obturaculo, oleum per canalem breviorē CD in lampadem eo usque descendit, donec utriusque canalī ei immergatur orificium. Hoc namque pacto aëri, antea per canalem longiorē AB irruenti, suaque pressione pressionem externi aeris (impedituri olei descensum) tollenti, simul etiam oleo, ut gravitate sua libere utatur, permittenti, via præcluditur penitus, & ita oleo denegatur lapsus, quia nempe, juxta Obs. 2. major longe est aeris externi rentia, quam tantillæ olei columnæ pressio. Dum vero flamma pabulum depascit, tandemque extremitas canalī CD emersa denuo aeri irruenti fores pandit, oleum naturali iterum gravitate descendit, oppleturum utriusque canalī osculum, ignique alimenta præbiturum, donec cum flamma expiraverit.

Ratio
Pb : 36.
Fig. 15.

§. III. Descendat nunc in arenam Hydropota noster suaque nobis haud invitus revelet mysteria. Machina operosior equidem, causæ tamen artificii in propatulo erunt. Siquidem, repletis ex instituto vasculis A, A, aqua receptaculo G (quod posthæc, ad occultandum eo magis artificium, operculo ita potest tegi, ut aëri tamen liber ingresus exitusque concedatur,) sufficienter infusa, apertis epistomis L, delabitur, ob suam naturalem gravitatem, per canalem IK in vas H plenum aëre: quem, cum juxta Obs. 3. cedere possit, tanto magis comprimit, quanto longior est canalī KI, majusque pondus aquæ

eo conclusa, quia delapsa mox obsidet orificium I, quod ideo ferme fundum vasis attingit, ut aer per illum canalem aufugere nequeat. Cum vero aer ita compressus gaudeat elatere & se restituendi facultate, tanto majori, quanto major est progressa compressio, æquali quippe ipsi comprimenti ponderi juxta Obs.cit. Igitur, si ad amici libitum jubeatur Hydropota depromere ex artificioso stomacho suo e. g. vinum, artifex, quasi aliud agendo, imagunculam, & cum ipsa epistomium princeps D, vertendo ita dirigit, ut tubuli FE extremitas E accurate respondeat foramini ejus vasis, cui vinum inest; quo facto, versa clavicula O, aer ex vase H, per canalem MN, & huic vasculo competentem tubulum, in vas vino repletum ascendit, viniq; superficiem elaterio suo ita urget, ut liquor hic, cum tantæ pressioni resistere nequeat, mediante tubulo FE, per os angustum Hydropotæ in auram exspuatur. Eodem modo in cæteris idem ob eandem obtinebis rationem, modo epistomium sive claviculam D mature vertas, ne, liquore omni ex uno vasculo expulso, ipse aer, ulteriori pressioni destinatus, per os Hydropotæ aufugiat.

§. IV. Nec ab hoc processu discrepat mo- *Ratio*
 dus potulenta ex cella subterranea immediate in *Phæn. 37.*
 cœnaculum eminentius deducendi. Facile enim *Fig. 16*
 apparet, quando aqua ex ipso cœnaculo per canalem longiorem ED in vas vacuum CD descendit, contentum illic aerem à tanta columna aquea valide compressum iri. Igitur, cum per canalem ED, cujus orificium D mox infra superficiem aquæ descendentis latet depressum, aufugere nequeat, per canalem

O o

lem

lem F transit in dolium e. g. vino plenum, illudque, juxta Obs. 3. suo elatere tantopere urget, ut ejus ope ad altitudinem canali DE æqualem possit elevare. Itaque per canalem breviorē GB, (quin etiam graciliorem, ne ultimo nimium vini in canali remaneat) ad cœnaculum usque non defertur solum, sed etiam effluit, oblato excipiendū cyatho. Easdem agnoscunt causas & Hydriæ Canæ Gallileæ, quarum descriptionem habet Schottus in Mech. Hydraul. Pneumat. Poterit autem simplicius & commodius machina construi, si crateris, ea figura & amplitudine, sub qua laudatæ hydriæ ordinariē describissent, præditi capacitas, medio pariete perpendiculari, in duos distinguitur ventriculos, qui non nisi unico foramine mediante in superiori parte hujus parietis formato, communicare possunt. Quod si enim à collo crateris cæteroquin clauso descendat canalis usque ad fundum unius ventriculi, ex fundo alterius autem asurgat similis canalis, qui in latere ejus superiori aliquantum incurvatus prodeat foras, facile utique mediante ultimo hoc canali ventriculus cui insertus est, repletur vino. Si jam lusum ingeniosum exhibere libeat, non alia re opus quam ut per orificium crateris patulum collo clauso superaffundatur aqua. Quam primum enim hæc per canalem ad fundum unius ventriculi in tanta descenderit copia, ut canalis ostiolum inum eadem operiatur, mox per alterum canalem effluet vinum, poculo aliove vase excipiendū. Quia enim unus ventriculus non nisi aere plenus est, aqua autem extremitatem canalis

lis in illum demissi undique obsidet & sic exitum per hanc viam præcludit; non dabitur aliâ fuga quam per foramen parietis intergerini in alterum ventriculum, ubi vinum sibi subiectum tantum premet, quantum ipse ab aqua, intra canalem contenta & supra collum stagnante, premitur. A tanto itaque onere ut se vinum liberet, per canalem infra illud demersum fuga sibi consulit, quod non potest non artificii ignavis gratum præbere spectaculum.

§. V. Fonticulus vero in poculo non minori *Ratio* explicatur facilitate. Poculo enim ratione supra de- *Phæn. 38.* scripta adornato, & vase DC liquore repleto, si mo- *Fig. 17.* do parum liquoris (paulo plus scilicet, quam sufficit replendo canali IK) infundatur in poculum AB, hic, à prædicto canali receptus, urget suo pondere aerem in vase EF obvium, qui evasurus, cum aliam viam non inveniat, per canalem ML ascendit, suoque elatere (juxta sæpius cit. Obsl.) tantopere premit liquorem vasis CD, quam ipsa columna aquea IK, eidem immediate imposita, pressura fuisset: qui proinde, cum ad altitudinem huic æqualem ascendere posset, per canalem breviorē multo, angustique orificii, præcipiti saltu fugit. Mox autem à poculo AB exceptus, columnam aqueam IK, alias subsidentem & à suo pondere remittentem, redintegrat, adeoque suo descensu residuum liquoris, cujus ante pars fuerat, expellit. Plane eodem *Ratio* modo exponenda aquarum refusio, à serpente in cra- *Part. 2.* terem avis ebibentis facta. Nam & hic aqua vasis *Ph: 29.* S, per canalem GE, in vas ET aëre plenum de- *Fig. 9.*

lapſa, hunc per canalem DC, aperto epifomio B, in ſuperficiem aquæ vasis R violenter transfert, ubi, ſuo utens elaterio, aquam (vi. Obs. cit.) per canalem, à fundo ejusdem vasis R ſub ſerpentis ſpecie aſcendentem, in craterem M dolci ſpectaculo ejiciet.

Ratio

Ph: 40.

Fig. 18.

§. VI. Rationem elevandi aquam ad quamcunque altitudinem, debemus pari modo aëri violenter compreſſo. Quando enim, paratis rite parandis, aqua ex infundibulo X, per canalem XY deſcendit in vas A, aër illius vasis à pondere aquæ deſcendentis valde comprimitur. Sed cum ei per canalem AD via pateat in vasculum D, aquam illic conſuſam tantum ſuo urget elatere, quantum ipſe urgetur à columna aquea XY, aut quantum hæc uſura fuiſſet eandem aquam ei immediate impoſita. Cum ergo hoc modo dictam aquam elevare poſſit ad altitudinem, canali XY æqualem, ea non ſolum per breviorẽ paulo DH aſcendet, ſed etiam exundabit in vasculum H. Mox autem ruruſus hauſta à canali longiori QR, tanto fortius premet aërem ciſtæ B incluſum; qui ideo per canalem BE fugiens, aquam vasis E, vi & elatere ſuo, (qui æqualis eſt ponderi columnæ aqueæ QR) non ſolum per canalem paulo breviorẽ IK attollit, ſed etiam expellit in ciſtam M. Exinde vero pondere naturali ruruſus delapſa per canalem longiſſimum ML, validiſſime premit aërem in ciſta C contentum: qui ideo per canalem CF in vas F delatus, aquam ejus ad æqualem canali LM (a quo ſuum elate-

elaterem extraordinarium habet) altitudinem elevaturus, per canalem paulo breviorē NO ejicit in cistā O; ex qua per epistomium, hunc in finem ei adaptatum, porro in desideratum receptaculum deducitur. Facile autem ex hactenus dictis conjicere licet, pluribus cistis sub debita proportionē prioribus additis, aquam ad quamvis altitudinem elevari posse, modo vasa D, E, F, &c: tantam capiant aquarum copiam, quæ sufficiat canalibus, crescentibus perpetuo, replendis. Caterum cistæ inferiores ideo ceteris sunt capaciores, ut aer in illis conclusus, etiam postquam compressus & ad minores terminos reductus est, cistas D, E, F, replere, illasque evacuare queat. *Ratio Ph: 39.* Monuimus autem supra, consultum esse, ut cistæ H, M, O, sint apertæ, cum ceteroquin aer in iis contentus, & ab ascendente aqua, (aerem ex canalibus GH, IK, NO, expellente,) nova accessione auctus, neque tamen, quo se recipiat, habens, suo elatere aquæ ascendenti resistat, omnemque laborem reddat irritum. Addidimus, cistas O & F, M & E, H & G, paulo minus distare debere, quam C & M, B & H, A & X: quia nempe canales XY, QR, ML, longiores esse debent, quam canales GH, IK, NO; & illorum longitudo unice ex distantia cistarum æstimari potest, cum portiones eorum intra cistas infimas absconditæ in censum non veniant, quamprimum replentur aqua.

§. VII. Fonticulus Lipsdorpianus suos quoque saltus ab aëre habet. Cum enim aer interior vi tanta

O o 3

sub-

Ratio

Ph: 41.

Fig. 19.

subsidio siphonis P (Fig: 20.) intrusus, vehementissime sit compressus, & ideo (juxta Obs: 3) maximum quoque habeat elaterem, seu nifum se restituendi, necessario urgebit aquas sibi substratas: quæ sustinendo huic nifui impares, cum viam inveniant elabendi per canaliculum BA, referata clavicula D, magno primum saltu surgunt: quia aer tunc spatium adhuc angustiori, quam naturaliter solet, coarctatur, & sic pressio ejus maxima maximum edit effectum. Quando vero, fugientibus data porta aquis, in spatium ab illis vacuum semet diffundit, viribus premendi sensim minuitur, unde etiam sensim quoque fonticuli subsultatio decrescit: non tamen desinit, quoad suppetunt aquæ, cum moles prementis & intrusi fortiter aeris, superet adhuc residuas aquas.

Ratio
Ph: 42.

Fig. 21.

Ratio
Ph: 43.
Fig. 22.

§. VIII. Quod Patinam WEIGELIANAM attinet, notum est, per Obs. 4. aerem calefactum dilatari, quia tunc compressæ aeris partes ab igne subjecto penetrantur, agitantur, propelluntur. Cum igitur patina hæc, probe contra aeris fugam munita, admovetur carbonibus seu aquæ fervidæ; particulæ igneæ, (queis nulla via invia,) illico penetrant, æremque rarefaciunt, qui eam ob causam amplius spatium quærens, nec tamen inveniens, valide premit embamma, quod ideo per referatum canalem angustissimi orificii DE protruditur, oculorum orisque condimentum præbiturum. Sic Ægyptiorum Multimammia lac ex uberibus haud dissimili promit modo. Etenim

nim admotis tholo cupreo bene clauso ABC, lampadibus S & T, aëris intus contenti dilatatio (per eand. Obs.) necessario sequitur: dilatatus vero sese recipit per canalem XBKI in arulam excavatam IN, ibidemque accessu continuo fortior, lactis superficiem validissime urget, donec illud per canalem NM in ubera ascendit, atque hinc ex totidem canaliculis, velut papillis, in subiectam decedit concham. Cum autem finitis sacris, ordinarie extinguerentur candelæ, aut saltem à tholo removerentur, quid mirum, si cesante causa, cesset quoque effectus & mamina citra moram velut exarescant. Hic ille Ægyptiorum lusus religiosus! Nec mirum, plebem Matheseos Physicesque ignaram talia in Deorum operas numerasse. Est quippe admiratio filia ignorantia, à cuius sanguine adeo seculum nostrum abhorret, ut exulem olim, in patrias nunc sedes revocarit MATHESIN, perpetuo cultu maclandam.

§. IX. Hæc speciminis Academici loco sufficient. Non dubitamus autem, qui hæc probe perceperit, nec prorsus hospes est in rebus naturalibus & mathematicis, eum ad analogiam fontium à nobis recensitorum haud ægre innumeros alios excogitaturum, præprimis si adsint magnates, qui præmiis & sumtibus necessariis ingenia erectiora excitent. Plane enim persuasi sumus præcipuam causam quare artes mechanicae in Germania minus florent quam alibi, hanc esse, quod, cum inventores novarum machinarum aliquando ingentes molestias devorare, multumque temporis experimentis & tentaminibus non semper

per æque felicibus, una cum sumtibus majoribus quam
ipforum res angusta domi permittit, impendere cogantur;
plerique animum abjiciant, quod non sit qui sumtus restituat,
nec tamen res suæ familiari aliunde consulere possint. Negari
tamen nequit empiricis bonam partem tribuendum, quod
Magnates parciore sint ad sumtus erogandos in cultores
artium. Isti enim theoria & necessaria peritia Physicæ ac
Matheseos prorsus destituti, si ex libellis vulgo prostantibus
constructionem unius alteriusve machinæ male perceperunt,
mox adeunt aulas Principum, illicque, quasi scientiam
mathematicam devorarint penitus, aureos promittant montes,
nec raro animos curiosiores eo adducunt, ut ipsis sumtus
ad machinas elaborandas haud vulgares suppeditentur.
Vbi vero deinceps manum operi admóvent, videntque
machinam id non præstare quod debebat, neque tamen ob ignorantiam
suam sibi aliunde consulere possunt, desperabundi clam
sibi quidem fuga consulunt, nisi simul autem efficiunt,
ut si posthæc genuini artis alumni aularum fores pulsent,
aures patulas animos Magnatum pronos in sua desideria
non invenient in eandem quippe classem cum impostoribus
istis conjecti. Quod superest, nobis etiam tacentibus quilibet
facile intelliget in elaborandis machinis hætenus
descriptis magna diligentia opus, in iis præprimis in
quibus aer præcipuas tenet partes. Si enim is minimam
elabendi viam invenit, spem omnem eludet efficietque ut
multi sumtus perdantur in cassum.

Quod



I. N. 3.

PRAEFAMEN.

Quod in vita civili, idem in pene multis rebus physicis valere potest dictum: Nimia familiaritas parit contemptum. Familiare frigus est, resque abiecta videtur hinc glacies, quod annuatim per integram hyemem occurrat, fato, ob molestiam diuturnam, plerisque inuiso. Indis quibusdam plane erat fabula, cum narraretur, in Europa quotannis aquas solidum in corpus, magnis molibus ferendis aptum, transmutari, quod tale quid apud ipsos, ob mitius coelum, non contingeret. Nostratibus omnibus hæc nota sunt. Sed paucis. Omnes conqueruntur de frigoris acrimonia, omnes adspiciunt nivium floccos, teruntque pedibus, pluribus quoque glacies sua lævitate est exitiosa. Pauci quid hæc sint cogitant. Fuere tamen qui pretium rei vili posuerunt, dignamque ingenio suo iudicaverunt viri summi non uni, e quibus ingens in rebus physicis lumen illud, *Boylium*, nominasse sufficiat. Itum vero, ut alias in sublimibus solet, & hic loci est in partes, his novi corporis accessionem, illis ablationem iam præsentis, pro introducendo frigore urgentibus, istis plane ad occultas qualitates,

P p

tes, ignorantia^æ asylum, ceu sacram anchoram, confugientibus; ut dubius relinqueretur animus indolem rerum exhaustiendi cupidus, cui partium sese applicet. Volvimus & nos, iucundum in molesto laborem nacti, diu negotium anceps, nec parum temporis impendimus experimentis curatius instituendis, præprimis cum laudatum Boyleum, cuius fide in hoc passu plerique nituntur, hactenus intueri nobis non fuerit datum, tandemque constituimus, iuxta rectæ rationis, sensuum testimonio suffulta, iudicium, tentare, e principiis perspicuis ac genuinis visis, præcipuorum frigoris phenomenon solutionem. Quod dum iam molimur pro virili, DEI gratiam, Lectorisque benevoli in iudicando favorem constantem, ante omnia nobis exoramus.

Historia Frigoris.

- Phan. 1.* **V**Ti sol fons est caloris omnis, ita eius absentia aut depressione infra horizontem frigus oriri tanto intensius, quanto diutius sol abest, in vulgus notum.
- Phan. 2.* Neque minus tritum, quo longius sol a puncto verticali distat, eo maius regnare frigus, utut tunc a nobis non magis sit remotus quam antehac: Vespertinus enim & matutinus aeris status, comparatus cum meridiano, id dietim loquitur. Obstare tamen asserto nostro videtur, quod ordinariè frigus hybernū mense Januario creseat, quo tamen Sol circa meridiem propius ad verticem accedit, quam mense Decembri ab eodem distiterat.
- Phan. 4.* Interim illud saltem in confesso est, quod cæteroquin paradoxī instar posset haberi, solem hyeme nobis esse propiorem, quam æstate, & effectum tamen plane contrarium illi, quem, qui igni propius adstat, percipit, frigus nempe maius, in nos redundare.

Dantur quidem hyemalis frigoris expertes terra, *Phen. 5.*
 sub zona torrida sitæ; quo magis vero polum versus per
 temperatam in frigidam recesseris, eo intensiorem of-
 fendes hyemem. Hinc maria septentrionalia valde,
 quoad littora, æterna quasi glacie ligantur, vel obruta sunt
 ingentibus molibus glacialibus, cursum navium remo-
 rantibus, testibus, freto Weigats & mari glaciali dicto, in-
 ter novam Zemblam & Spitzbergam: ut hinc probabile
 videatur *Sanfonio Geograp. l. 4. p. 9.* vallum eiusmodi gla-
 ciale, rigidiori tempestate aliquando ultra modum con-
 solidatum, & plurium annorum decursu nunquam liqua-
 tum penitus, cingere decantatam veteribus, octingentis
 abhinc annis, Groenlandiam, & impedire, quo minus ad
 hunc usque diem reperire eam licuerit. Norunt id satis
 Belgæ Anglique ob ceti capturam in regiones boreales
 proficiscentes, qui, quantum possunt, festinant reditum
 in suas aquas, metuentes, suo malo edocti, si non com-
 pedes glaciales navibus iniiciendos, propriamque ob
 frigus immane ruinam, & periculum saltem naufra-
 gii, per collisionem glacierum vehementem. In tota
 Russia, teste modo citato *Sanfonio l. 1. p. 58.* tantum gelu
 per integram hyemem sævit, ut homines contra ejus vim
 non satis defendere se possint, neque rarum sit perdidisse
 nasum, aures, pedesque. In Persia, propius æquatori
 accedente, mitius longe frigus, raroque ultra digiti spissi-
 tudinem glacies, cum oriente sole iterum resolvenda,
 observatur, *Olear. in itin. libr. 5.* Hispanis vero plane no-
 vum quid fuit & miraculum fere, cum Manzanares flui-
 us Madritum alluens, in solidum corpus concreveret,
 ceu id per novellas ante annos aliquot transcriptum
 fuit.

Phen. 6.

Sicut vero ex his abunde innotescit, frigus summum
 non

non ubique locorum ad æqualem adscendere gradum, sed hic fortius esse, ibi levius, ita idem, quantumcunque demum sit, non ubique simul, sed hic citius, ibi tardius ingruit: cuius rei experimentum anno 1697. sumpsimus. Cum enim, iudice Thermometro melioris notæ, Jenæ tempus frigidissimum incidisset in diem 2. Januarii; in parum hinc distita Cizensi urbe illud ab insigni mathematico, M. *Gothofredo Teibero*, deprehensum est in tertio ejusdem mensis die; a celeb. autem Kiloniensium Mathematico, *Samuele Reibero*, idem annotatum est illic locorum die 17. Decembris anni precedentis, uti videre est in ipsius tract. *de aqua marina dulcedine*; Holmiæ Suecorum contra id ipsum sævisse insequente demum 16. Januarii, ab amico inde reduce percepimus.

- Phæn. 7.* Memorabile est, quod de maritimarum Alpium cellissimo monte Vesuli narrat *Olaus Borricius*, *Act. Hafn. ann. 1671. part. 1. obs. 64.* in illius scil. vertice inferiore cerni lacum satis amplum, quem media æstate ita cooperit glacies, ut medio Julio ad xxv. passus progressus fieri potuerit; in parte tum austrina montis nulla existente nive, in arctoa autem copiosissima, & cum scinderetur, ex pluribus corticibus velut constante. Similis varietas in locis sub eodē latitudinis gradu sitis deprehenditur. Quando in Moscoviæ parte boreali hyems est acerrima, in Scotia, sub eadem elevatione poli, longe est benignior. Insula Anglorum Charletonia in America, sub 52. gradu latitudinis borealis, præ frigore fere deserta fertur, & nihilominus Germaniæ nostræ, Angliæ ac Poloniæ pars non exigua, eadem latitudine gaudens, ob frigus adhuc tolerabile, satis habitatur. Sic & in civitate Sinarum regia, Pequin, sub eodem cum urbe Romana elevationis Poli gradu 42.

fluvijs

fluuius ingens circa Novembrem intra unum pene diem
concrefcit in glaciem, curribus ferendis parem, & non
nifi poft quatuor menses exactos demum refolubilem,
quale quid Romæ vix unquam folet contingere. De
quibus vid. *du Hamel, Phyf. gener. p. 264. & feqq.*

Nec hoc ita infrequens eft, quod dies e. g. hodiernus *Phan. 9.*
mediocri frigore afficiat noftra corpora, cum econtra
crastinus illud vel auctum multo, vel remiffius quoque,
exhibeat, Solis poftitu non fenfibiliter mutato. Pari
diverfitate ver ac autumnus fe fiftunt, fi comparentur *Phan. 10.*
invicem dies, in quibus eadem folis a vertice vifitur di-
ftantia. Verno enim tempore ordinarie frigidior longe
aer eft, quam autumnali. Certe circa æquinoctium ver-
num non infrequentes funt nives, quæ circa æquinocti-
um autumnale noftris in oris tantum non miraculi in-
ftar effent futuræ.

Maxima autem varietas circa frigoris incrementa
& decrementa in diebus fe proxime infequentibus de-
pendet a vario aeris ftatu. Ita cœlum ferenum hyber- *Phan. 11.*
no tempore ordinarie minatur augmentum frigoris, at
quamprimum illud obducitur nubibus, prædicimus tem-
peftatem remiffiorem; cum ex adverfo in æftate cœlum *Phan. 12.*
fudum promittat æftum intensiorem, quem dies nubili
multum temperant. Neque minus Circius, Boreas, A- *Phan. 13.*
quilò & Eurùs frigus apud nos augent, & ultimus quidem
hyberno tempore tenet primas. Aufler contra & Africus,
pro diverfo anni tempore, illud plus minusve expellunt.
Africus tamen nonnunquam idem promovet. Sane præ- *Phan. 14.*
cedentis anni primis diebus, ubi frigus extra ordinem
furebat, fpirabat Africus. Favonius autem hyberno *Phan. 15.*
tempore frigus, & æftivo calorem, temperare folet.

Ipfæ quoque corpora eidem plane frigori expofita *Phan. 16.*

non omnia refrigerantur æquali gradu. Metalla omnino multo frigidiora sunt lapidibus, (quorum individua denovo, pro colore consistentiaque sua, quoad frigus mire variant,) & hi terris lignisve. Magis etiam frigere aqua

Phen. 17. videtur ac aer, saltem ad sensum, h. e. quæ aquæ immerguntur, citius calorem suum perdunt, quam ab aere cincta, prout testantur ferra, aut vitra candentia, ipsaque corpora nostra aquis obruta, vel exposita libero aeri.

Phen. 18. Quinimo, unus idemque aer noster, qui in æstate calore immo dico satis molestus est nostris corporibus, eodem tempore, qua parte cœlo ipsique Soli propior est, (quod mirum videri posset,) frigore laborat ingenti. Loquuntur hoc non solum Alpes, Montes Pyrenæi & Carpathii, in Zona temperata, quorum cacumina eminentiora perpetua nive incanescunt; sed etiam in ipsa Zona torrida montes Lunæ, qui regnum Monomotapanum cingunt, & idem quod isti patiuntur. Non minus de Andibus, eminentissimis Americæ jugis, narrat *Sansonius Geog. l. 4. p. 66.* quod, cum Almagrius Dux Hispanus ex Peruano regno per illos in regionem Chili superiori seculo penetraret, nonnulli ex ipsius comitibus frigore enecatî ita obriguerint, ut post aliquot annos reversus, eos adhuc incorruptos, equis similiter extinctis insidentes & lora tenentesprehenderit.

Obiter vèro hic addendum, si frigus corporum tactu

Phen. 19. discerni debeat, cautione opus esse. Sane hoc criterio multi fuere inducti, ut cellas subterraneas hyberno tempore crediderint tepidiores quam in æstate, cujus tamen contrarium testantur thermometra. Sic & aqua, quæ manum leviter refrigerat, hoc intensius facit in pectore aliisque locis contegi solitis. Ut hinc forsân occasio fuerit nata pœnarum infidelium ab *Olae Magno l. XI. c.*

XXVII. descriptarum, per aquam gelidam, super caput ex alto demissam, cum intolerabili reorum tormento.

Cæterum quod aeri libero accidit post recessum Solis, idem contingit in conclavibus remoto aut extincto igne culinari, nempe in pristinum statum frigidum relabuntur. Hinc hypocæusta nostra refrigerantur, & citius *Phæn. 20.* quidem oblonga, quam quadrata ejusdem capacitatis, *Phæn. 21.* citius pavimento, quam fundo asseribus strato, quæ innituntur, citius illa quæ parietibus vimineis luto intertextis, quam ligneis crassis vel lapideis, cinguntur. Citius *Phæn. 23.* frigeat fornax terrea quam ferrea, spiritus vini citius aqua, lacte, jusculis & pulmentis inde factis: tardius pulmenti medium & longe magis adhuc imum, quam quod in superficie. Tardius corpus majori mole pollens *Phæn. 24.* minori, frustum v.g. ferri, filo ferreo, spissa moles plumbi stannive, lamina tenui. Omnium citissime refrigerium *Phæn. 25.* subit aer; & in genere, quo rariora sunt corpora, eo facilius iterum refrigerari possunt. Atque distincta hæc corporum constitutio, prout unum magis minusve compactum est quam alterum, distinctos & multifarios quoque peperit gradus frigoris, quos supra *Phæn. 16.* jam tetigimus, omnes autem vel potiores latius recensere velle, nimis longum foret.

Frigus quoque corporibus inducit contactus aliorum actu frigidorum, uti globus crystallinus, foraminibus *Phæn. 26.* instructus, aut vitreus quoque alius, prius in frigidam ad tempus aliquod repositus, & hinc porrectus febricitantibus, ut in ore retineatur & subinde volutetur, sitim fallit unaque calorem quadantenus minuit. Sic metalla candentia ipsaque corpora nostra frigida immersa, aut *Phæn. 27.* aeri hyberno exposta, cito refrigerantur, & in ultimo casu

Phan. 28. casu hoc tanto facilius impetratur, frigusque aereum tanto majus percipitur, si aer ab aliquo agitur vento. Vnde elegans est exemplum quod *Athanas. Kircherus mundi subterr. l. 2. c. 19. p. 116.* narrat, ex Æolio nempe monte, in agro Romano, in vicinum oppidum Cæsium, ope canalium subterraneorum deduci auram gratam & ferme perpetuam, quæ nobilium ædes perflando, habitacula, potulenta ipsaque hominum corpora æstuantia, laxatis ad arbitrium epistomiis, jucunda ratione refrige-

Phan. 29. ret. Aliter paulo sibi consulunt, qui æstibus aeris intensioribus subiecti sunt, dum sparsis per plateas aquis, velut imbre, vel herbis per conclavia recentibus, aerem temperant. Eodem spectat mos, qui hodie apud nos quoque invaluit, glacie nempe, hunc in finem in certis cavernis conservata, ipsis diebus canicularibus potum delicatiorum palato reddendi gratiorem, dum illa circumdant vascula liquorem continentia: de cujus moris inventore confer. *Journal des Sçavans anno 1678. xxxii. p. 271.* Simili ferme consilio utuntur Russi, qui hyberno tempore stratum faciunt supra stratum, basique ex nive & glacie paratæ imponunt seriem doliorum cerevisiam continentium hæcque nive sepulta, nova onerant doliorum classe, eundemque ordinem sapius repetunt, & tandem strata hæc desuper stramine & asseribus contegunt, quia cellæ superius sunt apertæ, & aer liberum suum habet commercium; atque ita potum frigidissimum in mediam usque æstatem conseryant.

Vt vero calida non solum in ea agunt, quæ attingunt, sed etiam solis instar vim suam longissime diffundunt in momento; ita contra frigidorum virtus se non exerit immediate in illis, quæ leviter ab ipsis distant.

Certe

Certe manus nive repleta aut glacie, oculo proxime, & ferme ad contactum admota, non sentitur, nec guttula in canali vitreo pensilis, folle, cujus orificium glacie ac sale cinctum, afflata statim mutationem offert; mora tamen *Phan. 31.* debita concessa, effectus frigefactionis omnino tandem sese longius extendit, sed mediate, dum nempe corpus frigidum aliud sibi contiguum, hocque rursus proxime sibi adstans frigefacit.

Caterum si merus contactus frigidi in alio similem *Phan. 32.* qualitatem producere valet, non mirum, si mixtione e. g. aquæ frigidæ cum fervida, idem effectus se longe citius prodatur. Magis vero mirabile illud est, quod frigido *Phan. 33.* adjuncta re ad sensum non frigidior, nihilominus frigus oriatur majus. Scilicet nitrum, pulverem pyrium, sal commune &c. si admisceas aquæ vulgari frigidæ, sensu & thermometro accurato teste, aqua evadet frigidior, idque longe præsentius, si sal ammoniacum addideris. Hoc experimentum, cujus autor Boylius, est con- *Phan. 34.* signatum in *Actis Phil. Anglic. mens. Jul. 1666. p. 196.* cum variis notatu dignis circumstantiis. Nempe salis ammoniaci subtriplo indito aquæ triplo simul una vice, intensum, minus tamen durabile, producit frigus. Si vero illud sal duabus, tribus, aut qua- *Phan. 35.* tuor distinctis vicibus, aut, loco contusi salis, frustra majora ingerantur, duraturum longius oritur frigus, sed non *Phan. 36.* tam intensum. In utroque casu augmentum capit frigus, mixtura bacillo agitata, ad maturandam dissolutionem salis. Ope hujus salis non refrigeratur solum aqua, & in hanc refrigerii gratia imposita, sed etiam vapores, vitri *Phan. 37.* exteriori lateri adhærentes, plane congelantur spatio quadrantis minuti; imo intensior frigoris gradus producitur,

quam quo hyberho tempore opus ad inducendum gelu.
 Ut autem vasa aqua dulci plena, huic mixturæ imposita,
 congelarentur, non potuimus obtinere, utut secunda
 vice idem experimentum aggressi, tantam copiam salis
 ammoniaci, quæ ab aqua penitus solvi non potuerit, as-
 sumperimus, eamque mediante baculo agitaverimus
Phen. 38. celeriter. Insigne etiam confurgit frigus in preparatio-
 ne terræ foliatæ seu arcani tartari, uti vocant in scholis
 Chemicorum. Quamprimum enim sal tartari affuderis
 aceti destillati bonæ notæ portionem, cum effervescentia
 refrigerationem observabis satis notabilem. Simile
 quid intensiori gradu advertit *D. Estnerus in suo Chémico,*
p. 516. in præparatione magnetis albi, ex antimonio &
 mercurio sublimato in aqua regia solutis; post additum
 enim residuo spiritum, sine ullo fermentationis indicio
 intolerabilis ardor fuit inductus; postquam vero sal in
 eadem destillatione in alembicum evertum eidem
 mixturæ fuerit injectum, frigus subsecutum adeo ve-
 hemens, ut manu cogeretur vitrum deponere. Non
Phen. 39. iam commode hic mentionem fecero modi æstus sanguinis
 edomandi per assumptos clystos, spiritus, tincturas aci-
 dulas ac potiones aqueas, nitrosæ item, alcalina & mucilaginosa,
 vel externe applicata epithemata refrigerantia
 ad caput, carpos & plantas pedum, a quibus moti fluctus
 sedantur feliciter.

Fidem equidem omnem superare videri posset,
 quod calida frigidis maritata frigus præsentent intensius;
Phen. 40. sed autopisia id satis confirmat. Misce enim sal culinare,
 ammoniacum, cineres clavellatos, aliudve simile, cum
 nive vel glacie contusa, ecce in media æstate frigus manui
 miscenti intolerabile, & vix hyemali summo cedens,
 ipsos-

ipfosque liquores coagulans in glaciem, prædibit. *E. Phan. 41.*
 minet in hoc negotio imprimis sal ammoniacum;
 attamen liquor thermometri, mixturæ hujus salis atque
 glaciei impositi, non eo usque deprimitur, quousque pro-
 xime elapsi anni primo atque secundo die descendit, utut
 præsentis anni frigus istius mixturæ frigori cedat. Ne de
 vini vel frumenti spiritu, facillime quoque, si glaciei mi-
 scetur, congelationem exhibente, jam in antecessum
 dicamus quicquam, quod, ubi de congelatione artificiali
 egerimus, fiet diffusius. Interim consideratione dignis-
 simum existimamus experimentum *Céleb. Reyheri* in
 elegantissimo tractatulo supra laudato descriptum, quo,
 novo plane modo, potulenta refrigerare docet. Jubet
 nempe, in loco opaco, sub umbra arboris frondosa, lage-
 nam stanneam, aliamve potu repletam, foveæ, ad altitudi-
 nem & figuram vasis excavatæ, imponere, terra dehinc ad
 palmæ crassitiem valli instar circum circa relictæ, circa
 hanc parare fossam æqualis cum fovea profunditatis,
 eamque replere aqua fervida: quod si enim, quampri-
 mum terra aquam calidam hausit, lagena e fovea extrahat-
 tur, potum multum refrigeratum fore promittit. Im-
 pulit & nos rei novitas, ad tentandam hanc frigesatio-
 nem. Electo ergo loco circumstantiis, & experimento
 accommodo, processum *novæ præsentis* sumus secuti. Et, ne
 ullus deceptionis locus esset, thermometrū sigillatum,
 quod minimam frigoris mutationem accurate indicat,
 cerevisiæ in lagena contentæ immisimus, gradum frigo-
 ris exploraturi; hinc lagena stannea, una cum thermome-
 tro foveæ immerfa, brevi temporis intervallo deprehen-
 dimus, spiritum vini in eo subsedisse, adeoque cerevisiam
 a circumposita terra augmentum frigoris accepisse. Li-
 quore autem ad quadrantem horæ in eo statu relictæ, fos-
 sam

sam tandem aqua calida replevimus, anxieque expectavi-
mus ulteriorem spiritus depressionem, sed spe excidimus.
Vix enim avida terra incipiebat absorbere aquam ferve-
dam, cum adscensus spiritus in thermometro incremen-
Phan. 43. tum caloris in cerevisia nobis monstraret. Alias vero
communis est traditio, camphoram, medicamentum
omnino virtualiter saltem calidum, parti inflammatae ap-
plicatam, hujus calorem mitigare & refrigerare.)

Phan. 44. Cæterum nescio an huc aliquo modo trahi possit
illud, quod idem aer, in quo corpora nostra sudore dis-
fluunt, flabellis similibusve rebus agitatus in blandum
abit refrigerium, tamen si, impetu remittente, non sit fa-
cile dictu, num per istam agitationem aliquid caloris per-
diderit. Vbi insuper peculiare quid habet is quem ex
Phan. 45. pulmonibus expellimus. Idem enim ex ore diductiore
non nimis impetuosè emissus, calefacit, ex ore autem
contractiore prodiens, refrigerat objecta, nisi ori fuerint
proxime admota, tunc enim etiam hoc in casu calorem
auget.

Alioquin notum, quod motus ipsarum rerum quæ
moventur, liquidorum præsertim, refrigerationem sæpe
Phan. 46. promoveat. Solent hinc liquores calidos ex uno vase
transfundere in aliud, vel cochleari aut spatula agitare.
Phan. 47. Multum quoque huc conducit, si effunduntur e vase pro-
fundiori in plura lata & planiora; quemadmodum alias
refrigeratio potulentorum in lagenis oblongis, & non
multum crassis, promptius succedit.

Quo vero etiam aliqua de frigoris conservatione
proferamus, ut frigus ac res refrigerata in statu suo per-
severent, opus maxime est, ut calor sedulo excludatur.
Phan. 48. Hoc facillime obtinetur in cavernis subterraneis, spelun-
cis rupi incisis, puteis profundioribus &c. Speciatim au-
tem

tem hic notari meretur peculiaris modus, quo Itali in puteis suis conicis, Germani, pluresque populi, in foveis ut-
cunque figuratis, in latere montis, collisve præcipitis, ut
aqua facilius ex fundo evadere queat, mediante stramine,
palea vel arundine, quæ cæteroquin hyberno tempore ca-
lorem nativum sustentant, nec notabile frigus præ se fe-
runt, conservant glaciem & nivem, citra magnum decre-
mentum, per totam æstatem, dum fere Russorum more
supra dicto, strato stramineo imponunt stratum glaciale,
quod rursus stramineum, & hoc glaciale excipit, idque
toties repetita vice, donec caverna est repleta, quam de-
inde rursus stramine, paleis, quin & injecta terra & asse-
ribus operiunt, quo omne commercium aeris unaque
caloris cum glacie sollicitè prohibeatur. Calor enim in
eodem mors est frigoris certissima. Ita potulentorum
frigus contra calorem aeris ambientis diu tueri licet, si va-
sculum paleis, vel panno, pellibus, culcitris &c. involva-
tur & contegatur.

Phan. 49.

Phan. 50.

Nunc ordinis ratio postulat, ut transeamus ad fri-
goris effectus, inter quos primum locum obtinet confi-
stentia liquidorum. Etenim metalla, vitra, nitrum,
alumen, cera, pix, butyrum, sebum &c. igne in fluorem re-
ducta, quamprimum calorem, sive ex toto, sive ex parte,
expulerunt, & alia quidem plus alia minus, sunt refrige-
rata, consistunt. Sic spiritus vini camphoratus in loco
calido maxime perspicuus, in frigidum deportatus tur-
batur, imo, si fortior fuerit, spissescit penitus, glaciem-
que mentitur.

Phan. 51.

Phan. 52.

Naturales liquores, si præ frigore consistunt, in
glaciem dicuntur transmutari. Equidem non omnes,
plurimi tamen, congelationi sunt subiecti, quam alii ci-

Phan. 53.

- tius, alii tardius subeunt. Ita facilius concrefcit oleum vulgare quam aqua, & hæc quam vinum. Frequentius tamen glaciem in aqua fpectamus, cujus ideo plures circumftantias annotabimus. Mitius adhuc fi fuerit frigus,
- Phæn. 54.* vapores alias non comparentes confpectum fubeunt, ut
- Phæn. 55.* halitus oris in aere volitantes; auctius paulo fi exiftat, etiam guttulæ plantis terræque infidentes in globulos glaciales feu pruina commutantur; qui autem tunc in conclavibus calefactis, aut faltem habitatis ab hominibus, feneftrarum orbitis copiofius adhærere folent vapores, nondum obrigefcunt, uti nec aqua in lacubus alibi ve collecta hactenus glaciali cortice eft obducta. At fi majora incrementa capit frigus, etiam ex nubibus delabuntur non nifi flocci nivoli. Hi tamen nunquam in intenfiſſimo frigore decidunt, fed rigore illo paulum remittente depluunt inftar plumularum, minorum quidem & cæteris paribus, rariorem, fi acrius frigus urget;
- Phæn. 59.* majorum autem & copiofiorum, fi tempeſtas eft moderatior; gratum ruſticis pro herbis frugibusque tenerrimis involucrum contra aeris favientis injurias. Quoties frigus non urget gravius, calcantur molliter, ac magna moles in tenue ſpatium redigi & conglobari poteſt; Si vero acriori frigori fuerint obnoxia, manu ſi comprimas,
- Phæn. 61.* excutiant figuram globofam, ac dilabuntur, pedibusque conculcata vix ſervant veſtigium, renituntur, ſtrident, in morem rotarum in novis curribus, quorum axes ſufficienti axungia nondum ſunt illiniti; & quidem, quo frigus eft fortius, eo intenſius.
- Phæn. 62.* Cæteroquin vero nivi analogum quid exhibent intenſiſſimo frigore non peregrinantium ſolum hominum & animantium capilli, ſed & orbitæ feneftrarum integre,

tegra, clavi ferrei, e loco calido per lignum foras in frigidum aerem exporrecti, ligna januarum fenestrarumque ipsa, muri, quos intus blandus tepor, extus vero frigidissimus aer alluit, nec non foraminum & aperturarum, per quæ aer loci subterranei, vel alius calidioris, in externum gelidum migrat, latera; in superficie enim, quæ locum tepidiorem respicit, tam spissis vaporibus congelatis conteguntur, ut nivem coelitus delapsam illis adharere credas. Similiter parietes muri que, frigus acerrimum prius perpeffi, jam vero longe mitigatum subito, superficie exteriori, qua aerem liberum spectant, nec non metalla, vitra, vasa item mixturam frigorificam, velli quorem rigidissimo gelu expositum, etiam non congelatum, continentia, & in locum tepidiorem delata, in tota sua peripheria extrema dealbantur. Atque ultimus quidem casus nobis (forte & aliis) plus simplici vice imposuit, ut ipsum liquorem tali vase vitreo contentum crederemus congelatum; sed absterfio vasis nos mox docuit, liquorem suum fluxum aut pelluciditatem haudquaquam perdidisse, & vasculum solum extrinsecus tenuissimo halitu congelato fuisse opacatum.

Phen. 64.

Parum ab his experimentis abit, quod vehementi frigore congelata poma, ova &c. immersa frigida, crustula glaciale cingantur; (mirum tamen, hoc non præstare metalla, eidem licet frigori exposita); item quod urceis ex frigidissimo in tepidum aerem translatis, opercula eorum stannea ab annulo substrato non possint removeri. Ex eodem fonte profluere & illud videtur, quod manus humidiores ferro, vel metallo alii summe frigido, casu vel studio admotæ adhærescant adeo tenaciter, ut non sine magno nisu ac periculo cuticulæ relinquendæ, insigni cum dolore

Phen. 66.

dolore pedissequo, debeant retrahi, sponte postmodum recedentes, ubi calor vitalis glutinis glacialis vim superaverit.

- Phan. 67.* De orbitis fenestrarum speciatim notari meretur, primo, quod vapor in iis instar fruticum & arbuſtorum
Phan. 68. concreſcat, deinde, quod, ſi quæ egerunt rimas, aut particulam de ſe amiſerunt, circa labia rimæ vel foraminis vaporem congelatum non exhibeant. Imo obſcuratio earundem præcaveri penitus poteſt, conſtituto in medium conclavis refrigerandi vaſe majuſculo, repleto aqua frigida, vel ſparſim pluribus minoribus, in quæ omnes fere vapores ſe recipient. Hoc imitari, inque ſuos uſus probe transferre norunt hortulani, incolumitatem plantarum ſuarum hoc modo conſervantes, & plebeji fere omnes, qui, fumo ubi turgent hypocauſta, pro eo captando vel linteum madidum ſuſpendedunt, vel patinas plures aqua inſtructas exponere conſueverunt.

- Hactenus de vapore. Ipſam quod attinet aquam collectam & κατ' ἐξοχήν ſic dictam, non adeo vehementi opus eſt frigore, ut lacunulæ aquis reſertæ in glaciem vertantur. Tum vero hyems non procul abeſt, quando aqua copioſior fluorem ſuum cum rigore commutat. Citius vero ſtagnans, ac quæ continetur in vaſis, congelatur quam fluvialis, atque hæc citius lento, quam
Phan. 70. rapido incedens curſu, aut agitata a ventis; citius prope littora, quam in medio, quod & de oceano valet, non niſi in fretis congelabili in totum: has tamen congelationes nives nuper lapſæ, & nondum reſolutæ penitus, multum
Phan. 73. facilitant. Ipſam congelationem quod ſpectat, principium ſumit, in fluviis & ſtagnis, a ſuperficie qua aerem refrigeratum tangit, quam primo tenuis cuticula glacialis tegit,

tegit, crescens subinde spissitudine & descendens altius
 versus fundum. In liquoribus vasi, circum circa aeri *Phan. 74.*
 libero exposito, inclusis, undique obducitur crusta, aperi-
 pheria ad centrum incrementa capiens. In artificiali
 vero refrigeratione etiam a fundo versus superiora potest
 tendere congelatio. Siquemodum ejus in aqua vulgari *Phan. 75.*
 accurate consideres, observabis primo omnium, basin &
 latera vasis continentis obtegi lamellis glacialibus, impli-
 catis in formam retis, (quali etiam operitur superior
 aquæ superficies, antequam interstitiis oppletis integra
 cuticula obducitur,) ex his autem posthæc emitti quasi
 aculeos, vel potius novas lamellas seu stamina, longa ma-
 gis quam spissa, in rectum ac obliquum, sursum deorsum-
 que, plus minusve protensa, a latiori basi in acumen sen-
 sim sensimque desinentia. Formam habent serrula-
 rum instar dentatam, ex quibus dentibus nova progredi-
 untur filamenta, ex his iterum alia, ut effusa aqua inter-
 media, pectinis, quo lanam carminamus, speciem aliquo
 modo referant. Interstitia illarum aquea undique gla-
 cie cincta, tandem obrigescunt quoque & lamellas con-
 jungunt subinde in massam solidam.

Penetrat vero frigus naturale in terram aquasque, *Phan. 76.*
 pro loci, situs, vehementiæque conditione, hic levius,
 ibi altius. Nostri in oris glacies ultra unum alterum-
 que pedem rarius descendit, etiam cum summum apud
 nos regnat frigus. In locis Septentrionalibus, Mosco-
 via, insula Charletonia aliisque, ad sex, imo decem pe-
 dum altitudinem deprehenditur; vix tamen comparan-
 da cum tractibus illis glacialibus stupenda molis, qui
 instar insularum, vel montium excelsorum, fluctibus in-
 natantes, navigantibus passim obviarunt. Boreales po. *Phan. 77.*

R r

puli,

puli, ab hostibus oppugnati, moenia sua pallio glaciali, arbitraria spissitudinis olim firmarunt. Imbelles enim feminae, pueri juvenesque, multiplicatis aquarum urnis super illa atque ad latus effusis, cooperante asperissimo gelu, subito magis magisque ita adauxerunt crassitiem, ut quemcunque globorum jactum infracta fortitudine sustinere non horruerint, *Ol. Magnus l.c. lib. xi. c. xxi. p. 293.* Eundem in modum apud nos quoque glacies solito spissior evadit circa fossas ac rivos minus profundos, dum nempe frigus, ad fundum usque penetrans, obstruit aquae viam, ut stagnans ipsam transcendat glaciem, & super latam planamque ejus superficiem se expandat, moxque in medio fluxu deficiens, nova glaciei accessio fiat.

Philo. 78. Quod vero juxta modo laudatum *Olaum. l.c. lib. i. c. xrv. p. 18.* tantus sit glaciei rigor ac durities, ut glacies duorum digitorum sufferre hominem ambulanti possit, trium digitorum equestrem armatum, unius palmarum & dimidia turmas, vel exercitus militares, trium vel quatuor palmarum integram legionem, vel myriadem populorum, difficilem nostris in aquis reperit fidem; nec facile unquam tam tenui fragilique ponti vitam quis concederet irreparabilem. Sed rigoris ac duritiei glaciei in borealibus eminentiam praenostre qui contemplatur, relationis veritatem vix vocabit in dubium. Certè robur glaciei Danicae abunde probavit Carolus Gustavus Rex Suecorum, quando triginta ab hinc annis, cum integro exercitu tormentisque bellicis, glacie pro ponte usus, ex Fionia insula in Zelandiam, stupentibus Danis, incolumis est transgressus. Illustis *Boyllus* percepit a fide dignis, instar petrae duram in Russia ac locis polo vicinis, offensam esse glaciem, cum in Anglia vitro vel cultro se scalpi, aut seca

secari, facile pateretur. Alias nostri fluvii etiam pares sunt ferendis hominibus & curribus, sed excrescit tunc glacies ut plurimum ultra sesquipedalem crassitiem. Est & discrimen in substantia quasi glaciei. Nam in genere, quæ glacies est pellucida, non porosa, semper durior existit; contra vero quæ e nive, per solem non in totum resoluta, conrescit, vel bullas multas & magnas in se foveat, aut porosa est, qualis evadit si aeris calori obnoxia fuerit, fragilior multo est; uti quoque oleum & muria dilutior, si congelantur, rigore cum aqua certare nequeunt, & muria speciatim glaciem exhibet ex pluribus velut squamis concretam.

Phæn. 79.

Phæn. 80.

Nihilominus hæc tantis molibus ferendis par glacies, nonnunquam in fluvii lacubusque cum sonitu immenso dehiscit, rimas agens longissimas, idque aliquando levi onerata pondere, quod ipsimet non citra horrorem aliquem sumus experti, cum sesquianno abhinc, medio Ianuario, Salam, spissa & albicante tunc glacie tectam, duobus stipati comitibus, pertransituri, in medio paululum substitissemus; aliquando autem velut sponte sua, tum in intentissimo hyemis frigore, tum præcipue si verna instat regelatio. Sic refert *Olaus l. c. l. i. c. xrv. p. 19.* glaciem in Ostro-Gothorum lacu, Veter, ad duo brachia spissam, imminente resolutionis tempore, vehementissimo strepitu findi, & angustissimas concipere rimas, hasque in modico temporis spatio fieri valde laticas, ut tota glacies in plures dividatur partes, in quibus viatores constituti vix aliter, quam speciali DEI providentia, ad littora dimittantur. Equidem separatio partium in nostra glacie fluviali non semper statim sequitur, sed rimæ, ab uno littore in alterum sæpe hiantes, satis sunt conspicuæ, & non impediunt iter pristinum.

Phæn. 81.

Phæn. 82.

- Phen. 83.* Ut vero ad reliquos frigoris effectus progrediamur, advertimus; si aqua vasibus conclusa in glaciem abit, multas in hac reperiri bullas, majores, minores, sphaericas &
- Phen. 84.* cylindricas, versus medium vasis tendentes. At quæ fluvios lacusque operit glacies, rariores monstrat bullas; ut ingentia frustra, iis penitus ad sensum destituta, liceat
- Phen. 85.* videre. Pariter carent bullulis glaciales stiria, quæ nobis tentaturis aliquando, num glacie convexa collecti radii solis urant, aut saltem calefaciant, occasionem dedere parandi lentem glaciem, bullis (quæ radiorum transitum & collectionem turbant,) destitutam. Nempe patellæ cavæ instillavimus hyberno tempore guttami unam post alteram per intervalla, quæ sigillatim congelatæ lentem
- Phen. 86.* absque vesiculis sensibilibus constituerunt. Minori etiam copia visuntur in glacie quæ ex aqua cocta, vel regelata, aut etiam in recipiente ab aere vacuo, concrevit.
- Phen. 87.* Est & hoc notatu dignum, quod communis aqua vasibus excepta, si desuper incipit congelari, glaciem gignat primo planam, quæ autem deinceps circa medium assurgit in colliculum, aliquando præ tumore multas rimas agentem, vel, si acu perforetur, aquam fonticuli instar
- Phen. 88.* eructantem; quod quidem, si mature & statim sub initium illius intumescentiæ sit, & foramen semper servatur apertum, aqua per aperturam lente expressa moxque congelata, monticulum quendam equidem pristinae glaciei imponet, illa ipsa autem nec tumet, nec ruinam minatur
- Phen. 89.* vasi, quod alias, si vel maxime metallinum sit, sæpe magna vi disrumpitur, late hiante vulnere, præprimis si vas plenum, & firmiter obturatum est. Cujus expansionis glacialis insignia exempla ex illustri *Boylæ* famigeratissimus *Sturm* affert in *Phys. Elect. l. 1. S. III. c. 7. p. 610.* inprimis, quod cylindro æreo 5. circiter digito alto,

& i $\frac{3}{4}$ lato, repleto aqua, & clauso operculo aëneo, congelatione noctu facta, impositum pondus 36. lib. sensibilibiter, saltem ad grani hordeacei eminentiam, fuerit sublatum.

Memorabilia autem valde sunt, quæ *Olaus Borrichius* *Phan. 90.*
in Act. Hassn. ann. 5. observ. supra cit. refert, se vasi vi-

treo ventroso, sed angusticollis, 5. libras aquæ infudisse, & orificio triplici vesica clauso, rigidissimæ hyemis frigori in plano domus culmine exposuisse, ubi post dimidium horæ quadrantem aqua tota cum strepitu insigni in glaciem abierit, & duos pæne digitos ultra pristinos limites adscenderit, vitro salvo. Nec non alio tempore se aliquot aquæ uncias phialæ vitreæ commisisse, hacque hermetice obturata, statuisse sub dio, ubi rursus aqua omnis in glaciem conversâ, vitro illaso. Pariter, cum aliquan-

Phan. 91.

do maximum sæviret frigus, se obbas vitreas, longioris colli, cum aqua infusa trilibres, in medio aere clausas detinuisse, donec aqua congelaret tota, ubi nullam fracturam senserit, cum eadem, in ædibus glaciata, frequenter rumperentur. Alias integritati vasorum quoque consu-

Phan. 92.

litur si ab inferna parte procedat lente congelatio, quod per mixturam frigorificam pro lubitu potest obtineri; si nimirum vasculum liquorem congelabilem continens, ei non penitus immergitur; sic etiam angustissimi colli phialas conservavimus integras, cavendo omni cura fortuitam orificii colli congelationem: Hac enim ei inducta, vitra nobis perire non una.

Phan. 93.

Cæterum etsi tumor iste aquarum glaciæ quasi proprius credatur, & olea contra subsidere dum congelantur, proxime elapsi anni Januario tamen, ubi intensius quam aliquot retro annis frigus sustinimus, oleum

commune vasculum vitreum, quo continebatur, nobis diffregit.

Quantum vero aqua in concretione hac intumescat, *Phan. 94.* universaliter definire vix licet. Nos sequens eam in rem instituimus experimentum. Assumimus phialam sphaericam, quæ diametro adæquabat 9. grana geometrica, collum autem longitudine $1\frac{1}{2}$ pedem, suæque cavitate vix capiebat acum mediocrem. Replevimus globum integrum, unaque collum ultra digitum, aqua, & imposuimus mixturæ salis & contusæ glaciæ, ita ut sphaera paulo super eam emineret, ad evitandam scilicet congelationem orificii. Vix immersum erat vasculum, cum aqua mox lente descenderet in collo usque ad globum, inque eo statu cum brevi tempore substitisset, rursus incipiebat adscendere, motu æquabili, nec adeo veloci, & quidem eo usque, ut non solum penetraret ad extremitatem colli, sed etiam per illam tantum expelleret aquæ, quantum sufficiebat collo replendo, ut adeo, si colli brevitatis permisisset, aqua ad trium pedum altitudinem adscendisset, donec residuum intra globum abierit in glaciem. *Phan. 95.* Vbi obiter insimul notamus, nobis hic observare non licuisse, quod aqua intra collum, in primo immersionis momento, antequam scilicet descendendi initium faceret, paululum adscenderit sicut deprehenderunt id Academici Florentini in experimento simili, consignato in libro, cui titulus, *Saggi di naturali esperienze fatte nell' Accademia del Cimento p. 149. & seqq.* Multo minus vero, experimento toties repetito, videre potuimus, aquam descensu prædicto finito, primum lentissime, ad breve solum spatium, in collo ascendisse, mox autem velocissimo saltu, & fere in instanti, plures decades

des graduum in collo notatorum transfiliisse, eodemque momento aquam, quæ in globo ad illud usque temporis punctum pristinam pelluciditatem & fluorem conservavit, simul totam, naturali transparentia deperdita, in glaciem abiisse, ceu quidem iidem Florentini advertisse dicuntur loc. cit. *p. 152.* & ap. *P. LANAM Tom. 2. l. 7. p. 330.* qui experimentum illud cum omnibus circumstantiis ex laudato libro tantum non ad verbum transtulit, & ipse fatetur, se nunquam momentaneam illam congelationem, & saltum rapidissimum, observare potuisse. Sed ut redeamus e diverticulo in viam, Boyleo glacies, in vasibus concretæ, unâ parte decima mole major esse *Phen. 96.* statuitur sua aqua, seu ad eam se habere, ut 10. ad 9. quia dum aqua innatat, super eam $\frac{1}{10}$ eminet. Vid. *Act. Erud. Tom. 1. suppl. p. 139.* Florentini autem proportionem deprehenderunt inter utramque ut 9. ad 8. testel. *c. terza esperienza p. 146.* & *P. Lana loc. cit.* Sed prout glacies plus minus bullulosa est, diversimode omnino hac de re pronuntiandum. Quod idem de levitate ejus, respectu æqualis molis aquæ, dicendum. Nam tamen si laudatus *Phen. 97.* *Borrichius l. c.* bilancis ope accuratissime probavit, quantum cum aqua vitrum hermetice sigillatum pendit ante glaciem, tantum postea quoque pondus reperiri; necessum tamen est, glaciem aqua leviolem esse, quia ei supernatat & super eam eminet, quæ tamen in spiritu vini reëtificato statim petit fundum.

Quemadmodum autem glacies naturalis non nisi hyemali tempore, aut saltem quando hybernum frigus aerem pervadit, observatur, nec facile in locis subterraneis, sed iis solum, in quæ violentia frigoris circa superficiem terræ jus habet: ita humana ratio eo pervenit, ut
nullo

- nullo non tempore locoque, etiam prope ignem, glacies vera produci posset. Videlicet salium genera varia præce-
 teris huic negotio deprehendit idonea, quæ, addita gla-
Phan. 98. ciei, novam prompte efficiunt. Equidem per solum sal am-
 moniacum bonæ notæ injectum aquæ, Boyleus vidit a-
 quam superficialiter positam in latere exteriori vitri, bre-
 vissimo tempore congelatam, cum massa probe agitare-
 tur, ceu refertur in *Act. Anglic. p. 200.* Nobis vero, medio Ju-
 lio aliquoties tentantibus, annon vasculum aqua plenum,
 & tali mixturæ impositum, congelare possumus, adeo feli-
 cibus esse non licuit, ut effectum speratum obtineremus,
 utut bacillo vehementer agitaverimus massam, & tan-
 dem lixivium adeo forte reddiderimus, ut aqua nullam sal
 amplius in se reciperet, sed integrum in fundo relinqueret.
Phan. 99. Cæterum quod attinet illam mixturam glaciei & salis, pal-
 mam quidem in congelando reliquis, hætenus notis, præ-
 ripiunt sal ammoniacum ejusq; flores sublimati, sal cine-
 rum clavellatorum, sal tartari, sal digestivum seu poly-
 chrestum Sylvii, sal culinare, (sive sicca, sive per deliquium
 spontaneum soluta,) aqua fortis, spiritus vini, vel frumen-
 ti rectificatus, quæ omnia citissime suos edunt effectus.
Ph. 100. Tardius paulo congelavit caput mortuum, post salis vola-
 tilis oleosi anisati præparationem residuum, & sal volatile
 cornu cervi fixatum, quod non nisi vaporem vitrum am-
 bientem, convertit in glaciem. Nitrum vero, alumen,
 vitriolum, saccharum vulgare, cujus debilitatem respectu
Ph. 101. reliquorum salium etiam notarunt *Florentini p. 174.*
 saccharum Saturni, Mercurius sublimatus, acetum nostri
 vini, repetitis licet hac æstate aliquoties experimentis
 voto nostro plane non satisfecerunt, cum tamen Boyleus,
 Hame-

Hamelius alique, pleraque horum inter ea retulerint, quorum ope glaciem obtinere liceat.

Encheiresin ipsam quod concernit, sumitur nivis, *Pb. 102.* si prostat, vel glaciei minutim contusa, vel cultro vitrove-
rata, sufficiens quantitas, eique admiscetur proportio-
nata salis cujusdam e laudatis copia, & mox oritur frigus
manibus, in mixtura occupatis, ferme intolerabile; huic
massæ immergitur vasculum vitreum aliudve aqua dulci
plenum, quæ statim in glaciem abit, utut ipsa massa præ-
dicta semper magis magisque resolvatur. In qua conge-
latione sequentia potissimum notari merentur: (1.) eam *Pb. 103.*
tunc demum obtineri, quando laudata massa jam liquari
cœpit; (2.) hanc autem liquationem promoveri posse, *Pb. 104.*
si manu, concussione vasis, vel alio modo, mixtura illa
probe agitur; (3.) hoc vero nisi fiat, vel sal, præprimis *Pb. 105.*
ammoniacum & cineres clavellati, tantum in superfi-
ciem glaciei projiciantur, congelationem aquæ dulcis in
vasculo retardari, & tamen totam massam, aut plurima sal-
tim frustula glaciei, quasi conglutinari adeo firmiter, ut
manus diffringere volentis vim eludant & in unum quasi
coalescant cum lateribus vasis, quod hinc una attolli po-
test sine delapsus metu; tametsi consistentia hæc diu non
duret, sed brevi post sponte sua a rigore illo remittat, aut
plane resolvatur; (4.) attamen si major pars glaciei suc-
cessive est liquata, istam congelandi vim perire, imo *Pb. 106.*
aquam dulcem in vasculo contentam a parte inferiori
regelari, sicut quoque vapores, quibus hætenus vas ex-
trinsecus erat dealbatum, circa basin confluunt in guttas;
(5.) in mixtura varias surgere bullas & spumam, primi- *Pb. 107.*
tusque lenem percipi strepitum; (6.) accelerari congl- *Pb. 108.*
ciationem multum, si vitrum, cui liquor congelandus

ineſt, ſit minus, ex eorum v. g. numero, in quibus medi-
ci apud nos ordinarię ſua diſtribuunt medicamenta.

Pb. 109. Cum vero obſervaffemus, quanta vi agat frigus ex-
ternum per medium vitrum in aquam eo conclufam;
ſubiit animum deſiderium tentandi, num per alia corpo-
ra eundem effectum præſtet. Hunc in finem vitrum
ſpiritu vini rectificato plenum laudatę maſſę immerſi-
mus, illique impoſuimus aliud vitrum cum aqua conge-
lationi deſtinatę & ſpe ſumus poſiti. Nam poſt parvam
moram aqua fontana, vitro dicto inclufa, fluiditatem
ſuam cum rigore commutavit; ſpiritu vini intermedio
nihil mutationis paſſo.

Pb. 110. Ut vero conſtaret de momento congelationis pre-
ſius, prope horologium, pendulo inſtructum accura-
tumque, experimenta inſtituimus. Admixto igitur
ſalis ammoniaci ſubduodecuplo glacię contuſę, mox vi-
dimus, (quod etiam alias ſemper occurrit,) in vitri cy-
lindracey, mixturam hanc continentis, ſuperficie exter-
na vaporem brevi intervallo congelatum; cumque inde
immerſum vaſculum vitreum; aqua fontana plenum;
protraheremus in aërem, nondum minutum unum ho-
rarium erat elapſum, & tamen multa iam comparebat
glacies. Mirati effectum valde citum, inprimis calore
ſolis medii Julii adeo urgente, ut in ſudores diffueremus,
tentavimus idem denuo floribus ſalis ammoniaci ſimpli-
cibus, ſimili plane modo procedendo, & intra idem tem-
pus ſucceſſit congelatio; glacies vero non adeo craſſa
erat, quod quantitas ſorum ſalis ammoniaci fuerit ſaltim
ſubvigecupla glacię. Cum lixivio cinerum clavellato-
rum per deliquium obtento, eadem prorsus celeritate,
ſed denſioris conſiſtentię, glacies ſubſecuta eſt. Aqua
fortis

fortis ad unciam semis superfusa glaciei comminuta un-
 ciis tribus circiter, aquam intra sesquiminutum exhibuit
 congelatam; intra quod temporis intervallum sal poly-
 chrestum Sylvii deliquium passum, suam quoque vini
 exseruit. Cumque plusculis vicibus spiritus vini effica-
 ciam promptam in hoc negotio mirabundi deprehende-
 rimus, invasit nos etiam cupido experiendi, quanta veloci-
 tate vis frigoris ab eo resultans, concreto gelu aquam ad-
 stringeret; hinc affusa semuncia tribus glaciei unciiis cir-
 citer, intra minutum primum temporis glaciem novam
 obtinuimus. Primas inter omnia hactenus laudata salia
 merito debemus salis tartari concentrato. Nota est, & *Ph. III.*
 statim se offert tangenti membranae ejus acrimonia exi-
 mia, hinc glaciei minutim contusa circiter unciiis duabus
 instillavimus ad guttas 50. de deliquio illius, & spe citius
 observavimus, 40. minuto secundo instante, glacie intus
 vitrum jam obductum. Totam vero vasculi aquam non
 congelavimus, quod nec a tantilla quantitate addita ex-
 pectare poteramus. Neque petuimus in his casibus,
 qua tempus ad congelationem requisitum, differentiam
 invenire inter aquam vulgarem & coctam, sed ad aequa-
 lem cum illa frigiditatem redactam; utraque enim in ea-
 dem mixtura frigorifica constituta, eodem tempore simul
 fuit congelata, cum tamen multi scribant; ipseque *Cartesius*
Meteororum c. 1. p. 128, coctam citius in glaciem abire.
 Nulli interim dubitamus, quin omnes hos effectus citius
 longe consequi licuisset, si vel majorem salis copiam cum
 glacie miscere, vel frigidiori tempore experimenta insti-
 tuere potuissimus.

Caterum licet tanta salis ammoniaci in congelando *Ph. 112.*
 sit efficacia, ipsum tamen in lixivio suo satis fortiter cum
 glacie mixtum nihil fere praestat, praeter refrigerationem

paulo majorem ordinaria. Si vero sal illud, quod, propter majorem copiam in aqua penitus solvi non potuit, & in fundo vasis humectatum solummodo remanet, glaciei contractæ additum fuerit, aqua quidem jam dum frigefacta concrevit in glaciē, sed fontana, sibi relicta, non item.

Pb. 113.

Mercurium sublimatum, corrosivum & venenum ferme sine pari, sub examen quoq; vocavimus, sed affuso ejus lixivio acerrimo, nec dum plane resolutio mercurio, glaciei contractæ, spe congelationis futuræ excidimus; frustula enim ejus minora in fundum vasis prostrata, sub glacie diu remanebant integra, quale quid etiam circa sal volatile cornu cervini fixatum, eodem conatu frustra-neo, observavimus. Par ratio fuit sacchari Saturni, a quo vapor tantummodo in vitro exterius collectus, sudoris speciem retulit. Butyrum antimonii quoque produximus in medium, visuri quidnam ejus acrimonia vehementissima præstet. Superfusus igitur glaciei, oculis statim obtulit mercurium, qui vocatur, vitæ, præcipitatum circa frustula glacialia, partim quadantenus resoluta, partim arcte in vicem conjuncta, sed effectus congelationis desideratus voto non respondit; utrum copia, quæ ad manus erat, minor, an vero pulvis ille albus, operationem salium suspenderit, in medio relinquimus. Similiter neque acetum, neq; spiritus vitrioli, ut vocatur, philosophicus, glaciem nobis produxit unquam, ceu hæc in *Pb. 22. 100.* jam generatim indicavimus.

Pb. 114.

Innuimus supra, dari liquores qui congelationis non sunt capaces. Tales sunt Mercurius vivus, spiritus nitri,

Pb. 115.

vitrioli, aqua fortis, hinc ad thermometra adeo expetita, spiritus vini vel frumenti rectificatus, (vulgaris enim, aquæ vitæ nomine veniens, tum peregrinantibus in septentrionem, tum religiosis montis Bernhardi, qui ex editi-

editoribus Alpium est, sæpe in massam saponi æmulam
 conversus visus fuit, *Conf. Act. Hafn. obs. LXIV. ann. cit.*)
 spiritus cum illo parati, & tincturæ essentiaque, spiritus
 salis ammoniaci, cornu cervi, sanguinis &c. olea destilla-
 ta subtiliora, lixivium salium fortiora, & ejus generis alia,
 quæ neque acerrimum hyemis frigus, neque nos in confi-
 stentiam firmam redigere potuimus, utut plerisque ex
 modo dictis tantam congelandi vim inesse præcedentia
 experimenta ostenderint. Si tamen lixivium diluta magis *Ph. 116.*
 fuerint, potiti sumus glaciem intra eandem moram quam
 requirebat aqua vulgaris, imò spissiore paulo videba-
 mur nacti, minus tamen duram & velut ex squamis, in
 quas facile dividebatur, concretam. Sic non solum
 acetum simplex & destillatum, nitrum antimoniatum
 fluidum, sed & muriam dilutiorem, solutionem nitri,
 aluminis, vitrioli, oleum anisi ac fœniculi &c. congela-
 vimus, & quoque ab hyemali gelu congelata vidimus.
 Glacies horum fit albissima, etiam si salia ipsa non *Ph. 117.*
 fuerint alba, quod de vitriolo imprimis intelligendum,
 & oleo anisi laudato, pelluciditate flavescente conspicuo.

Aqua marina quoque concrevit, sed (quod supra
 jam indicavimus) non nisi circa littora, a quibus hic *Ph. 118.*
 longius, alibi minus excurrit. In *Journal des Scavans*
ann. 1676. mens. April. p. 112. legimus, experientia certum
 esse, in ipsa Zona frigida glaciem ultra 40. milliaria a lit-
 toribus non extendi, & mare quod pro inaccessu fuit
 habitum, ne quidem congelatum esse, nisi circa littora.
 Ut adeo timor potius & præjudicia, quam glacies, obstite-
 rint, quod nonnullorum itinera versus septentrionem
 suscepta felici successu caruerint. Eos enim, cum fretum
 Weigats integrum & tam cito congelatum vidissent,

(quod tamen potius sinus maris, vel lacus aquæ dulcis sit, quam mare) hoc multo magis suspicatos esse de mari Polo viciniore: atque in hac sua opinione confirmatos fuisse per ingentes illos montes glaciales, qui septentrionem in æstate petentibus in mari libero natantes occurrunt; hos enim ipsos habuisse pro ruderebus pontis immensi, quo extra illud tempus tegatur oceanus, cum tamen solum sint frustra contractæ glaciei littoralis, aventis in mare liberum provecta. Vnde etiam in mappa Geographica illic adjecta videre est viam ultra ipsam novam Zemblam in Boream tendentem, cui insistere debeant, qui illic in orientem penetrare cupiunt. Pariter in *Act. Erud. Lips. Tom. 1. Suppl. p. 144.* ex Boylio recensetur, duos nautas Belgas ad 89. latitudinis gradum pervenisse, atque mare satis liberum a glacie deprehendisse.

Progrediendum nunc ad alios frigoris effectus, inter quos est resolutio nonnullorum liquorum mixtorum in sua simplicia. Atque huc revocant ipsam glaciem marinam. Hanc enim dulcem pronuntiavit *Thomas Bartholinus de usu nivis c. 6. p. 42.* Sic & *Olaus Borrichius loco supra cit.* ait, quotannis experimur glaciem marium nostrorum, etiam integrum pedem crassam, insulsißimam esse, si inferior tantum vultus, quem adhuc falsa aqua allambit, excipiat, quo perfunctorie abluto, tota glaciei marinæ massa linguæ insipida occurrit. Vnde etiam Amstelodamenses glaciem ex aqua marina concretam, rursusque solutam, dulcis aquæ loco, ad coquendam cerevisiam adhibere perhibentur. Memorabilia sunt, quæ sæpe laudatus *Reiberus in tractatulo supr. cit.* refert. Per-
Ph. 120. fregit scilicet e regione castelli Regii, cui Fridericia nomen est, glaciem integrum pedem spissam, & deprehendit
 (1.) fru-

(1.) frusta glaciei fuisse dulcissima, (2.) aquam glaciei proximam itidem sale destitutam, (3.) aquam mediante siphone sesquipedali extractam, modice falsam, (4.) aquam per siphonem, quinque pedes longum, haustam adeo falsam fuisse, ut unus cantharus, sive quatuor libræ Romanæ istius aquæ, igni apposita, & in vaporem redactæ, unciam unam cum sesquiscrupulo salis marini relinqueret. Sicidem *Borrichius l. c.* scribit, liquorem salis tartari debiliorem congelari, glaciem autem esse prorsus inspidam. Nos muriam congelatam circum circa quoad superficiem, nunquam gustu dulcem offendimus; fateri tamen cogimur, glaciei superficiem externam non ita eminenter falsam, ac in medio, ubi eam lambebat muria adhuc fluida, fuisse gustui. Alias quidem vis hæc frigoris resolvendi, experimentis confirmata satis est. *Paracelsus* jam olim obtulit modum, vinum in phlegma & essentiam, ceu vocant, mediante congelatione dirimendi. Veritas quidem hujus rei dubiosa fuit habita a Dn: *Boyllo*, aliisque; sed fidem conciliavit illi *Viganus in medulla chymicæ*, vid. *Bohn. dissert. chymico-phys. xv. p. 426*, scilicet, si vinum frigori, sive naturali, sive artificiali, exponatur; congelatur quidem in peripheria, in medium vero se recipit pars non congelabilis & oleosa magis. Estque in vulgus notum, cum Belgæ, centum & duobus ab hinc annis per fretum *Weigats* penetraturi in Orientem, illic glacie cincti hybernare cogerentur, vinum in doliis crusta glaciali fuisse obductum, eaque fracta generosissimum vinum in medio fuisse deprehensum, cum glacies illa liquata longe insulsiore esset. Et hic modus quorundam est parandi quintam vini essentiam, in dolii vini congelati centro reperiundam: Nos idem experimentum cepimus

Ph. 721.

Ph. 122.

mus in vino nostro viliori, quod, acore suo alias ingratus paulo, congelatum extus, linguæ longe gratus in medio se obtulit. Similiter cerevisiæ quoq; partes mediæ & interiores sunt vegetiores; & decoctū gentianæ radici, in medio & coloratius & amaricantius visum scribitur, quem admodum & de fuliginis oleo, non per calorem sed frigoris vim extrahendo, legi potest *du Hamel. phys. gener. l. 17. c. v. §. iii. p. 774.*

Ph. 123.

Sic etiam in depurandis liquoribus frigus egregium est, dum ad fundum præcipitat, quod nec igne, nec solutionibus, nec filtrationibus potuit separari, veluti id de multis salibus, & aqua artificialiter sæpius congelata, constat, quod hæc ut plurimum habeat sedimentum in naturali congelatione non visendum. Frigoris hunc effectum ad usus suos applicarunt Chimici. Evaporatas enim solutiones salium ad justam consistentiam, ut eo nitidiorem formam iis concilient, reponunt in locum frigidum, subterraneam cellam, v.g. unde secedunt salia ab aqua refrigerata, præcipitantur ad fundum & latera, inque elegantes crystallos concrescunt, majores vel minores, prout lixivium istud saturatius fuerit, vel minus.

Ph. 124.

Nec abludit adeo ratio illa eliciendi vini spiritum, citra ignem, per nivem circa capitellum alembici positam, qua usum fuisse magnum Hetruriæ ducem, traditur in *Journal des Sçavans ann. 1684. mens. Jun. p. 236.*

Ph. 125.

Frigoris vires in fluida potissimum huc usque spectavimus, jam, quomodo solida afficiat, paucis quoq; lustrabimus. Metalla frigore reddi duriora pariter ac fragiliora, testantur observationes, tum eorum, qui in palæstra plures gladios confringunt hyeme acri, quam reliquis anni partibus, tum qui e septentrionalibus dicati sunt candendis lignis, quorum secures chalybe permixtæ, ad solum

lum glaciei vel virentis arboris ictum, instar vitri rumpuntur, *Ol. magn. l. c. l. i. c. 15. p. 21.* Sic in adiculis quæ *Ph. 126.* scandulis teguntur apud nos, tota nocte, in intensissimo hyemis frigore, crepitus percipiuntur, dum clavi graciliores, quibus affiguntur scandula, partim extrahuntur, partim rumpuntur. Lapides quoque consistentiam *Ph. 127.* solidam perdunt, & fatiscunt in plures particulas; hinc imbrices sæpe nulla violentia alia prægressa de tectis cadunt diffracti, vel exasperati in superficie ibi remanent. Sic & terra congelata evadit rimosa, indeque exitiosa plantis.

De potentia frigoris ad vitam prolongandam leguntur multa, & pro certo venditant, homines in frigidis & hyperboreis regionibus tardius senescere, *Verulam. bist. vit. & mort. p. 526. & Meibom. in epistola de longævis*, ut probabile sit, hinc veterum illum recens editos infantes in frigido, flumine abluendi morem profluxisse, quo porit cutis parum obrigefacti ad injurias externas sustinendas, disponderentur, & vires ipsæ intra corpus melius detinerentur. Nec minus communis est opinio, experientia *Ph. 129.* comprobata, appetitum alimentorum in hyeme esse majorem, ventriculumque melius suo fungi officio, quam in æstate. Nihilominus tamen multis animalibus e. g. *Ph. 130.* aviculis, leporibus hominibusque, qui, præsertim male vestiti, insuperque jejuni & fame excitati, aut contra inebriati, aeris se inclementiæ committunt, atque longitudine itineris defatigati, quiescere cupiunt, frigore pereundum esse, nuper demum hyems penultima & truculentissima tot tristibus docuit casibus. Alia contra, ceu *Ph. 131.* ranæ, paludes quarunt, in quibus abscondita, velut mortua jacent tota hyeme, donec cum vere redeat vita. Idem de hirundinibus passim narrant. Speciatim piscatores *Ph. 132.*

- tores Poloni integra hirundinum glomera e lacubus suis cum piscibus in reti protraxisse feruntur, qui ad furni calorem sensim evigilent quasi, & motu alarum testentur de recuperata vita. Sollicita de veritate traditionis societati regia Anglicana *Hevelius* rescripsit, se audivisse piscatores narrantes, quod hyeme in lacubus nonnullas ceperint, licet ipse tales non viderit; pariterque *Schefferus* addidit, plures confirmare, quod sæpe viderint hirundines rete extractas, quæ revixerint ad ignem, ceu videre est in *Actis Anglic. p. 288.* Non solum autem hominis & animalium vitæ insidias struit frigus, sed etiam plantis nonnullis intentat mortem. Sic ramuli teneri, foliaque adulta, cum verno vel autumnali tempore ventus ea hyemalis corripit, veluti cocta apparent, flaccida, emortuaque & exsucca propendent, vel levi vento decidunt. Flores ex eadem causa omne deponunt decus. Quin & rosarum, nukum, vitis, mori &c. varia genera enecantur frigore. Nempe hoc ea patiuntur, quæ aquosiori victu nutriuntur; non enim imperio gelu se submitunt quæ nutrimento subtiliori, agitatori, sale volatili, vel resinosis ac sulphureis particulis, gaudent, sed foliis perenni virore quasi præditis superbiunt, imo ipsis sub nivibus florent, quale quid de arboribus & fruticibus resiniferis, pino, abiete, junipero, nec non helleboro, aconito hyemali &c. abunde constat.
- Pb. 133.* Vti vero vitæ inimicum est frigus, ita contra, quæ putredini alias subiecta sunt, diu ab illa servat immunia. Elegancia hanc in rem exempla habet celeb. *Sturm. Phys. Eclect. p. 63.* Huc spectat quoque quod supra phænomen. 18. adduximus de Almagrio, Duce Hispanico, qui cum in Andium transitu nonnullos iueneris comites præ frigoris veh-

vehementia amississet, post aliquot annos idem iter re-
gens, eos una cum equis adhuc incorruptos offendit.
Et novimus sane, sesquianno abhinc non paucos lepores,
qui violentia frigoris fuere extincti, & forsan plures jam
septimanas mortui delituere in sylvis & nive, a rusticis hic
locorum venales fuisse expositos, & imposuisse hæc fer-
cula avide, sed incaute, quærentibus. Quin in vulgus
notum est, carnes expositas gelido aeri per longius tem- *Ph. 136.*
pus asservari sine ullo putredinis metu, ut cum aliquali
saporis nonnunquam deperditione. Sed in regelatione *Ph. 137.*
prospiciendum ut hæc sensim fiat, nisi malimus ut mora,
quam putredini indixit frigus, post hæc majori accelera-
tione ejusdem compensetur. Sic ova, poma, pyra
congelata, si aquæ gelidæ injiciuntur, primum obducun-
tur crusta glaciali: hac autem liquata, si rursus extrahun-
tur, suam servant consistentiam. Nullum etiam præstanti-
us fere pernionum scitur remedium, quam frigus ipsum,
nix vel aqua gelida; his si immergantur partes ægræ, in-
columitati earum multum prospicitur. Atque hoc pacto
etiam integros homines, mortuos visos, in vitam revoca-
tos fuisse, passim legas, seorsim in *Journal des Sçavans*
mens. Feb. 1684 p. 6. ubi similis quoque crustæ glacialis, quæ
corpus a capite ad calcem obtegerit, fit mentio, & quod
paciens post extractionem ex aqua, in lectum fuerit dela-
tus, & per medicamenta dispositus ad sudorem blandum.
Contra vero, uti varia olerum genera, quæ in mediam *Ph. 138.*
perdurant hyemem, si frigus intensum excipit tempestas
remissior valde, celerrime putrescunt; ita idem accidit
pomis congelatis in locum calidum delatis, ubi mox
flaccescunt, pereuntque. Viva vero in tali casu in ma- *Ph. 139.*
ni estum vitæ, aut, si frigus solum unum alterumve mem-
brum læsit, pro læsionis gradu, gangrænæ periculum in-
cidunt.

Pb. 140. cidunt. Eodem spectat, quod aduri quasi a frigore faciem peregrinantium non secus ac a sole, vel cantharidibus admotis, sentiamus; si intimius frigus penetraverit, leviori malo pruritum, stupore prægresso, citat, aut vesiculas ichorem continentes; graviore, partem ipsam destruit & sphacelat; quod observatum non semel, inprimis in membris a fonte caloris, corde, remotioribus, extremis manibus, pedibusque, & horum digitis, naso atque auribus; quæ tamen mala pleraque evitare licet, si rigentia membra non statim calidorum improvida admotione consolari conamur.

Pb. 142. Inter frequentiores frigoris effectus pertinet quoque stridor dentium tremorque, quo, frigori majori expositi homines animaliaque, adeo concutuntur, ut febris laborare videantur.

Pb. 143. Denique etiam colorem nonnullorum animalium in regionibus borealibus immutare dicitur frigus. *Job. Schefferus*, Professor quondam Vpsaliensis, testatur, se vidisse non solum, sed & habuisse lepores, qui sub hyemis verisque initium sui dimidia parte album, altera vero nativum colorem referrent, quos autem media hyeme totos albos conspexisset: vulpes item illo tempore albos esse, sciuros autem subcano colore, mixto ex albo & fusco, conspicuos esse. Vid. *Acta Phil. Anglic. ann. 1668. loc. cit.*

Pb. 144. Solida ergo sua, sua quoque fluida & media subeunt fata: in omnibus vero adhuc maxime spectabilis est contractio. Quantum aer sic sine ulla alia violentia externa possit comprimi, docent experimenta ob id instituta; e quibus constat, aerem ad vicesimam partem loci, quem prius occupabat, coartari posse, uti id ex Boylio excerptum du *Hamel. de corporum affectionibus l. 1 p. 56.* Testantur quoque oculi idem in thermometris vulgaribus, non sigilla-

gillatis, in quibus liquor multum accedit versus phialæ
 bullulam, cedentem in se aerem insequens. Spiritum *Ph. 145.*
 vini rectificatum quoque minus occupare spatium, eo-
 que minus, quo rectificatior fuerit, noto notius est.
 Provocamus solummodo ad ocularem thermoscopio-
 rum sigillatorum, ex eo confectorum, inspectionem,
 unde constrictio meridiana luce clarior apparebit. I-
 dem in aliis visitur, spiritibus acidis, nitri, vitrioli, aqua
 forti; ne de spiritibus alcalicis & volatilibus quicquam
 commemoremus. Mercurius quoque vivus in sese coit.
 Et aquam nostram fontanam, intra sphaeram vitream an- *Ph. 146.*
 gusto collo instructā, mixturæ frigorificæ impositā, itidem
 notabiliter ante congelationem subsedisse, hocque ipso
 suam contractionem comprobasse, supra phænomen. 94. no-
 tavimus. Notabilior longe est hic effectus, si aqua prius le-
 viter calefiat; cum tamen alias nulla vi se patiatur ad angu-
 stiores redigi terminos. Par ratio est solidorum corporum.
 Fiunt minora marmora & metalla, gelido aeri exposita. *Ph. 147.*
 Si duarum tabularum marmorearum exactissime æquali-
 um, unam exposueris hyberno frigori, alteram vero deti-
 nueris in conclavi tepido, comparatione facta comperies,
 illam multum de sua longitudine perdidisse. Sic experi-
 entia docuit, pendulum, in quo hodie, ad præscriptum
Hugenii, omnem horologiorum perfectionem quarunt,
 per gelu hybernū aliquid de sua longitudine perdere;
 ut ideo hyeme intra conclavia calefacta conservanda sint,
 nisi velimus, ut itus ejus tunc sint frequentiores, omnis-
 que spes exactæ dimensionis temporis decollet, vid. *Trait-*
tez de Barometr. p. 58. seq. Talem contractionem ob-
 servavit quoque *Job. Dominic. Cassinus*, in instrumentis
 mathematicis æneis, eorumque gradibus, apud *P. Laman* *Ph. 148.*

tom. II. l. 8. p. 343. Vitra pariter constringi, si non aliunde sciretur, ex diffractione eorum, ex calido in frigidum translatorum, jam laudata patere posset; quomodo etiam fidium tensarum disruptio in frigido, de coarctatione fibrarum clare testatur. Strictim hæc recensuimus. Adderemus plura, utilia pariter & jucunda scitu, quæ congeffit *P. Lana*, Tom. II. l. 8. c. 1. p. 342. seq. alique, nisi verendum, ne hæc dissertatio sua laboret mole, & limites transcendat ordinarios, insuperque alia nos breves esse jubeant.

Analysis Phænomenorum recensitorum.

VT productionem atque effectus frigoris tanto planius declarare liceat, necessum est, ut ante omnia de ipso frigore distinctum formemus conceptum. Enimverò, multis dubiis expositam esse hanc doctrinam, in limine statim hujus dissertationis sumus fassi; neque hætenus in eo conveniunt antesignani physicorum, an frigus sit pura privatio, an vero qualitas positiva. Nostri vero instituti ratio non permittit, ut aliorum sententias vel examinemus, vel saltem recenseamus uberius. Potius igitur nostram mentem sequentibus includemus numeris. (1.) Cum ferrum incalescere dicatur, dum agitissimas ignis particulas in se recipit, frigescere autem, dum eas rursus expellit, aut suppressit; manifestum est, frigus consistere in mera ignis seu caloris privatione aut absentia, sive omnimoda, sive saltem ex majori parte. (2.) Vti vero subjectum, quod hanc privationem recipit, necessario positivum quid est; ita quoque causæ ejusdem pri-

privationis sunt ordinarie res maxime positiva, v. g. nix, glacies, venti, nitrum, ipsum subjectum cui frigus inest &c. quæ ideo refrigerantia, non autem frigus activum, aut vis refrigerandi in abstracto, dici solent. (3.) Frigefaciunt autem, particulas calorem constituentes opprimendo, dissipando, expellendo, adeoque manifeste agendo; ceu qui Rempubl. rebellibus subditis privat, hosque expellit, dissipat, opprimit, in vincula conjicit, & sic civitati quietem reddit, omnino agit. (4.) Et quidem agunt, partim gravitate & mole, qua alias caloris particulas, utpote leviores, summa petere & avolare cogunt, alias, viam ad fugam patentem non invenientes, deprimunt, in motu impediunt, imo agitatione sua & sic quoque natura caloris privant; qua utraque ratione quodvis corpus ad frigus proprium, posteriori vero etiam quæ corpus frigefaciendum circumstant frigida, illudque arcte completuntur, ad frigus ei inducendum plus minusve conferunt: partim flexilitate & ramositate sua, qua particulas calidas illaqueant & ad quietem redigunt, quod aquosis & oleosis solenne est; sicut muscæ aut similia insecta viscosiori substantia irretita pristinam agilitatem amittunt: partim motu & impetu suo, quo caloris particulas abitu accelerare jubent, aut repellunt, quod in flatu oris, aut aere flabellis agitato, advertimus: partim interpositione sua, qua caloris particulas sejungunt, & sic earum agendi vires (uti qui carbonēs candentes dissipant, eorum calorem) debilitant, insuperque aliquas in se recipiendo earum numerum in pristino subjecto minuunt; quod frigida calidis commixta præstare solent, eo plane modo quo aqua dulcis salis infusa hujus falsedinem diluit: partim denique crassitie aut soliditate sua, impediendo, ne fugam
matu-

maturantibus aliunde succurratur, aut novæ in earum locum succedant; quod frigida extrinsecus circumstantia potissimum facere solent, quæ hac exclusionē & repulsionē caloris aliunde adventantis, non minus active concurrunt ad frigus corporibus inclusis conciliandum, quam is agit, qui in se incurrentis impetum sustinet & repellit; ut in eo passive se habeant, quod ipsa novum calorem non suppedient. (5.) Sed uti hæc agendi vires a corporum gravitate, flexilitate, motu, mole &c. non sunt distinctæ, ita non est, cur illis frigus activum aut peculiarem vim frigefaciendi inesse dicamus; ceu nemo gladium quo homo visu privatur, ideo cœcitatem activam vocat, aut ei peculiarem, & a reliquis ejus qualitatibus distinctam, vim inducendi cœcitatem concedit, vel etiam ei qui fugatis rebellibus Reipubl. quietem & pacem reddit, ideo peculiarem vim pacificam tribuit. (6.) Ipsum autem frigus quod frigefaciendis inest, se pure passive habet in ordine ad frigus in alio subjecto producendum, & agere nequit, quia est mera privatio, seu absentia caloris, solumque subjectum suum aptum reddit, vel potius non impedit (uti calor solet) quo minus alia frigefaciat, sicut carentia lucis in terra ipsam aptam reddit, ut media posita inter solem & lunam, hanc queat lumine privare, ipsa autem active ad hanc privationem nihil confert. (7.) Adeoque frigus tunc dicimur sentire, quando particula caloris in corpore quod tangimus, aut plane non, aut minus saltem agitantur, quam in manu aliave parte corporis nostri tangente, insuperque in hac, aliquo modorum supra num. 4. dictorum, calor imminuitur; quod vel inde evidenter constat, quia unum idemque corpus, nihil mutationis passum, nobis modo frigidum modo calidum vide-

videtur, prout nostrum variat temperamentum. (8.) Non autem necesse ut statuamus, frigus caloris instar emittere particulas sui generis, speciatim salinas, nitrosas, similesve alias, quæ in aliud corpus impingentes penetrent, & hoc modo frigus in eo producant; cum talis emissio naturæ privationis multisque repugnet experimentis, quod v.g. glacie manui tantum non immediate imposita, ejus frigus non percipiatur; vasa, dum frigescent, contrahantur, quæ tamen a tot corpusculis pertranseuntibus dilatanda essent; similiterque omnia corpora frigore constringantur, & ad minores se recipiant terminos (ut ut nonnulla post congelationem per accidens rursus expandantur) cum contra tot particularum accessione mole deberent crescere; nec pondus ullatenus in frigefactis augeatur, ceu a tanto incremento fieri æquum videbatur; denique salia, etiam subtilissima, vasis vitreis facile includantur, cum frigus hæc & quavis solidissima corpora penetret; prætereaque in frigefactis nec odore, nec sapore, nec arte chimica ullatenus se prodant; quin & spiritus salis, nitri, salis ammoniaci &c. nulla vi possit congelari, & aquæ in majori copia injectus hanc quoq; a glacie tutam præstet, indeque intelligi nequeat, quomodo alibi congelationem promoveat, aut subtilius crassiori consistentiam sua accessione queat largiri. Hoc tamen non negamus, si corpus frigidum emitit exhalationes sui generis, uti aqua vapores, illas, a liquore tepidiore aut alio corpore porosiore exceptas, ejus refrigerationem promovere posse. Sed hæc exhalationes nec ad frigefactionem necessaria sunt, nec in qualibet occurrunt, nec frigus in abstracto possunt dici, vel saltim ab eo expulsi, sed potius a residuo calore, & ideo tanto sunt ra-

riores, quanto frigidius est corpus; nec solida penetrant corpora, metalla, vitra, aliave, nec, ubi admittuntur, (ceu aquæ vapores ab incumbente aere) alio agunt modo, quam aquam frigidam calidæ infusam agere num. 4. diximus; nequaquam vero proprium frigus, quod itidem mera privatio est, communicare, aut alia ligare valent. (9.) Si qui autem effectus ejusmodi halitus, aut atomus, aut spiritus frigorificos specialiter sic dictos, postulare videantur, illi a frigore non nisi per accidens dependent, ceu phenomena hic enarrata ostendent, ad quæ nunc hypothesin nostram, tanquam ad Lydium lapidem, probabimus.


Ratio
Phen. 1.
§ 20.

Et primo quidem, cum calor mundo sublunari a sole, vel conclavi ab igne culinari, communicatus, in peregrino hæreat subiecto, particulæ ejus agitatissimæ, quæ a mole subiecti non opprimuntur & rediguntur ad quietem, propria levitate, vel potius gravitate hospitii sui urgente, indefinenter avolant; dumque ob fontem caloris remotum novæ in fugientium locum non succedunt, frigus ab hoc defectu oriatur necessum est; quod quidem successive incrementa capit, quia laudatæ particulæ uno impetu simul omnes se subripere nequeunt, remoram illis obiciente ipsa subiecti majori minorive densitate & spissitudine, ob quam alibi paratior est ad fugam via, alibi pluribus impedita obstaculis. Sed quod in crepusculo matutino frigus intra pauca temporis minuta notabilia valde capit incrementa, id ex eo esse videtur, quod solis tum redeuntis radii, superiorem aerem jam penetrent & rarefaciant, ut vapores, in leviori subiecto amplius subsistere non valentes, præcipitentur, & sic ex illa regione, ob causam mox dicendam, frigidissima

in

in inferiorem nostram delati, hanc quoque frigidiorē reddant, dum residuos in ea igniculos partim habuerint

pag. 33s



maius longe occupent, quam si radii solariter incident; uti omnino spatium lb , majus est quam spatium eb , & majus adhuc futurum, si lb , & eb , consideremus tanquam duas diametros spatiorum circularium a radiis solaribus occupatorum, quæ, juxta demonstrationes geometricas, se habent uti quadrata eorundem diametrorum, ut adeo, si lb ad eb sit ut 5. ad 1. circulus lb ad circulum eb sit ut 25. ad 1. Quibus datis, quælibet portio circuli lb , solum vigesimam quintam partem radiorum qui æqualem portionem circuli eb feriunt, & per consequens etiam tantillam solum caloris particulam, a sole accipiet. Denique tertio illud quo-

riores, quanto frigidius est corpus; nec solida penetrant corpora, metalla, vitra, aliave, nec, ubi admittuntur (cum aqua vaporibus incumbente aere) alio agunt.



cum uno impetu omnes se subripere nequeunt, remoram illis obiciunt ipsa subjecti majori minorive densitate & spissitudine, ob quam alibi paratior est ad fugam via, alibi pluribus impedita obstaculis. Sed quod in crepusculo matutino frigus intra pauca temporis minuta notabilia valde capit incrementa, id ex eo esse videtur, quod solis tum redeuntis radii, superiorem aerem jam penetrant & rarefaciant, ut vapores, in leviori subjecto amplius subsistere non valentes, præcipitentur, & sic ex illa regione, ob causam mox dicendam, frigidissima

in

in inferiorem nostram delati, hanc quoque frigidiorē reddant, dum residuos in ea igniculos partim hauriunt, partim secum abripiunt, partim denique dissociant, sicque eorum numerum in pristino spatio multis modis minuunt.

Nec minus a mero caloris defectu est, quod frigus intensius percipimus sole longius a vertice distante, utut tunc sol a terra non sit remotior quam antehac, & inde quis sibi persuadere possit, quod etiam æqualem calorem eidem communicare queat. *Ratio*
Phan. 2. *Primo* enim, cum singuli solis radii calefaciant, sit autem ex optice notum, si radii incident in corpus opacum, angulum incidentiæ esse æqualem angulo reflexionis; manifestum est, si radii solis eloco vertici propiori illabuntur in terram, tunc reflexos *fe, eb*, cum incidentibus *de, ab*, ferme conjungi, adeoque eorum agendi vim quasi duplicari; ex adverso autem, si ex loco depressiori emittuntur in terram, radios reflexos *ml, ib*, ab incidentibus *kl, gb*, recedere longius, & sigillatim quasi agere. Accedit autem *secundo*, quod radii oblique illapsi in aliquod corpus, majus longe occupent spatium, quam si iidem perpendiculariter incident; uti omnino spatium *lb*, majus est quam spatium *eb*, & majus adhuc futurum, si *lb*, & *eb*, consideremus tanquam duas diametros spatiorum circularium a radiis solaribus occupatorum; quæ, juxta demonstrationes geometricas, se habent uti quadrata earundem diametrorum, ut adeo, si *lb* ad *eb* sit ut 5. ad 1. circulus *lb* ad circulum *eb* sit ut 25. ad 1. Quibus datis, quælibet portio circuli *lb*, solum vigesimam quintam partem radiorum qui æqualem portionem circuli *eb* feriunt, & per consequens etiam tantillam solum caloris particulam, a sole accipiet. Denique *tertio* illud quo-

que notandum venit, quod, sicut magna pars radiorum in vitrum aut aquam oblique illabentium cœlum versus reflectuntur, qui cæteroquin transitori fuissent; ita idem omnino in aere obtineat, adeoque non omnes radii in aerem illapsi penetrent, sed magna eorum copia reflectatur. Quod si ergo sole longius a vertice recedente radii oblique in aerem illabuntur, ex incidentibus autem plurimia transitu prohibentur, & transeuntes in majus terræ spatium se diffundunt, ita ut quælibet ejus pars pauciores longe participet quam alias eidem competiissent, insuperque radii reflexi tantopere ab incidentibus recedunt, eosque in sua actione parum juvant; manifestum est, ingentem caloris defectum, adeoque frigus notabile hinc consequi debere.

*Ratio
Phæn. 18.*

Ex his insimul patet, cur etiam æstivo tempore in superiore aeris regione acris frigus deprehendatur. Cum enim radii reflexi ab incidentibus tanto magis digrediantur, quanto longius pergunt, omnino in ingenti hoc a terra intervallo tantum a se distare possunt, ut admodum exiguum calefaciendi vim habeant, etiam tunc, cum in superficie terræ (ubi tantum a se nondum discessere) æstus fatis molestus producere valent. Accedit vero iusuper, quod radii tunc potissimum suam calefaciendi vim exserant, cum aliquod objectum offendunt, a quo nec in ipsa statim superficie reflectuntur, nec libere transmittuntur, sed recipiuntur, ut illic agendi & plures successive igniculos (qui & ipsi tam cito avolare nequeunt) excitandi mora concedatur; ceu novimus, si duo marmora, alterum nigrum, alterum album, iisdem radiis solaribus exponantur, prius ad gradum manibus ferme intolerabilem incallescere, dum alterum adhuc friget, hac sola de causa, quod illud radios solis in suam substantiam

tiam aliquo usque admittit, hoc autem eos in ipsa superficiei reflectit. Iam vero cum aer superior longe subtilior rariorque sit hoc inferiore, tot halitibus referto, & tanto quidem subtilior, quo est cœlo propior; solis radios plerosque omnes libere transmittit, & sic multo minus incalescit quam hic: præsertim cum calor quem terra concepit, rursusque exhalat, inferioris fervorem plurimum augeat, is ipse autem ad aerem superiorem non magis se cum notabili efficacia extendat, quam fornacis calor ad conclavis amplissimi extremos angulos. Quanquam vero crederes, solares radios a montibus eminentissimis exceptos illic quoque intensiorem calorem procreare posse; quia tamen ejusmodi montes pauciores sunt, & igniculi erumpentes a circumfluo aere frigidissimo mox abiguntur, vis eorum, etiam in zona torrida, non sufficit liquandis nivibus. Sicut nec ex eo, quod vertex jugorum soli sunt tantillo propiores, vires ejus magis intendi possunt, quam rogi ardentis valde diffusi, si quis aliquot passus propius accesserit. Quod vero in montis Vesuli latere austrino nec nivem nec glaciem deprehenderit Borrichius, id quidem ex eo est, quod istam montis faciem sol non solum æstivo tempore radiis ad perpendicularum propius accedentibus, adeoque & vi supra dictorum, densioribus respiciat, sed insuper, propter minorem montis altitudinem, aeris inferioris calor se quadantenus eo usque extendat, ut illic, utraque causa concurrente, remissius sit frigus, quam ubi una agit sola, aut, ceu in vertice illius montis contingit, radii solis sunt obliquiores.

Nec minus manifestum, cur sub æquatore in zona torrida degentes nullum patiantur frigus hyemale, quia nempe sol ab eorum vertice in meridie, etiam cum ma-

*Ratio
Phæn. 7.*

*Ratio
Phæn. 5.*

xime distat, non ultra $23\frac{1}{2}$ gradus, adeoque nunquam tantum quantum in æstate a nostris verticibus, abest. Cum autem quo propius ad polum acceditur, eo longius sol meridianus a vertice distet, rursus obvium est ex dictis, quod illic frigus intensius esse debeat. Præprimis cum in zona frigida sol hyemali tempore alicubi integros dies, septimanas, menses, imo sub polo semestrespatium, infra horizontem lateat depressus, quo tempore omnino aer & terra quicquid caloris antehac a sole concepit, expirat penitus.

Ratio
Phæn. 4.

Ex eodem fonte manat, quod hyems frigidior sit æstate, quia nempe sol illic obliquioribus radiis terram ferit, & insuper apud nos duplo diutius infra horizontem, & subduplo minus supra eundem, commoratur quam hic; unde in hyeme aer minus caloris recipit, plus autem expellere potest, quam in æstate; præsertim cum hoc tempore sol tantum infra horizontem non deprimatur, quin tota nocte superiorem aerem illustrare & calorem interdiu productum aliquo modo fovere queat. Vicinitas autem solis tum temporis in perigæo versantis, equidem impedire potest, ut frigus hybernium minus intensum sit, quam alias futurum esset; penitus autem illud tollere nequit, propter nimis obliquum respectu nostri positum; sicut tabula igni culinari proxime admota, sed prostrata humi, tantum non incalescit, quam si eidem in situ erecto, tametsi remotius paulo, exponeretur.

Ratio
Phæn. 3.

Quod vero mense Ianuario demum, atque adeo tum, quando sol majores moras supra horizontem nectit, nostroque vertici circa meridiem magis appropinquat, frigus ordinariæ incrementa sumit, longeque violentius sævit quam in Novembri aut Decembri, non infringit veri-

veritatem eorum quæ hucusque & speciatim ad phæn. 2. diximus, sed solum ostendit, quod pro ratione circumstantiarum effectus, qui alias certo debuisset sequi, possit sufflaminari. Scilicet causa hujus varietatis est, quod caloris in æstate atque autumno a terra concepti, atque in ejus substantiam profundius penetrantis, sensibiles valde reliquæ in eâ supersint ad Decembrem usque, ceu id celeberr. *Mariotte*, multorum annorum experientia sollicita, ope thermometrorum in cellis subterraneis comprobavit, vid. ipsius *Essay du chaud & du froid p. 57. & seqq.* Tametsi ergo solares radii sibi relictæ primo e. g. Novembris die non majorem, sequentibus aut multo minorem, calorem producere queant, quam 20. Januarii, (quo utroque die sol in meridie æque a vertice distat,) quia tamen tunc juvantur a terra calorem residuum expellente, in Januario contra hoc subsidio destituuntur, remissius illic frigus, raroque nix glaciesve durabilis, nostris in oris percipitur. Terra autem niye tecta, etiam solarium radiorum minor est efficacia, quia nix illos in suam & terræ substantiam profundius non admittit, ut illic calorem aliquem excitare queant, sed, more omnium corporum specularium & albicantium, in ipsa statim superficie reflectit; quod frigus Januarii & Februarii multum auget, impeditque quo minus nix citius liquecat.

Atque eadem hæc ratio est, quod verno tempore ordinarie frigidior est aer quam in autumno. Plus certe *Ratio Phan. 10.* auxilii in aere temperando hic terra præ calore æstuans, quam illic, præ hyemali frigore (quod non citius quam calorem æstivum, juxta modo laudati *Mariotte* observationes, exuit) adhuc rigens, radiis solaribus præstare potest. Imo contra vapores copiosissimi aliqui halitus, qui

qui verno tempore e terra erumpunt, nec calidiores esse possunt sua, e qua egrediuntur, matre, aeri commixti, igniculos a sole illic productos partim absorbent & suffocant, partim interpolatione sua dissociant, ut se invicem animare, & sic quoque debita efficacia agere nequeant. Inprimis vero in hoc pariter & præcedente Phænomeno multum momenti situm est in ventis. Cum enim verno tempore in sylvis jugisque montium multum adhuc nivis latitet, adspirantes ex ejusmodi locis frigidiusculis venti, nullum aut saltem insensibilem calorem afferent. Si ergo nostrum aerem una cum solis igniculis loco pellunt, uti insequentes fluctus aquei præcedentes, aut saltem aer frigidior aliunde advectus se cum nostro miscet, & sic caloris particulas dissipat, mirum omnino non est, tantum tunc a nobis percipi frigus, quantum tempore autumnali non est metuendum, quia prægressa ætas sylvas montesq; non nimis altos nive dudum liberavit, & sic frigoris causam sustulit. Quod idem quoque de hyeme dicendum. Cum enim, per supra dicta, mense Decembri demum, calore sensibili ferme exhalato, crustam glaciale nivemque stabilem patiatur tellus, venti ab illo tempore orti, undecunque venerint, minus certe caloris advehent quam mense Novembri, ubi per terram, maximam partem adhuc patentem & caloris residui particulas sensim expellentem, incédunt; adeoque tum etiam paucos igniculos a sole in nostro aere excitatos, facilius in sua actione impediunt, ut tempestas evadat frigidior.

Ratio
Phæn. 13.

Utque ipsos ventos specialius examinemus, Zephyro. Boreas, Boreas & Aquilo frigus augent, Austro & Africus autem illud minuunt, quia illi ex regionibus polo vicini-
ribus, adeoque etiam frigidioribus, hi autem ex australio-
ribus

ribus & calidioribus, adveniunt. Cumque versus ortum
 immensus terrarum tractus occurrat, si is per hyemem
 tegitur nive, spirans inde Euris loco caloris-nivosas
 adeoque frigidissimas advehet spiculas in via exceptas,
 quibus pauxillum caloris a sole apud nos producti, aut
 aliunde huc translati, fortius opprimitur quam flante
 Borea, quia septentrionem versus mare non distat tan-
 tum a nobis quam versus ortum. Quamquam vero ex ea-
 dem causa Euris æstivo tempore, ingens terræ spatium a
 sole multum calefactum pervadens, tanto fervidior apud
 nos esse debeat; quia tamen Thuringiam nostram ab ortu
 cingunt parum hinc diffita Bohemica juga vastissimæque
 sylvæ, in quas solares radii etiam media ætate parcius ad-
 mittuntur, & ideo consveta alias efficacia non agunt, tran-
 siens per has Euris multum caloris perdit, & temperatio
 evadit. Africus tamen seu Zephyro-Notus, si contingit
 amplissimum illud terrarum intervallum, per quod ince-
 dit, contegi nive, suam qualitatem mutare & frigus inten-
 dere potest, ex eadem plane causa, ex qua id præstat
 Euris. Favonius quoque suas proprietates petit ab
 oceano occidentali, a nostris oris non nimium remoto.
 Cum enim mare, experientia teste, tantum fervorem non
 concipiat quam terra, aeris ipsi incumbentis æstus ab illo
 non augetur, ceu a terra solet fieri, sed potius, propter
 emissos vapores frigidos, propterq; tantam radiorum so-
 larium, qui alias reflexi itidem calorem aeris potuissent
 intendere, (juxta ea quæ ad phæn. 2. diximus) copiam
 absorptam, minuitur notabiliter. Quod si ergo a vento
 ad nos propellitur, refrigerium in ætate percipimus.
 Ex adverso, cum hyemali tempore idem oceanus non
 congeletur, vapores ex eo subinde erumpentes saltim

*Ratio
Phæn. 14.*

*Ratio
Phæn. 15.*

X x

nivi

nivi & glaciei frigore manifeste cedunt; dum ergo aerem ipsi imminentem temperant, & una cum ipso ad nos transferuntur, etiam hic locorum mitigabitur frigus.

Ratio
Phan. 11. Quia vero idem Favonius, propter multitudinem vaporum quos mare suppeditat, nubes & aerem humidum advehit, contra vero Boreas, Eurus & Africus, propter siccitatem terrarum per quas ruunt, ordinarie serenitatem inducunt; manifestum est per dicta, cur in hyeme cœlum nubilum tempestatem remissam, & sudum frigus acre, in æstate autem contrarium apud nos indicet. Quanquam negari nequeat, has observationes pro variatione aliarum circumstantiarum exceptionem pati non unam; speciatim, quod Aquilo seu Euro Boreas cœlum involvat nubilus, & tamen propter plagam septentrionaliorem, unde spirat, in hyeme frigus adferat satis intensum, nec non, quod illud æstus incrementum in æstate, eam potissimum serenitatem comitetur, cujus causa est Africus ipseve Auster, non autem istam, quæ ab Euro & Borea, quos supra tanquam frigoris autores adduximus, originem ducit, nisi forsan his per plures dies lente spirantibus sol terram multum calefacere & sic calorem aeris augere queat. Sed prolixior est illa ventorum & hinc natarum tempestatum specialior contemplatio, quam ut in præsentiarum omnes circumstantiæ excuti possint, *vid. Cel. Sturmii disp. de aeris mutat.* Interim nunc saltem manifestum est, cur frigus summum non ubique eodem observetur tempore. Venti enim plerique sunt tantum provinciales, neque se late diffundunt. Fieri ergo potest, ut, regnante apud nos per plures dies Euro, alibi flet Auster. Quæ eadem causa est illius varietatis, quæ in ejusdem septimanæ diebus se proxime insequentibusprehenditur: neque

Ratio
Phan. 6.

Ratio
Phan. 9.

neque enim infrequens est, ut Favonium excipiat Boreas, hunc non multo post sequatur Eurus, circumque claudat Notus. Multum tamen hic conferunt pluviae, quae ex superiore & frigidioris aeris regione delapsae, in transitu per aerem inferiorem multas caloris particulas absorbent, secumque praecipitant, a terra autem exceptae, latentes illic igniculos sua flexilitate implicant & suffocant, ut in aerem erumpere saltem in tanta copia nequeant, cum ipsae tamen in vaporem actae aeri miscantur, & ita triplici ratione frigus procurent, si vel maxime ventus non fuerit mutatus. Quin, si ceciderint in illa regione unde ventus spirat, efficiunt, ut is idem qui hodie calorem augebat, cras eundem minuat.

Sed & discrepantia quoad frigus, quae in regionibus eadem elevatione poli gaudentibus notatur, bonam partem ventis suam debet originem. Prout enim regiones patenti undique oceano, aut horrendis sylvis coelumque petentibus jugis, aut ex adverso lata beneque culta planitie, item provinciis multum nitri, vel contra ignis subterranei alentibus & expellentibus, circum circa ambiuntur, ita iidem venti aut gratam temperatamque adspirabunt auram, aut *sensibili* calore destitutam. Plurimum quoque hic conducit ipsarum regionum status, dum aliae intra sua viscera copiosum ignem aut saltem calorem subterraneum abscondunt, aliae nitrosum naturaque frigidum, aliae sabulosum per radios solis multum incallescens, aliae udosum & radios plurimos absorbens, nactae sunt solum, aliae denique depresso, aliae eminentiori gaudent situ, leniterque velut in montem assurgunt altissimum. Nam ex his causis temperiem aeris multum immutari, quis est qui non videat? Ita cum Angliam spatiosissimum aequor undique alluat, mitem adeo hyemem experitur, ut in magna

*Ratio
Phen. 3.*

eius parte ovium greges per totum annum die nocteque possint sub dio commorari, quos cœlum asperius apud nos sub initium statim hyemis in stabula cogit. Si quis horridum patriæ nostræ statum, quando Taciti ævo sylvis undique testæ erat, cum moderno quoad aeris clementiam comparaverit, Germaniam in ipsa Germania quæret, cum pristinæ faciei vestigia nullibi invenias, nisi forsan in sylvis majoribus, qualis est Thuringica, quam alicubi alta nix in medium usque Maji premit, & nondum adulto autumno operit de novo. Terram Italiam multum exspirare caloribus nativi, præter ignivomum Vesuvium, testantur thermæ passim obviæ. Inde vero frigus ad tantum gradum Romæ pertingere nequit, quem in Chinesi urbe Pequini attingit. Moscoviam sylvis vastissimis repleti & circumvallari, experientia testatur; eam vero supra alias provincias multum eminere inde constat, quia in omnes plagas fluvios emittit, & nullum recipit. Quid mirum igitur, truculentius illic sævire frigus, quam a solis positu deducere liceret? Ventos varias vehere exhalationes, non minus certum est. Sic *Plinius* jam *Hist. nat. lib. 31. c. 7.* notavit, status aquilonares salem copiosum facere. Et experientissimus *Bernhardus Ramazzini in Ephemeridibus Barometricis Mutinens. p. 19.* refert, nitri efflorescentiam super muros antiquos ex calce & lateribus constructos, hyeme præsertim, & cum aquilonares venti dominatum obtinent, passim videri, & nitri collectores tunc totos esse in verrendis muris, quin uberiores nitrosæ materiæ copiam e muris qui Boream spectant, quam qui Austrum, eos congerere. Quod quidem propter Alpes illic locorum obtinere facile concesserim; imo si quis asseruerit, Eurum, qui nostris in oris ex Misniæ Bohemiæque montibus metallife-

ris advenit, similes secum vehere halitus, indeque non parum ejus accedere frigori, a vero parum aberrabit. Sed de his satis.

Quod autem solidiora corpora frigidiora sunt sensui quam rariora, id manifeste ab eorum natura dependet. Propter suam enim densitatem, arctam partium cohaesionem pondusque, non solum receptos intra suam substantiam igniculos non nimis copiosos fortius

*Ratio
Phan. 16.*

supprimunt, ad quietem redigunt, novisque successuris aditum præcludunt, sed insuper manu v. g. apprehensa, pluribus eam in locis tangunt quam porosa & multis velut spaciis vacuis gaudentia. Quia autem frigus se non diffundit, sequitur, in qua parte corpus frigidum manum non tangit, in illa etiam nullum frigus sentiri, adeoque quod eam in paucis tangit, ejus frigus longe minus haberi, quam quod eam in omnibus attingit punctis. Vti omnino scobs ferrea hac sola de causa tactui minus frigida videtur ipso ferro, utut eidem frigori exposito, quia propter tot interstitia intercepta manum non in tot partibus premit ac ferrum, nec adeo frigus ejus in tot partibus tamque intensum percipitur ac ferri. Aqua etiam, tametsi in se aeri sibi incumbenti non videatur frigidior, quia ab ea parte qua illam attingit congelari incipit, effectu tamen contrarium ostendit, quia nempe igniculi ex corpore frigefaciendo egressi, in aere circumstante liberius agitari, rursusque, nisi vento abiguntur, redire possunt, cum iidem flexilibus aquæ particulis implicati facilius subjugentur, insuperque aqua arctiori pressione & contactu suo ad quietandas ipsas corporis calidi partes plus conferre possit quam aer, præsertim a corpore calidiore rarefactus. Vtique hoc obiter addamus, inde

*Ratio
Phan. 17.*

*Ratio
Phan. 49.*

quoque patere videtur ratio, cur paleæ, stramini, feno &c. involuta glaciēs diutius conservetur in foveis subterraneis, quam si eadem lapide, aqua, terra, metallove ibidem immediate continetur, cum tamen isthæ tactui frigidiora sint istis. Nam cum hæc omnia, considerata in eo statu quem in cellis subterraneis obtinent, saltem calidiora sint glacie, illa omnino minus calefacient minus, quæ de glacie liquefacient quæ sunt rariora, ob eandem causam, ob quam ista quoque minus frige faciunt. Tametsi vero quis dixerit, diversum hic esse statum calidorum & frigidorum, quia calor se diffundit, quod frigus non facit; certum tamen est, quod vis corpus magis calefacere si tangit quam si non tangit, propter faciliorem transitum particularum caloris, adeoque etiam magis calefacere corpus se frigidius, quod in multis, quam quod in paucis tangit locis. Palea autem, stramen &c. ideo ad hunc scopum apta deprehenduntur, quia non solum, ob laxiorem partium suarum dispositionem, pauxillum quod continet caloris, ad primum glaciei contactum prompte exhalant, sed etiam absorbent eam, in quam glaciēs lente abit, aquam. Hæc enim glaciem ambiens, tam calefaciendo, quam se insinuando, reliquas etiam partes ejus ad liquationem disponit, ut hinc quoque pro derivanda, quam stramen non capit, aqua superflua, istas foveas conica donare figura, & in latere collis præcipitis parare, aut inferius craticula instruere soleant. Neque est quod quis objiciat, hoc modo consultius fore, ut glaciēs intra cellas subterraneas suspendatur in libero aere, cum hic rarissimæ sit substantiæ, & aquam facillime dimittat. Nam cum aer in perpetuo sit motu, quicquid tandem caloris vaporisque est in tota cella, successive in glaci-

glaciem præcipitabit, idque citra intermissionem, quæ iam novæ subinde particulæ caloris vaporesque e terra erumpunt, unde non posset non glacies continue detrimentum capere; dum ex adverso stramen, proprio igne deperdit, alieno calori pariter & vaporibus viam ad glaciem impeditiorem reddit.

Quæ eadem est causa, ob quam tegumenta pilosa
 potulentorum frigus conservant, quia nempe circum- *Ratio*
 fluum cum aere calorem, repetito alias sæpe impetu, & *Phæn. 50.*
 redintegratis, novarum partium successione, toties viri-
 bus, potum oppugnantem, arcet; ipsa autem etsi cali-
 diora sint liquore quem ambiunt, eum tamen propter
 suam raritatem parum calefaciunt, præsertim cum exha-
 latis, quæ intra interstitia hærent, particulis calidis aliæ
 difficulter in earum locum admittantur. Quod autem *Ratio*
 idem potulentorum frigus in locis subterraneis, æquali & *Phæn. 48.*
 aliquando majori frigore præditis, & a quibus aer exter-
 nus, obturatis spiraculis quantum licet, arcetur, diu per-
 duret, dum non est quod iis majorem calorem commu-
 nicet, sua radiat luce.

Sed, ut redeamus eo unde digressi sumus, ex iis *Ratio*
 quæ ad phæn. 16. disseruimus, patet, quam pronus sit *Phæn. 19.*
 lapsus, si iudice tactu velimus discernere frigoris gradus;
 fallacior adhuc redditur hic index, si temperamentum
 tangentis variat. Etenim eadem manus ex aqua fervidiori
 extracta, & immersa in tepidam, hanc censet frigidam, ex
 frigida autem in eandem tepidam translata, hanc judicat
 calidam: manifestissimo argumento, frigus non constare
 ex peculiaris naturæ particulis, utcunque tandem figura-
 tis, cum omnino fieri non posset, ut eadem nos modo
 frigoris, modo caloris instar, afficerent; sed esse merum
 calo-

caloris defectum, etsi non semper omnimodum; eaque omnia frigida censeretur, quæ habent minus caloris quam nostrum corpus, ut ad eorum contactum plures particulas agitissimas amittat, quam ab iisdem recipit. Hoc autem cum non omnes attenderent, & tamen animadverterent, corpora nostra, sudore fluentia æstivo tempore, in cellas subterraneas delata horrore concuti, contra vero, hyberno tempore præ frigore rigentia, ibidem blando tepore resocillari, nata est communis persuasio, quod cryptæ ejusmodi in hyeme calidiores sint quam in æstate, cum contrarium non solum thermometra testentur, sed etiam ratio a priori conjiciat, quia communicatio inter externum atque illic conclusum aerem, propter januas aliasque aperturas, penitus evitari nequit. Quamquam fieri potuerit, ut nonnullis imposuerint ipsa thermometra, vel vulgaria & aperta, in quibus tantum licet aeris ponderi Indies variabili quam calori & frigori, indeq; sæpe contingit horum incremento illud adscribi, quod revera ab aucta aeris gravitate dependet; vel hermetice sigillata, si suas observationes non diutius continuaverunt, & diversis repetierunt temporibus. Ipse enim laudatissimus *Mariotte* in libro locoque supra citato testatur, se pluribus in cellis pluribusque annis repetitis experimentisprehendisse, quod rectificatus spiritus vini illis conclusus mense Novembri in majori altitudine suspensus hæreat, quam circa principium Junii. Addit vero idem, hoc totum dependere a calore æstivo, quem terra, quia profundius penetrat, ante Novembrem penitus non exiit, uti nec frigus hybernum ante Junium deponit. Alias autem, mense Decembri Januario & Febuario, prædictum liquorem nunquam non multo de-

pressio-

pressiorem esse quam mense Julio, Augusto atque Septembri, observationes loqui : speciatim quidem, a fine Decembris usque ad initium Martii frigus maximum, a decimo autem Augusti usque ad istum Septembris calorem maximum, in cellis subterraneis, juxta Thermometrorum indicium, obtinere.

Cæterum, quod rariora facilius refrigerentur quam solida, id ex eo est, quod frigus primario producitur per exhalationem agitissimarum ignis partium; his autem ad fugam via patentior est in raris quam in solidis. Vnde non mirum quod aer, qui v.g. ignem immediate ambit, & ad ingentem gradum incaluit; tam cito refrigerium subeat; hic enim ignis turmatim fugit, cum contra ferrum aliaque metalla, uti propter soliditatem ægre & tardius calorem admittunt, ita, si tandem vi in interiora penetrat, eundem diutius detinent, obstructis plerisque poris. Sed & viscosa, propter suarum partium ramositatem, plures obices ponunt calori erumpenti quam aquosa. Sane quam multum ad refrigerationem conducat liberior fuga particularum ignearum, inter alia ex eo constat, quod jusculum, præ nimio calore intra ollam operculo clausam se amplius continere non valens, remoto operculo, & calori libero abitu concesso, sponte sua subsidet, utut ignis post hæc non minus in ipsum agat. Initium omnis refrigerationis fit a superficie externa; caloris enim particulae illic velut in specula aut ante fores constitutæ celerius fugiunt. Et quanquam crederes earum locum repleti ab interioribus per easdem portas egressuris; hæ tamen propter tot obstacula longe segnius insequuntur, quam illæ se subducunt; adeoque tantum damnum refarcire nequeunt. Eadem est ratio ob quam minora mole citius frige-

Ratio
Ph. 23.
25.

Ratio
Phen. 24.

unt quam majora, quia nempe illic ignis minus a superficie abest, adeoque citius per illam exit. Quod etiam deliquoribus in vasa planiora minusque profunda, aut saltem ex uno vase in aliud effusis, vel solum cochleari agitatis, valet. Hac enim agitatione aut nuda effusione efficitur, ut partes, quæ hactenus intimæ fuerunt, deferantur in superficiem, ubi suum calorem liberius exhalant. Quin huc

Ratio
Phæn. 21. spectat quoque, quod conclavia oblonga facilius calorem amittant quam quadrata ejusdem capacitatis; nam & istic singulæ partes minus a janua seu limine distant quam hic. Adde quod illic quoque porta quasi amplior, hoc est, plus superficiei spatium cingentis sit quam hic, quod apertissimum est ex comparatione Fig. 2. cum Fig. 3. quæ capacitae sunt æquales, nempe 64. passuum cubicorum, cum tamen illius ambitus sit 112. hujus autem tantum 96. passuum quadratorum, adeoque 16. passibus minor illa. Inde quoque refrigeratio corporum minorum (de qua ante diximus) multum promovetur. Minora enim plus habent superficiei, habito respectu ad molem ipsorum, quam majora. Nam uti corpus Fig. 4. representatum, ad alterum in Fig. 3. delineatum, se ratione molis habet ut 1. ad 64. ita ratione superficierum proportio illorum est ut 1. ad 16. Eorum autem, quæ phænomeno 22. diximus, ratio,

Ratio
Phæn. 22. peti debet ex ipsa materia superficierum. Pavimentum enim a lento conclavium tepore tam facile non incalcescit quam asseres, unde etiam aer qui ipsum attingit facilius frigescit. Parietes autem minus spissi ideo nocent, quia per istos ignis citius aufugere potest, juxta ea quæ ante de corporum spissitudine disseruimus.

Ratio
Ph. 27. Uti porro perpetuus quasi circulus in calore deprehenditur, ut corpus calidum ejusmodi particulas agitatisimas

simas versus omnes plagas indefinenter expellat, & ab aere aliisve calidis circumstantibus novas accipiat; ita nunc obvium est, quomodo frigida suo contactu frigefaciant. Primo enim hac sua vicinitate impedire nequeunt, quo minus frigefaciendum corpus, etiam in illo latere quod attingunt, emittat calorem, in ipsum substantiam aliquo usque penetraturum; ipsa autem nec proprium calorem, quem non habent, nec hunc novum, a corpore frigefaciendo quidem communicatum, sed, quia ad ipsum molem nullam habet proportionem, intra se statim dissipatum, reddere possunt. Atque in tantum pure passive se habent frigida in ordine ad frigus in alio corpore producendum. Concurrunt vero etiam active, quando porro arcent, aut absorbent, calorem aliunde adventantem, particulas ejus per ipsum substantiam transituras tot remoris objectis defatigando, supprimendo aut repellendo; insuper quoque arcta sua compressione ipsum corpus calidum ab igne contento intrinsecus commotum cohibent, & una cum particulis igneis implicatis ad quietem redigere annuntur, eo ferme modo, quo campanam sonantem ulnis amplexus ejus motum tremulum & una sonum sistit. Enim vero, si proprius fugit calor, & peregrinus non admittitur, insimulque agitatio corporis calidi impeditur, omnino refrigeratio multum præcipitatur, etsi corpus frigidum nullas exhalationes in frigefaciendum evibret. Quanquam vero quis credere posset, si corpus frigefaciendum non undique ambitur frigidum, sed solum et aliquousque immergitur, uti potulenta glaciæ, aut salum incumbit basi frigida, ceu aer terræ nive tectæ aut aqua frigida perfusa, vel herbis strata, aut alias unico tantum in loco illud contingit, uti lingua sitiens globum crystallinum, circulum caloris non tolli, & desuper saltem, vel

*Ratio
Phen. 26.
§ 29.*

a reliquis lateribus patentibus, illum in sufficienti copia posse affluere; negari tamen nequit, si calor internus quaquaversum diffluit, & externus non nisi per unam alteramque viam redit, plus perdi quam recipitur, & sic refrigerationem quidem retardari, impediri autem penitus non posse: uti similiter retardatur, si corpus, quod intuitu alterius frigidum dicitur, non omni destituitur calore, sed illum saltem in minori gradu possidet quam frigefaciendū.

*Ratio
Phan. 30.
& 31.*

Dum vero immediatus contactus requiritur, si unum corpus alteri causa frigoris existere debet, id equidem rursus evidentissimo est documento, frigus esse meram privationem, nec posse caloris instar sui generis particulas evibrare. Equidem multi, etiam ex celebratoris nominis Physicis, asserunt, frigus quoque ex aliquo intervallo posse percipi. Sed uti hoc facile concedimus de iis corporibus quæ mediocri frigore gaudent, & copiosas de sua substantia, opere residui ignis, expellunt exhalationes, uti aqua & nix jam maximam partem liquata vapores emitit; ita insimul manifestum est, hanc refrigerationem strictè loquendo itidem fieri contactu corporis frigidioris, etsi non totius molis, tamen partium ejus emissarum, nequaquam autem provenire a frigore aliquo activo & se diffundente, aut spiritibus frigorificis, qui naturam habent a suo subjecto diversam, & a quibus omne in mundo frigus, sicut ab igne calor, dependeat. In aliis casibus omnino passi sunt sibi imponi, dum, vel ipsi ad corpus frigidum propius accedentes, aerem circa illud frigidorem prehenderunt, vel res frigida, v.g. glaciēs, ipsis admota, primo aeris partem sibi contiguam, hæcque rursus proximam, & sic tandem illam quoque quæ ipsos immediate circumstet, lento gradu modoque ante memorato frigefecit: unde ipsi, aliquod refrigerium sentientes, hoc non circum-

circumstanti aeri, sed nescio quibus effluviis frigorificis medium aerem transeuntibus, adscribendum putarunt, cum tamen qui clausis oculis dicere jubentur, ah & cui nam corporis parti glacies v.g. fuerit admota, fateri cogantur, se hoc tactu, nisi interposita notabili mora, dijudicare non posse.

Quod autem aer celerius refrigerat, & frigidior est tactui, si ab aliquo commovetur vento, id quidem ex eo est, quod in tali casu non solum igniculos ex calido erumpentes, qui alias aliquandiu illud circumfluunt, cito abigit, sed etiam partes ejus subtiliores in calidi poros aliquo usque penetrantes, agitatissimas caloris particulas, illic contentas, repellunt versus interiora, & alibi exitum quaerere jubent, insuperque; intimius admissa, id omnino multo majori efficacia praestant, quam quae solum extrinsecus circumstant alias praestare solent: uti ex hoc fundamento jusculum, praenimio fervore in spumam conversum, & marginem ollae transgressurum, flatu oris facile intra suos limites continent, & subsidere cogunt coqui. Est quoque hinc in promptu ratio refrigerii illius artificialis, quod ex Kirchero recensuimus: cui simile est quod apud Gazenses hodiernum obtinet, teste *Verulamio in sylva sylvar. Experim. 776*. Testas nempe aut vasa fictilia parietibus inserunt, ut captatum ex fastigio ventum porrectis siphunculis deducant in loca inferiora; quod refrigerium magnis aestibus opponi solet. Atque hic quidem effectus est tanto notabilior, quanto frigidior aer de se existit; nihilominus tamen eundem quoque, licet in minori gradu, experimur, si aer calidior paulo agitur flabellis, aut expiratur e foliis, modo non calidior existat ipsis corporibus nostris; alias enim calorem ejus potius motu ad sensum intendi,

Ratio
Phen. 28.

Ratio
Phen. 44

vel ex eo constat, quod ex conclavi inferiori calefacto per canalem in superius aliquod cum impetu ascendens, semper calidior sentiat in egressu ex prædicto canali, quam in ipso conclavi unde venit: ex eadem scilicet causa ob quam calor lampadis accensa, si folliculus aut siphunculus ejus apici admovetur, & flatu in transversum agitur, adeo augetur, ut ejus subsidio vitra in fluorem convertere liceat. Plures enim caloris particulas advehit quam abigit ejusmodi aer. At frigidior quam nostra corpora est etiam aer æstivus, cum sudor iste, quo diffluunt, non immediate proficiscatur ab ipso, sed a calore interno, qui tanto majora sumit incrementa, quo minus perdit propter teporem aeris externi. Admissus igitur in corporis æstuantis poros hiantes, illud omnino refrigerat, sicut aqua tepida fervidam cui infunditur. Si vero corpus adeo densum offendit, ut in ejus poros penetrare nequeat, majus frigus ab aere commoto quam quieto in eo non producit. Certe ea ipsa qua hæc scribimus hora experimentum sumpsimus tam in thermometro sigillato, quam vulgari, sed adeo teneri sensus, ut sola vicinia humani corporis, aut aer e naribus egressus, insignem in eo mutationem producat: tamen si vero mediante folle aerem vehementissime adspiraremus utrique, altitudo tamen liquoris nullatenus mutata est. Quod autem flatus ex ore diducto emissus calefacit, & per os contractum expulsus frigefacit objecta, id omnino ex alio fundamento deducendum est; aer enim est idem, in utroque casu commotus, nec oris apertura ejus qualitatem mutare, aut ex calido frigidum reddere potest. Neque phænomeni triti, & ideo passim neglecti, causa adeo obvia est. Scilicet uti aqua ex alto effusa in aliam stagnantem, equidem per hanc mediam penetrat ad vasculi

*Ratio
Phæn. 45.*

culi usque fundum, ita tamen ut stagnantem quoque, ubi eam cylindrus iste aquæ effusæ in sua peripheria attingit, motu vorticofo illuc secum abripiat; ita eodem plane modo se res habet cum aere, impetu quodam ex ore pro-
truso in aerem externum & velut stagnantem. Atque hinc si ex ore magis aperto spissior erumpit cylindrus aereus, equidem in manum v. g. parum inde remotam secum rapi-
pit aliquid aeris intermedii, quem transeundo in sua su-
perficie tangit; quia tamen ipse copia prævalet, & ex pul-
monibus, h. e. interno & calidioris corporis parte, prodit,
externa ejus membra, quæ internis frigidiora sunt, calefa-
cit suo appulsu. Contra vero si ex ore angustiori gracilior
cylindrus aereus manat, is non solum in transitu per ae-
rem frigidioris calorem suum facilius exhalat, (sicut a-
qua quæ ab immensa vi ignis per angustissimum Æolipi-
læ orificium instar nebulae fervidissimæ protruditur, vix
dimidii passus intervallo omnem calorem perdidisse per-
cipitur,) sed & prædicto motu vorticofo tantum illius ae-
ris in objectam manum præcipitat, ut non tam aerem ex
ore egressum, quam externum in manū impactum, sentia-
mus; qui cū manu frigidior sit, illam omnino, ratione su-
pra dicta, refrigerat. Atq; hujus rei evidens documentum
est, quod, manu ori tantum admota, ut nihil aut parum sal-
tim aeris externi intercedat, flatus oris itidem calidus sen-
tiatur, nec non, quod idem oris halitus, intra pulmones
eodem caloris gradu gaudens, hyberno tempore in loco
frigidiori manum afflans eam longe magis refrigerat, quā
si idem fiat in conclavi calefacto, imo quod, experimento
instituto in loco ubi aer exterior non est frigidior interio-
re, ex tali adspiratione potius aliquod caloris augmentum
sentiatur; ceu his diebus plus simplici vice sumus experti.

Cete-

Ratio Phæn. 32. Cæterum nunc luce meridiana clarius est, cur frigida cum calidis commixta isthæc refrigerent. Præterquam enim quod, singulas calidi partes seorsim ambiendo & quasi obsidendo, eadem commodius longe præstare possint, quæ frigida extrinsecus admota solent; insuper sua interpositione ignis particulas dissociant, ut se contra pondus subjecti sui aliaque impedimenta minus diu tueri queant; quin ipsi igniculi, qui ex interiori corporis substantia alias per multas ambages ad peripheriam tendere & illic aufugere debent, brevi saltu in novum hunc hospitem intimius admissum transiliunt, pristinum deferentes domicilium, quod ideo non minus frigidum percipitur, quam si iidem plane abiissent in auras.

Ratio Ph. 33. & 39. Sed quod attinet incrementum frigoris ex mixtura rerum ad sensum æque frigidarum natum, testatur experientia, quædam corpora impetui ignis facile obtemperare, & levi vi, vel ab eo inflammari, vel liquari, vel alia immutari ratione; quædam contra ejusdem actioni resistere multum, & difficulter violentiæ cedere, ut hinc potentia vel virtualiter frigida, sicut non pauca ex prioribus e.g. sulphur, spiritus vini &c. virtualiter calida dicantur, tametsi in statu naturali aliis, tactu judice, non sint calidiora. Cumque speciatim salia ingentem ignis torturam sustinere valeant, ut non liquentur, cum tamen nec gravitate nec cohæsiōe & durtie, nec crassitie partium, cum metallis aut lapidibus ullatenus cedere queant, sed videantur ex minimis lamellis externo tantum tactu ferme concretis constare, quæ ideo a levissimo humore dissolvi possunt; omnino valde inepta ad subeundam agitationem ignis, motuique ejus adversa, debent censerī, ut ut nonnunquam effectus ignis per accidens,

dens, propter acumen & rigorem partium, promoveant
 multum, imo diverforum generum commixtio occasio-
 nem præbeat non levi calori, & salia volatilia, nec non
 arrosiones & resolutiones corporum per salia, satis
 doceant, quod alias non sint inhabilia ad actionem,
 sed quæ ab ignis actione differt, imò ei forsan contraria
 est. Quocirca injecta aquæ, acida verò etiam cum chy-
 lo delata in sanguinem, refrigerii causa sunt, dum vel
 torpore & interpositione sua liberam particularum ig-
 nearum commotionem impediunt, vel actione contra-
 ria turbant, eo modo quo penduli vibrationes aut gra-
 vium lapsum motu & impulsu contrario sistere solemus;
 vel denique poris suis, ignearum particularum figuræ
 accommodatioribus quam sunt aliorum corporum,
 earum plures recipiunt, & sic quasi absorbent & sistunt.
 Quo quidem officio suo tanto commodius fungi pos-
 sunt, quia dum liquantur, in minimas resolvuntur par-
 tes, quæ per totum liquorem diffusæ ubique tanto præ-
 sentius igni resistunt. Neque tamen hæc adeo pro-
 pria sunt salibus, ut non alia quoque corpora, sanguini
 præprimis commixta, vel extrinsecus applicata mem-
 bris gracilioribus minusque profundo venarum & arte-
 riarum majorum situ gaudentibus, idem efficiant, si vel
 maxime paucò salè imprægnata sunt, & ob peregrinum
 ignem violenter intrusum, sanguinem ipsum calore vin-
 cant: uti certe portiones aquæ, etiam calidæ, sanguinis
 fervorem ideo lente temperant, quia igniculi in sangui-
 ne contenti ex ipsius substantia, motu mediante, novos
 eliciunt, in fugientium locum successuros, tales autem
 aqua suppeditare nequit, adeoque in sanguinis sub-
 stantiam admissa, exhalatoque quem secum attulerat
 Z z igne

igne peregrino, non solum de suo damnum hoc refarcire non valet, sed insuper igniculos in reliqua sanguinis substantia latentes diluit, segregat, implicat, & quo minus debitum motum consequantur, impedit. Inæquali vero gradu effectum hunc præstant salia, minus scilicet aquam refrigerant nitrum atque vitriolum, magis sal commune, magis adhuc ammoniacum; siquidem experientia testatur, nitrum atque vitriolum minori ignis violentia in fluorem redigi quam sal commune aut ammoniacum, indeque jure colligitur, illa impetui ignis minus contraria esse quam isthæc, & inter hæc sal vulgare, quam ammoniacum, quia hujus spicula longe minora sunt, adeoquo se in liquatione magis diffundunt quam illius.

Ratio

Phen. 34. Hinc vero sua sponte sequitur, quo major hujus salis copia simul & semel aquæ injicitur, eo intensius consurgere frigus, quia tanto major igniculorum pars deprimitur aut absorbetur; attamen idem hoc minus stabile esse futurum, quia salinæ particulae, si singulae sufficientem igniculorum numerum hauserunt, novis, aquæ substantiam pededentim ingredientibus, amplius resistere, aut impedire nequeunt, quo minus li-

Ratio

Phen. 35. quor in pristinum caloris gradum restituatur. Contra vero, si eadem salis quantitas non simul, sed per partes & successive ingeritur, effectus non adeo notabilis est, quia interea multi igniculi extrinsecus superveniunt, adeoque salibus non solum cum iis qui primitus in aqua fuerunt, res sit, (ceu quidem in primo casu contingit,) sed etiam cum novis his superaccedentibus. Diutius tamen hoc frigus durabit, si sæpe repetitis vicibus aliquid salis de novo additur, aut nova portio de frusto majori solvitur, & ita semper est quod calori ab aere velut in sub-

sidi-

fidium misso resistit. Quamquam vero quis sibi persuadere posset, sal ammoniacum libero aeri expositum, antequam in aquam conjicitur, jam tot particulas calidas velut imbibere debuisse, ut postea novas non caperet; attamen, præterquam quod per salis sicci poros magis parulos ignis facilius aufugere queat, nec tam promte ibidem ligetur & ad quietem redigatur, quam si pori undique aqua sunt obsessi; insuper lamellarum adhuc concretarum intima non æque commode penetrat, quam si eadem per aquam ab invicem sunt sejuncta. Augentur autem salis vires, si massa agitur bacillo, quia ita non solum citius dissolvitur in minimas partes, sed etiam citius fortiusque in igniculos per totam aquam sparsos impingit. Inde pariter fieri omnino potest, ut præcipitato impetu plures igniculi a salibus prædicto modo subjugentur, quam hyemali tempore ab aqua congelationis capaci abesse debent, & tamen hic effectus in vasculo aqua dulci pleno & mixturæ huic imposito se in æstate, ubi desuper major est caloris affluxus, non prodatur, ut vapor extrinsecus adhærens, aut etiam aqua superficialiter tantum in latere exteriori vitri posita, quæque adeo calorem citius exhalare potest, verno tempore, ubi calor aeris circumstantis est remissior, a Boylio aliquando congelata fuerit deprehensa.

Vt vero, per hæc dicta, refrigeratio obtinetur, sive sal in aqua dulci, sive in alia quæ jam aliqua salis portione est impregnata, liquetur; ita non est mirum, eundem effectum sequi, si sal in acetum, aut alium liquorem corrosivum & lixivio fortissimo ejusdem generis prædictum, injicitur. Equidem si salia diversi generis, nempe acria seu alcalia fortiora, seu in chemicorum scholis appellari solent, miscentur cum fortioribus acidis, calor o-

ritur; uti eadem alcalia, tametsi in exigua dosi cum chylo delata in sanguinem huius ardorem intendunt, quia multa acida in eo continentur; Sed hoc fit per accidens, dum nimirum per mixturam in se agunt, particulas mutuo atterunt, figuram & magnitudinem mutant, & sic igniculos in illis defixos & velut incarceratos liberant, qui, dum agminatim intra materiam subtilissimam agitari incipiunt, calorem prognerant aliquando satis vehementem. Illa autem effervescencia, seu ebullitio, quæ ex commixtione salis tartari & aceti destillati oritur, refrigerationem remorari non potest, cum talis ebullitio non solum igni, sed etiam cuivis corpori subtilissimo & levissimo, per aliud gravius & viscosum cum impetu ascendere conanti, originem debeat; imo talis ebullitio refrigerationem aliquando manifeste promoveat: uti novimus aquam fervidam citius calorem exuere, si recipienti Antliæ pneumaticæ inclusa post subtractum pondus aeris vehementissime ebullit, quam si sibi ipsi relinquitur, quia ibi turmatim, hic vero non nisi lente ignis fugit.

*Ratio
Phan. 40.*

Facile nunc (ut ad alia transeamus) pateremur nobis persuaderi, sal cum glacie commixtum frigus non alia intendere ratione, quam idem in aqua præstare hæcenus diximus, cum idem sit effectus, eadem causa, & ideo valde probabiliter eadem quoque agendi ratio, negarique nequeat, in particularum glacialium interstitiis, imo in ipsa glaciei saltim externa superficie aliquid contineri caloris, qui proinde ab adjecto sale subigatur; in superque observaverimus, sal ammoniacum ad fornacem haud leviter calefactum & injectum aquæ, hanc nihilominus refrigerare, tametsi in minori gradu. Enim vero, præterquam quod glacies contusa aquæ injecta hanc vehementius refrigeret quam sal, adeoque particulas caloris

loris interstitiis suis exceptas ipsummet commodius absorbere posse videatur quam interpersum sal; maxime assensum nostrum remoratur, quod spiritus vini rectificatus refrigerationem atque congelationem citius promoveat quam multa salia, in quo tamen tantam particularum inertium & ignis actionem impediendum copiam tanto minus concipere licet, quanto notius est ipsum, si perfectior fuerit, totum in flammam abire, nullo phlegmate relicto. Et quanquam magna veritatis specie dici queat, sala glaciei per calorem successive soluta humore liquatum replere hiatus frustulis glacialibus conclusos, illaque sua interpositione velut connectere, ut ita excluso omni igne, qui alias in poris commorari, hinc in vas frigefaciendum transmigrare, & congelationem impedire potuisset, aquam congelandam immediate cingat continuum quoddam vallum glaciali, quod ei nec proprium calorem communicare valet, nec ut aliunde succurratur permittere, unde postmodum propter denegatum subsidium caloris, qui in locum fugientis succedat, frigus oriatur tantum, quod ad glaciem generandam sufficit, eo scil. modo, quo rem supra ad phan. 27. exposuimus: Tamen mens neque sic omni liberatur dubio, cum videat duo frusta glacialia sibi immediate imposita non coalescere, quæ tamen interspersis aliquot salis granis mox firmiter concresecunt, ceu in phan. 105. notavimus, insuperque aqua, sive dulcis, sive salsa, æque commode interstitia replere posse videatur, quam sal liquatum, illius tamen ope nunquam glaciem possimus obtinere; & si culpam velimus conicere in calorem, quo aqua sit prædita, saltim non minus caloris in aqua forti, regia,

spiritu vini rectificato &c. debeamus concipere, quam in aqua, quo tamen non obstante glaciēs generetur; ut adeo censendum sit, plus hic præstare sal, quam ut liquatum interstitia solum frustorum glacialium floccorumve nivorum repleat.

Liceat igitur in re difficili nostra animi sensa uberius paulo explicare. Scilicet uti aqua fortis, regia, alique fortissimi spiritus salini, tanta gaudent arrodendi facultate, ut brevi tempore resolvant ipsa metalla solidissima, quæ, etiamsi hac resolutione suam naturam non deponant, tamen quasi penitus immutata invisibilia evadunt, & mentiuntur fluorem, æque ac ipsa salia liquata manent salia, & nihilominus fluorem limpidum representant; ita omnino statuendum putamus, eadem salia glaciē solidæ commixta, in hanc quoque simili agere ratione, & ab illa abraderi minimas lamellas aut ramenta glacialia copiosissima, quæ una cum ipsis spiculis salinis tantillo aquæ, ex aliquali regelatione glaciē productæ, innatantes, sub habitu fluoris manum miscentem, aut vasculum aqua plenum huic mixturæ immersum, ambiunt; illudque vehementius multo frigefaciunt quam ipsa frusta glacialia. Glaciēs enim aeri tepido, ceu in tali congelatione artificiali solet, exposita, intra suam superficiem tot igniculos recipit, ut extrinsecus ad liquationem sit pronissima. Hos cum manui aliive corpori calido immerso communicat, neque agitationem ejus ab igne dependentem, neque caloris circulum, sive refluxum in corpus unde egressus est, penitus sistere, adeoque nec autor tanti frigoris, quantum ad congelationem aquæ aut stuporem manui inducendum requiritur, existere potest. Contra vero laudatæ lamellæ glaciales maxi-

maximam partem ab interiore & nihil adhuc ab aeris igne passa substantia abraſa, indeque calore in tantum deſtituta, in quantum ab illo aer glaciesve in media hyeme libera eſt, idem omnino quod iſthæc facere, atque ita modo ſupra ad phæn. 27. declarato, ingens & ad generationem glaciæ ſufficiens frigus producere valent, niſi quod, corpore frigeſaciendo hac maſſa non prorsus operito, deſuper affluens calor remoram aliquam effectui obijcere queat. Promovetur alias talis congelatio etiam ex eo capite, quod hic fluore glacialis vaſculum omnibus in punctis immediate attingit, quod fruſtra glaciæ ſolidæ præſtare nequeunt, nec non, quod reſiduus in aqua vaſculi ignis, per hujus latera erumpens, ab hoc fluore glaciali inſtabili & novas ſubinde lammellas glaciales ei obijciente, facilius citra ſui liquationem adeoque notabilem calefactionem abſorberi po-teſt, quam a fruſtorum glacialium ſuperficie fixa. Atque ita ne hoc quidem in caſu neceſſum erit confugere, ad ſpiritus frigorificos cujuſcunque generis, quos alias in hoc experimento inprimis urgent eorum Patroni, nos autem, ob cauſas ſuperius num. 9. noſtræ hypotheſeos enarratas, non admittendas ſtatui-mus.

Equidem experimentum Reiherianum exactis ha-tenus fundamentis ſolutum foret difficilius; ſed cum illud nobis, quantacunque adhibita diligentia atque circumſpectione, non ſucceſſerit ex voto, non immerito forſan ſuſpicabimur, augmentum illud frigoris quod in lagenâ potu plena terræque excavatæ impoſita percipitur, ab ipſa potius terra, quæ in loco umbroſo ſuiſque penetralibus omnino æſtivo tempore frigidior eſt ære, & conſequenter, more hætenus tradito omnibuſque
frigi-

Ratio
Ph. 42.

frigidis communi, sibi imposita antea affusam calidam frigefacere potest, deducendum esse, quam ab alio frigore positivo, ex terra nitrosa per fervidam aquam in contiguam lagenam propulso: ut ideo nihil habeamus causæ, cur nostram hypothesein deferamus, præsertim cum ex ea prompte respondere liceat ad reliqua phæ-

Ratio nomena de incremento frigoris orto in re frigida, ex ad-
Phen. 43. mixtionē rei ad sensum calidæ. Nam, ne quicquam dicamus de mitigatione caloris quæ camphora parti inflammata applicata percipitur, atque inde oritur, quod camphora fragrantissimi odoris est, & brevi tempore tota abit in halitus, adeoque etiam transpirationem partis læsæ & fugam igniculorum promovet; si supponamus interim, quod suo loco sumus probaturi, ad consistentiam aquæ non minus quam metallorum, nihil aliud requiri quam sufficientem & corporis statui respondentem expulsionem igniculorum, haud dif-

Ratio Ph. ficulter explicabimus varietates & circumstantias in ar-
III. tificiali congelatione occurrentes. Et primo quidem, cum salia quo acriora sunt, & quo in minores resolvuntur partes, eo promptius plurimis in locis glaciem subire, ingentemque lamellarum glacialium copiam velut amputare possint, patet, cur sal tartari concentratum inter omnia salia hoc in negotio teneat primas, ut

Ratio pote cujus tanta est arrodendi vis, ut ejus ope prompte
Phen. 99. fonticulum in humana cute excitare liceat. Nec minus manifesta est differentia reliquorum salium in hac refrigeratione, (quod e.g. sal ammoniacum ejusque flores sublimati cœteris fere palmam præripiant,) pro ut nempe partium subtilitate, rigore & acrimonia se invicem superant. Nec aqua fortis, regia, spiritus vini vel

vel frumenti rectificatus, alique similes, hic excludi possunt, cum hi fluores ferme ex meris spiculis subtilissimis, acutissimis, plus minusve rigidis & corrodingi facultate præditis consent, adeoque eadem facilitate, qua salia, frusta glacialis penetrare, hacque in lamellas minimas resolvere queant. Neque obstat calor, qui spiritui vini inprimis inest, cum is solum virtualis sit, nec in actum erumpat.

Nec minus in propatulo est, cur aliqua corpora ægrius, vel plane non, hoc refrigerationis & congelationis officio fungantur. Ita saccharo deest acumen rigorque partium tantus, qui ad glaciem satis arrodendam aut dissolvendam requiritur. Vt vinum nostrum multis aliis generositate partiumque subtilitate cedit, ita idem de aceto inde parato dicendum. Nitri quoque aluminis ac vitrioli particula salina multis metallinis ac terreis sunt irretita, ne hinc tanto instructa acumine, ut glaciem prompte satis subeant, & sufficientem lamellarum numerum abscondant. Prout vero saccharum, acetum &c. bonitatis gradu distinguitur, ita quoque acumine, subtilitate, figuraque partium; ut nulli dubitemus, alios his ipsis corporibus, sed melioris notæ, obtinere potuisse, quod nobis non erat concessum, præsertim cum diversitas temporis, in quo talia experimenta instituuntur, frigus multum variare queat. Contra vero alia corpora, velut mercurius sublimatus, sal volatile cornu cervi fixatum, butyrum antimonii, saccharum saturni, acrimonia maximaque arrodendi facultate non destituuntur, sed quia in mixtura cum glacie non vel ægerime saltim, diffuunt ab humore in minimas resoluta spiculas, quod supra laudata salia præstare solent.

Ratio
Ph. 100.
& 101.

Ratio
Phen.
113.

quin potius terræ immerſa etiam præcipitantur in fundum partim, partim ad latera fruſtulorum glacialium, ſuam quoque arrodendi vim in hæc exercere, aut fluorem ex lamellis glacialibus compoſitum producere nequeunt. Quod denique lixivium ſalina ſatis adhuc fortia, h. e. ſalia ante ſuam cum glaciæ aut nive commixtionem in aqua reſoluta, priſtinas vires non exercent, id quidem partim ex eo eſt, quod aqua, ſi prædominatur, ſpicula illa ſalina undique obducit & ſic eorum actionem impedit, partim quod abraſa lamellæ ab aqua copioſiore facile tantum recipiunt caloris, ut liquentur; ne nunc dicam ſalia per aquam dilui, ut in minori copia irruant in glaciem.

Ratio
Phen.
113.

Ratio
Phen.
112.

Vti vero pronum erat oſtendere, quæ corpora præ aliis ad ejuſmodi augmentum frigoris & congelationem procurandam ſint apta, ita quoque encheireſis, ſeu proceſſus adhiberi ſolitus, nihil habet difficultatis. Debet glacies contundi, & in exigua reſolvi fruſta, ut ſalia ſpiritusve, dum adſperguntur aut affunduntur, tanto pluribus in locis in glaciem agere, hincque lamellas tanto citius tantoque majori in copia abraſere queant; plus enim ſuperficie habent fruſtula minuta junctim ſumpta, quam totum ex cujus diſiſione ſunt nata, adeoque ſalia ſuperficie in hærentia majorem effectum edere poſſunt. Concreſcunt hæc fruſta poſt aſperſionem ſalium aut affuſionem ſpirituum. Abraſa enim exteriori ſuperficie quæ plures igniculoſos receperat, & ideo concretionem fruſtorum impedierat, contingunt ſe interiori ſua ſubſtantia, hyemali frigore adhuc prædita. Vti vero hyberno tempore duo fruſta glacialia ſibi impoſita, ſi levis mador interceſſerit, promptiſſime coherant;

Ratio
Phen.
105.

rent; ita idem omnino in presenti casu. ex eadem causa
 salis necesse est. Diu tamen hæc cohesio non du-
 rat, præterquam in partibus quæ hujus mixturæ imum
 occupant & ideo innox a fluore glaciali undique ambi-
 untur; partim quia frustra propter inæqualem superfici-
 em suam tam arcte non cœunt, quin æstivum aerem
 admittant medium, partim quia ipsa salia, ob causam suo
 loco dicendam, congelationi & stabili cohesioni cor-
 poris cui insunt, resistunt. Interim hoc pacto retardatur
 congelatio aquæ dulcis intra vasculum huic massæ im-
 positum, quia illa concretio impedit abrasionem lamel-
 larum. Contra vero, si post adersionem salis glaciæ
 probe agitur, ejusque frustis concrescendi spatium non
 conceditur, spicula salina concussione hac tanto fortius
 tantoque frequentius in glaciem impingunt, indeque
 tanto citius insignem iramentorum glacialium nume-
 rum abscindunt. Quod enim tali commotione glaciæ
 revera, tam cito debeat liquari, seu in aquam solvi,
 nihil omnino videmus causæ. Caterum quod conge-
 latio aquæ dulcis non incipiat, antequam ejusmodi li-
 quor vel potius fluor glacialis vasculum circumdat, ex
 hactenus dictis, speciatim iis quæ ad phæn. 40. disserui-
 mus, sua radiat luce. At si fluidæ istæ lamellæ revera
 liquantur, seu propter copiam ighiculorum pertransce-
 untium saltem magnam partem in aquam abeunt, tan-
 tum abest ut liquor, qui se contra externum calorem
 tueri non potuit, aquam dulcem in vasculo contentam
 suo queat privare, ut potius, suppeditando aliquas agita-
 tissimas caloris particulas, ejus regelationem promo-
 veat. Hæc ideo incipit ab inferiori parte, quia residuæ
 lamellæ glaciales, una cum reliquiis frustorum glaciali-
 um, supernatant, adeoque basin cingit mera aqua sale-
 im-

Ratio

Phæn.

104. 44

Ratio

Ph. 103.

Ratio

Ph. 106.

- Ratio* imprægnata. Illud porro per se notum, quod congelatio debeat accelerari, si vasculum, cui liquor in glaciem transmutandus inest, fuerit minus, insuperque angusto præditum collo, quia calor illius citius expelli potest, nec desuper per has angustias multum in illum licet calori aeris incumbentis. Nec mirum quod tam *Ratio* brevi tempore congelatio absolvatur, cum in intensissimo hyemis frigore aqua per stiriam defluens, aut gutta in glaciem, metallum, lapidemve delapsa adhuc minori temporis intervallo fluiditatem suam cum rigore commutent; in congelatione autem artificiali eadem quæ illic causæ concurrant, nisi quod aer tepidior incumbens aliquam remoram ponat. Id vero magis *Ratio* mirum posset videri, quo illa massa salis & glaciei contusæ extrinsecus circumposita vasi spiritu vini rectificato pleno, per hunc medium agat in alium liquorem ipsi impositum. Sed si eadem massa immediate cingens vas amplius paulo aqua plenum, primo vas ipsum, illud ambiendo, calorem egressum absorbendo, aliunde autem affluentem arcendo, frigefacit, hocque mediante ei proxime adjacentem superficiem inclusæ aquæ &c. donec frigus ad medium usque aquæ pervadit, & totum convertit in glaciem; quidni simili ratione mediante vasculo spiritum vini, hujus ope aquam eo cinctam, refrigerare & congelare poterit, utut ipse spiritus ob partium subtilitatem, ceu infra dicemus, talem rigorem non admitat? Calor ei innatus certe obstare nequit, utpote quæ virtualis tantum est; & hætenus in actum non erupit, indeque tactu non percipitur, nec spiritum ad sensum calidiorem reddit quam ipsa est aqua. Bullæ deniq; in hac massa surgentes inde sunt, quod in commixtione multum aeris intercipitur in interstitiis fru-

storum glacialium, qui successive, spatiis istis a fluore repletis, fugit, sub forma bullarum, quæ aquæ, cui salia viscositatem paulo maiorem conciliavere, diutius insidentes spumam efficiunt, dissilientes autem strepitum, quendam excitant, qualem etiam in aliis liquoribus spumantibus, ab initio præsertim, percipimus.

Sed nunc tandem de liquidorum consistentia, atque duritie dicendi erit locus. Ac primo quidem, uti fluiditas metallorum, vitrorum, picis &c. nemine contradicente ex eo est, quod ignis particula subtilissima & perniciosissime mota hæc corpora in immensa copia subeunt, suo rigore & acumine omnia vincula dirumpant, partesque solutas, quia liberam ipsis fugam denegant, perpetuo agitent, nec ullatenus quiescere permittant; ita ex adverso subsecuta eorum consistentia, unice ex eo repetenda venit, quod aufugiente impetuosisimo igne, partes eorum proprio motu aut nisu ad eundem destituta, sponte sua quiescant, & derelictum ignis locum occupatura, subsideant, propius se contingant, atque pro varia ipsarum figura plus minusve implicentur, ut non solum subsistant, sed etiam cohæreant, & corpus durum constituent. Ad quam quidem duritiem plurimum confert aer externus, subtilis æque ac crassus, qui ab interiori horum corporum substantia exclusus, nec propter ignem ejectum ullam amplius resistenciam inveniens, eorum partes immenso suo pondere, nostro avo tot experimentis omni exceptione majoribus comprobato, validissime comprimit, eo modo quo duos orbes marmoreos, diametro sua vix sesquipedem adæquant, probe politos, & pro excludendo feliciter aere insuper pinguedine aliqua inunctos, si

Ratio
Phæ
Si.

sibi nuda manu imponuntur, tam valide comprimit, ut 500. lb. pondere divelli nequeant. Prout vero ipsa corpora ex crassioribus, solidioribus, gravioribus, aut contra ex rarioribus & levioribus componuntur partibus, adeoque majori minorive ignis impetu dimoveri possunt, ita illa consistentia in nonnullis cum calore nobis intolerabili, in aliis cum remissiori quidem, valde tamen sensibili velut in cera, pice &c. in aliis vero non nisi cum omnis ferme caloris sensibilis defectu, uti in butyro & oleis crassioribus, stare potest. Vt adeo res ipsa suadere videatur; nec aliam causam esse consistentiæ illius glacialis in aqua, hujusque non minus, quam ceræ, picis &c. fluxum pariter & partium flexibilitatem pendere ab igne, quo expulso, illæ non solum quiescant, sed quia oblongæ sunt (suadentibus id quamplurimis phænomenis) implicentur, & propter politiem se arctissime complectantur, atque adeo, flexilitate deperdita, firmiter cohæreant, & duritiem satis robustam nanciscantur. Nec alia hic differentia occurrit, nisi quod DEVS in viventium gratiam partes aquæ adeo subtiles & volubiles reddidit, ut majori multo ignis defectu opus sit, quam in aliis præcedente phænomeno enarratis, donec flexilitatem fluxumque perdant. Cum vero spirituosa volatilitate multisque aliis effectibus prodant, quod ipsorum partes longe sint subtiliores aqueis, ignis ab illis eo usque expelli nequit, ut se mutuo complexæ consistent; imo forsan nonnulla illorum quæ ad spirabilissimam naturam propius accedunt, & parum phlegmatis continent, aeris instar non indigent igne formali ad suum fluxum, sed ab æthere aut alia subtiliori materia sufficienter agitantur. Quod si vero aliqua ejusmodi

Ratio
Phæn. 53.

Ratio
Phæn
114.

Ratio
Phæn.
115.

spi.

spiritus in minori copia possident, ceu vinum & spiritus vini vel frumenti vulgaris, illa quidem propter aquam, aut alium crasfiorem liquorem admixtum, rigorem concipiunt, sed aere, & non nisi summo frigore regnante, quia spiritus congelationis impatientes reliquarum partium quietem turbant; nec adeo solida est glacies, quia spiritus non habent sufficientes ejusmodi fixiles & oblongas particulas, quæ cum aliis implicari & ligari possunt, quod ex eorum effectibus constat. Quæ eadem causa est, ob quam lixivia salium magis diluta, glaciem gignant minus duram. Tamen enim ad quietem prona sint salia crassa, quia tamen, autoplasia & microscopiis testibus, constant ex lamellis rigidiusculis, fragilibus & politis, inter se implicari & vinciri non possunt, sed solum sibi incumbunt squamarum instar facili opera rursus dissolvendarum. Imo si fortiora fuerint lixivia, tunc hæc salia non solum se invicem, ob causam modo dictam, non ligant, sed etiam interpositione sua aqueas tantopere dislocant, ut se mutuo debite complecti & consistere nequeant. Ut ideo supra num. 8. nostræ hypotheseos non immerito hoc ipsum inter præcipuas causas retulerimus, ob quas, salia aquæ accessione sua consistentiam largiri, negaverimus, quod si enim hæc fixa præstare nequeunt, volatilia autem propter subtilitatem suam congelationis incapacia sunt, quibus tandem hoc tribuimus? Caterum quod lixivia congelata albicent, inde est, quia salia minus pellicula sunt quam aqua; glaciei igitur commixta & in majori copia sibi incumbentia, hanc quoque magis opacare solent, ut hinc propter copiosos radios reflexos splendeat & albicet. Ex simili fere causa spiritus vini cam-

Ratio
Phen.
116.

Ratio
Phen.
117.

Ratio
Phen.
52

camphoratus in loco frigido turbatur, & glaciem mentitur. Nam quamdiu a calore camphoræ particulæ agitantur & distrahuntur, ipseque spiritus paulo rarefit, perspicuitati adeo obesse non possunt: postquam vero calore magnam partem expulso, redduntur quieti, plures inter se copulatæ pristinam opacitatem induunt, & aliqualem largiuntur consistentiam.

Ratio
Phen.
54.

Sed nunc congelationis phænomena penitus inspicimus. Halitus igitur oris, tota æstate invisibiles, autumno conspicui redduntur, qui congelantur & ita perspicuitatem ferme amittunt. Tamen enim tunc mitius sit frigus, quam ut aqua intra alveos collecta queat in glaciem transmutari, cum partes se invicem foveant, & igniculi ab una transiliant in alteram, nec tam cito omnes abeant in auram; vapores tamen minuti, aliunde nullum subsidium adepti, & per aerem frigidiusculum impetu acti, omnino intra momentum calore suo intantum possunt privari, ut obrigescant, quanquam deinceps fieri queat, ut per aerem lentius incedentes, & in obvios impingentes igniculos, rursus regelentur.

Ratio
Phen.
55.

Nec dubium est, idem accidere aliis quoque vaporibus per aerem latis, utut, quia rariores sunt, a visu non deprehendantur. Pruina autem plantis terræque insidens auctius requirit frigus, quia guttulæ ejus sunt majores, & a subjecto, cui insident aliquid caloris recipere queunt. Copiosior vero aqua adhuc intensius frigus postulat, ob causam modo allegatam. Idem desiderat nix delapsa. Et si enim supra ostensum sit, superiorem aeris regionem etiam in media æstate esse frigidissimam, ut nullum dubium sit, nubes eminentiores etiam illo tempore continere nivem, & nonnunquam deji-

Ratio
Phen.
56.

deicere; hæc tamen, nisi aer inferior quoque frigidior
 fuerit, in descensu per tantum spatium liquatur. Nihilominus nec summo frigore apud nos dominante labitur, *Ratio*
 quia lapsus ejus ordinariè procurat aer leviculo tepore, *Phen. 57.*
 re præditus, quo filamenta, quibus flocci copulantur, emollescunt & rumpuntur. Talis verò aer non nisi ab imo
 adspirare potest, quia superior semper est frigidior. *Ratio*
 Ruptis ita filis pluribus paucioribusve, pro ventu incurren- *Phen.*
 tis tepore atque impetu, descendentes flocci naturalem *58.*
 magnitudinem servant, si aeris nostri frigus est acrius;
 si idem remissius extiterit, emollescunt, & in via in se
 invicem impingentes, coherent, atque floccos constitu-
 unt majores, quibus si operitur tellus, plantæ ab interi-
 tu redduntur tutæ, partim quia faviens aer hoc pacto
 in terræ, radicum, plantarumque poros penetrare, &
 residuos igniculos, nec non ex interioribus terræ subin-
 de adscendentes, expellere nequit, partim quia ipsi flocc-
 ci non omni destituuntur calore, quo plantas fovent.
 Ut enim ad sebi, butyri, oleorumque, ita quoque ad
 aquæ consistentiam omnimodâ ignis absentia non re-
 quiritur, sed sufficit, majorem abesse partem; quin ex
 halationes ex nive, imo & ex glacie egressæ, abunde
 testantur præsentiam caloris, patiturque rigor & consi-
 stentia suos gradus, pro majori minorive caloris defe-
 ctu. Hinc si nix propter copiam residui ignis parum
 a liquatione abest, calcatur molliter, cedit tactui, flocci-
 que implicari & figuram quamcunque induere possunt. *Ratio*
 Contra vero si frigus est vehementius, rigorque nivis *Ph. 60.*
 major, calcata stridorem edit, qui oritur partim ex dif- *Ratio*
 fractione totæ lamellarum, cedere nesciarum, partim ex *Ph. 61.*
 earum affricu, fallit quoque vestigia, quia rigor lamel-
 larum

larum incurvationem, hancque insequentem implicationem, & inde deducendam cohesionem, non admittit; & lamellæ vim passæ franguntur. Sed illa de nive doctrina fusior est; quam ut hic pro merito queat pertractari, aliumque sibi postulat locum.

Ratio Halitus animalium hominumque barbis & capillis
Pb. 62. sub forma pruinae adherentes; ex ipsius subjecti naribus, capite reliquisque membris expirantur. Non autem conspiciuntur nisi ingenti frigore saviente, quia extra hunc casum, propter calorem ex eodem corpore simul exhalatum; adiutum a calore in aere residuo, in tanta vicinia ipsisque capillis, a corpore, uti succum, ita quoque ignem vitalem subinde repetentibus; congelari non possunt. Quod vero attinet integumentum illud glaciale, quo hyberno tempore operiuntur orbitæ fenestrarum; sciendum, aerem conclavium plenum esse vaporibus, partim cum ipso aere eo translatis, partim a corporibus hominum aliisque humidis expulsis. Quod si nunc externus frigidissimus aer, modo quo omnia frigida solent, orbitas ad insignem gradum frigefecit; impingentes in istas vapores adherent; quia adhuc fluidi sunt, mox autem calore perditō congelantur, & sic perspicuitate amissa nivem repræsentant. Quanquam vero quis credere posset, orbitas æque ac vapores tantum caloris a conclavi recipere, quantum in aerem externum exhalant; adeoque nullam illic glaciæ locum esse; quia tamen externus aer passim per rimas fenestrarum penetrat, hasque etiam intrinsecus circumstat, neque conclaviū tantus semper calor, ut in magna copia affluat, exigui vapores facile obrigescunt. Figuræ quas describunt variæ sunt. Cum enim orbes vitrei inæqualis sint superfici-

ficiet, alibi polioris, alibi asperioris, vapores circum-
 flui non ubique promiscue, sed in locis asperis prius
 adherent, quibus deinde ab omni latere associantura-
 li, ut ita fruticofam formam induant, donec repletis
 interstitiis toti orbes obducantur tali glacie nivosa.
 Quod autem circa rimas & labia foraminum nullus
 vapor concrevit, inde est, quod per has aperturas aer
 nunquam non impetuosius alibi quidem ingreditur,
 alibi expellitur, & ideo illic omnes vapores repellit, hic
 secum abripit. Equidem supra phæn. 63. commemora-
 vimus, quod apertura per quas lumen in cellas subter-
 raneas admittitur, etiam cortice nivoso vestiuntur: sed
 illic alia est ratio, sunt enim ampliores, & ideo aer per
 eas lente fluit, & halitibus spatium adherendi conce-
 dit. Confluent vero vapores circa fenestras in tanta
 copia, quia aer ea gaudet proprietate, ut calefactus se
 dilaret, frigidus autem se contrahat. Cumque pro-
 pter fragilitatem vitri ignis nullibi ad fugam inveniat
 viam minus impeditam quam circa fenestras, illicque
 adeo refrigeratio maxima sit, ideo ex toto conclavi cale-
 facta, opitulante circulatione aeris, copiosius illuc ruunt
 quam aliorum. Sed si vas amplius aqua frigidis-
 sima plenum, vel plura minora, in illo collocantur, aer
 illic magis quam circa fenestras contrahitur, vaporesque
 in aquam præcipitantur, & ita fenestræ ab obscuratione
 liberantur, donec aqua prædicta aliquantum incalescit.
 Neque hoc adeo proprium est fenestris, vapores ad se ve-
 lut trahere, & tenui obduci glacie, ut non alia quoque
 corpora idem præstent, alia quidem magis, alia minus,
 prout scilicet natura frigidiora aut calidiora sunt, h. e. ad i-
 gnem excludendum & receptum deprimendum plus mi-
 nusve apta, itemque graciliora aut spissiora. Ita e. g. va-

Ratio
Ph. 68.

Ratio
Ph. 69.

Ratio
Part. 2.
Ph. 63.

Ratio
2b. 64.

pores facilius concreſcunt in januis ferreis, aut etiam clavis per lignum foras in aerem frigidum exporrectis, quam in ligneis, nec non in parietibus lapideis quam in craticeis, luto obductis. Omnia enim hæc corpora in æquali quidem gradu, in tantum tamen, nocturno ſaltem tempore, refrigerantur, ut, ſi poſthæc aer conclavis calore temperatur, impingentes in illa vapores congelentur & adhæreant ſub forma pruina. Aer autem tepidior ſemper requiritur in conclavi, ſi quidem ejus fenestræ parietesque intus debent glacie obtegi, ob rationem ſupra jam datam, cum alias nihil cauſa ſit, ob quam illuc ruant vapores, imo ſi aer interior frigidus eſt, vapores ei innatantes jam rigent, atque hinc, ſi vel maxime in aliquod corpus impingunt, illi commode adherere nequeunt. Ex eodem igitur fonte derivandum, quod parietes fenestræque extus, ut & alia quævis corpora libero aeri expoſita, nullum monſtrent veſtigium vaporis alicuius adherentis, quamdiu ſcil. aer frigidiffimus adſpirat; at ſi derepente frigus immenſum ceſſat, eique ſuccedit tempeſtas remiſſior, intra unum diem, imo paucas horas arbores, turres, ædificia &c. nivola cruſta veſtiuntur, præſertim ſpirante vento humidior. Neque enim hæc corpora æque cito frigus ſuum exuunt quam aer, indeque vapores ab hoc adveſtos inque ipſa impulſos congelant. Quod idem faciunt corpora frigida in locum calidum delata. Neque adeo neceſſum cum vulgo conicere, quaſi in tali calu frigus ex corporibus egrediatur, daß ſie ausſchlagen; illi enim vapores in metallis, vitris &c. omnino antehac non fuere, neque proinde hinc poſſunt egredi, multo minus capere licet, quid frigus (ſi vel maxime poſitivum eſſet) expellat, cum calor omnes vias extrinſecus obſidens, illud repellere deberet verſus cor-

porum interiora. Idem esto iudicium de crusta glacia-
li qua cinguntur ova, pyra &c. congelata, quando im-
merguntur frigida. Sane quicquid humoris in istis cor-
poribus est, ante suam immersionem penitus in glaci-
em est transmutatum; quo stante, non licet videre, quo-
modo solida substantia, qualis est glacies non liquata, citra
diffractionem subjecti queat egredi, aut si a calore ambi-
entis liquatur, quomodo in eo rursus concresecat. Potius
igitur, sicut mixtura salis atque glaciei contusa una cum
vase continente imposita aqua, hujus partes sibi conti-
guas commutat in glaciem, modo supra tradito, dum
scilicet ipsarum igniculos in se recipit, nullos autem red-
dit, nec aliunde novi in sufficienti copia affluunt; ita
omni jure idem statuimus de ovis fructibusq; in aquam
coniectis. Equidem frigus aliquod positivum e fructi-
bus revera egredi, inde videtur colligi posse, quia in-
tus successive regelantur, dum extus glacie cinguntur.
Enimvero nihil obstat quo minus aqua, quæ saltim mi-
nus frigida est fructibus congelatis in illam coniectis,
communicatione aliquot igniculorum, rigorem gla-
ciei internæ imminuat, & tamen non impediat quo mi-
nus, ratione modo declarata, extrinsecus iis accrescat
glacies quæ illa interiore non sit durior, donec pluri-
um igniculorum accessione, tam interior quam ex-
terior glacies simul sensim liquetur. Sed novum ori-
tur dubium, quod, annorante illustri Boylio, ejusmodi
crustam glaciale a metallis frigidis aquæ impositis
sperare non licet. Enimvero uti guttæ aqueæ gla-
ciei superaffusæ, aut lente per stirias defluentes, cum
his in unam substantiam coalescunt, etiam tum tempo-
ris, quando eadem guttæ pelvi metallicæ instillatæ non

Ratio
Ph. 65.

concreſcunt, ita non iniuria hinc colligimus, quia aquæ
 particula facilius inter ſe quam cum aliis corporibus co-
 hærent, eaſdem quoque glaciæ & rebus glaciem con-
 tinentibus, cum qua per poros corporis patulos com-
 municare poſſunt, citius implicari, & ſic earum conſisten-
 tiam promoveri, tamenſi alias aqua tepidior paulo ipſius
 glaciæ, propter receptum calorem ad liquationem jam
 pronæ, regelationem potius promoveat; ceu ad phæn.
Ratio 40. monuimus. Quanquam nec dubitemus, ſi metalla æ-
Phen. 66. quale cum glaciæ & congelatiſ frigis concepere, quin
 idem ſint præſtitura, præſertim quia non ſolum jam
 laudata mixtura glaciæ ſaliſque per medium vitrum
 cruſtam glacialeſ producit, cum tamen aqua vitro
 non commodius quam metallo adhæreat, ſed inſuper
 metalla, ſi ſummum regnat frigus, madorem manus aut
 linguæ contrectantiſ, itemque guttas minores illiſ ad-
 ſperſaſ, in momento convertunt in glaciem. Neque
 vero æqualeſ frigoriſ gradum in metalliſ atque gla-
 ciæ ſtatim colligere licet, ſi eidem exponuntur aeri,
 cum ſupra oſtenſum, non omnia corpora ad æqualeſ
 refrigerari gradum.

Sed hætenus dicta concernunt potiſſimum va-
Ratio pores. Ipſam quod attinet aquam, hæc tanto citius con-
Ph. 70. gelatur, quanto minus profunda eſt, quia ita, vi eorum
 quæ ad phæn. 24. prolata ſunt, citius calorem poteſt ex-
 pellere, a cujuſ abſentia rigorem conſequi, itidem ſupra

Ratio Ph. oſtenſum. Cumque rigor neceſſario præſupponat quie-
 71. & 72. tem partium, hæc autem cum motu ſtare nequeat, ſua-
 ſponte patet, cur ægrius aqua commota quam quieta, ſui-
 da quam ſtagnans, indureſcat; quæ eadem cauſa eſt, cur
 fluida citius circa litora quam in medio concreſcant, quia
 nem-

nempe ipsa litora impedimento sunt, ut cursus tam rapidus circa illa non sit ac in fluvii medio. Ut taceam, basin aliquam immotam requiri, cui lamellæ glaciales, quæ in aqua successive rigere incipiunt, applicentur, ne ab impetu partium adhuc fluidarum abripiantur, quam non nisi in litoribus inveniunt. Quanquam in mari alia adhuc causa concurrat, de qua suo loco. Nix autem delapsa in aquam ejus congelationem ideo promovet, quia eam magis refrigerat, & dum aqua jam tanto laborat frigore, ut nivosos floccos cito resolvere nequeat, lamellis his glacialibus facile irretiuntur oblongæ particulae aquæ, & consistunt.

Caterum, ut totum processum qui in congelationis negotio deprehenditur, uberius exponamus, illud equidem sua radiat luce, cur congelatio non in medio, sed in superficie aquæ incipiat, quia nempe igniculi hic velut in ipsis foribus constituti citius avolare possunt. Nec minus clarum, cur intra fluvios stagnaque solum, in superficie aerem respiciente, intra vasa undique, in congelatione artificiali nonnunquam solum in basi, aquæ glacies inducatur. Primum enim inde evenit, quod aer, tanquam corpus rarum, suum calorem citius exhalat quam terra, quæ ideo suo tepore aquam continuam aliquandiu adhuc fovet. Alterum vero, quia vasculum undique ambit aer frigidissimus, adeoque aquæ ignem residuum expellenti nulla ex parte magis minusve succurritur. Tertium denique, quia mixtura glacialis basi solummodo applicata, non nisi illam, modo supra declarato, refrigerare potest.

Plus difficultatis habet, cur aqua primum glacie reticulari potius quam continua obducatur. Sed uti ligna in aquam conjecta secundo flumine decurrunt, donec unum ex illis litori applicatur, aut alias ab obstaculo quodam

*Ratio
Ph. 79.*

*Ratio
Ph. 75.*

dam in cursu suo sistitur, cui mox plurima alia adherent
 citra ullum ordinem; ita similiter, cum nullus liquor san-
 ta sit simplicitatis, ut non aliqua ejus partes sint subtili-
 ores, aliqua crassiores, adeoque una facilius ad quietem
 possint redigi quam alia; non immerito dicemus, crassi-
 ores aqua partes, propter exiguitatem quidem invisibi-
 les, jam congelatas reliquis subtilioribus innatare, & cum
 illis fluorem aliquandiu constituere, donec superficiei va-
 sis continentis, ubi illa asperior est, aliqua earum adha-
 rent, quibus mox innumera alia associantur, quae cum
 graciles & oblongae sint, (uti multis de causis aquae con-
 ciuntur) etiam strias in longitudinem magis quam la-
 titudinem exporrectas, hic frutices, illic rete represen-
 tantes, constituunt, donec interstitiis oppletis laminam
 continuam exhibent. Quo eodem modo etiam super-
 rior aquae superficies concrescit, & tendit quidem illic
 glacies a peripheria versus medium, quia lamellae glacia-
 les aquae insidentes, & in circumferentiam ejectae, i-
 promptius cum vase concrescunt, quam ut in medio flui-
 do inter se jungantur. Crusta haec semel parata; novi hinc
 aculei surgunt, tam a basi quam lateribus vasis versus ejus
 medium extensi. Neque enim facile fieri potest, ut illa
 spicula glacialia omnia secundum suam latitudinem im-
 pingant in crustam; quamprimum autem aliqua suo aculeo
 mine ei infiguntur, & erecta insistant, mox alia hils additi
 aculeos majores exhibent, donec intervallo expleantur.
 Spissitudinem glaciei quod concernit, sumit illa suc-
 cessive incrementa, non tamen in immensum. Sicut enim
 primo in superficie constituti igniculi, dehinc suc-
 cedentibus & intimioribus partibus aufugiunt; ita prius
 externa peripheria; & successu temporis denumpe
 profundiora aquae, obrigesunt, donec magis inspi-
 ta &

Ratio
 Phan. 76.

ta &, continue urgente aeris pondere, iadurata glacies, ulteriorem fugam particularum calidarum eo usque sistit, ut residuum aquæ a subjecta terra tot igniculos recipiens, quot per densam adeo crustam expellere potest, in suo fluore conservetur. Quemadmodum vero ipsa terra alibi plus alibi minus possidet caloris, siue nativi, siue a sole producti; sic glacies non ubique ad æqualem profunditatem descendit, præsertim cum nec ipse aer, & consequenter glacies quoque, ubique locorum æquali frigoris gradu præditi sint, adeoque aliquando calor in aere residuus damnum, quod aqua subinde patitur, refarciat, & maiorem glaciei spissitudinem impediatur. Ingentes autem isti montes glaciales, qui navigantibus in medio oceano nonnunquam obviare solent, videntur non tam una & continua glacies esse, quam e pluribus fragmentis, fluminum impetu in mare eructatis sibi que impositis & concretis, nata moles, quam nives copiosiores delapsæ, quacunque ratione humectatæ & postmodum compactæ, haud leviter augent. Sane cum maria tardius & solum circa litora concrecant, spissam adeo glaciem gignere nequeunt; contra vero non infrequens est, ut glacies fluminum rupta, si in fluxu suo sistitur, rupis instar coacervetur. At si glaciei concretæ per vices extrinsecus aliquid affunditur aquæ, tunc omnino ad quamcunque spissitudinem facile perducitur, cum talis aqua nec a subjecta glacie, nec ab incumbente aere sensibilem calorem accipere queat, proprium vero, propter suam exiguam profunditatem, brevi tempore expellat & ita mox obrigescat.

Cum porro glaciei durities, per hæcenus dicta, a

Ccc

defe-

Ratio
Ph. 77.

Ratio
Ph. 78

defectu caloris passive, hunc autem insecuto rigore
& implicatione partium, nec non a pondere aeris in-
cumbentis, active dependeat, consequens est, hanc
partium cohesionem tanto firmiorem esse, quanto
major est ille caloris defectus. Inde vero sponte sua
patet differentia, quæ quoad duritiem deprehenditur
inter nostram glaciem atque eam, quæ in locis polo
vicinioribus concrevit. Quia enim propter summum
frigus hyemale, quod his in oris sævit, calor omnis ab
aqua exhalatur, particulæ ejus elasticæ tanto minus aeris
ponderi resistere & impedire queunt, quo minus
aquam validissime comprimat, & duritiem ejus, super-
accedente insuper majori partium rigore, augeat mul-
tum; cum contra remissior apud nos tempestas testetur,
in aere nostro, eique subjecta aqua & glacie, contineri
adhuc notabilem portionem ignis, qui, uti intensus val-
de etiam metalla suo elatere distendit, ita hic aquearum
partium compressioni nimis, hincque deducendæ du-
ritiei, aliquo usque resistit. Robustior quoque est gla-
cies spissa quam gracilis, itemque densa, continua ideo-
que pellucida, quam multis bullis atque poris interrump-
ta, æque ac lignum solidum robustius est poroso val-
de, nec tam cito trabem quam baculum gracilem dif-
fringere licet; quia in illis plures sunt fibræ impetû factò
disrumpendæ quam hic. Uti etiam oleum olivarum
vulgare fragiliorem gignit glaciem, propter suam rari-
tatem & copiam partium spirituosarum ac sulphurearum
congelari nesciarum; muria autem ideo, quia spicula sa-
lina, per naturam suam recta & rigida, non solum ad in-
curvationem & implicationem inepta sunt, sed etiam sua
intercessione aqueas impediunt, quo minus hoc faciant.

De

Ratio
Ph. 79.

Ratio
Ph. 80.

De cetero disruptio ista glaciei in plura frusta, in *Ratio*
qua fluvialis præcipue, nec non lacuum majorum, ex *Pb. 82.*

colluvie plurium rivulorum oriri solitorum, instante
regelationis tempore cum insigni fragore resolvitur, non
a frigore sed calore originem ducit. Etenim si radii so-
lares vires sumunt majores, & igniculi in aere volitan-
tes per angustissimos glaciei poros paulatim penetrant, a
suo rigore remittit multum, & fragilior redditur. Quod
si hinc, ob liquatam successive nivem, major est aqua-
rum affluxus quam ut infra glaciem decurrere queat,
hanc tanquam leviores elevari conatur. Sed cum ista
litoribus firmiter adhæreat, ab impetu aquarum sursum
pellentium dirumpitur in plura frusta. Nec dubitamus
quin ad hanc disruptionem multum conferre queat tum
exterior aer, si a vento agitur magno impetu in ejus-
modi glaciem fragilem & late patentem irruit, tum inter-
nus intra bullas conclusus, si ab admissio calore rarefcit,
& majus spatium quærit, tametsi in fluviali glacie pau-
ciores sint bullæ, & aer contentus aliquando per poros
evadendi viam inveniat. Tentavimus certe ex hoc ca-
pite disruptionem frusti glacialis, intra puteos conicos
supra laudatos in æstatem usque conservati, mediante
antlia pneumatica, sed irritò conatu: Nam substracto
ex recipiente, cui includebatur, aere, manifeste potui-
mus observare, quomodo intra bullas conclusus per
poros magis patulos glaciei multum jam a calore pas-
sæ lente aufugeret, glacie non fracta.

Quod vero glacies fluminum lacuumque etiam in *Ratio*
vehementissimo hyemis frigore, quando ferme summum *Pb. 81*
duritie gradum est consecuta, cum ingenti sonitu fin-
datur, & rimas agat longissimas, id a frigore equidem,
non

non tamen nisi per accidens, dependet. Hoc enim in-
 gravescente, aqua glaciei subiecta subsidet; & inter se
 atque glaciem litoribus innitentem, ideoque una cum
 ipsa sublidere non valentem, aliquam relinquit cavitatem,
 (cujus certum indicium est albor glaciei) partim
 quia more omnium ferme corporum frige factorum con-
 stringitur & condensatur, partim quia multis fontibus
 obstructis affluxus imminuitur. Aer igitur incumbens
 glaciem suo pondere validissime urget, & quia flecti ne-
 quit, disrumpit, eo modo, quo campanam vitream, per
 suctus antliæ pneumaticæ maximam partem exhaustam,
 rimas agere videmus, aut trabs longior, utraque extre-
 mitate muro innitens, in medio autem fulcro privata,
 proprio pondere incurvatur, & mediocri mole ibidem
 imposita frangitur. Attamen cum istæ fissuræ in fluviis
 non secundum eorum longitudinem decurrant, ceu qui-
 dem ex his principiis fieri deberet, sed nonnunquam ab
 uno litore versus alterum tendant, alia adhuc causa sub-
 esse videtur. Scilicet, uti summo ingruente frigore re-
 siduæ in glacie particulæ agitativissimæ & elasticæ, substan-
 tiam ipsius paululum distendentes, citius ex ejus super-
 ficie externa aufugiunt, quam ex partibus interioribus,
 ita illa quoque aeris pressioni minus resistere potest
 quam hæc. Atque hinc, cum aer glaciem non tantum
 desuper premat, sed æque ac alia corpora lateraliter quo-
 que urgeat, superficies autem propter nucleum aut in-
 teriora fortius resistentia contrahi nequeat, rumpatur
 necesse est. Hæc certe ratio esse videtur, ob quam vi-
 tra præ calore tantum non candentia, lapidi aut metal-
 lo frigidiori imposita, aut immerfa aquæ gelidæ, in pun-
 cto contactus varias concipiant rimas. Etenim super-
 ficies

Ratio
Ph. 148.

ficies horum corporum, ubi frigidum attingit, magnam caloris sui partem celerrime expellit, indeque minori resistentia prædita ab aere ambiente comprimitur, ut in se redeat; cum vero hoc pacto interiorem eorum substantiam, propter copiosiores ignem adhuc tumentem, huiusque elasticitate pressioni aeris fortiter resistentem, amplius capere nequeat, nec tamen, propter rigorem, majoris tensionis sit capax, rimas agit & hiat. Idem faciunt vitra, si post fusionem, dum adhuc candent, mox in frigidum deferantur locum, idem ollæ aliaque corpora in casu simili; cum ex adverso, in locum minus calidum delata donec deferbuere, integritatem tueantur, quia recurrens ex ambiente calor nimiam contractionem & rigorem superficiei impedit, donec interiora quoque, elasticis particulis in auras emissis, possunt contrahi. Cumque quæ rigoris alicujus capacia sunt, hoc commune habeant, (nisi aliquando ob vapores, ejecto calore se in aliqua corpora insinuantes, contrarium obineat) & consequenter expansionis & contractionis minus sint capacia, non mirum est, chordas tensas quoque in intensissimo hyemis frigore facile dirumpi, si leviter saltim contrahuntur.

Sed ut de hac corporum contractione, quæ frigori tanquam causæ tribuitur, uberius differamus, nullum est corpus quod minuti ignis cunei intimius adacti non distendant, rarefaciant, & majus spatium quarere jubeant; neque hoc solum præstat ignis ubi violentior est, uti in effervescentibus & candentibus corporibus, sed etiam ubi se vix externo prodit tactui, & in statu qui corporibus naturalis censetur, attamen in minori multo & copiarum ejus respondente gradu. Igne igitur, five

ex toto sive ex parte, expulso, corpus in feredit & contrahitur, non ab innata aliqua contrahendi virtute, qualis ex effectu cujus causa non adeo obvia est nonnunquam fingitur, sed nullibi ostendi, aut, quomodo agat, distincte declarari potest; nec a frigore, quod meram privationem esse supra probavimus, sed partim ab ipsa mole corporum subsidentium, partim vero, & quidem principaliter, ab atmosphæra aeris subtilioris & ætheris terram nostram ambientis, & immenso pondere, nostro ævo tot experimentis ad oculum demonstrato, validissime urgentis; cujus effectus se magis exercit, si elasticæ ignis particulae se ei opponere nequeunt, quam si omni vi nituntur in contrarium. Differentia autem omnis ab ipso statu corporum naturali petenda est. Ita cum aeris crassioris quo ambimus particulae non

Ratio
Pb. 144.

Ratio
Pb. 145.

Ratio
Pb. 140.
¶ 147.

Ratio
Pb. 125.

cohæcant, laxiorem habeant dispositionem, & sigillatim multo sint leviores quam partes aliis corporis, exitu ignis impetu multum rarefcit, unde calore ejecto ad tanto minus spatium comprimitur. Non minus spiritus sua volatilitate abunde testati de levitare particulærum illos componentium, & quam parum a spirabilibus distent, ut ab igne insignem rarefactionem, ita post ejus fugam non minorem compressionem, patiuntur. Aqua contra, mercurius, lapides, metalla &c. uti propter pondus, partim etiam firmam cohesionem, ignis distensionem non omnimode, fortius tamen, resistunt quam alia corpora, hinc etiam post ignis excessum aliquali, minori tamen, constrictioni sunt obnoxia.

Hæc autem constricção atque compressio corporum immediate conjunctam habet majorem in solidis rigorem, & minorem flexilitatem, quia in corporum incur-

incurvatione partes, quæ arcus cavitatem respiciunt, magis comprimi, quæ autem in convexitate sunt constitutæ, magis extendi debent, quod utrumque propter rigorem & vicinitatem partium fieri nequit; ut adeo mirum esse non debeat metalla flexa, aut per allisionem ad aliud corpus nimium concussa, (quia concussione, motus tremulus producit, qui cum nimio partium rigore itidem stare nequit,) in tali statu facile rumpi. Ex eodem principio deducenda est fragilitas clavorum gracilium quibus scandulæ cantheriis asseribusque in tecto affiguntur. Rigent enim propter defectum caloris, scandulæ autem, quæ plus imbiberunt aquæ, ingens frigus passæ non solum rigent, sed, uti omnia aquosa post congelationem solent, valde quoque tument. Cum autem cantheriis & asseribus presse incumbant, spatium intumescendi & dilatandi non habent, hinc valde tendunt clavos, qui, si minus firmiter in hærent cantheriis, extrahuntur, aut, si contrarium obtinet, non citra crepitum rumpuntur. Lapidès molliores, imbrices non sufficienter cocti, itemque terra, ex alio paulo fundamento dehiscunt. Etenim plus justo aquæ intra suam substantiam recipiunt. Si nunc frigus profundius in hæc corpora descendit, & aquam, quæ in interiora penetravit, illic congelat, tumentem hinc nucleum pristina superficies non amplius capit, indeque, dum propter rigorem extendi nequit, rumpitur.

Enimvero iste tumor & dilatatio glaciè hætenus dictis de compressione corporum frigefactorum prorsus contraria esse videtur. Nec negari potest, illam inter difficiliora phænomena in hoc negotio spectare. Qui frigus activum esse contendunt, hic omnino se inven-

Ratio
Ph. 126

Ratio
Ph. 127.

se putant quod volunt, cum tanta vis robustissima corpora diffringendi meræ privationi tribui nequeat. At tamen uti facile largimur, hunc effectum a mera caloris absentia tanquam causa deduci non posse, ita non videre licet, quomodo atomi aut spiritus frigorifici, sive salini sint, sive alius generis, eum melius producant, cum eadem via qua per vasa ipsamque glaciem penetrant, rursus aufugere queant, citra incarcerationem autem non sit, in quod impetum faciant: ut adeo potius videndum sit, an hic effectus non per accidens cum frigore coniungatur. Equidem ingeniosissimus *Perraultius* in suo *tentamine de duritie* hanc expansionem aquæ a sola constrictione vasis continentis deducendam putat, quod scilicet, dum hoc coarctatur, & interna ejus capacitas minuitur, aqua loco cedere, aliudque spatium quærere, & quidem, si aliter non licet, cum ipso vasis disruptione, cogatur. Sed cum aqua non minus quam ipsum vas ambiens post frigesactionem comprimatur, prout phæn. 146. indicavimus, insuperque aqua cocta, nec non quæ intra recipientem antlia pneumatica evacuatum concrevit, longe minus, & aliquando vix sensibilibus, expandatur, cum tamen vas in his casibus non minus constringatur; manifestum hanc causam non sufficere ad maximam illam expandendi vim declarandam, utut aliquid ad illam conferre possit; sed aliam insuper, eamque internam causam, esse quærendam, quæ procul dubio latet in vesiculis istis in glacie conspicuis, de quibus adeo prius agendum erit. Nostra mens huc redit: Plurimas

Ratio
Rhen. 83.

particulas aereas aquæ esse permixtas, quæ, quamdiu non colliguntur, sed seorsim ei innatant, se contra aquæ pondus tueri, suumque elaterem efficaciter exercere,

ercere, aut visibiles reddi, nequeunt; cuius rei luculentum habemus documentum, quando aquam recipienti inclusam per suctus antliæ pneumaticæ liberamus ab onere aeris incumbentis, tunc enim mox surgit ingens copia vesicularum minimarum, si suctus continuatur, successive crescentium, & tandem, postquam maiorem amplitudinem sunt nactæ, in auram aufugientium, aut, si aer mature iterum admittitur, denuo subsidentium, & rursus evanescentium, quæ vesiculæ omnino nihil aliud, quam aer aquæ inclusus & ab ea suppressus, esse possunt. Quemadmodum autem plumæ, fila ferrea, gossypia, lanea &c. dispersa, levisimo ponderi cedunt, collecta autem in manipulos (utut numero non augeantur) suum elaterem ostendunt, & molli insignis gravitatis resistunt; ita non immerito idem nobis promittimus de particulis aeris, per aquam dissipatis, modo congregentur, utpote quarum vires elastice nostro seculo abunde innotuerunt. Congregantur autem, dum aqua frigesacta & elatere ignis destituta a pondere incumbentis aeris externi fortius comprimitur, ut ejus partes se arctius comprehendentes interceptas particulas aereas exprimant. Hæ enim in fuga constitutæ, propter levitatem sursum tendunt, & superficiem apertam offendentes, equidem abeunt in auras, quod in vitris amplioribus, sed angustissimo collo præditis, in quo in majori copia concurrunt, & minimarum instar vesicularum ascendunt, ad oculum videre licet, si congelatio incipit ab imo. Imo hæc fuga particularum aerearum procul dubio causa est, cur rivuli e.g. minus profundi in intensissimo hyemis frigore, antequam congelantur, ingentem velut fumum

D d d

emit-

emittant; semper enim aliquid aquæ secum abripiunt, (ceu bullæ aereæ aquæ insidentes monstrant,) quod postmodum congelatum ejusmodi nebulam repræsentat. Quodsi autem superficiem jam clausam inveniunt, sub crustra illa glaciali collectæ bullam ampliorem constituunt; sed cum ex lateribus glaciei striæ aut columellæ glaciales satis longe versus medium vasis protendantur, ceu supra phænomen. 75. notavimus, tot obicibus via ad fugam plerisque particulis aereis præcluditur, quæ ideo his ipsis columellis, in quas impingunt, adhærent, eodem modo, quo, in experimento ante laudato aquæ recipienti evacuato inclusæ, videmus bullularum fugientium magnam copiam adharere ligno aut cuicunque rei transversim immersæ. Plures ejusmodi particulae in fuga sua in idem punctum impingentes & ita collectæ, suum elaterem exerunt, & se expandunt, tanto quidem magis, quo plures colliguntur. Formantur hinc vesiculæ rotundæ, quia versus omnes partes æqualiter premunt, & æqualem undique experiuntur aquæ resistentiam. Sunt tamen nonnunquam cylindricæ, versus medium protensæ, quia prædictæ columellæ glaciales, eodem excurrentes, interdum earum expansionem versus latera coercent.

Ratio
Ph. 86.

Inde vero nunc sua sponte patet; cur aqua cocta, aut in recipiente evacuato concreta, post congelationem pauciores monstrat bullas. Ignis enim aerem expellit, & is ipse in vacuo sub specie vesicularum turmatim exhalatur; paucillum ergo quod in aqua remanet, non potest non paucas & exiguas procreare bullulas. Striæ autem illis ideo destituuntur, quia ex guttis successive concrescunt, in his autem sigillatim sumptis tantum

Ratio
Ph. 85.

tantum aeris non est, ut ex ejus collectione bullæ majores nascantur. Imo cum guttæ istæ simul totæ in glaciem abeant, particulis aereis ne quidem locus conceditur, ubi queant congregari. Non minus glacies quæ fluvios lacusque operit, rariores monstrat bullas, quia in illis particulæ aereæ sub crusta glaciali collectæ, ab ipso torrente simul abripiuntur, in his autem potius in unum locum, quem ipsis aqua, successive in terram magis magisque se insinuans, satis amplum concedit, congregantur, quam ut sparsim immisceantur glaciei, præsertim cum ejusmodi stirax, ex fundo aut lateribus lacus in ejus medium usque extensæ, non occurrant, in quibus particulæ aereæ fugientes queant irretiri.

*Ratio
Ph. 84.*

Enimvero dum ita aer collectus se expandit, & majus occupat spatium quam antehac obtinuerat, aquam omnino loco pellit, quæ interea crusta glaciali obducta, tum in latera vasis, tum in crustam illam impetum facit. Quanquam vero singularum vesicularum expandendi conatus exigui sint, quia tamen innumeris in locis & junctis quasi viribus agunt, magnos effectus edere possunt, exemplo musti, tempore fermentationis in infinitas vesiculas resoluti, & dolia dirumpentis, aut vaporum insensibilium, ex aere humido se in ligni poros nulla violentia insinuantium, & tamen illud distendentium. Ut adeo mirum esse non debeat, si aqua ab aere tantopere compressa, nec quo se recipiat inveniens, corticem glaciale, si adhuc tenuior est, elevet, & via concessa, fonticuli instar erumpat, aut, si cortex iste robustior est, & satis cedere nequit, vel insuper pondere aut operculo imposito cohibetur, ipsa vasa satis robusta, sed propter frigus, ratione supra dicta, fragi-

*Ratio
Ph. 89.*

Ratio liora reddita, diffingat; contra vero si, per aperturam
Khan. 88. glaciæ, statim ab initio aquæ in angustias redactæ elabendi occasio conceditur, se pressioni subducatur & glaciæ ei vasque parcat. Insimul vero patet, quod hæc glaciæ expansio supra laudatæ compressioni corporum non sit contraria. Siquidem aqua etiam in ipsa congelatione revera arctius constringitur, ut ejus partes sigillatim spectatæ minus spatium occupent quam antehac, tametsi tota moles per inclusum aerem, alias quidem frigore itidem in se redeuntem, sed hic, propter collectionem partium sparsarum, novas vires adeptum, distrahat.

Ratio Equidem integritati vasorum consuli, si congelatio incipit ab imo, & sic, propter superficiem apertam, aquæ protrusæ ascendendi, atque plerisque particulis acreis aufugiendi spatium datur, nunc quidem satis manifestum est, cum sublata causa tollatur etiam effectus. Sed minus obvia videtur ratio experimentorum

Ratio
Pb. 90. Borrichianorum, ac primo quidem, cur vas vitreum non penitus oppletum & hermetice sigillatum, nullum damnum fuerit passum, utut aqua tota in glaciem abierit. Enimvero cum vase clauso aer frigidissimus non immediate aquæ incumbat, sed proxime vitrum, hoc mediante aerem internum, & per hunc demum superiorem aquæ superficiem frigefaciat, hæc omnino graciliori crusta obducitur quam ipsum vitrum, ut adeo aer intra vesicas collectus impetu facto illam citius displodat quam hanc. Accedit insuper, quod in hermetica illa sigillatione, quam vocant, dum ad flammam lampadis vitro fuso orificium occluditur, aer vasculi propter intensiorem calorem multum attenuatur. Quodsi posthæc vas deferatur in locum frigidum, aer is
in

in se redit, & pristinum spatium non amplius replet, ut
ita aqua omni ferme pondere aeris incumbentis libe-
retur. Dum ergo, congelatione facta, laudatæ toties
dilatationi aeris intra aquam absconditi, extus firmiter
resistit tota moles aeris ambientis & vasculum valdis-
sime comprimentis, cujus actioni, clauso orificio, nihil
æqualibus viribus se opponit, & illam invalidam reddit,
vtri alias eodem aperto solet fieri, facile omnino vascu-
lum ab omni latione saluum conservabit; at quæ intus
illam cohibere debet tenuis crusta glacialis, non solum
citra magnam difficultatem cedit, sed etiam disrumpi-
tur, præsertim quia particulae aereæ intra aquam colle-
ctæ, in hoc casu fortius se expandunt quam alias, dum
pondus aeris externi non habent adversum, a quo cætero-
quin valde supprimuntur. In altero casu cætera omnia sunt
paria, nisi quod obturatio vasculi per triplicem vesicam,
aerem non expellat uti hermetica sigillatio; attamen
cum jure supponamus, illam obturationem non in testeo
& sub dio, sed in conclavi calefacto, peractam fuisse, aer
inclusus ob hoc ipsum rarior fuit, quia calidior, hocque
pacto nihilominus in sævisimo illo frigore se ad ingens
spatium contrahere, & ita aquam (cujus elevationi sponte
cescit) a suo, uti vesicæ ab externi pondere, liberare po-
tuit. Strépitus iste qui insimul percipiebatur, procul
dubio ortus erat a diffractione crustæ glacialis, hancque
insecuto ascensu aquæ præ nimia violentia frigoris jam
maximam partem in lamellas glaciales conversæ. Sane
plus simplici vice observavimus, si rivulus, ordinaria via
obstructa, supra glaciem se diffundit, & quia jam plures
glaciales quam aqueas particulas vehit, fere in fluxu defi-
cit, cum non sine strepitu provolvi. Obbæ vitreæ, in

Ratio

libero *Pb. 91.*

libero aere clausæ detentæ, ob similem rationem integritatem tuentur, in ædibus autem ruinam patiuntur, quia tunc, propter inæquale conclavium temperamentum, qua parte fenestras respiciunt, spissiori, in latere autem versus interiora conclavis converso, tenuiori glacie vestiuntur, & ideo illic facile impetui bullarum aerearum se expandentium succumbunt, præsertim cum aer aquæ incumbens, & una cum illa vasi inclusus, intra conclave tantopere non refrigeratur & condensatur, adeoque nec tam promte locum cedit glaciei ascensuræ, quam si in libero aere sævisimo frigori exponitur.

Ratio
Phan. 93. Cæterum quod tumor iste quasi proprius est glaciei ex aqua concretæ, & in oleis ordinarie simile quid non deprehenditur, id quidem ex eo est, quod particulæ oleosæ, propter suam ramositatem, nec tam arcte se complectuntur, ut aerem intermedium exprimant, nec, si hoc fiat, propter suam viscositatem æque commode permittunt, ut libere fugere aut certis in locis colligi possit; attamen, si impurius est oleum atque aqua dilutum, & propter frigus nimium extra ordinem subsidet, nihil obstat quo minus aliquæ saltem particulæ aeræ congregentur, & suo elatere ita agant in vitrum cedere nescium, ut concipiat rimam.

Ratio
Pb. 97. Vtrum aqua per congelationem aliquid de suo pondere perdat, diu disceptatum est. Multi enim experimentis ope bilancis institutis probare conantur, aquam esse graviolem glacie inde nata, vel potius aquam quæ per liquationem glaciei prodit, priori isti nec mole, nec pondere æqualem esse. Enimvero hoc prorsus per accidens contigit, quia nempe regelationem aperto instituerunt vasculo; adeoque vaporibus dede-

dederunt libertatem avolandi, aut etiam glaciem diu post congelationem ad examen vocavere, intra quod tempus plurimos halitus emittere, aerque circumfluis multas particulas abraderere potuit. Alioquin enim processus a laudatissimo Borrichio institutus abunde demonstrat, ponderi nihil decedere, si evaporationes prae-
caventur. Quod vero ordinarie aqua supernatat; id quidem est ab ipsius tumore & bullis quas continet; tunc enim in comparationem venit non cum aqua ex qua crevit, sed cum alia majoris sibi quae aequalis molis, quae omnino levior est, & super eam tantum eminet, quantum ipsius moles superat molem aquae ex qua constat.

Phaenomena 94. & 96. specialem rationem non possulant, cum sint solum ulterior explicatio eorum quae de expansione glaciei in antecedentibus dicta sunt. Id solum addimus, quod proportionem inter glaciem & suam aquam a Boyle traditam, ipsimet veritati consonam deprehenderimus, cum observationes nostrae jam erant typis excusae. Denuo enim tentaturi experimentum Florentinum, sphaeram vitream aqua implevimus usque ad orificium, quod apertum conservavimus donec aqua omnis abiit in glaciem, invenimusque aquam, inter congelandum ab aere tumente expressam, fuisse partem decimam ejus quam ab initio ingessimus.

Sed cum ita denuo simus delati ad decantatum, adeo experimentum Academicorum Florentinorum, dignum erit, cujus explicationem, coronidis loco, doctrinae de intumescencia glaciei subjiciamus. Fatebimur autem in antecessum, vix ullum phaenomenum magis exercuisse nostram industriam quam hoc ipsum, cum

*Ratio
Ph. 94.
& 96.*

*Phaen.
Ph. 95.*

cum primus aquæ ascensus, mox secutus descensus, hanc denuo excipiens ascensus, ab initio lentus, dehinc velocissimus, denique momentanea congelatio liquoris fati spissi, partim impossibiles videantur, partim saltem alibi non notentur. Et primo quidem, quod, toties licet repetitis experimentis, advertere non potuerimus, aquam brevi saltu aliquousque ascendere, eo momento quo vasculum mixturæ glaciæ atque salis immergitur, totum vitium later in exiguitate sphaeræ vitreæ a nobis adhibitæ, ob quam non solum constrictio laterum non adeo sensibilis est, sed etiam frigus tam cito ferme totam aquam pervadit quam vitrum. Nam cum deinceps assumserimus sphaeram vitream cujus diameter adæquabat tres digitos geometricos, eique, ut omnes varietates distinctius observare possemus, aptaverimus collum tenuissimum in phæn. 94. descriptum, non solum aqua in ipso immersionis articulo ad aliquot digitos ascendit, sed etiam duæ tresve guttæ ex orificio aperto destillavere, quia frigus citius vitrum quam tantam aquæ copiam penetrare potest, unde, illo contracto, hæc necessario aliquousque loco cedere cogitur. Postquam vero etiam aqua successive magnam igniculorum partem exhalavit, vidimus non solum ascensum istum sisti, sed ex opposito aquam per totam colli sesquipedalis longitudinem descendisse ad ipsam usque sphaeram, ob eandem scilicet causam, ob quam alia quoque corpora frigefacta in se redire & contrahi supra ad phæn. 144. seqq. diximus. Nec dubium quin instante frigore & ulteriori fuga residuorum igniculorum aqua subsideret amplius, nisi cum hac constrictione connexa expressio particularum aerearum cum

cum aqua commixtarum, huic descensui remoram ob-
jiceret. Hæ enim avolaturæ, dum in crustam glacia-
lem, qua vitrum jam obduci cœpit, in majori copia
impingunt, eique adhærent, se, modo supra expolito,
lente expandunt, & aquam loco pellunt, quæ ideo len-
to, & ad sensum æquabili gradu, per collum rursus a-
scendit, donec per verticem effluat. Vti vero hæc pla-
na satisque clara sunt, ita ingenti difficultate videtur
laborare, quod Florentini se advertisse tradunt, nem-
pe tardum hunc ascensum tandem penitus cessare,
atque mox aquam, velocissimo saltu aliquot decades
graduum in collo notatorum transilire, velut in instan-
ti, eoque absoluto, rursus segniori & æquali gressu re-
liquum viæ persequi. De veritate historiæ dubitare
non licet, cum tot oculatisimi viri multiplici vice hoc
experimentum eodem successu tentarint, & totum pro-
cessum operose, secundum omnes circumstantias, de-
scripserint in libro cui titulus *Saggi di naturali espe-
rienze* &c. loco supra cit. utut P. Lana fateatur, se quan-
tacunque diligentia adhibita saltum velocissimum nun-
quam observare potuisse. Enimvero nos suspicati,
fieri potuisse, ut, orificio crusta glaciali clauso, ulte-
rior aquæ ascensus fuerit impeditus, donec, hac ab
impetu aeris se dilatantis effracta, subsecuta veloci-
tas priorem moram compensarit; nostram sphæ-
ram vitream ad collum usque immerimus mixturæ fa-
lis & glaciei, & mox effectu sperato fumus potiti. Nam
aqua, quæ hactenus diu satis per extremitatem colli
guttatim & æqualiter effluxerat, paulatim in suo flu-
xu sistebatur, dum interea vesica ceraque, qua reli-
quum orificii sphæræ, ubi collum gracilius insertum
erat,

Ecc

erat, obstruximus, præter modum tumeret. Dum vero digitos admovebamus prædicto orificio, sive horum calore, sive fortiori pressione aeris intra aquam contenti, dissolvebatur cuticula glacialis, quæ hætenus egressum denegabat aquæ, quæ hinc in momento, fonticuli instar salientis, per collum ad insigne eiacularabatur intervallum; mox autem, remittente impetu, fluxum in pristino rhythmo continuabat. Cumque aliquot elaberentur horæ, donec aqua omnis in glaciem abiit, eundem hunc effectum multiplici vice, non citra voluptatem, vidimus. Idem autem Florentinis accidisse, vel inde valde probabile redditur, quia ipsimet fatentur, sphaeram aliquando diffractam esse propter orificium solidiori glacie obstructum, nec non, si loco aquæ simplicis adhibuere aquam ex cinamomo destillatam, vinum, succum limoniorum, aut spiritum vitrioli, ejusmodi saltum deprehendi non potuisse. Hi enim liquores ægre, nec in glaciem adeo solidam, concrefcunt, ut cuticula aliqua orificio sphaeræ obducta, adscensum aquæ aliquandiu remorari possit. Non autem opus habebant, manu calidiori admota, diffractionem laudatæ crustæ promoveri, quia collum vitri, quo ipsi usi sunt, longe amplius fuit nostro, & ideo talis crusta impetui aeris elastici minus resistere potuit. Sed quando Florentini porro addunt, illo ipso saltu velocissimi momento aquam in sphaera contentam, quæ ad illud usque tempus tota fluida permanserit, non solum exuta perspicuitate, quadam velut nebula obtenebratam, sed etiam simul & in instanti totam omnino in glaciem fuisse conversam, ea tamen quæ in colo hærebat, in pristino fluore relicta; id equidem tanto minus nobis

bis persuaderi patimur, cum ipsimet fateantur, post illum velocissimum saltum aquam in collo diu adhuc lento gradu ascendisse, & tandem per orificium effluxisse, quod omnino fieri non potuisset, si, omni aqua in glaciem transmutata, nihil superfuisset, quod ex sphæra in collum extruderetur, & tamen quæ in collo jam erat pendula, extra massam frigorificam constituta, ejus quoque vim non esset experta. Nec ulla apparet ratio ob quam in hoc solo casu genesis glacie momentanea esse debeat, cum alias semper successive crescat, & inspissetur, ubi tamen eadem sunt causæ eademque circumstantiæ. Nobis certe congelatio ista non in momento absolvebatur, sed per plusculas durabat horas, potuimusque, uti alias, ita hic quoque, initium congelationis & fruticosas figuras in vitro descriptas ab eo statim tempore quo aqua incipiebat secunda vice ascendere, distincte videre, modo sphæram poneremus mediam inter lucem & oculum; in alio enim situ tenuem istam cuticulam notare non licuit. Et subest omnino aliquid causæ, cur glacies ante saltum illum rapidissimum Florentinis pellucidior apparere, & nisi luci opponebatur, aquam mentiri potuerit. Siquidem deprehendimus glaciem intra sphæram adeo porosam, ut aqua vi adacta (quod exitu clauso fieri debuit) per illam quadantenus penetrare queat, unde non potest non reddi pellucida. Si autem, vi aperto exitu, aquæ via ad fugam conceditur, etiam ex poris expressa glaciem opaciorum multo relinquit, necessum est; quæ subitanea mutatio coloris, ipsis potuit occasionem præbere, ut crederent, glaciem eo ipso momento esse natam.

Ratio
Pb. 118.

Nunc tandem properandum ad reliqua quæ super-
sunt phænomena, inter quæ primo loco occurrit, quod
maria, etiam sub ipsa zona frigida, solum circa litora &
non in sui medio obtegantur glacie. Quanquam vero
ad hoc aliquid conferre queat, quod circa medium a-
gitatiora sint quam circa litora, ob quam causam su-
pra ad phænomenum 72. fluvios in medio ægre con-
crescere diximus; tamen alia adhuc subsit ratio neces-
sum est: cum cæteroquin glacies non ad 20. usque mil-
liaria & ultra excurrere posset in mare, utpote quod
illic, si non magis, saltem non minus impetuosum est
quam in medio. Potius igitur, cum lixivium salium for-
tiora a frigore non indurari phænomen. 115. notaverimus,
hæc congelandi ineptitudo a falsedine maris erit de-
ducenda, quæ procul dubio in ipsius medio intensior
est quam circa litora. Nam cum terra continens in-
desinenter immensam aquarum dulcium copiam in
mare eructet, hæc autem pro diverso fluviorum im-
petu ad inæqualia quidem spatia, rarius tamen ultra
10. vel 20. milliaria Germanica, in mare penetret, ante-
quam cum ejus falsedine miscetur penitus, apparet sane,
muriæ circa litora multo dilutiorem esse debere, quam
in locis inde remotioribus. Imo hinc commode dedu-
citur glaciei marinæ dulcedo. Etenim cum multis ex-
perimentis dudum ostensum sit, aquam falsam gravio-
rem esse dulci, ideoque aqua fluvialis in oceanum
ejecta marinæ supernatet, ceu olim jam animadvertit
Plinius hist. nat. l. 2. c. 103. idemque probat *Ricciolus*
Georg. reform. l. 10. c. 2. & insuper suam dulcedinem diu
servet, donec procellarum & ventorum impetu cum
marina confunditur, (quod de fluviiis majoribus & rapi-
dio-

Ratio
Pb. 119.

dioribus in vulgus notum est,) facile omnino fieri potest, ut tempestate tranquilla, & acriori sæviante frigore, concreseat, & nobis glaciem progeneret sui saporis, h. e. dulcem, nisi forsan profundius descendit, & ita in locis quibusdam, ubi nec magni, nec multi adeo fluvii in mare decurrunt, inferiore vultu ipsam muriam attingit, & ab illa aliquid falsedinis trahit, quod ipsum tamen in locis ubi major est aquarum affluxus, non est metuedum. Ex his certe fundamentis scite admodum suarum observationum rationem reddit celeberrimus Reiherus. Nam cum aqua marina glacie munita a ventis commoveri & cum fluviali misceri nequeat, mirum non est, glacie perfossa in loco a quo non procul plures rivi fluviique se in mare exonerant, aquam ei proximam reperiri dulcem. Huic subjecta modice salsa est deprehensa, partim quia cum dulci sibi incumbente, fuit diluta, partim quia in aqua quieta & frigesacta, sal naturali gravitate subsidere solet. Ex hac vtraque autem causa aqua profundior tanto magis salsa esse debuit, quia nempe dulci non potuit dilui, & insuper accessione salis ejus acrimonia aucta est.

*Ratio
Ph. 120.*

Idem sal subsidendo, in liquore salis tartari debiliori, glaciem progenerat insulsam, in muria paulo fortiori saltem minus salam, quia nempe in hac partes subtiliores non secédunt, præsertim in congelatione adeo celeri, qualis artificialis esse solet. Quod autem salia in aqua refrigerata præcipitantur, id quidem commune habent cum multis aliis rebus, quæ aqua tantillo graviora sunt. Vti enim pulvis, plumæ, folia &c. impetu ventorum in aerem abripiuntur, pariterque ignis actione e terra surgunt vapores & exhalationes crassiores

*Ratio
Ph. 121.*

*Ratio
Ph. 123.*

res varii generis, nec ab aere dimittuntur, nisi motus, illis a ventis, his ab igne communicatus, cesset, ita idem omnino in aqua obtinet, faeces & heterogenea diversa, sive ignis ope sive alia ratione cum illa permixta, tam diu eidem innatant, donec ignis agitatione, aut alia commotione cessante, & a vinculis aquae successive liberata, proprio pondere lente descendunt. Quod speciatim in aqua saepius regelata sedimentum alias non visendum occurrit, inde videtur esse, quod praecedanea crebriori congelatione partes viscosiores faecesque haecenus sparsae, semper magis magisque compressae & implicatae fuerint, ut junctae tandem petant fundum. In spirituosis, resolutione facta, spiritus nec summa nec ima petunt, sed congregantur in medio. Etenim cum partes aquosiores praefrigore rigere incipiunt, & hinc inde natantes, deferuntur circumcirca ad latera vasis continentis, facile his (uti ligna in aqua fluctuantia litoribus) adhaerent, & inter se implicatae glaciem constituunt; ergo spirituosae, quae vel prorsus non, vel non tam cito congelantur, ab illis, coeuntibus propius & se arctius complectentibus, expressae, occupant locum ab istis derelictum, & ita in medio vasis congregantur.

Ratio
Ph. 122.

Ratio
Ph. 124.

Iste autem processus eliciendi spiritum vini, non per ignem sed per nivem, quo usus est magnus Dux Hetruriae, alio plane nititur fundamento, quam enarratus huc usque modus separandi spiritus ab aqua, cum nulla illic congelatio locum inveniatur, & condensationi aeris potius originem debeat. Scilicet, uti partes subtilissimae ex spiritu vini rectificato aliisque liquoribus spirituosis tanto imperu & copia fugiunt, ut insignem

gnem ebullitionem, qualem vix ignis in aqua producere valet, efficiant, si per fuctus antiæ pneumaticæ liberantur a pondere aeris incumbentis; ita cum is idem aer in alembico contentus, per nivem hujus capitulo impositam valde refrigeratus, multum contrahatur, & sua elasticitate minus premat mixturam sibi subjectam, ex hac quoque spiritus liberius & copiosius adscendunt, qui ab alembico, cui sudoris instar adhærent, collecti, per rostrum derivantur in recipiens, æque ac alias in destillatione per ignem solet fieri. Sicut ex simili causa spiritus per ignem destillati in caput mortuum redire, illudque aliquo modo imprægnare dicuntur, si alembicus non demitur antequam illud refrigeratur.

Supereft ut de effectibus in viventium corporibus se prodentibus, & frigori adscribi solitis, agamus. Et primo quidem, cum vita requirat sufficientem & cujuslibet viventis corpori mechanico proportionatum calorem, crederes omnino omne frigus esse inimicum vitæ, quia est inimicum caloris nativi. Et sanè negari nequit, istam longævitatē hominum in locis frigidioribus habitantium ab aliis potius causis quam a frigore solo deducendam videri, cum aer illic ordinariē salubrior sit, tot venenatis putridisque exhalationibus non imprægnatus, ac in locis calidioribus ex lacubus, paludibus, sylvis &c. incalescentibus surgere solent, insuperque genius loci plerumque simplicem & sobriam vivendi rationem postulet, nec luxu & abusu alimentorum tantopere corrumpantur spiritus; negari tamen nequit, frigore constringi poros cutis, & corpora viventium æque ac alia consolidari, aut rectius,

*Ratio
Ph. 128.*

Ratio
Pb. 129.

us, ab aere fortius comprimi, si calore ejecto se ejus
pressioni nihil opponit, ut hinc, qui in locis frigidioribus
ætatem consumunt, corpus robustum carnemque debeant
consequi solidiorem & minus spongiosam, quam qui in
regionibus calidioribus toto ferme die sudore diffuunt;
quod omnino ad perferendas varias aeris injurias, & prolongandam vitam, aliquid conferre
potest. Eadem constrictio cutis efficit, ut internus
corporis calor in hyeme ægrius exhalet quam in æstate,
ubi portam tantum non ubique invenit patentem, præsertim
cum, propter blanditias caloris æstivi, nostrum corpus
negligentius tegamus, nec damnum caloris, quod membra
patiuntur, sentiamus, aut adeo curemus, si vel maxime
calor internus ad æqualem ferme gradum reductus est
cum externo, quia nostrum corpus nullum inde dolorem
percipit, tamen is ad concoctionem non plane sufficit;
cum contra hyberno tempore, quia ad primum contactum
aeris frigidissimi externa corporis membra mox rigent,
etsi interna nullum adhuc defectum sentiant, nostrum
corpus indumentis spissioribus, caloris nativi abitum
valde retardantibus, probe obtegamus, & magis sumus
soliciti de conservando calore interno. Accedit, quod in
æstate per patulos adeo poros, præter calorem, etiam
salia, quæ fermentum, ad concoctionem & debitam
elaborationem succi nutritii summe necessarium, maximam
partem constituunt, ingenti numero aufugiant, & cum
lympha exsudent, quod in hyeme, obstructis magis
poris, fieri nequit. Ne nunc de eo dicamus, quod in
æstate, largiore potentiorum haustu, fermentum ventriculi
magis diluamus quam in hyeme. Quodsi igitur

igitur ventriculi fermentum in hyeme est fortius, ei-
que de calore sufficiente maiori cura prospicitur, omni-
no suo officio rectius poterit fungi, quam alio tempo-
re, quo his necessariis requisitis destituitur.

Quodsi vero, acriori & diuturniori frigore aeris *Ratio*
instante, viventis calor tantum non omnis exspirat, ipsa *Pb. 130.*
quoque vita pereat necesse est, dum perit, sine quo vi- *5 133.*
ta esse nequit. Acceleratur hæc caloris nativi extin-
ctio, si corpus est gracilius, tenerius, porosius. Vnde
facilius pereunt flores, herbæ, surculi recens nati, quam
ligna robusta & adulta. In homine & animalibus spe-
ciatim promovetur, si denudatione corporis igni libe-
rior fuga, & aeris frigidissimo immediatus contactus, i-
mo, qua partem sui subtiliorem, penetratio in cutis
poros conceditur, nec non si propter defectum nu-
trimenti deest unde novi eliciantur igniculi, in locum
fugientium successuri, aut nimia ingurgitatione potu-
lentorum calor magnam partem suffocatur. Quo mi-
nus vero, redeunte posthæc calore, in vitam revocen-
tur, quæ hactenus jacuere emortua, obstat quod infi-
mul in ipso corpore insignes mutationes accidunt.
Præterquam enim quod succus nutritivus sensitivorum,
sanguis nempe, congruemescat, nec iterum ad fluidita-
tem debitam calore possit redigi, insuper æque ac suc-
cus nutritivus vegetabilium multum continet aquæ. Vti
vero hæc congelata expanditur, ut aliquando ipsa pes-
sumdet vasa, ita non immerito idem concipimus in suc-
co nutritivo, quod scilicet in glaciem abiens fistulas, ve-
nas, arteriasque quibus continetur, quin & glandulas &
vasa lymphatica, insolito modo distendat, & teneriores
hinc inde effingat. Hinc certe derivanda videtur illa adu- *Ratio*
stio *Pb. 140.*

fluo quam peregrinantes ventum frigidiorē ad-
sum habentes, percipiunt in facie. Tenerima enim
vascula externam faciei superficiem perrepentia a san-
guine congelatiōe, uti ipsa cuticula nimium tensa, rum-
pantur, quod acuto dolore carere nequit.

Ratio
Pb. 141.

Stupor qui membra corripit, dum frigus intimius
penetrat, inde est, quod nervi rigentes, & expulso ca-
lore valde compressi, spiritibus animalibus, quorum
fluxu per nervos ad cerebrum, communi physicorum
consensu, omnis sensatio perficitur, viam denegant. At-
que hinc etiam nullo dolore afficimur, quam diu stu-
por durat, etsi fibræ ingentem patiantur vim, & multæ
earum rumpantur. Secutus autem post regelationem
pruritus, itidem ex ante dato fundamento deducendus
est; Etenim si extremitates venularum sanguine con-
creto sunt obstructæ, ut superfluum in membris succum
absorbere & ad cor revehere nequeant, cor vero ar-
teriarum, ex eadem quidem causa clausarum, sed itera-
to sæpius pulsū vi apertarum, ope, novum sanguinem
in membra illa expellit, præ nimia copia sanguinis tu-
ment & tenduntur tum fibræ nerveæ, tum arteriæ. In-
super phænomen. 119. seqq. observavimus, quod in conge-
latione partes salinæ a reliquis secernantur. Quod si
nunc idem in sanguine fiat, salia collecta, & a calore
posthæc agitata, insuperq; in fibrillas per pulsū subinde
impacta, eas pungunt & vellicant. Ab hac autem vel-
licatione itemque ante dicta tensione leviculus dolor
& pruritus oritur, duraturus, donec, venis quasi rese-
ratis, sanguis cursū suū sine impedimento potest
persequi, abreptis simul illis spiculis salinis, vel per po-
ros cutis dispulsis. Hoc autem nisi mature fiat, ac san-
guis

guis ab arteriis expulsus & a venis non receptus, illic ac in poris aliquandiu stagnet, & major fiat secessio salium; fibrarum nimia extensione vesicæ parantur, quæ, subtiliori & rubella parte sanguinis sensim a calore in motum acta, & per vias tandem apertas refluyente, ichorem aquosum, ac non raro acrem, continent; quia salia hispida a sanguinis particulis flexilibus ejecta, & lymphæ crassiori innatantia, inepta sunt ad subeundas lasas & ideo, ceu fieri solet, crispatas tenuissimarum, venularum angustias. Quodsi vero frigus profundius penetravit, ut major fiat strages fibrarum, & sanguis non solum in extremitatibus venarum & arteriarum coaguletur, sed etiam in partibus intimioribus, atque ideo posthæc nulla ratione pristinæ fluiditati possit restitui, & hinc etiam salia in majori copia secreta nec diluantur, nec dispellantur successive, aut absorbeantur, ut alias a præterlabente unda vitali, nonnunquam mitiori malo, solet fieri; superaccedente calore externo fermentescit, putrescit, & ita membrum jam ante valde læciatum, in quo motu debito privatus stagnat, corrumpit: fermentationem enim a salibus per ignem agitatis primario originem ducere, in scholis physicorum satis notum est. Quod quidem malum potissimum experiuntur membra graciliora, & a corde, tanquam fonte caloris, remotiora, quia in hæc plus licet frigori, utpote quorum intima haud difficulter pervadit. Cum autem a partibus putridis facile trahantur sincera, ipsum hinc vivum præsentissimum incurrit vitæ periculum.

Idem quod corpora animalia, patiuntur legumina aquosiora, fructus arborum &c. horum enim fibræ ter-

Phæn.

Pb. 139.

Ratio

Pb. 138.

nerrimæ & filamenta quibus partes copulantur, si præ frigore rigent, ut extensionem ægre admittant, a succo congelato tanto facilius disrumpuntur. Partes sauciatae si superveniens in regelatione calor intemperatus magis adhuc lædit, & in iis stagnat liquor extravasatus, prompta est ad putrefactionem via.

Ratio
Pb. 137. Maxima difficultas in eo est, cur hi effectus potissimum regelationem acceleratam & tunc sequantur, si corpora congelata repente deferuntur in locum calidum, cum contra si lente regelantur, & speciatim aqua frigida immerguntur, damnum multo sit minus? Nisi forte, uti membro aliquo corporis vehemente contusione læso, facile excitatur calor intensior seu inflammatio, atque hinc medicamentis congruis eo maxime allaboramus, ut ab initio statim illi resistamus, quæ posthæc, si fibræ ad quietem lente sunt reductæ, non adeo metuenda est; ita hic quoque calor externus fibras partim violenta tensione, partim omnimoda disruptione, male affectas, sua compunctione magis exacerbet & sauciet, in animalibus insuper partes sanguinis sulphureas seu oleosas, in congelatione ab aquosis secretas, exagitet & velut accendat, ut exulceratio, putrefactio & plenaria dissolutio earum sequatur: cum contra eadem fibræ, in lenta regelatione nullam amplius violentiam passæ, tanto promptius pristinae integritati reddantur, ut postea magnum adeo periculum a calore (cujus compunctio in lassis maxime dolorifica & nociva est) non sit. Aqua frigida & nix aquosa huic scopo apprimè inserviunt, quia glaciem citius liquant quam aer eodem caloris gradu præditus, ceu supra in explicatione phænomeni 49. ostendimus, & tamen

men actionem ignis valde hebetant, ut ejus violentia sit longe minor quam in aere esse solet, quod innumeris potest probari exemplis. De crusta glaciali, qua in tali casu obducuntur regelanda, supra jam ad phænomenum 65. est actum.

De carero quod eadem corpora ulteriori corruptioni & putrefactioni obnoxia non sunt, quamdiu præ frigore satis rigent non est mirum, cum ex communi Physicorum sententia inter præcipuas putredinis causas sit calor ambientis & humor intus auctus, frigus autem sit absentia caloris, & natus hinc rigor humidi augmento æque ac mutationi resistat; ubi vero deest causa, etiam nullus effectus possit consequi. Sapor tamen alteratur; quod non solum salia volatilia nullum vinculum admittentia successively avolare queant, sed etiam in congelatione secretio fiat partium spirituosarum ab aquosioribus, ceu in vino ad oculum patet, idemque in aliis mixtis non immerito concipiamus, tametsi in his non omnes spiritus in medio corporis inque uno loco congregentur. Cum vero in tali separatione non possint non partes a quibus spiritus cum salibus volatilibus secessere, aliis insulsiores reddi, manifesta est ratio mutati saporis.

Ratio

Ph. 135.

Ratio

Ph. 138.

Patet interim recensitas hæcenus mutationes, quas sentientium & vegetabilium corpora subeunt, potissimum deducendas esse a glacie intra eorum substantiam concreta. Quod si quæ ergo sulphureo magis & tam subtili nutriuntur succo, ut in glaciem transmutari nequeat, aut, si etiam leviter rigit, tamen non tumeat & se dilatat, ut aquosa solent, illa hoc ipso ab interitu & putrefactione erunt immunia.

Ratio

Ph. 134.

Fff 3

Paucis

Ratio

Ph. 131.

§ 132.

Paucis nunc de eo agendum, quod ranæ itemque hirundines & alia animalia; in hyeme intra paludes velut mortua jacere, verno autem tempore, aut alias in locum calidiorem delata, vitæ reddi dicantur. Equidem cum pleræque plantæ ingruente frigore adeo torpeant, ut nec augeantur mole, nec sui generent simile; &, præter gemmas quas nonnullæ protrudunt, vix aliud vitæ indicium prodant, quam quod non marcescant, & in sua integritate conserventur: ita non improbabile est in eundem statum redigi quædam animalia, præsertim insecta, quæ alias ad vegetabilium naturam propius accedunt, ut omni destituta sensu velut dormiant, & pleræque in illis cessent functiones vitales, nec tamen careant vita. Speciatim de ranis dicta insignem habent veritatis speciem, cum in paludibus nascantur, in his nutrimentum quærant & vivant, in hyeme autem illic abscondita ab exarescentia & congelatione, cui alias tanquam aquosiora obnoxia essent, tutæ sint, insuperque sanguine gaudeant adeo diluto, ut a congruescentia nullum sit periculum, & experientia testetur, eas, etiam cum maxime vegetæ sunt, diu respiratione carere posse. Sed de hirundinibus vel ideo maxime suspecta est traditio, quod non solum alius plane sint naturæ quam ranæ, nec in aqua, aut sine respiratione, vivere queant, sed etiam autores relationum provocent ad Poloniam, Moscoviam & similes regiones, quas raro peregrinatores adeunt, & sic veritatem narrationis explorare non possunt, cum tamen nec apud nos desint lacus aut hirundines. Hoc equidem facile concecserimus, in lacubus nonnunquam reperiri hirundines, cum in volatu suo plerumque superficiem aquæ

quæ incumbant & eam nonnunquam attingant, atque ita haud difficulter fieri possit, ut nonnullæ, sive impetu ventorum, sive ex defatigatione, sive alia de causa, in aquam præcipitentur, & suffocatæ fundum petant, illicque frigore putrefactionem impediende, diu jaceant, nullam insuper mutationem adeo sensibilem passæ; an vero unquam ad vitam redeant, sive sua sponte, sive humana ope hinc extractæ, & in locum calidum delatæ, id est de quo maxime dubitamus.

Vti porro arteriolarum post expulsum calorem ab ære exteriori valde compressæ parum sanguinis in extrema membra ejicere possunt, quæ ideo pallent, (nisi quod alias copiosiore sanguine turgentia lividum calorem assumant, si etiam venulæ citius obstruuntur quam residuum ad cor revehitur.) ita pari modo constrictæ fibrillæ nervosæ & musculares spiritibus animalibus transitum reddunt difficiliorem, ut hinc, si in sufficienti copia debitaque velocitate affluere nequeunt, corpus langueat, imo, dum impetus eorum, quo musculos inflare aut inflatos in suo statu retinere conantur, modo irritus est, modo prævalet, tremor aliquis corporis, & imprimis maxillæ inferioris, ob suum pondus semper a superiore recedere annitens, sequatur, præsertim si salia nitrosa, in succo nerveo contenta & jam lentius fluentia, nervis magis infiguntur, ut hos vellendo spasmos excitent.

Denique, quando frigus etiam pilos nonnullorum animalium v. g. leporum, vulpium &c. ita immutare creditur, ut ad albedinem accedant propius, id frigori per errorem tribuitur. Observamus enim in nostris animalibus domesticis, equis, jumentis, canibus &c. quod sapi-

Ratio
Ph. 142.

Ratio
Ph. 143.

sapientissimum Numen ea contra hyemis injurias instruat pilis ferme duplo longioribus, quos verno tempore iterum deponunt; & pristinum habitum induunt. Hi pili, dum propter longitudinem vix sufficienti inbuuntur succo nutritio, circa extremitates exsiccantur, præcipue cum appropinquat tempus quo decidere solent. Pili vero qua parte aridi sunt, albicant aliquo modo æque ac frumentum maturescens, herbæ, ligna &c. ex sicca, quia magis constringuntur, & sic plus luminis reflectunt, quam si aqua pellucida & radios absorbente turgent, ut hinc prædictorum animalium color in hyeme multo sit pallidior quam antehac. Cum nunc frigus hybernium in regionibus polo vicinioribus longe sit truculentius quam apud nos, nullum est dubium quin animalibus illic etiam pili crescant multo longiores, præsertim feris, quibus hominum industria de stabulis tepidis prospicere nequit. Isti ergo ob id ipsum quoque tanto magis pallebunt, ut hinc lepores atque vulpes, quorum color alias ad albedinem propius accedit, albi apparere possint, sciuri vero, pilis magis fuscis præditi, subcani. Sub initium autem veris istorum animalium color ex nativo & albo videtur mixtus, quia tunc, longioribus istis pilis maximam partem excidentibus, novi, qui in eorum locum succrevire, transparent; qualis mixtura etiam sub hyemis principium observatur, dum non omnes pili simul sed successively canescere incipiunt.



J. N. J.
CAPVT I.

*Nomen, Historiam, Structuram,
& Varietatem Barometro-
rum sistit.*







S. I.

EXercuere hucusque doctorum ingenia
mirandi Barometrorum effectus, plus-
que difficultatis alunt quam præ se fe-
runt prima fronte. Vnde post tot ce-
leberrimorum Virorum labores, sem-
per adhuc aliquod specielegium videtur relictum; ut
adeo nihil obftet, quo minus nostra quoque cura circa has
occupetur delicias. Sive quis Instrumentum hoc
Baroscopium cum *Georgio Sinclaro in Arte Nova Grav:
& Levit. Lib. I. Dialog. 2. num. 1.* sive, quod frequen-
tius, *Barometrum*, sive etiam, quod maxime solenne
erat antequam innotuit genuinus Machinæ usus, cum
aliis *Tubum Torricellianum*, dixerit, perinde erit. Uti
enim priora duo nomino a βαρὺς & μετρίως, vel μέγας,
deducenda, scopum Instrumenti indigitant, quod

Ggg

gra-

gravitati, spectatim quidem aeris, curatius examinanda
 & per diversam altitudinem Mercurii in canali vitreo
 penduli mensuranda, sit destinatum; ita posterius ad au-
 ctorem ejusdem digitum intendit, Galilei nempe suc-
 cessorem & Magni Hetruriæ Ducis Mathematicum cla-
 rissimum, *Evangelistam Torricellum*, qui primus anno 1643.
 ejus rei experimentum sumpsit: in quod postmodum *Va-
 lerianus Magnus*, Capucinus, (qui tamen anno 1643. &
 1645. Italiam, ipsamque Romam & Florentiam, ubi tunc
 controversiæ de hoc experimento agitabantur, peragra-
 vitus est,) anno 1647. Warfoviæ itidem proprio ausu inci-
 disse, illudque primus typis vulgasse, voluit videri. Quan-
 quam uterque alio plane fine negotium hoc sit aggressus,
 utpote ad id maxime intenti, ut ostenderent, metum va-
 cui, ad illud usque tempus naturæ adscriptum & tantum
 non in infinitum extendi creditum, aut limitatum admo-
 dum esse, aut plane nullum, aliamque prorsus causam ef-
 fectibus hinc deduci solitis attribuendam; quandoqui-
 dem hortulanum quendam Florentinum irritus conatus
 contra spem docuerit, in Antliis aquaticis, suctione Em-
 boli, aquam ultra 18. cubitos elevari non posse, ab eodem-
 que admonitus *Galileus a Galileis*, experimentis cum cu-
 ra institutis, improvissam hanc veritatemprehenderit,
 ceu videre est in ipsius *Discorsi e Dimostrazioni Matema-
 tiche intorno a due nuove scienze, attenenti alla Meccanica
 & i Movimenti locali* p. 13. Unde etiam Machina hæc *Instru-
 mentum Vacui* est dicta. Postquam vero idem Torricellus
 aliquotabinde annis advertit, Mercurium in Tubo non
 semper eandem servare altitudinem, sed nunc elevari,
 nunc deprimi, ab eoque admonitus *Pascualius*, quem *Pe-
 trus Gasfendus Physic. Sect. I. Lib. 2. cap. 5.* eximium seu in-



pag. 415.

C. Jamghan B. sc.



comparabilem potius adolescentem vocat, anno 1647. & 1648. experimentis magno labore & cura institutis, quæ legi possunt in ipsius libro *del Equilibre des Liguers*, observavit, eundem Mercurium in montibus aliisque locis eminentioribus depressoire esse, quam in vallibus: tunc demum docti, de genuino scopo magis solliciti, passim Barometra extruxerunt.

§. II.

Ut vero usus & effectus Barometrorum melius intelligi queant, construendi rationem, & potiores eorum species, in antecessum enarrabimus. Simplicissima hæc est. Sumitur canalis vitreus AB, una extremitate hermetice sigillatus, altera apertus, tres quatuorve pedes longus, latitudinis vero arbitraria. Hic totus repletur Mercurio depurato; quo facto, clauditur, admoto digito, orificium apertum, canalisque inversus immergitur Mercurio in vasculo CD stagnanti; remoto hinc digito, Mercurius in canali mox aliquousque descendit, donec sub altitudine 27. circiter Digitorum hæret suspensus citra ulteriorem lapsum. Atque talis quidem fuerat prima Barometri facies.

Fig. I.

Cum vero canalis difficiliter servetur in situ erecto, & si de loco in locum fuerit transferendum, facile effundatur Mercurius, aut, propterea ejus fluctuationem, aer canalem fortim ingrediatur; de commodiori forma & difficultatibus hisce tollendis, multi impari successu fuerunt solliciti.

§. III.

Quali nos uti simus Barometro, exactius paulo describemus, ut de fide experimentorum ejus ope institutorum, L. Bitanto melius judicare queat. Parari curavimus ex ligno solidiori vasculum FG, intus in Sphæra formatum tornatum, per cujus collum E ad centrum usque

Fig. II.

Ggg 2

intru-

intrusimas canalem vitreum AB, in B hermetice sigillatum, 39. Digitos seu 3. Pedes Rhenanos cum quadrante longum, & 4. Grana, seu trientem Digiti, quoad diametrum internæ cavitatis, latum, quem ope camenti in hoc situ probe firmavimus, & una cum vasculo per ligamenta metallica anneximus fulcro HK. Quo facto, inclinavimus totam hanc Machinam in situm Horizonti parallelum, & per orificium C, mediante infundibulo chartaceo, immisimus Mercurium in vasculum; qui postquam illud ultra dimidium replevit, canalem lente est ingressus, aereque propter canalís capacitatem haud difficulter cedente, totum occupavit. Restituta hinc Machina in situm perpendicularem, Mercurius rursus ad D usque descendit. Cujus altitudinem, (quam commodius in Barometro æqualis capacitatis vulgariter constructo, prima vice capere licebat) una cum mutationibus, quæ subinde accidunt, ut non solum perfectius determinare, sed & cum aliorum observationibus comparare possimus; adhibuimus pedem Parisinum & Rhenanum (cujus utriusque longitudinem exactam, eaque mutua proportionem gaudentem, quam ex Gravio, Azuto & Picardo sistit *Eduardus Bernbardus de Mensuris & Pond. Antiq. p. 198.* nobis dedere aliquot Instrumenta ex Gallia & Belgio huc translata) atque illius quidem Digitum 26, 27 & 28, hujus vero Digitum 27, 28 & 29 (intra quos sc. altitudo Mercurii subsistit) & singulos quidem per lineas transversales, ceu in scalis Geometricis solemus, in 120. partes, h. e. in 12 Grana, & Granum quodlibet in 10. Lineas divisos, fulcro KH ex utroque canalís latere circa D decenter affiximus. Quo pacto per regulam mobilem IL, Mercurii altitudinem & minimas quasvis mutationes,

tiones, quovis tempore accurate possumus definire.

§. IV.

Hoc Barometri genus, ut id quoque *ὡς ἐν παρόδῳ* addamus, multis prærogativis præ vulgari gaudet. Præterquam enim, quod 1) ejus ope levissimas Mercurii, & consequenter aeris, mutationes dicto modo cognoscere valeamus; insuper 2) illud ad libitum inclinare, aut plane Horizonti parallelum reddere, imo, orificio C per Epistomium clauso, prorsus invertere licet, citra periculum Mercurii ex vasculo effluxuri, aut aeris in canalem irreperpentis, modo vasculum paulo ultra dimidium repletur; quod tunc extremitas canalís A, utpote centrum attingens, nunquam non Mercurio stagnanti est immersa. Quin 3) illud in alias transportare regiones citra damnum licebit, modo ante reclinetur eo usque, ut Mercurius per totam canalís longitudinem ascendat, & deinde reliquum vasculi impleatur Mercurio, ad bilancem prius æstimando, postea vero orificium C per Epistomium probe obturetur, & ita Mercurio omnis motus denegetur; cæteroquin enim, si in canali libere meare & remeare potest, tanto impetu in ejus apicem B impinget, ut disrumpatur. Erit quoque necesse, ut canalís gossypio aut simili materiæ molli & elasticæ involvatur, ne vitrum concussione frangatur. Quod si hoc pacto ad locum destinatum est delatum, tantum Mercurii e vasculo rursus effunditur, quantum antehac fuit additum, quod pondus ad bilancem denuo examinandum facile proder; & ita ad experimenta instituenda erit aptum. Id quod tunc insignem usum in perficiendis observationibus præbebit, si alius canalís, huic quoad omnia similis, domi fuerit relictus, & ita experimenta eodem velut instrumento in diversis institu-

Ggg

antur

antur regionibus. 4) Si Barometrum ordinario modo, canali nempe inverso Mercurium desuper infundendo, repletur, tum is tanto impetu præcipitatus, multum aeris secum abripit, quod intra canalís latera & Mercurium sub forma exiguarum bullularum detinetur, donec canali erecto, & Mercurio post digitum ab orificio remotum aliquantum delapso, bullulæ istæ ampliantur & simul summa petunt; hoc autem pacto Barometrum in Thermometrum transmutant, nisi canali denuo inverso bulla amplior ex illis collecta, aufugere cogatur. At si canalís justæ amplitudinis situm obtinet horizonti parallelum, Mercurius illum lente ingresus, tam apte se applicat vitro, ut nullas aut paucas admodum ejusmodi bullas sensibiles intercipiat. Uti quoque, quia totum orificium A Mercurio est immersum, nullum est periculum, ne in inversione per illud aliquid aeris subintret.

§. V.

Ne quid tamen dissimulemus, tametsi nudo oculo vix ulla bullas deprehendere potuerimus, tamen Mercurio, post erectam Machinam, aliquo usque descendente, aliquot se prodiderunt, quarum illæ, quæ supremæ superficiei Mercurii sunt proximæ, justam magnitudinem consecutæ, ascenderunt in spacium canalís evacuatum. Reliquas ut incitarem ad fugam, monitum sapientissimi *Boylli in Exper. XVII. Nov. Experim. Physico Mechan.* p. 48. secuti, carbonés candentes aliquotusque admovimus; cum vero ne sic quidem tantam magnitudinem essent consecutæ, ut sponte summa peterent, agitatione effecimus, ut Mercurius vel ad integrum pedem infra consuetam altitudinem descenderet, quo facto, istæ bullulæ, motum Mercurii non sec-

cutæ, simul evolarunt. Quoniam vero omnes ibidem collectæ non erant tantæ molis, ut Tubo inverso ascendere versus vasculum & sic expelli possent, bullam paulo majorem admisimus, quæ istas sibi associatas secum abduxit. Tubo autem lente iterum erecto, nihilominus circa apicem Mercurii leviculam quasi & momentaneam ebullitionem, fugamque aliquarum bullularum, advertimus, utut ab imo tubi nullæ ascenderent & circa latera illius nullas perciperemus, manifesto indicio ipsi Mercurio non parum aeris immixtum esse. Tamen si vero inclinato Tubo denuo a latere aliquid aeris admitteremus, qui bullulas illas collectas abriperet, idque vel decies iteraremus; quotiescunque tamen Tubum rursus ereximus, prædictam ebullitionem, sive quod Mercurius in suo culmine manifeste aliquantum elevatus emitteret quasdam bullulas, videre potuimus: ut adeo cum laudatissimo Boylio non immerito forsân deposuerimus spem unquam obtinendi spacium supra Mercurium ab omni aere vacuum; Canali tamén inclinato, & sic Mercurio ad apicem ejus ascendente, deprehendimus bullulas istas junctim ægre mihi magnitudinem adæquare, adeoque citra sui expansionem vix 5900 mam partem spacii a Mercurio derelicti occupare, quod omnino videbatur contemnendum.

§. VI.

Si cui placuerit, canali paulo capaciori Mercurio *Fig. III.* repleto, intrudere homunculum vitreum aut ligneum, cylindro ligneo innixum, qui, erecto canali Mercurioque ad consuetam altitudinem subsidente, propter suam levitatem ascendat in spatium ab isto derelictum, illicque extenso digito aut bacillo indicet signatam in externa canalis superficie diversam aeris gravitatem; spectata-

Etaculum tanto erit gratus, rem tamen ipsam non variabit. Si insuper canalis, quousque a Mercurio repletur, integumento quodam a spectatorum oculis subducitur, tanto maiorem apud harum rerum imperitos admirationem excitabit. Atque hæc citra dubium est illa Machina, quam *Otto de Guericke*, ipsius inventor, *Semper vivum* aut *Perpetuum mobile* vocavit, atque in suis *Experim. de spatio vacuo cap. 20.* tecto tamen artificio, descripsit. Si quis scire velit, quibus hæc Machina variari & ornari, nec non incrementa illa ascensus & descensus alterni notabilia reddi queant modis, is adeat *L'Homme Artificiel Anemoscope de Mr. Comiers d' Ambrun*, aut saltem, quæ inde excerpta leguntur in *Actis Erud. Lips. anno 1684. Mens. Jan. p. 27.*

S. VII.

Enarrata hucusque Barometra duabus distinctis partibus, canalinempe atque vasculo, constant; illustris vero Boylius invenit aliud genus, quod absolvitur unico canali, sed siphonis instar incurvato AEB, in B aperto, in A vero hermetice clauso, ac de cætero nec longitudine, nec capacitate, nec effecta a reliquis differente. Si repleti debet, inclinandus est in situm horizonti fere parallelum, & subsidio infundibuli rostro incurvato præditi Mercurius infundendus. Præstandum autem hoc per vices, &, orificio B per digitum clauso, canalis paulo elevandus, ut Mercurius lubentius versus A ascendat, & canalem repleat, expulso aere. Altitudo columnæ Mercurialis dehinc æstimari debet ex altitudine perpendiculari CD, utrique superficiiei Mercurii intercedente. Portatile est hoc Barometri genus, & capsulæ hunc in finem rite paratæ inclusum, commode in peregrinas transfertur regiones, si prius inclinatur, ut Mer-

Fig. IV.

Mercurius ad A usque ascendat, & deinceps crus brevius, aut saltem spatium a Mercurio ascendente relictum, aqua, vel alio Mercurio ad balancem prius æstimando, repletur, atque orificium probe obturatur, ad vibrationes Mercurii, hincque memendam fractionem canalís, evitandam. Qua de re, & usu insigni ejusmodi Barometrorum portatilium, supra §. 4. actum. Videatur laudatissimi Viri *Contin. prima Exper. Physico-Mechan. Exper. 22. p. 48. sequ.*

§. IX.

Hoc Barometrum minori sumptu quam reliqua hactenus recensita potest parari, præsertim si canalís gracilior fuerit, quia crus brevius, quod arbitrarie est longitudinis, minus capit Mercurii quam pleraque vascula, quorum sustinetur vices. Sed istis laborat imperfectionibus, quod non solum difficulter impletur, sed insuper alterni ascensus & descensus Mercurii in eo minus sunt notabiles. Cum enim differentia inter maximam & minimam Mercurii altitudinem, vasculo capaciorem existente, sit duorum fere Digitorum, in hoc contra Barometro vix unum superabit Digitum, quia, si Mercurius in canali majori unum digitum descendit, in minori unum ascendit, & contra; quo utroque casu columna Mercurialis summam mutationem, duorum scilicet digitorum, jam subiit. Eidem imperfectioni subjecta sunt quoque Barometra vulgaria, si vasculum, in quo Mercurius stagnat, fuerit angustius.

§. IX.

Possent tamen in Boyliano Barometro hæc mutationes notabiliores reddi, si pondusculum ferreum ejus magnitudinis & figuræ ut intra canalem breviorē libere moveri queat, alligaretur filo, quod axi admodum mobili & gracili circumvolutum, in altera extremitate contrapondio paulo leviori sit oneratum. Mer-

Hhh

curio

curio enim in canali breviori ascendente & pondusculum sibi innatans elevante, contrapondium axim & una indicem ei affixum circumducet, qui in orbe, hunc in finem, circulatorum more, in 360. gradus diviso, minimas mutationes distinctissime indicabit; ex adverso autem Mercurio subfidente, pondus gravius suo fulcro destitutum prævalebit & indicem in oppositas trahet partes.

Fig. V.

Exhibemus hic talem Machinam Fig. v. ex scripto Anonymi, cui titulus *Traitez des Barometres, Thermometres & Notiomètres* p. 23. Videtur autem confecta ad imitationem Barometri Orbiculati ab ingeniosissimo Roberto Hookio Geometriae Prof. Gresham. inventi, & in *Actis Philos. Soc. Reg. Angliæ* ab Henrico Oldenbùrgero editis ad ann. 1666. mens. Jun. pag. 164. descripti, cujus imaginem, elegantia simplicitate se commendantem, monstrat Fig.

Fig. VI.

VI. Sphæra A qua Hookianum Barometrum instruitur, cum habet usum, ut bullula aeræ, quæ ex Mercurio erumpunt, ibi tanto aniplius inveniant spatium se dilatandi, adeoque tanto minus in subjectum Mercurium agere queant. Plura ejusmodi ornamenta, tum huic tum vulgaribus Barometris applicata, sed quæ pleraque in praxi multis difficultatibus & imperfectionibus essent obnoxia, describit *Franciscus Tertius de Lanis in Magister. Naturæ & Artis Tom. I. Tract. 3. cap. 3. Probl. 12. & 13. nec non Tom. II. Lib. 6. cap. 3. artific. 37. 38.*

§. X.

Sistit vero nobis modo allegatus Scriptor loco cit. artific. 39. peculiare Barometri genus a se hucusque usurpatum, quod representamus Fig. VII. Scilicet Mercurio replevit canalem adeo subtilem, ut, dum post Tubi inversionem ex parte effluit, aer in ejus locum ingredi nequeat. Hinc assumit bacillum A G divisum in Pedes, & hos in 60. gradus sive partes, cui inferius

Fig. VII.

rius ad angulos rectos annexa est tabula F E C, & in illa ex centro A descriptus arcus E D C. Inde ex singulis gradibus spatii C E in bacillo A G duxit lineas transversas arcum interfecantes, punctaque intersectionum iisdem notavit gradibus, qui in spatio F C continentur. His ita paratis, Barometrum bacillo in A alligatum inclinavit, ut obtineret situm A D B, quo pacto Mercurius in canali subsedit & ex parte effluxit, donec residuum subsistit in consueti 27. circiter Digitorum altitudine perpendiculari, utut orificium apertum B Mercurio stagnanti non fuerit immersum, ipsa canalis angustia aeris ingressum prohibente. Alius hinc elevavit Barometrum in E usque, donec scilicet Mercurius denuo ascendit in A, & spatium, quod vacuum reliquit, occupavit, in quo deinceps situ Machina ordinarie detinetur. Quoties jam aeris pondus erat exploraturus, canalem eoque deprimebat, donec Mercurius atmosphære pondus superaturus, apicem A deserere & descendere conabatur, gradus enim arcus, quem tunc canalus strangebatur, altitudinem Mercurii perpendicularem & consequenter aeris pondus significabat.

§. XI.

Atque hoc quidem sum Barometrum P. Lana reliquis prestare censet, tum quod gradus in arcu sint admodum notabiles & minima in illis mutatio, queat adverti; tum quod in suprema Tubi parte nullus relinquatur aer, uti quidem in aliis Barometris solet fieri; tum denique quod citra periculum commodè possit de loco transferri in locum. Quante vero gracilitatis esse debeat canalus, ut Mercurius in eo hæreat suspensus, tamen orificium apertum Mercurio stagnanti non sit immersum, aut quo pacto potuerit rite Mercurio reple- re canalē, in una extremitate hermetice sigillatum,

tantaque angustia, ut aer & Mercurius sibi mutuo cedere haud valeant, non indicat. Nec injuria forsân quis dubitarit gracilitatem Tubi obstare posse, quo minus bullulâ aëreâ, quâ in angustis Tubis copiosiores esse solent quam in capacioribus, in spatium à mercurio derelictum aufugiant. Quod si autem hoc præstarent, utique columnâ quâ aerem cum mercurio mixtum continent leviores erunt quam ex puro mercurio compositâ. Quo dato de genuina altitudine mercurii ex tali barometro judicium ferri non posset. Ut taceam quor alius fallaciis Tubi angustiores sint expositi.

§. XII.

Habuit quoque ejusmodi Barometrum, quod in *Fig. VIII.* libero aere suspensum, & orificio aperto perpendiculariter deorsum spectante, Mercurio effluxum, aut descensum infra consuetos limites, denegavit, Vir eruditissimus *Bernhardus Ramazzini*, in Mutin. Lyceo Medicinæ Prof. clarissimus, ceu patet ex ipsius *Epistola*, quam una cum sua, de motu Mercurii in Tubo Torricelliano, publici juris fecit celeberrimus *Schëlbamerus* Med. Prof. Prim. in Academia Kiloniensi. Istud vero non satis capimus, quod Ramazzini de hoc suo Barometro loc. cit. p. 40. narrat, nempe in fistula sic constituta Mercurium descendere & ascendere, prout atmosphæra pondus diminuitur vel augetur. Neque enim columna Mercurialis vel tantillo levior evadit, si in depressiori, aut graviore, si in sublimiori tubi parte hæret suspensa, ut in illo situ minori, in hoc non nisi majori aeris vi possit sustineri. Siquidem altitudo columnæ, undè omne ejus pondus æstimari debet, nullatenus mutatur, nisi forsân tubus in summo gracilior, in imo autem amplior multo fuerit; quod tamen ideo non videtur probabile, quia tubi gracilitas circa aperturam vel imprimis necessaria

cessaria est, ne aer ingredi & Mercurium præcipitare
 queat. Quod si vero eadem est tubi capacitas, debet
 Mercurius, pondere aeris utcunque aucto, ad apicem
 usque tubi attolli, & contra, illo diminuto, eousque
 descendere, ut aliquot ejus guttæ defillent, & sic ejus
 pondus evadat minus, totumque instrumentum
 inutile reddatur ad majus aeris pondus posthæc
 determinandum, nisi aliæ hic concurrant causæ.
 Quare forsan non incongrue conjecit celeberrimus
 Mathematicus & Jctus Kiloniensis *Samuel Reiberus*
 l. c. p. 152. reciprocum illum ascensum & descensum
 Mercurii, magis caloris & frigoris, materiam æthere-
 am in vacuo inclusam, vel potius aerem a Mercurio il-
 luc exhalatum, rarefacientis & contrahentis, quam gra-
 vitatis & levitatis effectus esse. Cæterum quantæ gravi-
 tatis aut longitudinis tubum adhibuerit doctissimus
 Ramazzini, non indicat. *Georgium de Sancto Claro* au-
 tem ejusmodi Barometrum itidem habuisse, ceu refert
 laudatus *Schelbamerus*, in loco ab ipso citato, nempe
Lib. I. Dialog. 2. num. 2. aut toto ejus libro *de Arte Magna*
& Nova Gravitatis & Levitatis reperire non potuimus.
 Ipsi interim rem tentavimus tubo 22. Digitos Parisinos
 longo, & sesqui Granum quoad diametrum lato, & feli-
 cissimè successe experimentum, Mercuriusque in libe-
 ro aere hæsit suspensus citra ullum lapsum. Sed cum
 eundem laborem aggredieremur simili tubo ultra tres
 pedes longo, spe nostra excidimus. Non dubitamus
 tamen, si gracilior paulo tubus quancunque longi-
 tudinis ad manus esset, idem obtineri posse. Barome-
 tri autem functiones talem tubum præstiturum, per su-
 pra dicta non audemus polliceri. Imo ne dubitationi
 ullus super sit locus, cum hæc jam in chartam conjecis-
 semus, eni prædicto tubo, qui modo laborem nostrum

frustratus erat, experimentum hoc denuo sumus aggressi. Huic postquam Mercurio implevimus, orificium patulum obstruximus circum ligata vesica. Cumque deinceps tubum inverteremus, perforavimus hanc acu, & mox vidimus Mercurium ad consuetam altitudinem descendentem; qua impetrata, substitit in libero aere immotus. Sed cum aeris pondus tunc incrementa caperet, post horæ spatium non sine voluntate vidimus Mercurium ad summum usque apicem canalis ascendentem, ubi jam per plures dies hæret immotus.

§. XIII.

Caterum, cum spatium, quod Mercurius reciproco ascensu ac descensu percurrit vix duos superet Digitos, adeoque minimæ aeris mutationes in vulgaribus Barometris ægre observentur: artificia autem, quæ supra descripsimus in §. 8. variis mutationibus & defectibus sint obnoxia, quos neque in suo Barometro orbiculado dissimulat Hookius; aliis modis incrementa gravitatis & levitatis atmosphæræ notabiliora reddere multi tentarunt. Supra laudatus *Ramazzini* in suis *Epimeriis Barom. Mutin.* p. 4. nobis tale describit Barometrum. Canalem assumpsit A B C, secundum altitudinem perpendicularem in 30. æquales partes seu pollices divisum, & sub altitudine 28. pollicum ad latus inflexum, & exporrigentem brachium a plano horizontali mediocriter asurgens, in quo Mercurius ascendendo & descendendo vagatur. Brachium hoc B C divisit in 96. lineas seu partes. Cum nunc Mercurii pressio & gravitas, æque ac omnium aliorum liquorum, æstimanda sit ex altitudine perpendiculari; totum autem brachium secundum perpendiculum mensuratum duos digitos non excedat; sequitur si Mercurius reciproco suo motu duos digitos percurrit, quod idem quo.

Fig IX.

quoque totum brachium BC percurrere debeat; quo pacto mutationes ejus admodum evadent sensibiles. Videtur autem hoc Barometrum idem esse cum illo, cujus inventio in *Actor. Erud. Lips. Tom. I supplem. Sect. 7. p. 352.* tribuitur *Samueli Morlando*, Equiti Anglo, cui alias Tubi stentorei insigne inter doctos peperere nomen.

§. XIV.

Alii in liquore leviori quiescere solatium & in locum Mercurii substituerunt aquam. Erigitur nempe Tubus 40. circiter Pedes altus, ex pluribus cylindris vitreis compositus. Hujus orificio inferiori interim per epistomium clauso, repletur aqua desuper lente infusa, Hinc superiori orificio probe obturato, inferiori autem aperto, & aqua stagnanti immerso, aqua, intra Tubum aliquousque delapsa, circa trigessimum hæret suspensa pedem, aëreque mutationes quoad pondus subeunte, toties per 14. attollitur digitos, quoties Mercurius ascendit unum, eo, quod pondus Mercurii ad pondus aqua se habet ut 14. ad 1. Inventionem hujus Barometri *Egidio Personerio de Roberval*, quondam Mathem. Professori Parisin. tribuit *Stephanus Chauvinus in Lexico Philosoph. ad vocem Barometr.* At *Robervallius* in suo ad *Dn. Noyers* scripta de *Vacuo Epistola*, non a se, sed a *Paschiali* rem hanc *Rothomagi* non viro minus, quam aqua tentatam refert. Nos quoque, post plures alios, plus simplici vice ejus rei Experimentum sumimus. Præter alias vero molestias, quas longitudo Tubi creat, insuper aqua multum continet aeris, qui, illa delabente, in bullis amplioribus turmatim summa petit, sique deinceps calore æstivo dilatatur, hoc Barometrum mutat in Thermometrum. Ne nunc de eo dicam, quod aqua congelationi obnoxia Instrumentum in hyeme reddat inutile.

§. XV.

§. XV.

Elegantius multo est illud Barometri genus, quod consuetam longitudinem parum transcendit, & tamen idem quod maxima ista præstat; cuius Autorem esse *Christianum Hugenium*, egregiis in Mathesi meritis illustrem, didicimus ex quadam ejus *Epistola*, quæ extat in *Journal des Sçavans de l'An. 1672. p. 139.* Est nempe canalis quatuor pedes cum dimidio longus, in A hermetice sigillatus, & in medio instructus cylindro capaciorem CD, cujus altitudo est unius digiti, diameter vero septuplum diametri canalis. Primo infunditur Mercurius usque ad F, seu dimidium canalis AC; hinc aqua usque ad E, seu dimidium cylindri CD; reliquum rursus repletur Mercurio; de hinc Tubus invertitur, quo pacto Mercurius delapsus subsistit circa E, aqua vero circa F, gravitate aeris media existente, spatiumque AF relinquatur vacuum. Cum jam cylindrus & portio canalis ejusdem altitudinis quoad capacitatem se habeant, ut quadrata diametrorum, sequitur, si Mercurius in cylindro CD per dimidium digitum attollitur (quod in hoc Barometro fieri potest, si maxima Mercurii variatio in vulgari emittitur $2\frac{1}{2}$ digitos,) aquam hinc extrusam ad 25 fere Digitos in canali AC ascensuram, & in contrario casu depressum iri, adeoque mutationes aeris clarissime indicaturam.

Fig. X.

§. XVI.

Cum vero hoc Barometrum eo laboret defectu, quod aqua Mercurio supernatans multo supermixta aere, ideoque non paucas bullas aëreas emitat in spatium evacuatum, quæ illic a calore expansæ, Mercurium detrudunt & a frigore contractæ eidem liberiores concedunt ascensum; ita vero Barometri effectus cum

effectibus Thermometri miscent; excogitavit, ad defectum hunc tollendum, idem vir laudatissimus aliud Barometrum ex Tubo recurvo conflatum, qui habeat duos Cylindros æquales, GH & IK quorum altitudo sit sesqui digiti, diameter decuplum aut duodecuplum diametri canalisi annexi, distantia perpendicularis circiter 27. digitorum cum dimidio. Repletur autem primum Mercurio, eo, quo recurva solent, modo. Hinc superfunditur aqua, quæ, ad avertendum congelationis periculum, sexta parte aquæ fortis misceri, elegantia gratia vero colore cœruleo imbui, & contra evaporationem desuper instillatis aliquot olei amygdalarum guttis muniri potest. Tantum vero Mercurii & aquæ infundi debet, ut, dum aqua circa Q, sive medium canalisi IL, subsistit, is a medio unius cylindri usque ad medium alterius pertingat, quando scilicet atmospheræ gravitas est mediocris. In hoc Barometro ita adornato mutationes gravitatis aeræ adeo sunt sensibiles, ut differentia maxima adæquet 12. Digitos, quos liquor reciproco ascensu & descensu suo in canali IL decurrit, siquidem decupla est proportio inter diametros cylindri & canalisi. Monet denique Hugenius, differentiam maximam huius Barometri ad differentiam maximam vulgaris Barometri, se generaliter habere, ut decuplum quadruplum diametri cylindrorum, ad simplum ejusdem quadrati & vigecuplum octuplum quadrati canalisi; adeoque, cum juscunque capacitatis sint cylindri, tamen aquam ultra 28. Digitos elevari non posse, quia differentia maxima vulgariū non excedit duos Digitos. De cætero huius Barometri effectus plane contrarius est effectibus aliorum. Nam pondere aeris crescente, descendit aqua, decrecente autem ascendit.

Fig. II.

Celeberrimus *Hookius*, cujus Barometrum Orbiculatum supra §. 9. descripsimus, dicitur aliud in super Barometri gentis invenisse, in *Transact. Angl. mens. Junio anni 1668.* descriptum, quod tamen in Oldenburgeri horum Actorum editione non comparet. Quantuni vero ex iis, quæ *Collectores Actor. Erudit. Lips. in. Supplem. Tom. I. Sect. 9.* pag. 447. ex laudatarum Transactionum anno 1686. excerptare, colligere licet, aut idem plane est cum Hugentiano modo exposito, aut parum differt. Quicquid hujus sit, cum deprehendisset, illud adhuc aliquibus laborare defectibus, quod canalis propter necessariam gracilitatem facile obstruatur bullulis, ac præterea extremi ascensus, descensusque termini vix duos cum dimidio pedes emetiantur, modum plane novum invenit, Barometri hujus divisiones ad datam quamlibet proportionem ampliandi, & ita summam ei perfectionem conciliandi: cujus hæc est

Fig. XII. ratio. Cylindri AB & CD sint æquales, & amplitudinis arbitraria, altitudine vero non excedant duos Digittos, distentque tanto intervallo, quanta in vulgaribus Barometris solet esse altitudo Mercurii, cum gravitas aeris est mediocris, una cum tanta portione altitudinis tubi CE, quanta est ratio specificæ gravitatis liquoris quo tubus repletur, ad specificam gravitatem Mercurii. Altitudo prædicti tubi CE, qui desuper similiter tali cylindro EF instruitur, poterit ad lubitum plurimum esse pedum; commodè tamen statuitur tanta, ut ad portionem cylindri CD, quam Mercurius ascendendo ac descendendo percurrit, eam habeat proportionem, quam quadratum diametri hujus cylindri ad quadratum diametri tubi. Infusa jam per aperturam G tanta

Mercurii parte, quæ ab A pertingit ad D, hermetice clauditur orificium G, & contra aperitur orificium E hætenus obruratum; quo facto, Mercurius ex A descendet & in D ascendet, donec consuetam in vulgaribus Barometris obtineat altitudinem. Hinc per tubum C E inverguntur æquales portiones duorum liquorum specifica gravitate fere æqualium & mutua mixtura incapacium; quales sunt oleum terebinthina & spiritus vini, qui distinctionis ergo cochenilla tinctura imbui, & tantillo phlegmatis addito aggravari potest, ut infra oleum subsideat. Debent vero prædicta portiones tantæ esse, quantas capit intercapedo inter medium cylindrorum CD & EE. Ita autem Mercurius ab hoc pondere depressus ascendet versus A, donec circa medium cylindrorum AB, CD, Spiritus vini autem circa medium canalís CE subsistat in H, dum aeris gravitas est mediocris. Atque ita Barometrum est constructum. Hujus effectus talis est, ut, Atmosphæra gravissima existente, spiritus vini descendat usque ad C, oleumque terebinthina totum tubum CE repleat; contra aeris pondere maxime diminuto, Mercurius Spiritum vini ex cylindro CD extrudat per totam Tubi longitudinem usque ad E, oleumque se recipiat intra cylindrum EE, ut adeo intersectiones olei & spiritus, quæ successive per totum longissimum vagantur tubum, minimas aeris mutationes distinctissime sint indicaturæ, si is in externa sua superficie in pedes & digitos &c. fuerit divisus. Neque metiendum, ne mutua liquorum erga se invicem pressura ullatenus alteretur; quandoquidem altitudo & pondus cylindrorum olei & spiritus vini incumbenitum jûgiter manet eadem. Alteratio autem quam spiritus vini a calore & frigore patitur,

tur, omnium optime detegi potest, si thermometer una appendatur, cujus tubus æqualis sit tubo CE, æqualemque capiat spiritus vini copiam; mutationes vero in illo annotatæ addantur aut subtrahantur ab altitudine Spiritus Vini in Barometro contenti, ne alias ejus usus fiat minus tutus.

§. XVIII.

Denique novum prorsus Barometrum, quod cum hætenus enumeratis nihil habet commune & Baroscopium staticum appellatur, excogitavit supra jam laudatus *Robertus Boyleus*, cujus ex *Actis Philos. Anglic. Mense Junio anno 1666. p. 175. sequ.* hanc dabimus descriptionem.

Fig. XIII.

E libræ accuratissimæ & levissimæ uno brachio CA suspenditur sphaera vitrea hermetice sigillata D, summæ tenuitatis & levitatis, insignis tamen capacitatis; ex altero CB Sacoma F, seu Contrapondium plumbeum, quod Spharam ad æquilibrium reducat, dum, judice Barometro vulgari, gravitas aeris est media. Trutinæ annectitur arcus GHI, ex axe C tanquam centro descriptus & utrinque in 15. aut 20. circiter gradus divisus. Machina ita adornata includitur cistula vitrea instar laternæ, contra impetum ventorum & aerem pulverulentum. Quoties jam pondus aeris crescit, sphaera ascendit, quoties vero idem decrescit, eadem descendit, ex eodem scil. fundamento, quo duo quæcunque gravia mole inæqualia, sed pondere æqualia, si ex uno medio fluido deferuntur in aliud, æquilibrium non servant, sed si ex leviori migrant in gravius, v.g. ex aere in aquam, præponderat minus, si autem ex graviore transeunt in levius, v.g. ex aqua in aerem, præponderat majus. In utroque igitur casu Examen Libræ in arcu opposito distincte indicabit gravitatis aut levitatis gradus.

§. XIX.

Tametsi verò negari nequeat, hoc instrumentum minimas aeris mutationes non æque ac alia Barometra, præprimis Hugenianum & Hookianum, significare; tamen præter alias prærogativas & usus, quæ loco citato enarrantur, sine sumtu paratur, citrà molestiam adornatur, commode de loco in locum transfertur citrà periculum damni aut noxæ, nec metuenda illa deceptio, cuius causa est aer intra cavitatem Barometri mercurialis receptus.

CAPVT II.

Phænomena Barometrorum exhibet.

§. I.



His jam diversis Barometrorum generibus, nunc quoque de eorum effectibus erit dicendum. Enim vero hic tanta occurrit phænomenorum copia, ut, si ea omnia quæ non solum a nobis sed aliis quoque, & quidem variis adeo instrumentis annotata sunt, specialius paulo & una cum suis circumstantiis curiosius recensenda essent, verendum, ne dissertatio hæc limites suos longè transgressa, in maiorem excrescat tractatum. Selectum igitur instituemus & observationes diversæ altitudinis Mercurii potissimum restringemus ad Barometra vulgaria, qualia §. 2. & 3. Cap. I. descripsimus.

- Ac primo quidem supra jam indicavimus Mercurium in Barometro cujuscunque longitudinis aut. cap-
- Phen. 1.* citatis ordinarie aliquo usque delabi, donec post plures vibrationes, seu reciprocos ascensus ac descensus, tandem sub altitudine 27. circiter digitorum pedis Parisi-
ni quiescat, siquidem orificium parvum Mercurio stagnanti fuerit immersum, aut, ceu in recurvis solet, spectet sursum. Quod si vero idem orificium loco Mer-
- Phen. 2.* curii operiatur aquis, totus præcipitatur, inter varias collutationes cum aqua in ejus locum simul ascendente, & Mercurium subinde aliquotusque repellente:
- Phen. 3.* Quod si tamen canalis integer, aut saltem prædictum orificium, admodum sit angustum; tunc Mercurius etiam in medio aere hæret pendulus; nec ultra consuetos descendit limites, ceu §. II. & 12. cap. I. monuimus.

§. III.

- Phen. 4.* Neque vero eadem est mercurii altitudo ubique locorum, sed in universum humiliorisprehenditur in locis elatioribus & contra elatior in humilibus, ita ut, alta petentibus, gradatim deprimatur, descendentibus contra in loca magis profunda, attollatur. Illustra imprimis sunt experimenta, quæ ad preces Paschalii Perierii, Regis Galliarum Consiliarius, in Avernia juxta urbem Clermont, in monte Puy de Domme dicto, & 500 sexpedas alto, instituit, quæ ipsius Perierii verbis ex Paschalii tractatu *de l'Equilibre des Liquers* describit *Job. Christoph. Sturm* Mathem. & Phys. in Academia. Altorf. Prof. Publ. famigeratissimus in suo *Collegio Curioso part. I. Auctar. p. 18. seqv.* Deprehendit enim laudatus vir Mercurium, qui ad radices montis constitit sub altitudine 26. digitorum ac trium linearum cum
- semisse

semisse, in vertice ejusdem subfedisit ad duas lineas supra digitum 23. Ut adeo differentia tota fuerit 3. digitorum & unius lineæ cum semisse. Idem observavit septem sexpedas inferre differentiam in altitudine Mercurii dimidiæ lineæ, 27 sexpedas duarum linearum cum dimidio, 150 sexpedas, unius digiti & trium linearum cum semisse, & denique 500 sexpedas, trium digitorum uniusque lineæ cum semisse, ceu modo dictum. Pariter celeberrimus Mathematicus Parisinus *Pbil. de la Hire* observavit in quodam Provinciæ monte 350 sexpedas alto, de Cleret dicto, prope Telonem, Mercurium deprimi duobus digitis & sex lineis seu partibus duodecimis, ceu refert *Job. Bapt. du Hamel* Societ. Reg. Paris. Ex-secretarius clarissimus in *Pbil. Vet. & Nova Tom. 4. Phys. Gen. Tract. 2. cap. 9. p. 329*. Plures quoque observationes instituit *Franc. Tertius de Lanis*, quas recenset *Mag. Naturæ & Artis Tom. 2. lib. 6. cap. 1* quarum summam nobis sistit in sequenti Tabella, in qua Digitus Romi supponitur in 60. partes seu minuta divisus.

Altit. Mont. Ped. Rom. 00. iii. 316. 703. 1170. 1680.

Altit. Merc. Min. Dig. 200. 199. 198. 197. 196. 194.

Plura qui desiderat, adeat quoque *Georg. Sinclairum in Arte nova Graviti. & Lev. Lib. 2. Dial. 1. a num. 3. usque ad 15*. Itemque insignem quodam Medicum & Mathematicum Parisinum, Regiæque Societat. membrum, *Mariotte en Essay de la Nature de l' Air p. 180. seqq.*

§ IV.

Sed & in uno eodemque loco altitudo Mercurii successu temporis admodum mutatur, ita ut raro ad unum alterumve diem invariata maneat, sed vel in singulas horas, præsertim circa æquinoctia, aliquas subeat mutationes. Limites vero extremi reciproci hujus

Phen. 5.

Phen. 6.

ascen-

ascensus atque descensus non sunt iidem ubique terrarum, neque eadem differentia utrisque intercedens. Sic in Anglia extremi limites sunt deprehensi $30\frac{1}{2}$ & $28\frac{1}{2}$ Digiti, adeoque differentia maxima 2 Digitorum, velut ex *Transact. Anglic.* recensetur in *Act. Erudit. Tom. I. Supplem. l. c.* Insignissimus Mathematicus *Job. Wallisius*, Geom. Prof. Oxon. eandem equidem agnoscit differentiam maximam; limites autem extremos statuit 30. & 28. Digitum, prout ab ipso refertur in *Act. Phil. Anglic. anni 1666. mense Martio*. Attamen *Bealii* observationes in eadem Anglia institutæ extremos limites ponunt $30\frac{1}{2}$ & $27\frac{1}{2}$ Digi. & consequenter differentiam maximam 3 Digitorum, ceu videre est in *Act. Phil. Anglic. loc. cit.* Parisiis iidem limites inventi sunt 28 Digi. 7 lineæ, & 27 Dig. 3. lineæ cum semisse; unde differentia maxima est 1. dig. $3\frac{1}{2}$ lineæ. Holmiæ in Svecia prædicti limites observati sunt a *Renato Cartesio* 28. Dig. 7. lin. & 26 Dig. 4 lin. ut differentia maxima sit 2 Dig. & 2 lin. uti laudatissimus *Sturmius* l. c. ex *Paschali* narrat. Attamen *D. Mariotte l. c. p. 6.* memorat Mercurium Parisiis intra 28 Dig. 5. lin. & 26. Dig. 10. lin. contineri; quo pacto differentia maxima erit 1. Dig. 7. lin. In Insula vulgo la Cayenne dicta, *Richerius* iussu Regis Galliarum eo profectus Mercurium observavit intra 27 Dig. 9 lin. & 27 Dig. 1 lin. nunquam non subsistere, unde differentia maxima est solum 8 linearum, ceu discimus ex *Hamelio l. c.* Sciendura vero insulam hanc Americanam equidem vix quatuor gradibus ab Æquatore distare in Septentrionem, gaudere tamen aere admodum temperato, propter perpetuum ventum orientalem ex mari patentissimo adspirantem, roris maximam copiam, sylvarum densitatem & promontiorum, quibus cingitur, altitudinem, ceu

ceū testantur *Sanson Geogr. part. 4. p. 55.* & *Allain Manes-
son Mallet Geogr. part. 5. p. 392.* Habet quoque situm pro-
fundum valde, quoniam fluvii in ipsa fere regione Pe-
ruana oriundi, per amplissimum terrarum tractum de-
currentes, circa illam oram se exonerant. Brixia summa
Mercuri altitudo est 3. palm. Rom. & 20. minut. (qualia
palmus continet 60.) ima 3. palm. 12. min. h. e. si pal-
mum Rom. a P. Lana æri incisum comparemus cum pe-
de Parisino a nobis adhibito, illa 26. digit. 9. lin. cum se-
misse, hæc 25. digit. 8. lin. cum semisse, adeoque differen-
tia maxima 1. digit. 1. lin. teste laudato *P. Lana l. c. cap.
2. p. 239.* A quo insimul discimus altitudinem maximam
esse Romæ 3. palm. 22. min. Ferrariæ 3. palm. 21½ min. Flo-
rentiæ 3. palm. 15. min. Pragæ 3. palm. 18½ min. Tubingæ
inventæ est, a *Rudolpho Jacobo Camerario*, Phil. & Med.
Doct. & Professore celeberrimo, Mercurii altitudo sum-
ma 3. palm. Rom. 22. min. ima autem 3. palm. 12. min. h. e.
illa 27. dig. 1. lin. Paris. hæc 25. dig. 8½ lin. & conse-
quenter differentia maxima unius digiti 4½ lin. Vide-
antur ipsius *Ephemerides Meteorolog. Tubing. p. 12.* Nos
in proximo anno hic locorum deprehendimus maxi-
mam Mercurii altitudinem 27. dig. Paris. 10 gran. & 6.
lin. minimam vero 26. dig. 4. gran. & 8. lin. atque hinc
maximam differentiam 1. dig. 5. gran. 8 linearum, vel, juxta
pedem Rhenanum, illam 28. dig. 10. gran. 5. lin. istam
27 dig. 4. gran. hanc 1. digit. 6. gran. 5. linearum.

§. V.

Quis autem aeris aut tempestatum status sit, dum
Mercurii altitudo variat, non conveniunt observatio-
nes variis in locis institutæ. Potius igitur, quæ ex pro-
priis colligere potuerimus, indicabimus, ita tamen, ut
simul simus significaturi, quantum ea concordent cum

Kkk

Regulis

regulis, quas itidem ex propriis observationibus deduxerunt alii; quos inter præcipue sunt *Pascalius* ex recensione *Sturmii* l. c. *Mariotte* in *Essay de la Nature de l'Air*, & qui suas ex illo descripsit regulas, *Anonymus* in *Traites des Barometres* &c. *Bernbardus Ramazzini* in *Ephemerid. Barometr. Mutinens.* *Franciscus Tertius de Lanis*, *Job. Wallisus*, *Beale*, *Rudolphus Jacobus Camerarius* ll. cc. & novissime *Autor Meditationis de verosimillima causa motus Mercurii in Barometro*, quæ est *14ta Observat. Select.* quæ Halæ Saxonum publicantur. Equidem si *Job. Lorkii* observationes Barometricas, ab anno 1666. usque ad ann. 1682 continuatas, & *Robertus Boylei* Historia generali aeris insertas, inspicere fuisset datum, major forsan lux phaenomenis Barometricis in uno alterove casu accedere potuisset. Sed ejus videndi

Phan. 7

copia nobis hætenus non est data. Primum ergo vidimus, flante Borea aut Euro Mercurium ordinariæ plus minusve ascendere, præprimis si Auster vel Africus præcessit; primæ tamen debentur Boreæ. Intellegimus vero per Boream hoc loco, more aliorum Seriptorum, non solum ventum qui ex cardine Septentrionis, cœu vocant, sed & qui ex plaga inter Septentrionem & Orientem media, aut etiam a Septentrione versus Occidentem ad Corum usque declinante, spirat, adeoque illos omnes qui a nostris *Ost Nord Ost, Nord Ost, Nord Nord Ost, Nord, Nord Nord West, & Nord West*, appellantur. Idem nobiscum affirmant *Mariotte*, *Anonymus*, *Beale*, *Lana*, *Ramazzini*, *Camerarius*, *Auctor Observat. Hallens.* ll. cc. Consentit quoque *Petrus Gassendus Phys. Sect. I. lib. 2. cap. 5.* *Hamelius* loc. cit. *D. de Stair Phys. sologia Experim. Explor. 19. D. Michael. Bernb. Valentini Medic.*

Medic. & Physic. P.R. in Academi. Giesf. celeberrimus
in *Disput. de Vacuo in Vacuo cap. 3. aliiue.*

§. VI

Ex adverso, spirante Austro, vel etiam Favonio, i- *Phen. 8.*
dem Mercurius, non tamen æquali semper gradu, de-
primitur, præprimis si prævium habuerint Boream.
Prævalet tamen hic quoque Auster, vocelatius accepta.
Atque hic rursus modo memoratos Scriptores habemus
testes. Est vero in observatione ventorum circum-
spectio opus, cum frequentissime in aeris regio-
ne media aliis plane ventus dominetur quam in hac in-
feriore, ut adeo a plura quibus turrium & adium cacu-
mina ornantur, similesque ventorum indices, non suf-
ficient. Quod cum pauci in hoc negotio adverterint,
anomalias passim annotatas, & observationes nonnun-
quam plane contrarias, cum ordinariis phænomenis
ne quidem per conjecturas semper conciliare licet. Sic
d. 22. Febr. præsentis anni aerem inferiorem perflabat
Euro - Auster, Sudost, Mercuriusque ascendeat usque
ad 7. grana supra 27. digit. Quod cum miraremur, quo-
niam die præcedente regnavit Corus, adeoque lapsum
Mercurii expectaremus, deprehendimus manifesto
quasdam nubes, quibus matutino tempore distingue-
batur cælum, etiamnum agia Coro, cum Euro-Auster
alias humiliores in oppositas impelleret plagas.

§. VII.

Speciatim Mercurius valde dejicitur, si ventus *Phen. 9.*
impetuosior furit, aut proxime instat, cujus ideo index
habetur. Neque tamen summum attingit apicem ni- *Phen. 10.*
si aliqua spiret aura: Malacia enim existente, aut prorsus
invariatus manet, aut lento admodum gradu mutatur,
nisi hæc ventorum concursus & prælia proxime exce-

perit. In priori asserto nobis rursus assentiunt *Beale, Wallis, Lana, Anonymus, Ramazzini, Camerarius & D. de Stair. ll. cc.* Sanè proxime elapso anno nunquam Mercurium magis vidimus depressum, quam d. 5. Febr. St. V. & 6. Nov. St. N. quorum illo usque ad dig. 26. gran. 4. lin. 8. hoc usque ad dig. 26. gran. 5. lin. 8. præcipitabatur; quo utroque die admodum sæviebat Africus. Hoc ipso tamen quo hæc scribimus die 19. Febr. contrarium fere experti sumus, cum, aura remissiore spirante ab Austro leviter in ortum declinante, Mercurius usque ad 5. grana 7. lin. supra dig. 26. subsederit, quo non devenit duobus proxime præcedentibus diebus, in quorum priori tamen Africus, in posteriori vero Auster præcipiti impetu ruebat. Enimvero advertimus nubes in aere superiori hoc die majori velocitate actas quam in duobus præcedentibus; ut procul dubio illic ventus fuerit multo impetuosior. Posterioris asserti plurima possumus allegare exempla, nobisque in eo ad stipulatur *Auctor Observ. Hall.*

§. IIX.

Phæn. 11. Mercuri lapsus & ascensus cum frigoris & caloris in aere incrementis ac decrementis equidem conjunctus non est, nec raro calore crescente Mercurius attollitur, aut illo remittente subsidet, & contra; ut a-

Phæn. 12. deo ad calorem & frigus indifferens esse videatur. Negari tamen nequit Mercurium ordinarie in hyeme, e-

Phæn. 13. latiore esse quam in æstate. Sed & hoc frequenter advertimus, cum in æstate præterlapsi anni tempestas constans & calidior per plusculos duraret dies, & Mercurius exiguas admodum mutationes subiret, nos vero ejus statum quotidie ter, nempe mane, circa meridiem itemque vespere exploraremus, quod Mercurius in meridie

ridie aliquot saltem lineis, h. e. partibus digiti 140 mis,
aut etiam integro grano, depressior fuerit quam mane,
aut sub vespem. Uti vero in primo asserto nobiscum
faciunt quotquot de Barometris scripserunt; ita in se-
cundo a nostris stant partibus *Paschalius*, *Beale*, *Ramaz-
zini* & *Camerarius* ll. cc. Sane præcedente æstate Mercu-
rius ordinarie subsistebat circa 27. digitum Paris. sapi-
usque infra illum aliquot grana deprimebatur, quam
ut unum alterumve supra prædictum terminum ascen-
deret; cum ex adverso in hyemē maximam temporis
partem supra illum terminum commoraretur, non-
nunquam ad plura grana elatus. Postremum quod
concernit phænomenon, non equidem memini simile
quippiam ab iis quos hæcenus citavi scriptoribus, præ-
ter Bealium, annotatum; & erunt forsan non pauci, qui
nostrum Barometrum imperfectionis sunt accusaturi,
cum multi pro requisito Barometri melioris notæ ha-
beant, ut ad calorem & frigus sit indifferens. Equidem
supra in §. 5. cap. 1. ingenue sumus fassi, nobis non ma-
gis quam Boylio aliisque liquisse esse tam felicibus ut
obtineremus Barometrum, cujus spatium evacuatum
ne minimum quidem aeris contineat. Num aliis ne-
gotium hoc melius successerit, nos equidem latet. Non
tamen dubitamus, si posthæc plures Mercurii mutatio-
nes diversis ejusdem diei horis exactius observaverint,
quin idem phænomenon sint deprehensuri. Certe in
Celeber. *Hamelii Historia Regia Scientiarum Acade-
miæ Lib. 2. Sect. 10. cap. 2. p. 206.* legimus *D. Deshayes.*
qui una cum aliis Mathematicis jussu Regis Galliarum
in Insulas Americanas, quas Antillas vocant, profectus
est, comperisse Barometri altitudines ibidem 3. aut
4. lineis noctu majores esse quam de die, idque con-

stanti lege. Quibus respondent quæ in ejusdem libri *Secl. 8. cap. 1. p. 273.* de Missionariis Indiæ Orientalis legimus, illud scilicet ab iis universim observatum fuisse, quod majore æstu Hydrargyrus non nihil deprimatur, etiamsi eadem sit aeris serenitas: Multa etiam circa vim aeris elasticam in Barometro ab iis facta fuisse experimenta, a P. Gouie, Matheseos in Collegio Ludovici Magni Professore, publicata.

§. IX.

Phæn. 14. Neque tamen diffiteri possumus exorbitare nonnunquam Mercurium & in consuetas impingere leges. Sane in media æstate eum nunquam vidimus eousque præcipitatum, quo delapsus est diebus Febr. & Novembris in §. 7. citatis. Ex adventu idem Mercurius d. 2. April 1700. usque ad 6. grana & 5. lin. supra digitum 27. Paris. ascendit flante Euro, quem limitem etiam hyemali tempore raro transcendit.

§. X.

Censetur quoque Mercurii mutatio cum tempestatibus adeo connexa, ut plurimi illas exinde etiam in futurum prædicere audeant. Quæ tamen prædictiones se in æstate saltim ad unum alterumve diem, in hyeme vero vix ad dimidium diem extendunt. Nullibi autem major deprehenditur varietas quam in hoc negotio & regulis, quas diversi Scriptores ex suis observationibus *Phæn. 15.* elicuerunt. Id equidem experti sumus, si cælum per plures dies serenum fuerit, Mercurium eminentiorem occupare locum. Solet autem hic aeris status his in oris ordinarie produci ab Euro, nonnunquam etiam à Borea stricte dicto, qui tamen aliquando raras vehit nubes. Gradus ipse determinari nequit, utpote qui non semper idem est, & majori sub altitudine consistit in hyeme

me quam in æstate. Non equidem toto illo tempore immotus hæret Mercurius, sed leves vicissitudines fere indies patitur; serenitate interim manente invariata. Nunquam tamen per plura grana descendit, nisi dum imminet mutatio tempestatis. Atque in hoc quidem asserto, quod constantem serenitatem comitetur major Mercurii altitudo, assentiuntur nobis omnes rerum Barometricarum Scriptores, si excipias *Jobannem Alphonsum Borellum*, in eruditissimo cæteroque in scripto *de metionibus Naturalibus a Gravitate pendentibus Prop. 115.* probare connitentem, sereno aere Mercurium ordinarie esse humiliorem, & si quos tanti viri seduxit autoritas.

§. XI.

Nec minusprehendimus, Mercurio admodum *Phæn. 16.* depresso, tempestatem valde esse inquietam & inconsistentem, ad procellas, imbres, nimbosque, in æstate speciatim ad tonitrua & fulmina, in hyeme ad nivem copiosiorē cum impetu delabentem, pronam, adstipulante rursus turba Scriptorum cit. Attamen non meminimus ventos in tali casu aliunde quam ex australi, occidentali, aut etiam inter utramque media spirare plaga.

§. XII.

Quando autem in communem fere abiit regulam Mercurium ascendentem portendere serenitatem; lubentes equidem agnoscimus hoc aliquando ita evenire, *Phæn. 17.* & ipsimet ex Mercurii ascensu aliquoties non infeliciter futuram serenitatem prædiximus. Attamen nec ordinarie nec universaliter, hic quidem locorum, cum Mercurii ascensu serenitatem esse connexam, multoties sumus experti. Sane cum anno 1700. a 22. usque ad 28. Febr.

Febr. itemque a 13. usque ad 20. Novembr. nec non a 4. usque ad 7. & a 12. usque 14. Decembr. supra 27 $\frac{1}{2}$ digitos Paris. elevatus fuisset, nec tantam aut tam constantem altitudinem reliquis istius anni diebus tenuisset; tamen toto illo tempore non nisi unico die, nempe 18. Novembr. quo Africus cum Favonio flabat, cœlum vidimus serenum. In reliquis diebus idem spissis tectum fuit nubibus, aut, quod tamen rarius, interruptis apparuit distinctum. Imo, quo die summum attigit apicem scil. 10. gran. 6. lin. supra digitum 27. insuper densa nebula mane obumbrabat terram; toto illo tempore interrim plerumque spirante Aquilone, Cæcia, aut alio vento inter Boream & Eurum medio. Quibus concordant quæ summus Geometra *Job. Vallisus* loc. supra cit. scribit, se nempe comperisse tempestate spisse nebulosa Mercurium ascendere, & exempli loco affert, quod anno 1666. a Jan. die 11. usque ad 17. Mercurius in Tubo summum fere gradum attigerit, aere ut plurimum constanter caliginoso & spissas exhalante nebulas. Nec minus celeb. *Ramazzini* in suis *Ephem. Barom.* notavit Mercurium ab 8. usque ad 16. Dec. anni 1694. summam obtinuisse altitudinem spirante vento ex plaga boreali, aereque aut pluvioso aut nebuloso. Sed & *Pa-schalius l.c.* ex collatione plurium observationum collegit, quoties frigus & nubila seu vaporosus aeris status concurrerint, Hydrargyrum notabiliter attolli. Neque tamen ideo in dubium vocabimus contrarias observationes aliorum, cum nobis satis perspectum sit quantum tempestates pro diverso regionum situ varient. Sane *Mariottius l.c.* p. 77. memorat fiante Borea aut Aquilone, *Nord* aut *Nord Ost*, non solum Mercurium Parisiis admodum elevari sed etiam cœlum ordinarie serena-

ri, cum hic locorum Aquilo itemque Corus ordinarie
 cœlum non solum spissis involvant nubibus, sed & non
 raro pluviam, non adeo densam quidem, attamen per
 unum alterumque diem continuandam, producant.
 Cujus rei his ipsis, quibus hæc scribimus, diebus lucu-
 lentum habemus exemplum, dum die 8. 9. & 10. Martii
 continue decidit nix, cum primo die Corus, sequen-
 tibus duobus Aquilo spirasset. Vnde facile evenire po-
 test, ut eundem Mercurii statum in uno loco serenitas, in
 alio nubes aut rarior pluvia, comitetur. Apprime huc fa-
 ciunt quæ ex illustr. *Marsilii observationibus Bosphori
 Tracici, in Actor. Erud. Tom. 1. Supplem. Sect. 4. p. 208.* ex-
 cerpta leguntur, quod nempe in Bosphoro Vulturnus
 quanto vehementior est, tanto magis dejiciat Mercu-
 rium, & calorem ac serenitatem diei secutura promit-
 tat; Boreas autem, quanto majori impetu ruit, tanto ma-
 gis Mercurium attollat, ac, sequentem diem frigore
 horrentem nebulisque ac nubibus obsitam fore, certo
 sit argumento.

§. XIII.

Ex quibus conficitur, generaliter & citra respec- *Phen. 18.*
 tum locorum definire non licere, Mercurium ultra v. g.
 27 $\frac{1}{4}$ Digitos Parisinos elevatum cœlum sudum; infra
 hunc limitem autem depressum, nubes aut pluvias si-
 gnificare, ceu quidem statuit *Anonymus l. c. p. 41.* Illud
 forsan majori fiducia asserere poterimus, si Mercurius *Phen. 19.*
 brevi tempore per plura Grana ascendit aut descendit,
 mutationem insignem tempestatis præsentis instare
 proxime; quod si contra ejus altitudo lentis mutatur
 gradibus, hanc quoque tarde insequi, consentientibus
Beale, Lana, Ramazzini, Camerario, & Anonymo ll. cc.
 Speciatim vidimus, si post imbrem, h. e. post largius effu-
 sum aquarum agmen, aut, ceu nonnunquam fieri

Pban. 20. solet, in medio ejus lapsu Mercurius celeriter ascendit, hoc indicio fuisse secutura mox serenitatis; uti contra, si nihilominus in situ depressiori persistit, continuationem ejusdem tempestatis portendit. Fateri tamen cogimur, prius illud, nempe præcipitem Mercurii ascensum, tunc potissimum accidere, si lapsum aquarum insigne aeris refrigerium excipit; posterius vero, si uvidus ille tepor, qui imbres, nimbos & imprimis in æstate tonitrua ac fulmina præcedit, etiam post nubium exonerationem continuat.

§. XIV.

Vti denique, si Mercurius leves mutationes unius alteriusque lineæ, h. e. partis decimæ Grani, quin & unius aut duorum Granorum subit, notabiles tempestatum alterationes non sequuntur; ita nonnunquam extra ordinem contingit, ut aliquando brevi tempore ad plura grana descendat, rursusque ascendat, citra variationem tempestatum sensibilem. Deprehensum tamen post hæc non raro in vicinia defævisse procellam, aut nubes excussisse, pro diverso anni statu, nivem, imbrem, tonitru, fulmen &c. idem nobiscum observantibus *Walliso, Bealio, Lana, atque Camerario ll. cc.*

CAPVT III.

Causas Phænomenorum Barometricorum exponit.

§. I.



Um vanitatem fugæ aut metus vacui a Peripateticis Naturæ adscripti, & ad liquorum ascensum præternaturalem melius declarandum, in subsidium vocati, vix alia argumenta clarius

clarius monstrent, quam quæ ex Barometrorum effectibus desumuntur; neca Francisco Lino, confecti funiculi, seu tenues substantiæ a liquoribus abraßæ, & more funiculorum liquoris superficiem cum interiore tubi superficie connectentes, Mercurium in tanta altitudine sustinere queant, & postquam illustris Boylii examen subierunt, vix ullam retinuerint speciem veri; Henrici Mori autem spiritus Hylarchius, aliudye huic analogum principium internum, aut vis attrahendi, vel ideo locum habere nequeat, quia non solum Mercurius & reliqui liquores non possunt trahi nisi mediante vase cui includuntur, dum eorum partes non cohererent, & una arrepta reliquæ non sequuntur; sed etiam iidem liquores sub majori altitudine deberent suspendi in canali angustiori quam in amplo, cum Spiritus & vires non possint ex spatio & quantitate molis æstimari; nec capere liceat, cur illius agentis interni vires, mutantur, si variant quæ extus circumstant, & minores sint in monte quam in valle, flante Austro quam Borea, imo momentaneis sint subjectæ alterationibus: cogimur cum recentioribus plerisque ad externam suspensionis reciproque ascensus ac descensus Mercurii confugere causam. Nihil vero Barometrum circumstat aut immediate attingit præter aerem, testaturque experientia, si hic ope Antliæ pneumaticæ subtrahatur a Barometro Recipienti vitro incluso, Mercurium e sua statione, pro ratione aeris subtracti, plus minusve dejici; eodem autem rursus admisso, denuo attolli ad pristinos limites; omni igitur jure causa extraordinarii hujus effectus conjicitur in aerem.

§. II.

Tametsi vero aeris portiones comparatæ cum Mercurii aliorumve liquorum portionibus ejusdem molis

molis, contemnenda & vix observabilis sint gravita-
tis; totum tamen Oceanum aereum globo huic terre-
no circumfusum, columnasque a terra ad cœlum us-
que extensas ingentis esse ponderis, nostro avo a viris
doctissimis pluribus experimentis singulari cura insti-
tutis, majoribusque evictum argumentis, quam ut labo-
rem hunc inpresentiarum in nos recipere teneamur.
Vnde qui externam effectibus Barometricis assignant
causam, hanc unanimiter in atmosphæræ gravitate
quærunt. Attamen cum Mercurius sub consueta su-
spensio hæreat altitudine, sive Barometrum sub dio ad-
ornetur, sive in conclavi undique clauso, ubi atmo-
sphæræ pondus a tecto & parietibus suspensum, nec vi-
res suas libere exercere posse videtur, sive etiam locetur
sub Recipiente, externoque aeri, & consequenter
ejus gravitati, omnis præcludatur via: hoc inde natum
dubii, an aeris pondus sit immediata causa effectuum
Barometricorum, an vero hunc locum concedat ejus-
dem Elaterio, pariter plurimis experimentis compro-
bato, ut, hoc imminuto aut aucto, Mercurius eminenti-
orem aut humiliorem occupet situm; pondus autem
aeris eatenus solum ad has mutationes concurrat,
quatenus ab illo elaterium dependet. Enim vero uti
lubentes concedimus in posteriori casu, Barometro
nempe Recipienti incluso, paucillum aeris una con-
tenti non suo pondere resistere Mercurii lapsui, sed ela-
terio, quatenus nempe a Mercurio descendere conan-
te non magis quam antehac ab aeris externi æquali pon-
dere comprimi, & consequenter neque locum, quo se
recipiat, concedere potest; in reliquis tamen casibus
non necessum putamus ut ad aeris confugiamus elate-
rium; siquidem ex hydrostaticis constat fluida, etiam
elatere destituta, non minus ad latus quam deorsum
preme-

premere, adeoque aerem intra conclavia, per rimas fenestrarum aliaque spiracula communicantem cum extero, ab hoc æque valide comprimi, quam qui eidem subjacet in linea recta. Neque satis apparet quid elaterium aeris extra prædictum casum per se ad Mercurii motiones conferre queat. Si enim ponamus vim elasticam, uti in plumis, fœno, spongia, lignis &c. exsiccatis aut humectatis, ita quoque in aere intendi posse ac debilitari, pondere aeris incumbentis nullatenus mutato; id tamen in posteriore casu non alium habebit effectum, quam ut se ab incumbentis onere magis patiatur comprimere, in priori autem, ut illud altius semoveat; cur vero in subjectum Mercurium plus minusve in alterutro casu agere debeat nulla equidem comparet ratio: quem admodum si duobus arcubus chalybeis spirali ratione contortis, sed inæquali elatere præditis, idem imponas pondus, alter quidem admodum ab illo comprimetur, alter vero illud erectiori sustinebit situ; sed basis cui uterque innititur, in neutro casu plus minusve premitur. Quod si vero augmentum potentiae elasticæ in aere inferiore depender ab eo, quod a pondere incumbentis aucto, magis, decrementum autem, quod ab eodem imminuto, minus sit compressus; iam non videmus, cur effectus inde derivandus elaterio magis quam gravitati aeris sit adscribendus. Ut taceamus, ea quæ in Phanomeno 13. & 17. recensuimus cum doctrina de elatere aeris siccitate aucto & humiditate imminuto, stare non posse. Tentabimus igitur nunc, quomodo ex jactis ita fundamentis effectibus Barometrorum satisfacere queamus.

§. III.

Ac primo quidem evidentissimum est, si canalis AB (Fig. I.) esset desuper apertus, Mercurium in illo descend-

Ratio
Phan. 1.

scen-

scensurum, donec cum altero in vasculo CD stagnante ad eandem altitudinem esset redactus, quia singulae Mercurii partes ejusdem sunt gravitatis & ab aere imminente æqualiter premerentur. Nunc cum canalis in A clausus contentum Mercurium ab aeris pondere tueatur, ut solum propria gravitate nitatur deorsum; at qui in vasculo aperto stagnat, non solum propria gravitate nitatur deorsum, sed insimula columna aeris ad cælum usque extensa, validissime urgeatur; leges hydrostaticæ postulant, ut Mercurius in canali, ab ingenti onere liber, attollatur, donec proprio pondere tanta vi agat in partes sibi subjectas, quanta aer admissus egisset, ut sic æqualitas pressionis utrinque reducatur. Jam experientia a nobis in §. 14. cap. I. allegata ostendit aquam ab aere sustineri posse sub altitudine 31. pedum, & consequenter hanc columnam tantum premere, quantum aerea ejusdem spissitudinis ad cælum usque assurgens: Statica autem comprobatur, pondus aquæ se habere ad pondus Mercurii ut 1. ad 14. Sequitur ergo quod Mercurius ad decimam quartam istius altitudinis partem, h. e. ad 27. Digitos, ab eodem aere elevari debeat. Parum vero interest cujuscunque longitudinis aut amplitudinis canalis fuerit. Etsi enim columna mercurialis amplior majus habeat pondus; innititur tamen etiam majori basi, columnaque aerea ad cælos usque extensa & æquali basi innixa, illam æque tenebit in æquilibrio, ac gracilis columna aerea gracilem mercurialem. Neque enim tota moles aerea Mercurio stagnanti imposita, sed æquales quoad basin columnæ, inter se comparari debent, concipiendumque superficiem Mercurii in plures æquales areolas esse distributam, quantumque areola una premitur a columna mercuriali, tantumdem quamvis aliam æqualem a columna aerea, sive pre-

perpendiculariter imminenti, five, juxta ea quæ in §. præced. diximus, oblique urgente, premi. Vti vero lapidis ex alto præcipitati pondus ipso motu augetur, & fursum projecti pondus, motu contrario minuitur, aut impeditur, quo minus suas vires exercere possit; ita non mirum si Mercurius ex altiori statione delapsus, similiter aliquod velut augmentum ponderis sentiat & ideo juxta profundius descendat; hinc autem, postquam motus cessavit & illi naturale pondus rediit, a graviore aeris columna cum impetu fursum propulsus, ultra consuetam altitudinem ascendat, donec post aliquot vibrationes subsistit quietus. Mercurio denique stagnanti orificium canalis apertum est immersum, non ut aerem juvet in illius columna sustinenda, sed potius ut ei occasionem surripiat canalem subeundi & Mercurium præcipitandi.

§. IV.

Quoniam ergo aeris pondus columnam mercurialem sustinere queat, si vel maxime orificium canalis patulum aquæ fuerit intrusum, aut plane libero circumdatum aere, cum Mercurius subjectam sibi aeris aut aquæ portionem non magis premat, quam circumstantes imminens aer, & adeo nihil sit causæ, cur ille prævalere & suo lapsu vicinas aeris columnas, ipsi pondere æquales, elevare debeat: quia tamen Mercurius cum subjecta aeris aut aquæ portione unam constituit columnam, cujus partes inferiores per naturam sunt leviores superioribus; juxta leges hydrostaticas autem fluidum leve in graviore ascendit: ideo Mercurius delabitur & liquor levior subjectus in ejus locum attollitur, ceu nemo dubitabit id fieri debere si actu intra eundem canalem continerentur. Neque Mercurius hoc suo lapsu prævalet & vicinas aeris columnas elevat, sed
solum

*Ratio
Phæn. 2.*

Ratio
Phen. 3.

solum cum aere aut aqua sibi subiecta stationem commutat, cum illius descensus huiusque ascensus sit simultaneus. Quod vero in canali angustiori contrarium accidit, id quidem evenit inde, quia propter angustiam Mercurius & aer canalem inter se velut dividere nequeunt, ut uno eodemque tempore ille descendat & hic alatere ascendat. Ipsum siquidem Mercurii pondus, vicujus præcipiti lapsu per totum quaquapater canalis orificium erumpere conatur, obstat, quo minus in tenuia velut ducatur fila & roratum destillet, & ita aeri sufficiens spatium in æquali copia in ipsius locum simul subeundi, concedat. Quæ etiam causa est, cur bulla aerea in ipsum canalem angustiore aliquousque admissa, tamen non evolat in ejus partem superiorem.

§. V.

Ratio
Phen. 4.

Cum porro aer, more omnium liquorum, se procul dubio in superiori sua superficie componat in planitiem; sponte hinc sequitur minorem esse altitudinem minusque adeo pondus aeris, qui imminet cacuminibus montium, quam qui subiectas urget valles, necessum ergo ut illic quoque Mercurium in minori altitudine suspensum teneat, hæcque, ascendentibus juga, gradatim cum aeris incumbentis gravitate imminuatur. Si que aer esset ejusdem per omnia spissitudinis, etiam Mercurius, æqualibus spatiis in ascensione montis emensis, æqualibus deprimi deberet gradibus. Nunc vero cum ingenti gaudeat elatere & ab imposito onere patiatur se admodum comprimi, ab eodem vero liberatus, leviores amet dispositionem, adeoque in vallibus, ubi ab immensæ profunditatis oceano oneratur, multo spissior sit quam in montibus eminentioribus, in quibus illius superficiem est proprior; sequitur plus ponderis

ris decessurum columnæ aereæ, si a radice montis e. g. 100. pedes perpendiculariter ascendo, quam si hinc porro ad æquale pergam intervallum; & consequenter spatia successive crescere debere, si velimus ut Mercurius æqualibus descendat gradibus. Quanquam vero ex Perierii experimento contrarium colligi posse videatur; ipsemet tamen fatetur, se equidem mercurii lapsus exactissime, at locorum elevationes minus accurate, annotasse: ut adeo hinc nostro ratiocinio, ipsi aeris naturæ & P. Lanæ observationibus majori cura institutis superstructo, nihil decedat. Quæ tamen sub proportionem crescere debeant spatia, ex Lanæ, Mariottii, aliorumque, qui ab his citantur, observationibus inter se discrepantibus, nondum colligi potest; sed hoc, & deducenda hinc aeris altitudo, majori doctorum industriæ relinqui debet.

§. VI.

Quod vero etiam planitiem terrarum incolentibus non eadem ubique deprehenditur Mercurii altitudo, ejus rei variæ reddi possunt causæ. Prima enim differentia in ipso situ est quærenda. Sane cum aquarum torrentes non nisi per declivia fluant; manifestum est, loca quæ fluviorum fontibus sunt vicina, tanto magis eminere super illa quæ non procul ab eorundem ostiis distant, adeoque Mercurium tanto habere depressiorem, quanto major terrarum tractus utraque interjacet. Neque huic asserto obstat terræ rotunditas, utpote, quæ non mathematica sed physica est. Secundo insignis occurrit varietas in mensuris, quæ non raro ingentem diversitatem in observationibus indicare videtur utat illa, si mensuræ inter se rite comparentur, maximam evanescat partem. Neque eadem est Mercurii conditio, sed unus alterum, uti puritate & bonitate

*Ratio
Phen. 6.*

tate, ita pondere superat, unde neque sub eadem consistere possunt altitudine. Est quoque in ipsa Barometri constructione multum momenti situm, an scilicet Mercurius ab immixto aere debita sollicitudine sit purgatus, spatiumque ab illo descendente relictum, ab eodem liberatum, nec ne. Sane *Boylus in Exper. Phys. Mechan. p. 48.* memorat, se tubum summa cura complevisse, atque ita effecisse, ut mercurialis cylindrus ad $3\frac{1}{8}$ digitos fuerit exporrectus, quem alias limitem in Anglia non attingit. Cumque quinto aer alicubi locorum purior sit & calidior, alibi crassioribus refertus exhalationibus, aut frigidior, hoc quoque negligi non debere, ex infra dicendis constabit. Denique non parum refert qua quis Barometri specie sit usus. Ut enim supra §. 8. cap. I. monuimus in Boylii Barometro portatili Mercurium reciproco ascensu ac descensu minora conficere spatia; ita idem hoc valet etiam de Barometris vulgaribus, quorum vasculum Mercurium stagnantem continens est angustius. Quod si ergo duo observatores vulgaribus utantur Barometris, quorum unum ampliori, alterum angustiori vasculo, sit instructum, & uterque primo altitudinem Mercurii exacte sit metitus, inveneritque æqualem; subsequens autem ejusdem mutationes ex ipsius lapsu aut ascensu æstimer, nullo amplius respectu habito ad illius qui in vasculo commoratur reciproco motum: is omnino cujus vasculum est capacius, deprehendet Mercurium majus ad spatium elevatum & dejectum, quam alter. Quod procul dubio inter præcipuas referri debet causas, cur diversorum in eodem loco, v. g. Parisiis, Londini &c. institutæ observationes, nec in limitibus mutationum, nec in differentia maxima, conveniunt.

Ceterum inconstantem esse Mercurii altitudinem, & nunc incrementa nunc decrementa capere, vel ideo mirum esse non debet, cum mutationes aeris quoad calorem, frigus, humiditatem, siccitatem, ventos &c. in vulgus nota sint, & hinc vel a priori colligi possit, quod etiam aliquam variationem in ejusdem pondere, indeque pendente Mercurii statu, inferre debeant. Istud vero longe difficillimum est definitum, quasnam Mercurii alterationes ab hac tempestatum mutatione expectare liceat, cum experientia sapissime nostris conjecturis & meditationibus deprehendatur contraria. Vento ex plaga septentrionali spirante Mercurium alius evehit, ex plaga australi autem flante contra multum dejici, perpetua testatur experientia in locis longe distitis instituta. Quæ hujus phænomeni, quod omni jure habetur pro primario, sit causa, arduum est dictum. Equidem prior suo frigore aerem condensat, & posterior eundem calore advecto rarefacit, ut hinc in primo casu gravior, in secundo levior, videri queat. Hinc tamen omnimodam hujus controversiæ decisionem peti non posse, inde constat, quia alias nunquam hyeme ad illum gradum deprimi posset mercurius, ad quem in æstate devenit, quod tamen experientiæ est adversum. Neque humiditatis & siccitatis in aere nostro vicissitudines hic in subsidium vocari possunt, cum ea quæ circa Phæn. 17. annotavimus abunde comprobent, a ventis septentrionalibus, pro diversitate locorum, hic cælum serenari, illic nebulas, nubes, tenues pluvias nivesque adduci, & tamen insigni hac discrepantia non obstante, Mercurium elevari ubique. Quin cum ab austro convecta nubes non

Ratio
Phen. 5.

Ratio
Phen. 7.
& 8.

Mmm 2

nun-

nunquam montium instar sibi immineant ; ab his aerem multo graviores reddi , & consequenter Mercurium altius attolli debere , facile quis sibi persuaderi pateretur , sed invita experientia . Siquis vero asserere velit , aerem , spirante Borea cœloque sereno , pluribus refertum esse exhalationibus peregrinis pondus ejus augmentibus , quam si idem , flante austro humido , spississimis tegitur nubibus , vix fidem inveniet , ipsis sensibus repugnantibus .

§. VIII.

Propius ad rei veritatem accessisse videntur qui statuunt ventum borealem ruere deorsum , australem autem spirare sursum , ab illo proinde aerem deprimi & pondus ejus augeri , ab hoc contra eundem ex parte sustentari & impediri , quo minus omnem suum nisum in hanc terram exercere queat ; eo plane modo quo lapidis gravitas , impetu desuper facto , intenditur , contrario autem impulsu redditur irrita . Esse hanc venti borealis & australis naturam , jam olim agnovit *Plinius Histor. Natur. lib. 2. c. 47. & Pontanus lib. Meteor. de Vent.* Quin *Cartesius Meteor. cap. 4.* non solum idem affirmat , sed etiam rationem reddere est conatus ; quam feliciter , nostrum non est in presentiarum dispicere . Sæpe laudatus *Mariottius l. c. p. 84.* memorat , se , ut credat ventum borealem e loco sublimiori descendere in terram , sequenti inductum esse experimento . Globum plumbeum , cujus diameter erat trium circiter digitorum , intra situlam aqua plenam suspensum e filo , motu vertiginis celerrime egit in orbem ; quo pacto vidit fæces omnis generis e fundo situlae ascendisse versus globum , nisi ultra tres quatuorve destiterit pedes , dum interim aqua , qua parte attingebat globi medium

medium, ubi sc. motus ejus erat rapidissimus, una agebatur in orbem. Forsan autem breviori via explicare licebit, cur ventus septentrionalis deorsum & australis sursum spiret, si cogitemus, aerem in regionibus Æquatori vicinioribus calidiorem & hinc rariorem, adeoque etiam specie (uti loqui solent) leviozem esse eo qui in borealibus stagnat. Quod si ergo ventorum vi in frigidiores hasce defertur oras, ab atmosphaera nostra specie graviore attolletur, & ideo ventorum impetus tendet sursum. Tamen vero nostrum aerem tandem loco pellat, quia tamen ipsemet apud nos aliquantum refrigeratus, jam densior & specie gravior redditus, eum qui a tergo sequitur elevare valet, etiam hujus flatus dirigetur sursum; eo fere modo quo aqua fluvialis, utcunque profundo incedens alveo, in mare eructata, propter levitatem cursum dirigit sursum & superficiei maris innatat. Ex adverso, si aura aliqua aerem densiorem & specie graviorem ex plaga boreali transvehat in australem, ex eadem causa ruet deorsum.

§. IX.

Planissimus modus evadendi, & declarandi cur Mercurius ad impulsu ventu borealis ascendat, australis vero deficiatur, est sequens. Constat nimirum experientia, intra Tropicos universalem quendam ventum orientalem; extra Tropicos vero, & quidem cis 30. aut 35. gradum latitudinis septentrionalis, jugiter fere alios inter Austrum & Favonium medios, in mari Atlantico dominari; Cujus rei testem sistimus famigeratissimum Mathematicum Anglum, qui ipse has oras adiit, ventosque singulari cura annotavit, *Edmundum Hallei*, in *historica supputatione ventorum*, qua latino sermone exhibetur in *Aëtior. Erud. Lips. ann. 1687. mense Septemb. p. 509. seq.*

Mmm 3

nec

nec non *Job. Schmidius*, in *Discursu completo de natura, usu &c. Barometri* recensito in *Astor. Erud. Tom. I. Supplem. Sect. 7. p. 332.* Sicuti vero orientalis ille ventus totum circumit terrarum orbem; ita admodum verosimile evadit, alteros istos, ex eadem procul dubio causa (quæcunque tandem illa sit) natos, similiter perambulare globum hunc terrenum, adeoque etiam Africam, nostræ Europæ versus meridiem subjectam, in tractu Æquatori parallelo. Equidem aerem ubi terris imminet non tenere constantem adeo regularemque fluxum, ac in spatiosissimo oceano, sed propter montes, valles, sylvas, urbes &c. intercurrentes, subinde turbari & in omnes agi partes, res ipsa loquitur. Vorticosus tamen & irregularis iste motus, ultra montium cacumina aliasque, a quibus originem trahit, eminentias, se parum extendet, nec impedit quo minus aer in superiori sua regione ordinarium persequatur cursum: sicuti non probabile est, Asiæ Africæ & Americæ litora longius in zonam torridam procurrentia, aeremque in suo fluxu varie turbantia, impedire, quo minus in sublimi cœptam continuet viam. Sane atmospheræ oceanum secundum totam suam profunditatem non semper ab uno moveri vento, sed frequenter partes ejus inferiores in alias prorsus agi partes, in quas feruntur superiores, sæpissime vidimus, ex parte etiam annotavimus in §. 6. & 7. cap. 2. & idem hoc mari commune esse, testantur urinatores. His ita suppositis, in promptu est, quid ad phænomena superius recensita sit respondendum. Etenim si nostris in oris ex oriente aut septentrione, plagave inter utramque media, spiraret ventus, haberet autem perennem illum, ex opposita plaga venientem, sibi adversum, necessum est aerem apud nos condensari, accumulari & aggravari, ut ita
aucto

aucto pondere in subiectum agat mercurium, huncque
altius ascendere cogat. Ex aduerso, si apud nos itidem
regnat Auster vel Favonius, aliusve inter utrumque me-
dius, adeoque fluxum perennis illius iuvat, cumu-
lum istum aeris congesti dejiciet, & in ejus locum
advehet rariorem ac leviolem, & sic Mercurium in-
genti liberabit pondere, ut ad insigne queat descende-
re spatium. Debere vero hunc descensum aut con-
trarium ascensum tanto notabiliorem esse, si Austrum
Boreas, aut Boream Auster praecedat, ex dictis per se
notum. Pariter obvium, cur non semper ad aequale spa-
tium evehatur aut deprimatur Mercurius, iisdem licet
ventis recurrentibus, cum laudatissimus Hallejus loc-
cit. testetur, flatus istos perennes nec intra nec extra
Tropicos semper aequales esse, sed nonnunquam
remittere multum, ut hinc apud nos aequali semper vi
nec oppositis resistere, nec parallelis juvare possint. Nec
minus clarum cur Boreas, aut hinc in ortum declinans
ventus, superet orientalem in attollendo Mercurio,
itemque Auster, aut hinc in occasum declinans, supe-
ret occidentalem in eodem deprimendo; cum ex ob-
servationibus supra citatis constet, quod perennis iste
flatus se directe magis opponat boreali, aut interme-
dio vento, quam orientali. Quin, ut id quoque obiter
addamus, hinc rationem reddere licebit, cur venti in-
ter orientem & austrum, itemque inter occidentem
& septentrionem medii, tam enormes mutationes non
producant, quam reliqui, de quibus haecenus actum,
quoniam scilicet perennis iste his nec tam adversatur,
nec tam eos juvat quam ceteros, qui cum illo vel ad-
versa pugnant fronte, vel in eandem tendunt plagam.

*Ratio
Phan. 9.*

Quod procella furente Mercurius ad majorem dejiciatur gradum, partim ex eodem derivandum fonte, quod venti impetuosissimi plerique omnes ex australi vel occidentali spirent plaga (saltim hic locorum contrarium nunquam observavimus) & consequenter cumulum aeris a Borea congestum, tanto fortius a nostris depellant cervicibus ; partim ex eo, quod aer rapidissime in transversum actus, naturalem gravitatem libere exercere nequeat, eo fere modo, quo aqua e siphone cum impetu prorumpens, ad insigne excurrit spatium, donec violentia aliquantum remittente naturali pondere descendat. Quando vero ingens illa Mercurii depressio procellam præcedit, ut ejus hinc petatur præsagium, indicio est illam jam in vicinia suas exerere vires. Cum enim per intervalla ruat, impetu aucto plus expellit aeris, quam illo remittente a tergo rursus affluere potest. Unde ex regionibus adjacentibus accurrit, ad locum ex parte evacuatum replendum. Dum vero aer ita in loca vicina diffluit, non solum pondere & mole imminuitur, & sic Mercurio lapsum concedit ; sed etiam, minori jam resistentia præditus, procellæ occasionem præbet, ut se magis dilatat & mox conterminas etiam pervadat terras. Quod si autem ventorum vis aeris pondus, per hæcenus dicta, nunc juvat, nunc suspendit, sponte sequitur, malacia & quodam velut aeris torpore existente, atmosphæram solum naturali agere pondere, adeoque magnam tunc mutationem in Mercurii motu accidere non posse, sed ad hoc, & speciatim ad extraordinariam ejusdem elevationem, requiri, ut status aliquis borealis, perenni isti australi, se æquali vi opponat.

*Ratio
Phan. 10.*

Exiisdem fundamentis sequitur lapsum & ascensum Mercurii, cum frigoris & caloris incrementis non esse copulatum, nisi quando augmentum frigoris cum boreali vel orientali, caloris vero cum australi vel occidentali vento, est connexum; quò tamen in casu non in calorem & frigus, sed in ventum causa erit conjicienda. Cæteroquin enim manifestissimum, ventos boreales & orientales se in æstate, autumno & vere, non minus quam in hyeme, sæpius laudato perenni vento opponere, & contra australes & occidentales eundem juvare posse. Quod vero nihilominus in æstate Mercurius paulo depressior deprehenditur quam in hyeme, id forsan ex eo petendum, quod æstivus calor aerem rariorem, & consequenter leviozem paulo, reddit. Ne vero credas, altitudinem, quæ cum calore crescit, compensaturam in tali casu raritatem, non equidem plane negabimus, aerem in æstate paulo altiozem esse quam in hyeme, cum major duratio crepusculi vespertini quam auroræ aut diluculi, ostendat aerem etiam interdiu altiozem esse quam noctu, quod scilicet, dum non exiguus tractus a radiis solaribus incalescit, aer tam cito versus loca frigidiora & aerem humiliorem continentia, diffluere nequeat: admodum tamen exiguam esse posse aeris calefacti sibi-que relictæ protuberantiam, vel inde constat, quia hæc natura florum repugnat. Atque hinc etiam necesse, si hyberno frigore aer condensatur, ejusque altitudo imminuitur, ut ex regionibus vicinis affluat, ad retinendam in supræma atmosphæræ superficie planitiem. Huc accedit, quod idem calor æstivus paucillum aeris intra spatium a Mercurio descendente evacuatum contenti, expandat, ut Thor. elatere aliquantum in subje-

Ratio
Phen. 11.

Phen. 12.

Ratio
Phen. 13.

ctum agat Mercurium. Sane rem ita se habere, quilibet explorare poterit, modo Barometrum propius admoveat fornaci ferreo impense calefacto. Hac procul dubio etiam causa est, cur idem Mercurius in diebus serenis & fervidioribus, præprimis in Zona torrida, circa meridiem depressior inveniatur, quam sub vesperam, aut noctu. Neque tamen ideo Barometrum in Thermometrum degenerat, cum illa aëreis inclusi actio admodum sit levicula, & impedire haud possit, quo minus, externi aeris pondere notabiliter aucto, Mercurius ascendat, calore licet crescente, eodem vero, imminuto etiam descendat, utut frigus sub vesperam e. g. capiat incrementa. Major enim est vis in pondere aeris externi condensati, quam in elatere illius interni valde rarefacti. Quæ etiam ratio est, quod nonnunquam in hyeme, iis præsertim mensibus, in quibus ordinarie impetuosisimi faviunt venti australes & occidentales, mercurius ad tantum præcipitatur spatium, ad quantum vix delabitur in æstate; & ex adverso, hac tempestate, a ventis æquali, sed opposita, vi concurrentibus & aerem coacervantibus, ad eandem fere altitudinem attollatur, ad quam ex iisdem causis pertingit in hyeme.

Ratio
Phen. 14.

§. XII. Vix aliud phænomenon magis sollicitos habuit doctos, aut in diversas adeo traxit sententias, quam mutatio tempestatum, cum Mercurii lapsu & ascensu connexa. Nostri vero ex principiis non adeo difficilis videtur resolutio horum effectuum. Scilicet eminentiorem occupat locum Mercurius dum cælum per plures dies conspicitur defæcatum, quia hic cæli status ordinarie apud nos proficiscitur a Boreâ vel Subsolanio.

Ratio
Phen. 15.

Hi enim nostris in oris autores habentur serenitatis, quoniam nos ortum versus nullum mare, sed immen- sum terrarum spatium ad Chinam usque excipit. Versus septentrionem nobis equidem ultra Meklenburgum ob- jicitur mare Balticum, atramen ea solum parte, ubi in ma- ximas cogitur angustias, cui mox amplissima provincia Suecica & Norvvegica succedunt. Minus autem vapo- rum advelhere posse ventos e terra quam e mari spiran- tes, res ipsa loquitur. Enim vero Boream & Subsolanum atmospheram graviores reddere ex §. 9. constat. Non igitur serenitas augeat aeris pondus, sed ventus, cum quo illa hic locorum equidem regulariter, cum augmento autem ponderis atmosphaera velut casu, conjungitur. Unde fieri potest, ut idem Boreas Constantinopolim e Pontu Euxino convehat ingentem vaporum copiam, *Ratio* aut Aquilo & Cacias, (*Nord Ost & Ost Nord Ost*) quorum *Phan. 17.* posterior per maris Baltici, prior insuper per si- nus Bornici, longitudinem huc tendit, apud nos coelum spissis involvant nubibus, aut etiam tenuem dejiciant pluviam; Parisius contra, quorum non per mare Balti- cum, vaporum matrem, sed per Moscoviam, Poloni- am, & Germaniam deferuntur, nubes dissipent & in- temeratam producant serenitatem; & nihilominus, ingenti hac discrepantia non obstante, ubique auge- ant aeris pondus, per rationes in §. 9. expositas. *Ratio* propter Antonyratis, cujus supra saepius mentionem fe- *Phan. 18.* cimus, procul dubio Mariottii observationibus ad hori- zontem Parisinum restrictis deceptus est, ut certum ter- minum statilere sic ausus, quem si Mercurius attigerit, ubique locorum serenitatem polliceatur.

ab antiquioribus omnibus §. XIII. *Ratio* *Phan. 16.*
Quod si porro ex §. 9. mente repetamus, Mercu- rii lapsus tunc potissimum valde notabilem esse, quan-

do spirant venti australes & occidentales, aut inter utrosque medii, in promptu erit ratio, cur, Mercurio depresso, tempestas inquieta sit & inconstans. Hos enim ventos, ex oceano occidentali & mari mediterraneo huc transvectos, apud nos imbres nimbosque dispensare, austrumque in specie tempestates truculentissimas, fulmine & tonitru tremendas, progenerare, in vulgus notum. Ab Africo equidem, (*Sud West*) qui Hispaniam atque Galliam transit antequam nostras appellat regiones, latiore olympi faciem expectamus; quia tamen, teste Mariottio, cœlum Gallicum tegit nubibus, frequenter earum reliquiæ ad nos una cum ipso migrant. Solent autem nubes ab australibus actæ ventis præ cæteris spissiores esse, quia æstus meridionalis majorem excitat vaporum copiam. Quin & admodum probabile evadit, gravitate aeris, terram & aquam obsidentis, imminuta, vapores, & omnis generis exhalationes, inde tanto majori erumpere numero, & fieri accessionem nubium; quemadmodum experientia docet e corporibus Recipienti cuidam inclusis, halitus spirituosos non citra tumultum erumpere, si mediante Antlia pneumatica ambiens subtrahitur aer. Non facile hæ nubes instar rorantis pluvix destillant, ceu solent ex septentrione ad nos delata, quas pondus aeris in sublimiori suspensas tenet situ, sed in imbres nimbosque resolvuntur. Vidimus enim in §. 5. aerem tanto spissorem & graviorem esse, quanto est terræ propior, & tanto rariorem ac leviolem, quanto longius ab eadem recedit. Quod si ergo atmosphæra extraordinariam acquirit levitatem, nubes in sublimi & rarissima ejus parte sustineri nequeunt: hinc tanto profundius descendunt, ubi deinceps a calore aeris inferioris colliquata

liquata, vaporibus ventorum vi inter se collis, in-
que majores guttas resolutis, agmine velut facto & tur-
matim præcipitantur in terram.

§. XIV.

Tametsi vero facile concipere liceat, quomodo
australes venti convehant nubes, hæque se exonerent
in imbres nimbosque, nec minus manifestum sit, nubes
hæc non augere (uti quidem nonnullis visum,) aeris
levitatem, cujus ex parte effectus sunt, præprimis cum
levitas ista nubes non raro præcedat, & duret his subla-
tis, imo alibi cum intemerata serenitate sit conjuncta,
(uti nos docent illustr. *Marsilii* Observationes in §. 12.
cap. 2. citata) pariterque nubes frequentes sint, ponde-
re aeris admodum aucto: id tamen multorum experi-
ciavit clarissimorum virorum animos, quomodo
cum tantis montibus aqueis, aeri nostro ingestis, hujus
levitas consistere possit, cum aqua intra nubes conten-
ta omnino fortius subjectam premere debeat atmo-
spheram, quam si illud spatium nudus replevisset aer.
Enim vero, uti lubentes admittimus, aquam esse millies
graviorem aere, ita non necessum putamus, ut conce-
damus, vapores in aere volantes eodem graves es-
se. Siquidem commode cum *Edmundo Hallejo* ta-
lem concipimus vaporum genesin, quod viscosa aquæ
puncta a calore in exiguas resolvantur vesicas. Quod si
jam ejusmodi vesicula tantum expandatur, ut ejus dia-
meter sit decuplum diametri puncti aquei; occupabit, vi
principiorum Geometricorum, millicuplum nativi
spatii, & consequenter erit tantillo aeris, quoad pondus
æqualis, imo eodem levior, si ejus tumor vel minimum
augeatur. Possibilem vero esse talem aquæ distractio-
nem, non negabit, qui cogitat ingentes illas bullas, quas

N n n. 3. 1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.

ex parvis guttis saponis diluti flatu oris formant pueri. Si quis autem vel maxime hanc vaporum originem, aut quod nubes ex ejusmodi consent vesiculis; indubium vocare velit, nihilominus nulla necessitate urgemur, ut statuamus, nubes fortius premere subjectam sibi atmosphæram, quam tantundem aeris prestare posset; siquidem frequentissime accidit, ut gravius in leviori ascendat; motu illius pondus suspendente, ut suam vim exercere nequeat. Tale quid vero evenire circa nubes, vel inde clarum, quia feruntur impetu ventorum; nulla autem reddi potest causa, cur desuper in illas impingant, cum ex adverso multæ præstent, cur credamus, id ab inferiori fieri parte. Equidem guttas ex plurimum vaporum coalitione natas, & actu in terram rientes, graviore esse aere; nullum est dubium: hæc tamen suo lapsu non magis aeris pondus augere possunt, quam lapis aquæ, per quam descendit in fundum; neque enim continuæ sunt, æque facile cedere & ad latus diffuere potest.

§. XV.

*Ratio
Phæn. 20.*

Caterum quod imbre e nubibus excusso, imo in medio ejus lapsu, nonnunquam Mercurius notabiliter ascendat, id quidem exinde est; quod tanta aquarum copia e nubibus descendente, aer undique affluat, occupaturus locum ab illa derelictum; ex quo facile ventus priori contrarius, h. e. septentrionalis vel orientalis, oriri potest, cujus indicium est insigne illud refrigerium, quod in tali casu percipimus; cum ex adverso continuatio tempestatis fervidioris documenta sit, ventum etiamnum ex calidiori spirare plagam. Enim vero boreales & orientales ventos, uti australibus & occidentilibus opponantur, ita oppositorum quoque tempestatum autores esse, ex hæcenus dictis satis constat.

§. XVI.

Vii. porro lapsus & ascensus Mercurii a diversis
dependet ventis; ita, si illæ mutationes subitaneæ &
enormes sunt, significant ventos oppositos, v. g. bo- *Ratio*
realem australi, aut hunc isti immediate successisse; *Phen. 19.*
quod si vero tales mutationes lento progrediuntur pe-
de, excipiunt se solum collaterales, v. g. australem occi-
dentalis; occidentalem Corus &c. aut hi illos. Qua-
lis vero est permutatio ventorum, talis quoque erit tem-
pestatum ab illis dependentium.

§. XVII. *Ratio*
Quod denique aliquando extraordinarium Mer- *Phen. 21.*
curii lapsum, reciprocumque ascensum, apud nos nul-
la comitetur aeris mutatio, sed tempestas omnis de-
saviat in vicinia, tanto minus debet videri mirum, quod
venti raro integra perflant regna, sed frequenter se an-
gustis admodum consentiunt terminis. Quod si ergo
in vicinia procella quædam torrens, instar abripiat æ-
rem, isve alias per flatus australes, tempestatum auto-
res, præter morem attenuatus fuerit, ut nubes non so-
lum subsidere, sed etiam delabi cogantur; a nostris oris
illuc confluet aer, ad defectum illius loci compensan-
dum. Quantum vero illuc digreditur, tantum nostro
aeri, tam in mole, quam in gravitate, decedit, ut hinc
etiam Mercurium descendere contingat, donec compo-
sitis in vicinia motibus, velut domum redeat, aut adja-
centium regionum aer suppetias ferat, Mercuriumque
pristino restituat statui.

§. XVIII.

Ex hoc autem phænomeno, sponte sequitur, si Ba-
rometrorum doctrinam ad summam perducere perfe-
ctionem, omniumque, quæ etiam contra regulas con-
tingunt, effectuum rationem citra errandi periculum
red-

reddere conamur, omnino necessum esse, ut non solum
intueamur aeris statum prout apud nos se habet, sed
etiam advertamus, qualis in circumstantibus deprehen-
datur regionibus. Quod commodissime obtineri potest,
si docti socias jungant operas, & per plures provincias, i-
mo regna contermina, dispersi, eodem tempore, &
quantum fieri potest, Barometris eodem modo adornat-
is, annotent, non solum Mercurii in Barometris lapsum
& ascensum, sed etiam incrementa ac decrementa calo-
ris & frigoris, ope Thermometrorum, nec non coeli sta-
tum serenum, nubilum, nebulosum, pluviosum, ipsius
pluviae quantitatem & durationem, praecipitis vero,
ventorum plagas & impetum, non solum eorum, qui per
inferiorem vehuntur aerem, quod a plustria docere pos-
sunt, (quanquam hic quoque circumspeditione opus, ne
decipiamur,) sed eorum quoque, qui in superiori regnant
aere, quos nubium prodeat cursus. Quales equidem ob-
servationes haecenus instituimus & porro sumus conti-
nuaturi, ut nostram symbolam ad tempestatum doctri-
nam magis excolendam conferamus. Insuperissemus
etiam huic dissertationi, speciminis loco, Diarium Me-
teorologicum praecedentis anni, nisi ejus paginae jam
praeter opinionem crevissent sub manibus, & abitura
maturans Respondens nos festinare & breves esse jube-
at. Quod si post haec plures ejusmodi Ephemerides ob-
servationum in diversis locis institutarum, in publicum
emissae, inter se conferantur, plena demum lux phae-
nomenis Barometricis affulgebit, & etiam ea, quae extra or-
dinem contingunt, nosque non raro admodum
tenent suspensos, evadent clarissima.



F. F.

DU multumque Ecclesiam Christianam afflixit controversia de Paschate rite celebrando. Equidem cum in sacro novi foederis codice nec ab optimo maximo Salvatore nostro, nec ab Apostolis, quicquam de hoc Festo legatur statutum, fieri vix potuit, quin aliqua discrepantia circa tempus & ceremonias nasceretur, dum diversae Ecclesiae, in locis dissitis, a diversis Apostolis aut Episcopis, sibi mutuo non subiectis, fundatae, ejus celebrationem, consiliis inter se non communicatis, pro suo qualibet arbitrio, citius serius, pio zelo decernerent. Tanto acrius itaque erat ut, humanae sortis memores, aliorum libertatem, ceu in pluribus aliis rebus, ita in hoc quoque negotio, salutem fidemque non attinenti, placido ferrent animo, quos infinitus Christi amor & misericordia fratres esse voluit; accedente praesertim serio mandato divino, huc imprimis quadrante, *Galat. IV. 9. 10. Coloss. II. 16.* Et sane quam diu aberat fastus & dominandi libido, ejusmodi varietas amori fraterno non videbatur ob stare; cujus rei luculentum documentum praebuerunt Polycarpus Johannis Evangelistae discipulus, & Anicetus Episcopus Romanus, qui inter se

O o o

coram

eoram de hac ipsa controversia collocuti, in pace & mutuo amore discesserunt, et si neuter alteri suum morem Paschalia sacra peragendi persuadere poterat, teste *Ireneo in Epistola ad Victorem I. Papam data*, quam habet *Eusebius Histor. Eccles. lib. V. cap. XXIV.* Vbi autem dominatus Papalis cristas erigere coepit, hac ipsa materia apertissima videbatur, ejus occasione imperium in reliquos orbis Episcopos exerceret.

Huc autem redibat tota controversia. Asiata, teste *Eusebio Hist. Eccl. lib. V. cap. XXII.* (*Atanasius*, in *Epistola de Synodo Arimini & Seleucia*, specialiter Syros, Cilicios & Mesopotamios nominat,) Pascha quotannis celebrabant Luna XIV mensis Nisan, adeoque eodem die, quo apud Judæos *inter duas vespervas erat Pascha Domini*, ut loquitur Scriptura *S. Levit. XXIII. §. h. e.* in ejus vespere, quæ initium sequentis diei constituabat, mandabatur & comedebatur agnus Paschalis; quos hinc *Quartadecimanos*, *τεσσαρδεκάημερας*, vocabant. Allegabant autem consuetudinis huius auctorem Johannem Evangelistam, Philippum, unum e septem Diaconis, Polycarpum Johannis discipulum & martyrem, aliosque, qui hunc morem observarint. Ex adverso maxima pars Ecclesiæ occidentalis, cum quibusdam aliis, ut evitarent communionem cum Judæis, sacra Paschalia peragebant die Dominica, prædictam Lunam XIV proxime insequente, hocque institutum acceptum referebant Petro & Paulo Apostolis. Montanistæ autem persuasi æquinoctium vernum cum XXIV Martii perpetuo connexum esse, decimo quarto abhinc die, quicumque is intra septimanam fuerit, solennia Paschalia instituebant. Galli denique veteres, *quacumque die VIII. Calendarum Aprilis fuisset, quando Christi resurrectio fuisset*

isse tradebatur, Pascha semper celebrabant referente *Be-
da*, de *Ratione Tempor. cap. XLVII. Quod Epiphanius
Heres. L. etiam de Cappadocibus narrat.*

Cum itaque Victor I. imperante Septimio Severo,
anno CXCIV ad dignitatem Papalem evectus, reliquas
orbis Christiani nationes in suam sententiam adigere co-
naretur, non deerant speciosa nomina. Quid gratius
concordia? Quid æquius, quam ut uno ore, eodemque
tempore, beneficia Salvatoris celebrent, qui eorum fa-
cti sunt participes, ne, dum unus luget mortuum, alter
exultet ob ejus resurrectionem. Magna omnino est
auctoritas Petri atque Pauli, qui Romani moris lauda-
bantur statores. Nec est de nihilo Christianos cele-
brare *πάσχα διασδοι*, non *ταυγάσι*, hanc in Pascha
Judæorum, illam autem incidisse in Dominicam pro-
xime insequentem; decere adeo ut in perpetuam rei
memoriam annuatim eodem colatur die. Sed & fistu-
la primum dulce canebat. Non solum enim Victor
ipsemet Romæ Concilium coegit, sed etiam, referente *Eu-
sebio loc. cit.* blande cum aliis egit, & Theophilo Cæ-
sariensi, Narcisso Hierosolymitano, Palmæ Ponti, Bac-
chillo Corinthi, Irenæo Lugduni in Gallia plurimis-
que aliis Episcopis, auctor exiit, ut suo quilibet loco
Synodum de hac causa instituerent, & hoc negotium
accuratius expenderent; quasi libertatem examinandi
hanc controversiam, & quid videatur statuendi, sin-
gulis veller integram; qui hinc etiam, re cum vicinis Epi-
scopis & Presbyteris communicata, literis Synodalibus
Victori significarunt, quod in Festo Paschali cum Roma-
nis consenserint.

Tot vero Ecclesiarum applausu animosior factus
Victor, mox imperiosius cum reliquis Asiæ Episcopis
egit,

egit, additis minis, ut in eandem sententiam descenderent. Et cum Polycrates Episcopus Ephesinus, habita Synodo, in qua Episcopi magno numero confluiebant, suæ & Collegarum nomine ad Victorem scriberet, se nullis mandatis aut minis adigi posse, ut majorum suorum morem circa solennia Paschalia desererent, nec contemnendas adderet rationes, quæ ap. *Euseb. l. cit. c. XXIII*, videri possunt: eo tandem impotentia processit Victor, ut in medio persecutionum triculentissimarum æstu, quem sub gentilibus Imperatoribus sæpe sustinere cogebatur Ecclesia Christiana, non veritus sit internum excitare bellum, & tot insontes Ecclesias anathemati subijcere. Tamen si vero Irenæus Lugdunensium Episcopus, qui cæteroquin in doctrina de Paschate cum ipso sentiebat, hominem graviter objurgaret & in proluxa Epistola, quam exhibet *Eusebius loc. cit. c. XXIV* multa ponderosa afferret argumenta, ob quæ Asiaticæ mitius tractandi, nec a communione Ecclesiæ excludendi sint; non tamen impetrare potuit, ut fulmen semel emissum retraheret.

Ab eo igitur tempore ingens schisma erat in Ecclesia, & animi in dies magis exacerbabantur; ut hinc Constantinus M. Ecclesiæ pacem redditurus, hanc alteram voluerit esse causam, quæ in primo isto œcumenico Concilio Nicææ coacto tractaretur. Quia vero ipsemet hætenus Romanorum erat secutus institutum, sua auctoritate id obtinuit, ut omnes Episcopi Nicææ congregati idem adprobarent. Ut vero etiam reliquos non solum Episcopos qui aberant, sed imprimis Ecclesias & plebem, pristina consuetudinis tenacissimam, in eandem pertraheret sententiam, prout in se receperat, proluxam ad eos Epistolam scripsit, in qua Concilii consen-

sensum indicat, simulque monet, indecorum esse, ut alii jejuniis (quæ ad primum usque Paschatis diem durabant) vacent, alii convivia agant; æquum contra, ut consuetudinem Romæ, in Italia, Africa, Ægypto, Hispania, Gallia, Britannia, Lybia, universa Græcia, diœceli Asiatica, Pontica & Cilicia, adeoque majori parte orbis Christiani, receptam, etiam reliquæ Ecclesia pauciores admittant; utque ad hoc tanto proniores sint, Judæos, omnemque cum illis communionem, exosos reddere conatur, quasi opprobrium esset genti Christo deditæ, in re tanti momenti cœcos sequi duces, hostes nominis Christiani, illisque occasionem præbere iactandi, quasi sine illorum disciplina subsidio ne quidem sacra nostra legitimo tempore peragere queamus, cum tamen ipsimet adeo hallucinentur, ut nonnunquam bis in anno Pascha recolant: ceu hæc & plura alia legi possunt in Epistola Constantini, quam habet *Eusebius in Vita Constant. libr. III. cap. XXVI. XXVII. XXIX. Socrates libr. I. c. VI. Theodoretus lib. I. c. X. Gelasius Cyzicenus in Actis Concil. Nicæni c. XXVIII.*

Sic ergo tandem ex unanimi decreto Concilii Nicæni atque auctoritate Constantini M. statutum, Pascha post hæc ab Ecclesia Christiana celebrandum esse Dominica, quæ sequitur Lunam XIV Mensis Nisan. Quamvis cum hodiernum ubivis gentium vigeat, a Paschate autem reliqua Festa Ecclesiæ mobilia, & series Evangeliorum Dominicalium, adeoque cultus Dei publicus, maximam partem dependeat; lubet de isto Decreto, velut BASI TOTIVS COMPTI ECCLESIASTICI, & quò pacto illud executioni dari possit vel debeat, dispicere paulo uberius.

Equidem optandum quam maxime, ut augustissi-

mi hujus confessus gesta integra ad nos pervenissent, ut de ejusdem decreto in hac causa notitiam tanto pleniorē habere queamus. Sed nec in Canonibus Concilii Nicæni passim prostantibus, nec in Commentario Actorum a Gelasio Cyziceno conscripto, nec in Athanasii epistolica narratione de Concilio Nicæno, nec in Eusebii Historia Ecclesiastica, aut vita Constantini, ulla ejus rei extat mentio, cum tamen postremi duo Scriptores præcipuas fere in hoc Concilio, cui intererant, tenuerint partes. In Epistola Patrum Synodali quam nobis *Socrates Hist. Eccl. lib. I. cap. VI. Theodoretus Hist. Eccl. l. I. c. XI. & Gelasius loc. cit. cap. XXXIV.* exhibent, hæc paucissima continentur: *Εὐαγγελίζομεθα ὑμῖν περὶ τῆς συμφωνίας τῶ ἀγιωτάτῃ πάσχα, ὅτι ὑμετέρας εὐχαῖς κατωρθώθη καὶ τῷτο τὸ μέρθ. ὥς πᾶν- τας τὰς ἐν τῇ ἐκκλησίᾳ ἀδελφὰς τὰς μετὰ τῶν Ἰουδαίων τὸ πρότερον ποιεῖντας, συμφώνως Ῥωμαῖοις καὶ ὑμῖν, καὶ πᾶσιν ἡμῖν τοῖς ἐξ ἀρχαίς μεθ' ὑμῶν φυλάσσει τὸ πάσχα, ἐν τῷ δευρὸ ἀγεῖν τὴν ἀγιωτάτην ἑορτὴν τῷ πάσχα, i. e. Letum etiam nuncium vobis offerimus de consensu omnium in celebrando sanctissimo Festo Paschatis, quod ea res etiam vestris precibus rite constituta est. Ita ut omnes fratres in Oriente, qui antea Judæos imitari consueverant, jam deinceps cum Romanis & vobis & omnibus nobis, qui eundem morem vobiscum primis temporibus in eo recolendo tenuimus, sanctissimum Festum Paschatis concordissime celebraturi sint. Neque in Constantini Epistola supra citata aliud quid continetur quam adhortatio, ut missos faciant Judæos, & omnes uno eodemque die cum Romanis Festum Paschale peragant. Ut adeo videatur Concilium specialem modum determinandi genuinum tempus non adeo curasse. Quin potius, cum hoc negotium, ut*

sequentia docebunt, requirat hominem in Astronomia
haut leviter versatum, tum temporis vero studia mathe-
matica in toto terrarum orbe nullibi magis florerent
quam Alexandria in Ægypto, sapientissimo consilio, re-
ferente S. Cyrillo in *Prologo*, & Beda de *Rat. Temp. cap.*
XLVI, totam hanc curam demandarunt Episcopo Ale-
xandrino, ut is quotannis calculo accurate inquireret
tempus Paschale, illudque mature præcipuis orbis
Christiani Archiepiscopis per Epistolam indicaret, qui
hoc porro reliquis sibi subiectis sacrorum antistitibus,
& sic universæ Ecclesiæ Christianæ, in tempore signifi-
carent. Ut adeo vel hoc nomine suspecta & tantum
non pugnancia sint, quæ scriptores posterius, propriæ,
ut posthæc apparebit, inservientes causæ, Dionysius *Exi-*
gnus in *Epistola ad Petronium*, & ejus vestigia pre-
mens, Beda passim inculcant, ac universo pene mundo
persuaserunt, quasi scilicet Concilium Nicanum
decreverit Æquinoctium vernalis perpetuo cum XXI
Martii connexum esse, & ab VII Idus Martii, usque in
die Nonarum Aprilium, natam Lunam, facere primi Men-
sis exordium; & a XII die Kal. Apr. usque in XIV Kalen-
das Majas Lunam XIV solertius inquirendam. Neque
enim his stantibus necessarius adeo aut utilis, possibi-
lisve accuratior calculus fuisset, ut ex sequentibus
constabit. Id tamen negari non potest in Synodo
Cæsariensi ad instinctum Victoris I. Papæ a Theophilo
ejus urbis Episcopo habito, narrante ap. *Eusebium Hi-*
stor. Eccles. lib. V. cap. XXII, laudato Theophilo in
Epistola Synodali, constitutum, ut ab XI. Kal. Aprilis us-
que ad XII. Kal. Maji Pascha deberet observari, & nec
antea nec postea cuicunque limites transgrediendi sit sa-
cultas.

Inte-

Interim per hætenus dicta illud saltem patet, fundamentum totius computi primarium esse diem, quo Pascha Judæorum ex ordinatione divina est peragendum, quia Dominica illum proxime consequens, juxta Romanorum traditionem, Paschati Christianorum sacra esse debebat. Institutio autem Paschatis Judaici continetur *Exodi XII.* & repetitur *Lev. XXIII* itemque *Numer. IX & XXVIII.* ubi tamen, quæ tempus, a Deo id unice statutum, ut die XIV mensis primi, qui & frequenter dicitur Nisan, sub vesperam, mactent & commedant agnum Paschalem, & insequentibus septem dies sacras habeant. Ritus isti circa agnum Paschalem ex præscripto divino observandi in Scriptura ordinarie Pascha, diesque, in cujus vespera adhibentur, Paschalis, septem vero illam vesperam immediate consequentes, Azymorum dies audiunt, utut hodie, quia inter Judæos exules nefas habetur agnum Paschalem alibi quam Hierosolymis mactare, aut comedere, Azymorum dies, qui soli apud ipsos in usu sunt, Paschatos nomine venire soleant.

Ante omnia igitur expendendum, quisnam sit ille mensis primus sive Nisan, a quo principio deducatur, & quænam Luna XIV dicatur. Constat autem inter omnes, & ex ipso Mose partim manifestum, Judæorum menses fuisse Lunares, alternatim XXX & XXIX dierum, quorum XII annum communem, XIII annum embolimum constituunt. Neque tamen hos suos menses auspicabantur ab ipso Novilunio, sed ab illa vespera, (Judæos enim dies suos a vespera incepisse, notius est quam ut dici debeat,) qua ante Solis occasum se iterum conspiciendam exhibebat: uti modum & solennitatem, qua olim Synedrium magnum in mense inchoando

ando utebatur, qualesque testes de Luna primum visa fuerint requisiti, donec suum מְקוֹר *Initiatus esto*, proclamavit, fufe. describit *R. Mose Maimonides* in libro de *Initiatione Novilunii*, quem non ita pridem, sub directione celeberrimi *Danzii* nostri, latinitate donavit *Cl. Witterus*. Hodie equidem, postquam Judæi per totum terrarum orbem sunt dispersi, operosissima illa ratio mensem initiandi, prorsus impossibilis est, ideoque computum ad meridianum Hierosolymitanum alligatum, in subsidium vocant, & hinc ab ipso Novilunii die menses inchoant, modo illud juxta ipsorum calculum accadat ante meridiem, persuasi enim sunt Lunam intra sex horas tantum luminis acquirere, ut videri queat circa vesperam: alioquin si illud cadit in tempus pomeridianum, initium mensis itidem in sequentem conjiciunt diem.

Enimvero si non ab ipso Novilunio, sed a vespera illius diei, quo Luna ante Solis occasum novo lumine prædita conspicitur, demum principium sumit mensis, utique decimus quartus ejusdem dies, seu, ut vocant, Luna XIV, erit dies Plenilunii; saltem ordinarie, & plerumque; quoties scilicet hoc principium a momento Novilunii ultra XVIII horas distat; Est enim in vulgus notum Lunationem complecti dies XXIX. horas XII. min. 44. adeoque Plenilunium a Novilunio, motu medio, abesse d. XIV. h. XVIII. m. 22. Atque hæc omnino mens fuit Judæorum pariter & Computistarum antiquissimorum e Christianis. Sic enim Aristobulus, unus e LXX Interpretibus, qui ad Ptolomæ Philadelphî nutum scripturam S. Vet. Test. in Græcam transtulerunt linguam, apud Anatolium, citante *Eusebio Hist. Eccles. Lib. VII. c. 26.* ait δόδεσις τῶν τῶν διαβῶν.

διαβατηρίων ἡμέρας τῇ τεσσαρεσκαδεκάτῃ τῷ μηνὸς μεθ' ἑσπέραν, ἐσηζέται μὲρ σελήνῃ τὴν ἐναντίαν κατὰ διαμέτρον τῷ ἡλίῳ σταῖν, ὥσπερ ἔξουσιν ἐν τοῖς πανσελήνοις ὄραν, cum Paschatos festum XIV. die mensis post vesperam statutum sit, Luna tunc diametraliter opponetur, sicut in Plenilunio videre est. Et Philo Judeus, lib. de vita Moysis τὸ δὲ μηνὶ ἰσῶ inquit, περὶ τεσσαρεσκαδεκάτῃ ἡμέραν, μέλλουσι τῷ σεληνικῷ κύκλῳ γίνεσθαι πλυσίφαις, ἀγεται τὰ διαβατήρια δημοφανὲς ἑορτή, hoc ipso mense circa XIV. diem, quando lunaris orbis ad plenilunium accedit, instituitur Paschatos publica sollemnitas. Inter Christianos vero Theophilus, Episcopus Alexandrinus, adeoque Decreti Nicani quoad Pascha executor, in Prologo ad Imperat. Theodosium de S. Paschate, scribit ἐν δὲ τῇ τεσσαρεσκαδεκάτῃ ἡμέρᾳ τῷ μηνὶ τῷ πρώτῳ ἐπιηγεῖσθαι τὸ Πάσχα συνέταξεν, ἐκ ἄλλης τῆς χάριν, ἥ ἵνα κατὰ μίμησιν ἰσῶ τῆς σελήνης Φωτὸς πλῆρῃ τὸν ἴδιον κύκλον ἔχουσης, τὴν μὲν τῆς διανοίας Φωστῆρα ἡμεῖς ἴλεον ἔχοντες, ἐν σκοτῷ ἀμαρτίας μὴ διατρίβωμεν. in XIV. autem die ipsius mensis observari Pascha praecepit, non propter aliam causam nisi propter similitudinem Luna, qua tunc in fulgore plenum habet discum proprium, ut nos quoque perfectum splendorem fidei & sensus gerentes, a peccati tenebris segregemur. Clarius adhuc Cyrillus, in dem Episcopus Alexandrinus, Theophili nōtine de hoc negotio differit in Prologo, quem una cum praecedente, in Appendice operis de Doctrina Temporum, publici juris fecit Dion. Petavius. Ita, ait, XIV. Lunam vult videri in caelo Theophilus, ut pleno orbis circulo eodem momento oriatur quo occidit Sol, eademque nocte transacta Luna occidente Sol oriatur. Eiusdem sententiae fuit quoque Victorius. Sic enim in Praefatione Paschalis festi ad Papam Hilarium: Si dies Sabbati plenilunium esse contigerit & consequenti Do-

mini.

minico Luna XV reperiri, eadem hebdomade transmissa in alterum diem dominicum, id est Lunam XXII. transferri debere pascha. Quibus in verbis omnino evidenter asserit quod Plenilunium immediate precedat Lunam XV. adeoque consistat in Luna XIV. Et paulo post de Theophyli cyclo agens addit: *Hoc regulariter cauteque custodiens, ne ante XII. Kal. Aprilis Plenilunium, id est Luna XIV. huic definiendo sacramento patiatur apponi.* Nec dubium Bedam, & , quem ubi-
vis sequitur *Dionysium Exiguum*, ejusdem opinionis fuisse, cum praesertim *de Rat. Temp. cap. 43.* probet, mensem non a Novilunio, sed a luna primum visa, inchoari; ut adeo non opus sit in praesenti loco eorum adducere verba.

Satis itaque evictum puto Lunam XIV. non solum ex mente veterum Judaeorum, sed etiam Christianorum, qui Concilio Nicæno erant proximi, quibusque interpretatio & executio Decreti Nicæni incubuit, esse ipsum Plenilunii diem, ut hoc lubens largiar, ipsos non magis quam Judaeos efficere potuisse, ut Luna XIV. in ipsorum cyclis diem Plenilunii praecise semper attingat, cum hoc naturæ rei repugnet, ceu inferius dicenda ostendent. Ut adeo frustra sint Pontificii, qui ex collatione calculi astronomici cum ipsis cyclis, ut causæ suæ vulneratæ patrocinium quarant, evincere conantur, ipsos sibi non satis constare, aut aliud verbis proferre, aliud re ipsa præstare.

Superest ut doceamus, quisnam sit mensis primus seu Nisan, cum ejus rei ignorantia, vel potius theoriæ non satis accurata applicatio ad praxin, innumeras dederit lites. Ut vero paucis hoc exponamus, is pro primo, sive mense Nisan, habendus, cujus ini-

tium est æquinoctio verno proximum, sive, quod idem, ejus Luna XIV. vel in ipsum æquinoctii idem cadit, vel illum proxime excipit. Quodsi vero Luna XIV. æquinoctium unico saltem die antevertit, tunc is mensis non primus sequentis, sed ultimus præcedentis anni censetur, quem in finem XII mensibus ordinariis prædicti anni, ubi opus, decimum tertium sive embolimatum superaddunt. Equidem *Maimonides loc. cit. cap. IV.* scribit tunc demum, juxta Judæorum morem, mensem præcedenti anno annumerari, si æquinoctium in ejus Luna XVI. aut ultra deprehenditur. Sed hic mos pro ul dubio originem duxit ex ignorantia genuinæ sedis æquinoctii verni, ob quam eidem biduum dare maluerunt, ut, si æquinoctium per observationes aut calculum, in Lunam XVI. conjiciatur, tanto certiores sint, quod Lunam XIV. non anticipet, adeoque non sine causa intercalatio instituatur; uti ex simili ratione voluerunt, ut, qui de initio mensis sunt dubii, Neomenias festum per biduum celebrent, ut scilicet certi sint se verum initium non prætervidisse.

Enimvero peperit hoc institutum errorem ipsis a Constantino M. in Epistolis supra citatis, & a veteri Ecclesia, valde exprobatum, quod nempe hac ratione aliquando ante æquinoctium, & sic in uno anno bis Pascha peregerint, in sequente autem illo caruerint prius. Quod enim Judæis alias non licuerit Pascha celebrare alia Luna XIV, quam quæ vel in æquinoctium vernum cadit, vel illud proxime excipit, adeoque Sole in Arietis signo actu constituto, non solum ex Ecclesiæ Christianæ antiquioris unanimi consensu, quæ, cœu dixi, tanquam extremæ dementiæ signum hoc eis objecit, quod nonnunquam contra propria princi-

pia ante æquinoctium Pascha agant; sed etiam ex genuina antiquitatis scriptoribus Judaicis patet. Sic enim Josephus ait *Antiq. Judaic. Lib. III. cap. X.* ἡ δὲ μὲν ἡμετέρα, ὅς τις ἀνὴρ παρ' ἡμῶν καλεῖται καὶ ἴσ' ἔσται εἶναι ἀρχὴν τῆς τεσσαρεσκαίδεκάτης κατὰ Σελήνην, ἐν ᾗ τὸ πλῆρες καλεῖται, καὶ γὰρ τῷ μηνὶ τῆς ὑπ' αἰγυπτίους θελείας ἡλευθερώθημεν, καὶ τὴν θυσίαν ἣν τότε ἐξουσίας αἰγυπτίῃς θύσαι προέβουλον ἡμεῖς, Πάσχα λεγομένην, δι' ἔτος ἐκάστη θύειν ἐνόμισε, i. e. mense autem Xanthico, qui nostris Nisan vocatur, & annum exorditur, Luna quarta decima, Sole Arietem obtinente, quandoquidem hoc mense a servitute Egyptiaca liberati sumus, sacrificium quod tunc exeuntes fecisse nos diximus, Pascha nominatum, quotannis instaurare lege jubemur. Pariter supra laudatus Aristobulus apud Eusebium loc. cit. dicit: ὡς ἐστὶν ἐξ ἀνάγκης τῇ τῶν διαβατηρίων ἐοχθῇ μὴ μόνον τὸν ἥλιον τῷ ἱσημερινῷ διαπορεύεσθαι τμήμα, καὶ τὴν Σελήνην δὲ, quod in festo Paschatos non solum Sol necessario debeat moveri in signo æquinoctiali, sed etiam Luna. Et quidem εἶποντες δὲ, ὁ μὲν κατὰ τὸ ἐαρινὸν ἱσημερινὸν ὁ ἥλιος τμήμα. ἡ δὲ, ἐξ ἀνάγκης κατὰ τὸ μετοπωρινὸν ἱσημερινὸν ἡ σελήνη, Sol signum æquinoctiale vernum, Luna autem æquinoctiale autumnale, necessario occupabit.

His ita demonstratis, evidens est, Pascha Christianorum ex mente Concilii Nicæni rite celebrari Dominica, quæ sequitur Plenilunium ab æquinoctio vicino proximum. Quod etiam Epiphanius *Hæresi LXX Judæorum*, his paucis complectitur: Ἐκ τριῶν γὰρ συνέστηκεν ὁ τῆς Πάσχα σύνδεσμος, ἐκ τε τῆς ἡλιακῆς ὁδοῦ, διὰ τὴν Κυριακὴν καὶ τὸν μῆνα, ἐκ τε τῆς Σελήνιακῆς ὁδοῦ, διὰ τὸ κατὰ τὸν νόμον, ὅπως ἐν τῇ τεσσαρεσκαίδεκάτῃ τῆς σελήνης τυθῇ τὸ Πάσχα, ὡς εἶπεν ὁ νόμος. ἔτε ἐν δύνатаι ἀχθῆναι εἰς μὴ ὑπέξῃ ἱσημέρια. Tria enim sunt præcipue quibus Paschatibus celebritas alligatur. Solis imprimis cursus prop-

ter Dominicam ac mensem. Tum Luna itidem cursus, idque propter legem, qua decima quarta Luna imolari Pascha præcipit: Itaque neque celebrari ante potest, quam Æquinoctium transsit. Quare Episcopi Alexandrini, cui hanc provinciam a concilio demandatam fuisse, supra audivimus, cura primum in eo consistebat, ut annuatim tempus æquinoctii, & hoc proxime excipientis Plenilunii, accurate inquireret; neque enim semper in eadem consistunt die aut hora. Enimvero accuratissima, quæ quidem in humanas vires cadit, inquisitio communi omnium consensu est, quæ fit calculo astronomico, h. e. juxta præstantissimorum cujusvis ævi Astronomorum Tabulas instituto; Atque regiae huic viæ laudatos Episcopos primum instituisse, testis est Beda l. e. Utinam vero eandem calcaissent diutius. Sed multa concurrerunt, quæ ipsos induxerent, ut deflecterent ad diverticula, primo intuitu plana magis & minus spinosa, at periculosiora, in quibus tandem inscii & inviti incidebant in præcipitia errorum & confusionum, e quibus ecclesia Christiana ad nostram usque ætatem eluctari non potuit. Labor ipse difficultate notabili non carebat, dubiumque videbatur, num posthæc, crescente in dies barbarie, etiam Alexandriæ reperiri queat vir, pietate & doctrina Christiana eoque eminens, ut Episcopi munus tueri queat, & insimul in mathesi ita exercitatus, ne qui universæ Ecclesiæ præluce debeat, ipsemet alienis videatur oculis. Sed & modus publicandi terminum Paschalem admodum molestus erat. destituebantur enim arte typographica, cujus subsidio Pascha, una cum serie festorum mobilium & sacrorum publicorum, in tabellam, velut Calendarium quoddam, relatum, in-

suffi-

sufficienti copia typis exprimi, & in notitiam Ecclesiæ deferri potuisset; Scribæ vero in numeris facile committebant errorem, multarum litium matrem. Et tot centena, imo millena millia, exemplarium, quot pro universa Ecclesia Christiana, tum temporis nova in dies incrementa capiente, sufficerent, nec tam cito scribi, nec, ob cursuum publicorum defectum, ad loca etiam remotissima, tam cito pervenire poterant, ut, juxta morem apud plerosque receptum, in die Epiphaniarum ejusmodi directorium sacrum publice in templo suspendi fuisset possibile, si vel maxime secundum *Canonem LXXVI Concilii Carthaginensis*, sub Arcadio & Honorio Imperatoribus habiti, annuatim X. Kalend. Septembris dies Paschalis determinaretur. Neque tamen vel Calendaria prostabant qualia hodie posidemus, vel Ephemerides, e quibus sibi prospicere potuissent Pastores rerum astronomicarum imperiti, & a gentium cultiorum consortio longe segregati.

Accedebat denique, quod vel primo dicendum erat loco, quod non obstante constitutione Nicæa, directionem hujus negotii Alexandrinis unice vindicante, primis statim annis, privato ac temerario hominum novitati studentium ausu, hinc inde cycli sint in subsidium vocati. Cum enim jam aliquot ante Christum natum seculis Eudoxus, Cleostratus, Harpalus, Meton, Calippus, Hipparchus, aliique in ea fuerint opinione, post annorum aliquot decursum novilunia & plenilunia ad pristinas redire sedes, utut in numero annorum & dierum talis Periodi aut Cycli, ut vocant, Lunarum determinando inter se dissentiant; & Judæi quoque, ut vult *Epiphanius Hæresi LI Alogor.* jam sub imperio Syro-Macedonico cyclo LXXXIV anno-

annorum , h. e. ex Periodo Calippica & *δὲταετήριδε* composito, ad Pascha, vel potius, ut puto, tempus Novilunii rite indagandum sint usi, ut scirent, quando observatores novæ lucis sint emittendi, (ad hoc enim ipsos olim calculo usos, fateretur supra laudatus Maimonides;) factum etiam, ut ante Concilii Nicæni tempora, cum Ecclesia Christiana in hac re genuino directorio prorsus destitueretur, Hyppolitus Martyr, Arabum Metropolitanus, sub Alexandro Severo, circa annum Christi CCXX, ut narrat *Isidorus Hispalensis Lib. VI Origin. cap. XVII.* itemque Anatolius Episcopus Laodicæ, cujus ætatem *Vossius de Scient. Mathem. cap. LXVII.* ad annum Christi CCXXXVIII refert, de ejusmodi cyclo, & hic quidem specialiter *ἐννεαδὲκαετήριδε* Metonis, ad Terminorum sive Pleniluniorum Paschaliū investigationem, applicando, doctè commentati sint, teste *Eusebio Hist. Eccles. Lib. VII. cap. XXVI.* Quin ipse Eusebius, etsi concilio Nicæno interfuerit, ejusque adeo placita satis habuerit perspecta, de cyclo Paschali scripsit, imo a *Beda de Rat. Temp. c. XLII.* pro auctore cycli decemnovennalis, licet falso, habetur. Cumque Judæi præ cæteris in hoc negotio sapere crederentur; Latini, h. e. Itali, Hispani, Galli, Britannique veteres, non sunt veriti horum cyclum LXXXIV annorum amplecti, quem ideo postea cyclum Latinorum vererem dixerunt.

Cum itaque tot cyclis, in ipsis principiis dissentientibus, animi Christianorum, quorum alii hunc, alii alium, contra Nicæna statuta, universum orbem Christianum in hoc negotio unice deciso Alexandrino subji-
cientia, sequebantur, valde turbarentur & subinde in Paschate peragendo nova oriretur discrepantia; Imperator

rator Theodosius M. de pace & tranquillitate Ecclesia sollicitus, ad Theophilum Archiepiscopum Alexandrinum scripsit, ut totum hoc negotium clare & perspicue exponeret, & sic majori confusiohi obviam iret. Hic satisfactorius petitioni optimi Principis, cum videret plurimorum animis tantam infidere cupiditatem sciendi futura, speciatim tempus paschale, ut cycli, quorum ope id jucundo compendio investigari posset persuasissimi erant, ex ipsorum manibus tolli nequeant, insuper perpenderet difficultates ante allatas: ipsemet tandem cyclum CCCCXVIII annorum condidit, in quibus singulis annotatum tempus Paschale. Nihilominus effectu sperato caruit hic labor. Addit enim, qui hæc nobis narrat, *Cyrillus in Prologo supra cit. Quoniam jam illi diversi cycli per totum orbem disseminati, etiam nostrorum animos inconcussè possederunt, iste, Theophili, qui nuper est editus, vix ad paucos potuit pervenire; ad quos autem pervenit, illum vix satis intellexere, quia, uti pergit, nimia subtilitate pene omnes sensus excessit.* Vnde ipse Cyrillus novum & faciliorem cyclum confecit, vel potius prolixum Theophili cyclum, levi mutatione facta, & *unum tantum affem in quibusdam annis, propter rationes bisexti, adjiciendo, in breviorẽ XCV annorum, ab anno Christi CCCCXXXVII usque ad DXXXII extensum, contraxit, eam ob causam, Ne forte quadringentorum XVIII annorum infinita congeries, aut fastidium cognoscendi, aut pigritiam describendi, quibusdam afferret.*

Enim vero ne hac quidem ratione concordia circa festum Paschale inter Christianos rediit. Vti enim ipse Cyrillus in Theophili cyclo invenit quod sua emendatione dignum judicabat, ita aliqui in utro-

que habebant quod carperent, potissimum quod Luna XIV cadente in diem dominicam, cycli hi Pascha conjicerent in Dominicam proxime sequentem, contrariam sententiam tenentibus istis, utut juxta Latinorum cyclum, id fieri debuerit, etiamsi Luna XIV existeret in die Saturni. Tamen vero Theophilus aequae ac Cyrillus causam hujus instituti reddiderat in Prologis supra citatis, parum tamen profecere. Quin potius eandem querelam recoxit Leo I, & per Martianum Imperatorem a *Proterio*, Alexandrinae urbis antistite, denuo rationes hujus statuti postulavit. Licet vero hic quoque causam Alexandrinorum argumentis sufficientibus & exemplis, a tempore concilium Nicanum proxime infecto allatis, defendisset in peculiari *Epistola ad Leonem* data, quam exhibet *Petavius in Append. Oper. de Doctrina Temporum*; non tamen omnibus placebant cycli Alexandrini, nec finis erat turbarum a discrepantia cyclorum natarum. Quare Hilarius Papa, quasi anceps haberet animus, tandem Victorino (vel ut alii vocant Victorio) Aquitannico arbitrii hujus controversiae obtulit, ut rem accurate inquirat & dijudicet; qui ideo novum cyclum DXXXII. annorum confecit, in eoque antiquorum Latinorum placita, contra Alexandrinos, maximam partem tueretur, in aliquibus tamen recedit ab utrisque; ut hinc confusio non sublata sed aucta sit, plurimis novum hunc cyclum reprobantibus, aequae ac istum quem paulo ante Prosper Aquitannicus excogitavit. Videri potest hanc in rem *Epistola Hilarii ad Victorinum*, hujusque *responsio & praefatio cycli Paschalis*, quae extant apud *Petavium* l. c. & *Beda* cap. LI. Ex quibus satis elucet, Pontificem Romanum, qui dudum

dum Episcopum Alexandrinum limis respexit oculis, quod annua illa significatione temporis Paschalis reliquorumque Festorum inde pendentium, re ipsa cultum Dei publicum Romæ non minus quam per reliquum universum orbem Christianum moderaretur, quod sui potius officii esse censebat, hac occasione voluisse uti, ut se ab illa directione Alexandrinorum liberaret.

Dici autem non potest quantum animi Christianorum, multitudine cyclorum differrentium, fuerint turbati, ut contra Concilii Nicæni decreta, etiam in uno eodemque terræ tractu, Pascha, aliquoties diverso prorsus tempore celebrarint, dum e. g. Mediolanenses cyclum Alexandrinum, Romani vero Latinum veterem, sequebantur, qualibet Ecclesia pro veritate sui cycli certante. Variis autem modis hi cycli discrepabant. Ut enim potiora solum tangam, cum in omni ejusmodi cyclo sedes æquinoctii, termini Paschales, seu Lunæ XIV, & dominica Paschalis, definiri debeant, in his omnibus a se mutuo recedebant. Cum enim Alexandrini æquinoctium supponerent cum XXI Martii connexionem, ideoque nullam Lunam XIV pro Paschali agnoscerent quæ hunc diem præcederet; Latini ex adverso Lunam XIV in XVIII, XIX, & XX Martii cadentem pro Paschali habebant, & Pascha Dominica proxima rite celebrari posse contendebant, hoc uno, si Victorinum audimus, casu excepto, si aliquando ille dies XVIII Martii, in quo Luna XIV deprehenditur, feria fuerit sexta, adeoque Pascha transigendum die XX. Martii; tunc enim cum Alexandrinis illud transferebant in XXIV Aprilis, forte ne tunc hæc solennia peragerent ante diem æquinoctio vulgo adjudicatum. Hæc autem sunt Victorini verba in fine prologi: (ceu quidem *Beda* ha-

bet loc. cit.) Cum vero contigerit Lunam XXVII Sabbatho, vel maxime die Calendarum Januariaturn provenire absque bis sexto, noverit Sanctitas vestra quod Pascha XIII Calend. Aprilis secundum Latinos baud unquam celebrandum, etiamsi Luna conveniat, penitus invenitur. Atqui si primus Januarii Sabbathum est sive feria septima, itemque Luna XXVII, tunc XVIII Martii est feria sexta & Luna XIV. Quoties igitur prædicti termini occurrebant, Latini ab Alexandrinis in Festo Paschali integro mense recedebant. Specialiter, annus VIII & XIX cycli Paschalis Alexandrinis est embolimus, seu XIII Lunationum: is idem vero in Latinorum cyclo annus V & XVI existit, atque non nisi communis est, sive XII Lunationum. Latini igitur in Martio, Alexandrini in Aprili, ferias Paschales peragebant. Pariter cum Alexandrini decernerent Lunam XV pro die Paschali haberi posse, Latini vero, tum veteres tum etiam Victorinum secuti, non nisi Lunam XVI admitterent, ne scilicet memoriam Passionis ante Lunam XIV, qua O. M. Salvator passus sit, recolere cogantur; hinc quoties Luna XIV incidebat in diem Saturni, toties Alexandrinis Luna XV Paschati sacra erat, Latini vero illud ad Lunam XXII differebant, & sic octiduo a se mutuo distabant. Sic extremi limites paschales erant, Latinis veteribus, XX vel XXI Martii & (excepto forsan dicto casu) XXIII Aprilis, Alexandrinis XXII Martii & XXV Aprilis, Victorino XXII Martii & XXIV Aprilis. Subinde ergo sacrorum ordo turbabatur quoties talis accidebat casus, in quo diversa principia secuti a se invicem discedere cogebantur. Ceu hæc omnia & plura alia, ex comparatione horum cyclorum, & iis quæ in Prologis continentur, cuilibet manifesta sunt. Exempla speci-

specialia videri possunt apud *Petavium de Doctrin. Temp.*
por. lib. II. c. LXV.

Tametsi vero dissensus in orbe Christiano, quoad
solennitates Paschales, tandem esset sublatas, dum præ-
dominabatur novus cyclus Paschalis, a Dionysio Exi-
guo, Abbate Romano, ad mentem Alexandrinorum
constructus, & in calculo sacro, ad nostra usque tem-
pora, nulla quidem lege publica, communi tamen ve-
lut consensu, pro norma adhibitus: tamen ne tunc qui-
dem finis erat errorum, quos computus cyclicus con-
tra Concilii Nicæni intentionem peperit. Quamquam
enim primis temporibus is cyclus in prædictione Pleni-
luniorum Paschalium cœlo utcunque responderet, no-
stra tamen ætate vitia ejus adeo enormia evasere, ut
ejus ductum secuti nunquam nisi casu Pascha rite cele-
brarint, ob duplex falsum, quo nititur, fundamentum.
Supponebat enim primo Dionysius cum Metone, Pha-
ses Lunæ post XIX annos quoslibet in pristinum cadere
diem horamque, cum tamen intra CCCIV annos Ju-
lianos integro die priores sedes anticipent, adeoque
hodie, elapsis MCLXXX annis ex quo cyclum suum
Dionysius confecit, Paschales Termini integris diebus
tribus cum duabus partibus tertiis antevertant sedes
in illius cyclo ipsis assignatas. Quoties igitur Plenilu-
nium Paschale revera quintam, sextam aut septimam
feriam occupabat, toties Pascha octiduo tardius quam
debebat, peragebatur, quia erroneus cyclus in his ca-
sibus Plenilunia Paschalia in sequentem conjicit septi-
manam. Gratis porro supponebat, æquinoctium ver-
num cum XXI Martii, quem tempore concilii Nicæni
occupavit, perpetuo connexum, ut Synodi decretis sa-
tisfactoris nullum Plenilunium, quod hunc terminum

præcedit, in Paschale rite ordinando attendere liceat; cum tamen olim non magis quam hodie Æquinoctium intra unius diei limites coercere fuerit possibile; nec probari queat a Synodo hunc diem æquinoctio dictum, utpote quæ, ceu supra audivimus, omnem computi curam in Episcopum Alexandrinum coniecit, & in hoc negotio magna moderatione est usa, referente *Athanasio loc. cit.* Sique Dionysius non supponere sed observare potuisset, aut voluisset, nulla equidem difficultate advertisset, quod nec sua ætate æquinoctium in laudata die constitisset. Neque se solari potest exemplo Theophili & Cyrilli, qui eundem diem æquinoctio dedere. Neque enim hoc ex decreto Concilii fecere, sed quod ad cyclos condendos inviti, ut supra dictum, adacti, non potuerint non certum diem quem tamen posteris velut perpetuum haud obtruserunt, æquinoctio tribuere. Successu vero temporis vitium hoc adeo excrevit, propter quantitatem anni Iuliani iusto maiorem, ut hodie frequentissime sit in nono Martii die, stylo Iuliano. Inde autem ingens denuo error in computum Ecclesiasticum irrepsit. Quoties enim plenilunium intra nonum atque vigesimum primum Martii cecidit, illud, etsi omnium consensu Paschale esset, negligere, & Pascha in impurorum sive secundo mense, adeoque quatuor immo quinque septimanis serius quam decebat, non sine opprobrio Ecclesiæ Christianæ, contra propria principia, celebrare cogebamur. Erantque bini hi errores nostra memoria adeo frequentes, ut qui hoc seculo cyclum Dionysianum adhibent, intra illud plus quam LX vicibus circa Pascha sint peccaturi.

Equidem Gregorius XIII Pontifex magno animo, sed

sed infelici successu, huic malo medelam adhibere conabatur. Operosissimus enim, quem ingenti sumtu & labore in locum Dionysiani substitui curavit, cyclus Epactarum, plura quam iste, etsi minus frequentia, continet vitia. Vt enim ille non nisi tribus laborat erroribus, quod nempe ejus præscriptum secuti saepe una, quatuor, aut quinque septimanis serius quam debebant, Paschales agant ferias; ita ex adverso Hyperaspistes Calendarii Gregoriani *Christophorus Clavius, in ejus Apologia, & defensione Possevinus contra Mastlinum pag. 121.* veritatis vi convictus, ingenuam hanc de navis Computi Gregoriani edidit confessionem: *Primo Equinoctium, per æquationem in Calendario præscriptam, non retinetur in die XXI Martii, ad quem revocatum est, sed ab eo libere in utramque partem evagatur usque ad diem XIX & XXIV, quamquam ad XXI diem interim redeat. Deinde Novilunia per Epactas serius, quam oportet, monstrantur, ac proinde contingere potest, etsi raro, ut Pascha in quartam lunaris mensis hebdomadam rejiciatur. Tertiò Pascha nonnunquam ex primo mense in secundum, vel in duodecimum, transfertur, licet raro etiam id fiat, nimirum quando Luna XIV Paschalis diem XXI Martii antecedit, subsequitur autem diem, quo æquinoctium contingit, vel in eundem incidit, si forte æquinoctium verum ante diem XXI accadat: vel quando diem XXI Martii insequitur, Luna vero XIV Paschalis idem æquinoctium anteverit, dummodo ante diem XXI non reperiatur. Quartò Pascha dies ægetur interdum, etsi rarissime, in ipsa Luna XIV, ante Plenilunium, sive Lunam XV. En faraginem errorum! Erit, etsi raro, quando Pontificii cum Quartadecimanis & Judæis in Paschate concurrent, quod antiquæ Ecclesiæ adeo exosum erat, ut Victor I*

ob id unum Aſiatas anathemate dignos cenſuerit; erit quando Paſcha in menſe duodecimo, adeoque in uno anno bis, in altero prorsus non, celebrabunt, quod Conſtantine M. Judæis, in Epiſtola ſupra citata, velut indicium ſtuporis & abſurdum ingens exprobravit; erit quando ferias Paſchales inſtituent in menſe impurorum, ſive ſecundo; erit denique quando idem præſtituri ſunt in ultima quadratura.

Et in omnes hos errores incurrant equidem præter intentionem, non tamen inſcii, nec quod per naturam rei, aut induſtriã humanã, declinari nequeant; ſed unice ob vitium computi. Neque ipſe Clavius quicquam excuſationis loco afferre potuit, quam quod in nullo Calendario, per cyclos & regulas captu faciles & uniformes inſtituto, hæc talia evitari queant. Quod utut omnino verum ſit, quia omnis ejusmodi cyclos ſolum medium motum, & hunc quoque obiter ſaltem, (horarum enim & minutorum conſideratio hic exulat) ſequitur, & ideo neceſſario aliquos errores parit; non tamen putarim hinc inferri poſſe, quod Clavius infert, quandam ſcil. peccandi neceſſitatem ita nobis imponi, nec pro errore haberi debere, quod hac ratione eſt inævitabile, ſufficere quod non temere & deſtinato conſilio Paſcha decernatur tempore prohibito, plus non deſiderare Eccleſiam.

Neque enim tanta hodie eſt neceſſitas computi Cyclici; & quæ olim pro illo militabant rationes, nunc evanere penitus. Nationes Europææ noſtræ ætate certatim in culturam Mathæſeos incumbunt, nec unquam deſunt, qui exemplum Johannis Regiomontani, ſcientiarum mathematicarum reſtauratoris, ſecuti, Ephemerides plurium annorum juxta præſtantiffimorum

rum astronomorum præcepta in antecessum condunt, & in illis omnium Planetarum motum, Novilunia, Plenilunia, Æquinoctia vera, tanta *discrepantia* indicant, quanta pro tempore in vires humanas cadit. Siquæ metuedum, ne aliquando desint, qui amore boni publici sponte hunc laborem in se suscipiant, aut ne levicula aliqua discrepantia, in tempore e. g. Pleniluniorum & Æquinoctiorum determinando, occurrat inter plures calculatores, diversarum Tabularum Astronomicarum fidem secutos; utrique tamen periculo facile obviam iri posset, si uni alterive e viris doctis huic labori paribus, quos omnes Europæ regiones hodie per Dei gratiam alunt, auctoritate publica hæc provincia demandaretur, illisque certæ præscriberentur Tabulæ, quæ, iudicio plurium in arte observandi exercitissimorum, hætenus pro optimis habentur. Hi autem posthæc longe commodius, juxta Æquinoctia & Plenilunia in Ephemeridibus jam accuratissime expressa, Passcha, & reliquorum Festorum sacrorum seriem inibi significabunt, quam hucusque poterant, quia novo & inani labore consulere & sequi cogebantur cyclos, qui tamen in hoc negotio a calculo astronomico & Ephemeridibus nunquam abeunt, aut abire possunt, nisi ubi errant. Uti vero utilisissimus hic laudatissimorum astronomorum labor in sufficienti copia, exiguo pretio, & tempore desiderato, typographorum & bibliopolarum subsidio, haberi potest; ita horum candorem & auctoritatem integra agmina Calendariographorum unice sequuntur, utpote qui ordinariæ Ephemerides, in quantum ad ipsorum scopum faciunt, annuatim fideliter exscribunt, & vix centesimus eorum de cyclo, qualiscunque sit, cogitat, utpote quem ab Ephemeridographo jam consultum confidit. Tot horrea porro

Calendariorum, quæ anno quovis typis impressa in omnibus Europæ angulis vilissimo pretio venalia præstant, & omnium teruntur manibus, doctis atque indoctis, Clericis & Laicis, pro norma inserviunt, quoties de Paschate, Evangeliiis Dominicalibus, aut reliquis Festis, oritur quæstio, nec quisquam curat cyclos.

Cum vero, juxta ea quæ supra diximus, cyclicus computus olim hac unice de causa placuerit, ut, quia ob typographiæ carentiam mature in omnium notitiâ devenire haud poterant, quæ Episcopus Alexandrinus de Paschate decrevit, Parochi, calculi astronomici imperiti, simplici & compendiosa ratione, proprio Marte, cyclorum ope, tempus Paschale, una cum ordine sacrorum publicorum inde pendentium, indagare, & sic harmoniam, quoad cultum Dei publicum, in Ecclesia servare queant; hodie vero, ceu ostensum, promiscue omnes hoc negligant, quia longe faciliori opera, ex nuda Calendariorum inspectione, hæc omnia cognoscunt, & ex mille Pastoribus, de fide Calendariographorum securis, ne unus quidem cyclos consulat, aut sibi consulendos credat, aut etiam quomodo id fieri debeat intelligat, Laicos autem tanto minus ejus rei cura tangat, quod partes officii eorum non concernat: manifestum est, primum quem cycli habere debebant usum, ipso facto oblitteratum esse. Is unus fere, cui servire possunt, superest scopus, si quis scilicet curiositate aut quacunque alia ratione ductus, scire velit, quando, post aut ante aliquot seculorum decursum, Pascha juxta hunc illumve cyclum celebratum sit, aut celebrari debeat; quem finem iis qui jam præstant cyclis nihilominus obtinere liceret, si vel maxime usus eorum in re Ecclesiastica abrogaretur.

Ut adeo oleum & operam perdidisse bonam partem

tem censendi sint, qui hodiernum novis cyclis in usum Ecclesiæ condendis, aut veteribus emendandis, infundant: Qui enim illos serio evolvit solus fere est Ephemeridographus, qui tamen illis minime omnium opus habet, quia ex ipsis quas confecit Ephemeridibus genuinum tempus Paschale accuratius longe perspectum habet, quam ex ullo unquam cyclo addiscere potest; & hoc eo potissimum sine præstat, ut intelligat, num forte propter cycli publice recepti errorem, ipsi etiam invito imposita sit necessitas errandi, & aliud Paschati assignandi tempus, quam juxta siderum cursum, primæque Ecclesiæ mentem debebat. Reliqui tunc ad illos recurrunt, si Ephemerides non sunt ad manus, aut quando de annis agitur, ad quos se calendaria vel ephemerides non extendunt, qui tamen usus tanto labori vix satis respondere videtur. Conferatur *B. Weigelii Specul. Tempor. Civil. part. II. Cap. VI.*

Hæc perpendentes Imperii Romano - Germanici Status Evangelici, cum sub finem sæculi superioris de Reformatione Calendarii instituerent consultationes, non solum Dionysianum, tot erroribus scatentem, sed & Gregorianum cyclum, ipsorum sectatorum confessione pariter vitiosum, rejecerunt. Et quanquam plures offerrentur alii, diversis principiis nixi, ipsæ tamen laudes, quibus cyclos discrepantes onerabant singulorum auctores, inter alia effecere, ut, sapientissimo consilio, omnium cyclorum matrem, filiabus suis absque dubio multis modis perfectiorem, h. e. calculum astronomicum, in computo ecclesiastico adhibendum edicerent. Quo pacto etiam illud consequebantur, ut ipsorum computus a Gregoriano essentia differret, & tamen cum hoc in Fæstorum coordinatione prorsus

consentiret, exceptis solum iis casibus rarioribus, in quibus, juxta superius dicta, in Concilii Nicæni præcepta impingeret, qui tamen ne post hæc accidant, ipsimet Pontificii jam consilia ineunt.

Equidem posset alicui videri parum referre, si quis uno alterove casu in determinando tempore Paschali aberret, cum apud Protestantes saltem tanta non sit Concilii Nicæni auctoritas, ut ab ejus placitis, in negotio fidem & salutem non concernente, absque hæresos crimine recedere non liceat. Atque hinc etiam vix operæ pretium existimari posset, ut calculum astronomicum difficiliorem, præ cyclico faciliiori & ad plurimum captum accommodato, adeo urgeamus, cum cycli rite confecti, si post plurium seculorum delapsum aliqua medela, velut in superfluum, adhibeatur, non nisi raro in Synodi decreta impingant, & insuper status Reipublicæ non patiatur ut in peragendo Paschate horæ & minuta attendantur, adeoque frustraneum sit Æquinoctii & Plenilunii tempus scrupulosius inquirere. Quin Deus ipse tantam *ἀκρίβειαν* a Judæis non est censendus exegisse, quando voluit, ut Luna XIV mactetur agnus Paschalis. Ut enim taceam irregularem admodum Judæorum rationem Novilunia, aut primam Lunæ phasim, observandi, vi cujus non raro in Luna XIV aut Plenilunio aberratum uno alterove die, quod quis forsan ipsorum ignorantia rei astronomicæ haud immerito adscripserit; ipsa mensum Lunarium conditio non permittit, ut decimus quartus eorum dies semper cum Plenilunio tam exacte coincidat, quia in vita civili necessario alii cavi, alii pleni sunt, & sic eorum initium nunc antevertit nunc sequitur Novilunium, aut, si illud a prima phase repetere cum antiquis Judæis liceat, saltem

tem non semper æqualiter a Novilunio distare potest, a quo tamen Plenilunium, ex motu medio æstimatum, æqualiter abest. Forsan etiam consultius esset ut Ecclesia Christiana, libertate sua usa, Paschati & reliquis illud statuto ordine concomitantibus Festis, non minus quam Nativitatis, Epiphaniarum, Incarnationis & similibus Festis aliis, fixam assignet sedem, & sic perpetuis de Paschate rite celebrando litigiis imponat finem.

Enim vero, etsi quis facile concefferit, Ecclesiam sine peccato a genuino die Paschali, sive errore sive consilio nonnunquam recedere posse; nemo tamen temere negaverit, ingenti opprobrio eidem fore, si universa Ecclesia, contra propria decreta, magna animi contentione sancita, quæque a suis membris non sine anathematis comminatione servata vult, propter unius homuncionis, qui cyclum erroneum ipsius decretis adversum, & si vitium primo statim patuisset, ab illa nunquam approbandum, consuit, ignorantiam vel oscitantiam, invita & tamen sciens impingat, ubi illud nullo prorsus labore declinare licet. Levitatis certe notam & risum eorum qui ipsi male cupiunt vix effugiet, cum non deceat præcipuam, maximam & sapientissimam orbis terrarum societatem quicquam tam severe statuere, quod exacte servare aut non velit, aut non possit. Toties exaggeratam difficultatem calculi astronomici, is unus experitur, qui Ephemeridibus elaborandis suam impendit operam; cui tamen prorsus est contemnenda, utpote qui non solius Lunæ ac Solis, sed omnium Planetarum loca, non ad unum diem, sed ad plurimum annorum dies singulos, definire novit. Reliqui vero ex his multo commodius quam

ex ullo unquam cyclo addiscunt tempus Paschale, cum, ut supra dictum, ad hoc alia re opus non sit, quam ut quis legere, & unitates, aut ad summum decades, numerare valeat. Quod si autem quem tantum incessit desiderium etiam in futurum præsciendi legitimum diem Paschalem, eum quoque non pigebit sibi in tantum saltem familiarem reddere calculum astronomicum, quantum ad hunc scopum sufficit. Neque vero tanta est illa difficultas ac vulgo fingitur, utpote quam artis peritus intra unius fere horæ spatium superarit. Certum est, in Paschate celebrando dies unice observari posse. At dies legitime præscribi aliquando nequeunt, nisi etiam hora æquinoctii & plenilunii Paschalis perspecta sit, præsertim si hoc cum illo in eundem diem, aut in confinia diei Saturni & Solis, incidit. Et si hoc non sit, satius saltem est siderum cursum & quæ inde pendent, accurate quam confuse nosse, si quidem utrumque sine magno labore ac sumtu obtinere licet. Nec patet cur quis ignorantia aut pigritia patrocinium suscipere, & pro illa in reipublicæ usum introducenda argumenta congerere malit, imprimis cum hic non de unius hominis privati, sed de præcipuæ partis generis humani gloria agatur. Integrum nihilominus cui libet curiositate ducto erit, tempus Paschale, quoties libet, ope cycli determinare, modo talis cyclus non obtrudatur pro norma Reipublicæ & Ecclesiæ.

Negari equidem nequit Deum a Judæis aliud non desiderasse, quam ut die xiv mensis Nisan mactent agnum Paschalem; a quo autem termino quomodoque hunc mensem inchoare velint, ipsorum reliquisse arbitrio. Neque enim Deo placuit homines docere motum siderum, quem ideo regularem & constantem red-

reddidit, hominemque ratione & sufficientibus instruxit mediis, ut propria industria sapientiam Numinis, ex ejus operibus quam maxime elucetentem, indageret, & tanto majorem hinc voluptatem capiat. Et frustra forsitan rigorem calculi astronomici injunxisset genti, quæ, in dira illa tot annorum servitute, lateribus coquendis potius quam astronomiæ invigilavit, & ideo mandata divina exequi haud potuisset; præsertim cum scopo solennitatis paschalis, qui erat memoria redemptionis ex servitute Ægyptiaca, hinc decesserit nihil, & ideo absque indignatione Numinis aliqualem errorem in mensis initio figendo valuerint committere. Hoc tamen non obstante dubio caret, in gentis celeberrimæ ignominiam haud vulgarem cedere, quod non solum sub primam Paschatis institutionem, sed etiam post plurium seculorum decursum, & usque ad desolationem Reipublicæ ipsorum, rerum astronomicarum adeo rudēs fuerint, ut, si quidem Maimonidi aliisque fides adhibenda, initium mensis ne in unum quidem diem certo præscire potuerint, sed, pro illo determinando, Synedrium magnum tempore Novilunii per integram expectarit diem, donec præmiis & convivio inducti testes adveniebant & significabant, primam Lunæ phasim ipsis visam, post quorum sollicitum examen demum pronunciarit, *initiatuſ esſo*, misisſis-que cursoribus, aut ignibus per montes eminentiores accensis, id indicarit reliquis extra Hierosolymas degentibus, & tamen in operosa adeo molestaque inquisitione primæ phasis non raro, ob genunorum testium defectum aut moram, integro die aberrarit.

Quamquam denique omnino in arbitrio Ecclesiæ
posi-

positum sit quid de Paschate velit decernere, & sine dubio innumeris collisionibus & inanibus rixis ansa fuisset præcisa, si primum statim, more in tot aliis festis recepto, fixum diem his sacris adjudicasset. Quia tamen semel contrarium placuit, nec, ut totus orbis Christianus nunc aliud decernat, ulla sit spes, non jam in libertate Ecclesiæ particularis positum sancita majorum, nullam iniquitatem continentia, sine necessitate aliqua mutare. Imprimis in Germania nostra, ubi Romanorum & Protestantium sacris addicti frequenter eandem incolunt urbem, & in Comitibus reliquisque Imperii Collegiis conveniunt, prudentia politica, & periculum extremæ confusionis inde sine ulla causa excitandæ, obstant, quo minus de his talibus cogitare licet.

His ita confectis, superest ut expendamus, num etiam optima & tutissima via investigandi æquinoctia, plenilunia, & consequenter tempus Paschale, id impetrare liceat, ut nunquam eodem cum Judæis die celebremus Pascha, ex adverso autem universa Ecclesia Christiana, per totum terrarum orbem dispersa, hæc sacra uno eodemque peragat die, quod utrumque Concilium Nicænum, juxta ea quæ in Constantini M. epistolis continentur, primario intendisse videtur. Majores autem hic difficultates occurrunt, præsertim qua posterius, quam quisquam primo intuitu crediderit. Quod prius attinet, non equidem commemorabo, si Judæi juxta institutionem divinam ab ipso Plenilunio, sive vespera Lunæ XIV, solennitates Paschales auspicantur, & insequentes septem dies continuos his sacris impendunt, evitari non posse quin nostrum Pascha, cum Dominica Lunam XIV proxime excipiente connexum, aliquos

aliquos saltem ex ultimis diebus attingat, in quamcun-
que demum feriam Luna XIV cadat. Hoc enim men-
ti Concilii Nicæni non adversum esse, perpetua Eccle-
siæ Christianæ praxis, ipsaque natura decreti, facile e-
vincunt. Imo *Beda de Rat. Temp. cap. LIX.* contra
Latinos disputans, inter misérias eorum refert, quod
aliquando in nullum ex diebus a lege divina præscrip-
tis, ipsorum Pascha cadat. *Qui dominicum Pascha di-*
em, ait, a decima sexta luna usque ad vigesimam secun-
dam celebrandum æstimant, duplici miseria laborant,
quia & legitimum Pascha principium nunquam habent,
& crebro evenit, ut nullum dierum, qui in lege præscripti
sunt, in sua Paschali observatione consequuntur. Nec
urgebo supra recensitum irregularem nimis Judæorum
modum observandi Neomenias, quo lapsus unius diei
erat facilis, & sic ipsorum Pascha per errorem cum no-
stro legitime celebrato coincidere poterat; is enim du-
dum obsolevit. Potius igitur dispiciemus de illo, quo
hodie utuntur, computo. Hic vero a Rabbi Hillele
circa annum Christi CCCXLIV, ut volunt, introdu-
ctus, equidem motum Lunæ medium tanta sollicitudi-
ne sequitur, ut præter diem, etiam hora & minutum,
in quo Novilunium accidere debet, indicetur: hoc
tamen non obstante non possunt effugere, quo minus
Luna XIV nonnunquam a Plenilunio vero distet uno
alterove die, & sic erroneum terminum Paschalem ip-
sis suppeditet; accedentibus præsertim consuetudini-
bus & traditionibus supersticiosi. Præterquam enim
quod principium mensis nunquam cum momento
Novilunii sit connexum, sed illud semper majori mi-
norive intervallo præcedat aut sequatur, juxta ea quæ
supra monuimus, insuper tritum est inter ipsos axioma,

nunquam Tisri in **אדר** *adu* incipere, h. e. cum hæ tres literæ 1. 4. 6. denotent, Neomeniam Tisri nunquam in prima, quarta, aut sexta feria celebrari posse. Quoties ergo, vi calculi Judaici, in has ferias Neomenia cadit, transfertur initium mensis in feriam proxime sequentem. Pariter quoties Neomenia Tisri juxta calculum ipsorum accidit post horam 18. a præcedentis diei vespera computatam, h. e. post meridiem feriæ cujuscunque, aut (in anno quidem communi) post horam 9. *helakim* 204. (qualia una hora 1080. capit) feriæ 3. aut denique post horam 15. *helak.* 589. feriæ 2. anni post Embolismum proximi, itidem transfertur in feriam sequentem, diciturque in primo casu hoc fieri propter **יה** *Jah*, in secundo propter **בטרד** *Gatrad*, in tertio propter **בטו תקפט** *Batu tbakpat*; illos enim numeros prædictæ literæ notant. Imo fieri potest, ut, duplici ejusmodi regula concurrente, auspiciū mensis integro biduo retardandum sit. Si enim contingit e. g. Lunam fieri novam post meridiem feriæ 7. initium mensis propter **יה** in feriam 1, & hinc propter **אדר** in feriam 2. erit rejiciendum. Similiter si Novilunium eveniat in anno communi feria 3. post horam 9. *helak.* 204. transibit exordium mensis propter **בטרד** in feriam 4. & hinc propter **אדר** in feriam 5. Vid. *Maimonides loc. cit. cap. VII.*

Quibus hac ratione positis, haud ægre judicium ferri potest de ipsorum Paschate. Etenim inter Neomeniam Tisri, & cujus sedes ab illa pendet, Neomeniam Nisan anni illorum præcedentis, constanti lege intercedunt, juxta ipsorum computum, 177 dies, sive 25 Septimanæ & 2 feriæ. Proinde in serie feriarum, sive dierum septimanarum, ita sibi mutuo respondent.

Tisri

{	Tisri	2	3	5	7
{	Nisan	7	1	3	5

h. e. Neomenia Tisri in feria 2 existente, Neomenia Nisanprehendetur in 7. illa in feriam 3. incidente, hæc occupabit feriam 1. &c. Et quia Tisri nunquam incipit in ארבעה, sive 1. 4. & 6. feria, etiam principium Nisan nunquam connexum est cum בראדו sive feria 2. 4. & 6. quos hinc dies etiam in Tabula omisimus. Atqui quam feriam tenet Neomenia Nisan, seu Luna 1. in eadem necessario etiam reperitur Luna XV, h. e. dies primus Azymorum, quem hodie, postquam apud Judæos exules agnus Paschalis mactari desiit, ipsoꝝum Pascha κατ' ἐξοχὴν vocant. Quoties igitur Neomenia Tisri, secundum ipsoꝝum calculum, sive revera sive falso in feriam 3, & consequenter Luna XV Nisan anni præcedentis in feriam 1. conjicitur, Plenilunium Paschale autem reapse in feria 7. aut 6 consistit; toties nostrum Pascha cum ipsoꝝum Paschate hodierno prorsus coincidit, quod decretis Concilii Nicæni prima fronte prorsus videtur adversum.

Enimvero non existimandum est eam mentem fuisse Concilio Nicæno quod primus dies Paschalis Christianoꝝum cum primo die azymorum Judæoꝝum nunquam concurrere debeat. Ipsius enim decretum primario feriebat Quartadecimanos. Tales autem dicebantur non qui Luna XV. seu die primo Azymorum, sed qui Pascha celebrabant Luna XIV, qua Judæi veteres in Palæstina inter duas vespervas, quarum prima, ex ipsoꝝum interpretatione, a dimidia circiter pomeridiana, altera a tertia cum dimidia incipiebat, agnum mactabant & sic Pascha ex præscripto divino peragebant. Vnde Alexandrini, penes quos erat ex-

cutio decreti Nicani, primis statim annis statuerunt, & contra Latinos defenderunt, Luna XIV in diem Saturni cadente, omnino Lunam XV. adeoque diem primum azymorum, deberi Paschati Christianorum. Imo si, Plenilunio in feriam 7 incidente, Judæi per errorem Lunam XIV collocarent in feriam 1. nihil obstarret quo minus hæc erronea Luna XIV Paschati Christianorum sacra esset. Neque enim error Judæorum efficere debet ut nos deseramus veritatem & genuinum tempus Paschale. Sicuti parum curamus si isti, ob vitiosam Tecupham, seu cardinem veris, quam in XXVI Martii st. v. hodie collocant, aliasve ob causas apud Maimonidem loc. cit. videndas, & ab illis saltem qui Judæam hodiernum incolunt observandas, frequenter secundo demum mense, adeoque tribus quatuorve septimanis tardius quam nos, Pascha peragant, velut anno primo & quarto hujus seculi factum, & posthac sæpius continget. Neque enim ipsorum computus, quem per nos licet bene maleve instituant, ut libet, sed potius tempus Paschale ipsis divinitus præscriptum, apud nos normæ locum habet, ceu supra fusc expositum.

Attamen, quod mirum, licet Judæi, tempus Paschale determinaturi, in excessu & defectu peccare queant, nunquam tamen fieri potest ut nostrum Pascha coincidat cum ipsorum Luna XIV Mensis Nisan. Quod si enim Luna XV. seu primus dies paschalis, apud ipsos nunquam cadit in feriam secundam, ceu supra audivimus, etiam Luna XIV nunquam connectetur cum feria I. sive die dominica, qua sola Christianis solennia paschalia instituere licet; ut adeo, si non tam plenilunium ab æquinoctio verno proximum, tan-

quam

quam terminus Judæis divinitus præscriptus, quam Luna XIV prout ab ipsis computari solet, declinandum esset, omni hodie cura supersedere possumus, cum ne quidem a vitiosissimo Christianorum cyclo, multo minus a calculo astronomico metuendum sit, ne unquam Pascha nostrum transferat in Judæorum Lunam XIV mensis Nisan. Cujus rei causam forsitan non injuria conjeceris in ferale illud odium quo Christianos persequuntur. Cum enim non ignorent, feriam primam Christianis sacram esse in memoriam resurrectionis Christi, quem illi in æternum sepultum malent, hunc illis execrabilem diem primario suo festo dicatum nolunt. Ex quo fonte etiam deducendum videtur quod nunquam permittunt ut ipsorum Luna XIV paschalis in feriam quintam & sic primus azymorum in sextam cadat, quod hi dies ob passionis memoriam Christianis sint sacrosancti.

Sicut autem hac ratione, propter superstitiones Judæorum, fieri nequit, ut ipsorum Luna XIV Nisan & nostra dies dominica sive Pascha, in uno eodemque loco unquam coincident; ita si non unius, sed diversarum provinciarum longissime distitarum incolas spectemus, res hac reddetur difficilior. Cumque hac occasione ad ultimum accedamus quod dicendum superest, quo sc. pacto Christiani quoque per totum terrarum orbem dispersi, uno eodemque die sacra paschalia celebrare queant, illud hoc loco paulo plenius exponendum erit.

Huc autem redit totum negotium. Cum Sol diurno motu ab ortu in occasum progressus intra 24 horas integrum absolvat circulum, & sic vigesimam quartam ejus partem intra unam horam; dividatur totus coeli

ambitus, ductis ex utroque Polo Meridianis, in 24 partes æquales, similique prorsus ratione globus terrestris & concipiantur Meridiani terrestres cœlestibus perpendiculariter subjecti, ceu factum in schemate, in quo J. Japan, P. Pekinga, L. Luconia; H. Hierosolymæ, O. Olisipo, M. Mexico &c. est. Cum nunc Sol in circuitu, ab ortu in occasum procedendo, unum meridianum post alterum transcat, meridies autem sit, ubi Sol meridianum attingit; sponte sua hinc sequitur, populos orientales citius meridiem & reliquas horas ab hoc termino numeratas, habituros, quam occidentales, ita quidem ut, si e. g. in Japania est meridies; Hierosolymis demum quinta, Lisabonæ prima matutina ejusdem, in urbe Mexico autem sexta pomeridianapæcedentis diei existat. Cum vero a media nocte aut meridie, ortu item aut occasu Solis, principium dierum petant omnes gentes, hoc principium quoque non erit idem apud diversas gentes, a se mutuo in ortum & occasum longius distantes.

Inde vero sequentia fluunt insignia confectaria (1) Fieri non posse ut intra 24 horas totus orbis Christianus Pascha aut ullum aliud festum celebret, sed biduum singulis dandum, si totam spectes terram. Eac enim diem dominicam cœpisse jam in Japonia a media nocte, idem Lisabonæ post undecim, in urbe Mexico post octodecim, & in locis Japoniæ versus ortum vicinioribus, e. g. terra Jesdo, post viginti tres horas demum fiet, ceu ex nuda inspectione figuræ & numeratione meridianorum inter Japoniam & datum locum interceptorum, ad oculum patet. Si ergo singulæ gentes 24 horas a proprio termino numeratas diei dominicæ tribuunt, conficient illæ omnino integrum,
ab



nica, his, erit dies 6. luna, luna sol eodem momento
oriatur utrisque; atque hinc, si Pascha fuerit celebran-
dum, illi necessario istud uno die citius præstabunt
quam hi. Cumque ingens numerus Hispanorum sit
in insulis Philippinis, qui omnes per occasum eo sunt
dela.

20 X 100 X 50

100 p. 100



ab uno eodemque termino, v. g. meridiano Japonico, computatum biduum.

(2) In uno eodemque terræ tractu duas quasque ferias e. g. diem Saturni & Solis coincidere posse, & sic unius regionis, imo urbis, incolas per conscientiam adstrictos esse, ut eadem sacra unus hoc, alter sequente demum die, peragat, nisi alteruter pacis gratia de legitima dierum numeratione sponte cedere malit. Ponamus enim, quod frequentissime fieri solet, Lusitanum Caput Bonæ Spei versus ortum prætervectum petere Pekingam, præcipuam Chinesium regiam; Hispanum ex adverso in oppositam plagam tendentem per Americam transire in Luconiam, e Philippinis Insulis unam, sub eodem Meridiano cum laudata urbe sitam. Priores isti Soli obviam facti ejus ortum quotidie accelerant, & ad locum destinatum delati, decem horis antevertunt initium diei Lusitanicum; hi solem quasi fugientes, ejusdem ortum diem magis magisque retardant, ac denique ad insulas Philippinas appulsi, quatuordecim horis serius quam incolæ Hispaniæ diem auspicantur. Supponamus itaque in Hispania aut Lusitania cœpisse diem dominicam, necessum est illam apud Pekingenses jam ante 10 horas inchoatam, & apud Philippinos post 14 horas demum inchoatum iri. Ejusdem ergo diei principium apud Lusitanos Pekingenses, & Hispanos Philippinos distabit præcise 24 horis. Quare quæ illis est dies dominica, his erit dies Saturni, utut Sol eodem momento oriatur utrisque; atque hinc, si Pascha fuerit celebrandum, illi necessario istud uno die citius præstabunt quam hi. Cumque ingens numerus Hispanorum sit in insulis Philippinis, qui omnes per occasum eo sunt dela-

dalati, nec minor, imo multo major numerus Lusitanorum & Belgarum in China & vicinis Asia insulis, versus ortum eo profectorum; historia testatur hoc apud illos perpetuo obtinere, ut per totum annum in numeratione dierum & feriarum unitate differant. Nec dubium, idem fieri debere, inter ejusdem urbis Indiae orientalis incolas, si per oppositas vias ad illam pervenere. Imo si duo ex eodem portu, v. g. Gadum, navigio digressi contraria via, unus scilicet versus occasum alter versus ortum, totum terrarum orbem circumviverint, domum reversi, ille diem Saturni vocabit, qui huic dies Lunæ, & domi manentibus dies Solis audit, ex iisdem prorsus fundamentis, prout schema consulenti, & numeros illi adscriptos, qui horas, quas in itinere quis lucraturus aut deperditurus est, denotant, obvium erit.

(3) Si Chineses, hodie magno numero religionem Christianam amplexi, alique ex Europa in extremas Asiae regiones itinere orientali delati, Pascha ex praescripto Concilii Nicæni celebrant dominica proxima post plenilunium paschale, evitari aliquando non posse, quo minus id fiat, juxta Europæorum computandi rationem, in ipso Plenilunii die & Luna XIV Judæorum Europæorum. Si enim Plenilunium accadat die Sabbathi, e. g. hora ii matutina juxta meridianum Pekinensem, idem continget in Lusitania eodem die hora i matutina, quia 10 meridianis horariis distant, ceu ex schemate patet. Jure proinde hic dies Judæis erit Luna XIV mensis Nisan. Quod si nunc Sinenses Paschalem diem auspiciantur insequentem hora duodecima nocturna, fit hoc, juxta meridianum Lusitanum, hora secunda pomeridiana Sabbathi,

bathi, h. e. eo fere momento, quo Judæi Lusitaniam incolentes; si alias liceret, agnum Paschalem essent mactaturi; Sic ergo ipsorum Pascha cum Judæorum Luna XIV ipsoque Plenilunii die saltem usque ad vesperam concurret. Sique cogitemus Judæorum computum alligatum esse ad Meridianum Hierosolymitanum, eosque Lunam XIV, & consequenter etiam Pascha, in sequentem rejicere diem, quoties illa accidit post meridiem, eveniet hoc Chinesibus, quoties ipsis Paschale Plenilunium conspicitur inter horam sextam pomeridianam feriæ sextæ atque diem dominicam.

(4) Declinari hæcenus non posse, quin Christiani per totum terrarum orbem dispersi in solennitate Paschali aliquando integro octiduo a se mutuo recedant, aut saltem pars eorum in ipso Plenilunii die hæc sacra peragat. Eveniat enim Plenilunium die Sabbathi, e. g. hora quarta pomeridiana, juxta Meridianum Lusitanum; videbitur idem in China circa horam secundam matutinam diei dominicæ. Cum nunc Europæi, sequente mox die Pascha celebrare teneantur, aut Chineses & Indi horum calculum secuti idem præstabunt, sive, ut rectius loquamur, solennia Paschalia incipient a media nocte Plenilunium præcedente, & diem dominicam inchoante, & sic hoc facient, contra decretum Nicænum, cum Quartadecimanis ipso Plenilunii die; aut festum transferent in dominicam sequentem, & sic ab Europæis octiduo recedent, quod itidem Concilio Nicæno, jubenti ut omnes eodem die solennia Paschalia instituunt, est adversum.

Tot tantæque difficultates, quas peperit rotunditas

ditas terræ, nos admonent, omnino decretum Nicæanum de Paschate, a tota Ecclesia Christiana uno eodemque die, & quidem a Judæorum sacris diverso, celebrando, mitius interpretandum esse, ne cogamur admittere augustissimum confessum, impetui Romanorum cedentem, re non satis perspecta, nec cognita vel saltem considerata rotunditate terræ, aut quid futurum sit, si Ecclesia Christiana, quæ tunc adhuc angustioribus continebatur limitibus, successu temporis per totum diffunderetur terrarum orbem, statuisse *ἀποκατὰ* h. e. talia quæ seipsa tollunt, nec simul consistere possunt. Quanam autem sit illa mollior interpretatio, qua admissa tot scopuli prægrandes declinari queant, nunc porro videndum.

Quod igitur primum consuetudinem supra expositum atinet, cum scopus Concilii primarius fuerit tollere schisma in Ecclesia ex eo natum, quod in feria Paschali alii sequenter Judæorum morem, & sic quemlibet septimanæ diem in quem Luna XIV Nisan cadit, huic festo aptam crederent; alii vero Pascha diei Solis perpetuo vellent alligatum: statuendum omnino, Patres hoc unum voluisse, ut post hæc Christiani non promiscue in omnibus septimanæ diebus, sed unice in dominica, quæ immediate sequitur Plenilunium ab Æquinoctio verno proximum, celebrent Pascha. Quemadmodum vero nec postularunt, nec per naturam rei postulare potuerunt, ut illa dominica eodem momento in toto mundo incipiat, sed merito singulis gentibus integrum esse voluerunt, a quo principio dies suos derivare velint; ita nec menti eorum adversum censuram

sendum, si dominica illa non eodem momento in toto orbe desinat. Sufficit dominicam revera esse diem, quæ ubivis locorum his sacris impenditur, etsi per naturam rei evitari nequeat, quo minus ejus principium apud has gentes, cum ejusdem fine apud alias gentes vicinissimas, coincidat.

Quoad alterum, certum & exploratum videtur, primam Adami hominumque sedem fuisse in Asia parte citeriore, quæcunque illa tandem sit, indeque eos migrasse in orientem, ut extremas Asia oras illic habitatoribus replerent; sicut hodiernum Europæi quoque frequentius & ordinarie solent, nisi scopus aut necessitas aliqua contrarium exigat. Si qui ergo contra naturalem velut ordinem versus occasum progressi, & immensa terrarum oceanique spatia emensi, in illas regiones penetrant, ceu Hispani, insulas Philippinas adeuntes, solent: æquum est, ut pauci hi pluribus cedant, & illorum consuetudinem in serie dierum numeranda sequantur; uti qui contrario itinere totum peragrarunt terraqueum globum, reduces facti, ipso jure tenentur morem popularium qui patria non excessere observare, tametsi qui popularibus habetur dies dominica, uni sit dies saturni, alteri dies Lunæ, & neutri obijci queat, quod in ordine dierum numerando errorem commiserit. De Americanis equidem itidem admodum probabile est, magnum eorum numerum ab Asiatis per Japaniam & terram Jesdo transgressis, immediate traxisse originem. Quia tamen septimanarum apud illos distinctio nulla, æquum videtur, ut hujus novi orbis habitatores, obtemperent in hoc negotio statutis Europæorum, quorum tanta multitudo

a duobus retro seculis per oceanum Atlanticum in regiones has profecta, pristinas gentes subjugavit.

Tertiæ difficultati equidem facile consuleretur, si ab universa Ecclesia Christiana decerneretur, quoties Plenilunium juxta Meridianum Hierosolymitanum, ad quem calculus Judæorum est alligatus, incidit in diem Sabbathi, aut diem Jovis quidem, attamen ejusdem horas pomeridianas, Pascha a dominica proxima in sequentem esse transferendum, quemadmodum olim jam Ecclesia Romana negavit, Pascha unquam Luna XV peragi posse, ne alias memoria passionis ante Lunam XIV, qua tamen optimus maximus Salvator censetur mortuus, repetenda sit, sed, quoties Luna XIV in feria septima consistit, illud in Luna XXII recolendum esse, ceu supra exposuimus. Eninvero cum ibidem quoque annotatum, Ecclesiam Alexandrinam hoc ægre tulisse, quod solennitas paschalis aliquando instituat in Luna XXII post ultimam Quadraturam, & tandem totius orbis applausum retulisse; hoc pacto autem illud aliquando fieri deberet Luna XXIII. difficulter forsan hæc sententia hodie assensum esset meritura. Sed nec adeo necessarium videtur ut eo delabamur; satis enim est quod in uno eodemque loco Luna XIV Nisan rite computata & Pascha Christianorum non coincident, neque enim ulterius extendenda veteribus adeo abominata communio cum Judæis; satis quod ubivis Paschati Christianorum sacra sit dominica quæ sequitur plenilunium ab æquinoctio verno proximum. Sicut autem in Concilii Nicæni potestate non erat positum, efficere, ut quæ unis est dies dominica, aliis

illis non sit dies Sabbathi: ita nec existimandum illud obflare voluisse, quo minus gens qualibet secundum proprium dies computandi modum sua sacra adornet, aut prohibere, quo minus Christiani extremas Asiae orientalis oras incolentes, cum Judaeis adeo disitis, ut ne minimam quidem eorum notitiam habeant, in una alterave hora circa Pascha concurrant.

Quod ultimo urgebatur, maximi praeter ceteris est momenti. Neque enim negari potest, serio voluisse Patres Nicaeae congregatos, ne quis Christianorum, ubicunque degat, ipso die Plenilunii Judaeorum sacris dicato, Pascha celebret. Nec minus certum ipsorum decreto prorsus adversum esse, si aliqui Luna XIV. reliqui vero Luna XXI recolant memoriam resurrectionis Salvatoris nostri; ut enim uno eodemque die hoc fiat, mandarunt. Et tamen, juxta haecenus receptum computum Ecclesiasticum, alterutrum est inevitabile. Equidem hunc quoque notandum Gordium solvere liceret, si, antiquam Ecclesiam Latinam imitati, nunquam Luna XV, sed demum Luna XVI, perageremus Pascha, adeoque, quoties nobis extremas occidentis oras inhabitantibus Plenilunium caderet in Sabbathum, universa Ecclesia Christiana Pascha ad Lunam XXII transferret. Sic enim fieri non posset, ut Ecclesiae orientalis Pascha unquam incideret in diem Plenilunii, nec tamen opus haberet, ut ab occidentali ad octiduum recederet. Quod si tamen mos iste, ratione plausibili non destitutus, non placeret, optima evadendi via esset quam monstravit *B. Weigelius in Spec. Temp. Civ. Cap. IX.* Scilicet qui calculo astronomico indagaturi sunt in quam diem, horam ac minutum cadat Plenilunium paschale, necessario praesupponunt ali-

aliquem Meridianum ad quem Tabulæ astronomicæ sint alligatæ, e. g. Vraniburgicum, Parisinum, Romanum &c. neque enim hoc ubivis gentium eodem fieri posse momento, tum alias, tum etiam ex supra dictis, satis constat. Consultissimum ergo pro nostro scopo videretur talem eligere Meridianum, qui transiret per mare pacificum, medio fere loco inter Asiam & Americam, qui quidem, quot gradibus a Japonia, & meridiano ad quem hætenus Tabulæ astronomicæ sunt restrictæ, v. g. Vraniburgico, distet, pro arbitrio statui posset, ne, si ejus sedes est incerta, totus calculus fiat dubius.

Si enim momenta Æquinoctii & Plenilunii paschalis in usum Ecclesiasticum annuatim secundum hunc meridianum indicarentur, aut saltem iis qui præsent computo Ecclesiastico injungeretur, ut hunc sequerentur; tunc si Plenilunium illic accideret in fine Sabbathi, paucis ante diem dominicam minutis, (de quo, & quantum ab hoc termino distare debeat, auctoritate publica pro arbitrio definiri posset) tuto hæc ipsa dies dominica dicaretur Paschati, nec ullum esset periculum, ne forte alibi Plenilunium deprehendatur in die Solis. In regionibus enim, quæ hunc meridianum versus occasum excipiunt, Plenilunium istud multo citius evenit, ceu clarissime patescit ex schemate, in quo numeri meridianis adscripti, indicant, si in Japonia fuerit hora 12. sive nocturna sive diurna, quora eodem momento sit alibi, in regionibus versus occasum distantibus. Vnde facile judicium ferri potest, si assumatur meridianus inter Japoniam & Americam medius, eidemque vel eadem hæc, vel alia quævis hora adscribatur, quora eodem momento in regionibus occi-

cidentalioribus sit futura. Versus ortum horas a tali termino numerare non licet, nisi illas de sequente die velis intellectas, quia Christiani Americani ab Europæis originem ducentes, horum etiam consuetudinem in numeratione dierum septimanæ sequuntur. Ex adverso autem, si, respectu prædicti Meridiani primi, Plenilunium caderet in diem dominicam, omnibus Christianis per totum orbem dispersis in sequentem septimanam differendum esset, etiam si fieri possit, ut laudatum Plenilunium longius in occasum remotis observetur in Sabbatho. Quemadmodum enim hodie, si nobis Europæis Luna plena in die dominica conspicitur, absque dubio apud nos Luna XXI Paschati adjudicatur, idemque sit apud Americanos, etiam si idem Plenilunium illis contingat in Sabbatho; imo ut si Romæ Luna XIV in principium diei dominicæ cadit, non dubitant Pontificii, modo alias ipsorum cyclis non repugnet, Pascha differre in octiduum, etiam si in aliis Europæ ipsius partibus, e. g. Lisabonæ, idem accidat circa decimam nocturnam Sabbathi; quin & uti nobis etiam in consilium vocantibus calculum astronomicum in tali casu inevitabilis incumbit necessitas sequendi certum meridianum autoritate publica constituendum, quem omnes in hoc negotio respicere tenerentur, si vel maxime respectu aliorum locorum hominumque eandem nobiscum fidem profitentium aliud videatur decernendum: ita satius erit, si Chinensibus aliisque Christianis orientalibus Plenilunium in dominica die notatur, eorum sequi computum, quam permittere, ut illi in Plenilunio contra legem Pascha celebrent, aut integra septimana a nobis recedant.


Ceterum cum tot tantæque difficultates ex eo
proma

§§ XC §16. XC §16

promanarint, quod priscae Ecclesiae placuerit. Festum paschale reddere mobile, illudque equidem alligare termino Judaico divinitus praescripto, ea tamen lege, ut cum horum paschate nunquam coincidat; non immerito quis forsan cum B. Lutero in Tom. VII Jenensi optarit ut Principes Europaei illud unanimi consensu connectant cum certo die, quo probabilissime Christus e mortuis resurrexit, quemadmodum id cum Festo Nativitatis, Circumcisionis aliisque factum, ut tandem finis imponatur aeternis disidiis de Paschate rite celebrando, quibus hactenus Ecclesia Christiana est turbata. Cum vero hoc optare quidem, sperare autem non liceat, nec, eodem laudatissimo viro iudice, prudentiae leges permittant, ut hoc ab Ecclesia particulari suscipiatur, propter ingentes etiam in Rempublicam hinc redundantes turbas, omnium minime denique a Statibus Protestantibus Imperii Germanici hoc tentare liceat, nec plus spei superfit, ut ab universa Ecclesia Christiana totum hoc negotium committatur viris calculi astronomici peritis, qui in casibus dubiis, collatis consiliis, judicent quid pro re nata factu opus: maxima profecto laus redundaret in eminentissimos Protestantium Status Germaniae, si sapientissimum consilium de constituendo ejusmodi Collegio mathematico, eo ipso tempore quo emendatio Calendarii Ratisbonae decreta, serio agitatum, sed ingruente mox ferali hoc bello interruptum, DEO Germaniae halcyonia clementissime concedente, tandem executioni manderetur. Ita enim non solum omnibus dubiis quae in quibusdam casibus de Paschate rite celebrando occurrere possent, facillime satisfaceret, sed etiam incrementa artium et

nimium quantum promoverentur.

TANTVM.







~~J708~~
~~H199f~~

J708
H199f

lin mane



miser



rdia